



THEOT Psalms in IES77

Text taken from Accordance Module=Mahibere Hawariyat

Drafts 1-3 were prepared by the Addis Ababa Transcription Team, directed by Daniel Assefa; Draft 4, Ralph Lee

Psa. 1:1 ብፁዕ ብእሲ ዘኢሖረ በምክረ ረሲዓን። ወዘኢቆመ ውስተ ፍኖተ ኃጥኣን። ወዘኢነበረ ውስተ መንበረ መስተሣልቃን።

Psa. 1:2 ዘዳእሙ ሕገ እግዚአብሔር ሥምረቱ። ወዘሕጎ ያነብብ መዓልተ ወሌሊተ።

Psa. 1:3 ወይከውን ከመ ዕፅ እንተ ትክልት ኀበ ሙሓዘ ማይ። እንተ ትውህብ ፍሬሃ በበ ጊዜሃ። ወቈጽላኒ ኢይትነገፍ። ወኲሎ ዘገብረ ይፈጽም።

Psa. 1:4 ኣኮ ከመ ዝ ኃጥኣንስ ኣኮ ከመ ዝ። ዳእሙ ከመ መሬት ዘይግሕፎ ነፋስ እምገጸ ምድር።

Psa. 1:5 ወበእንተ ዝ ኢይትነሥኡ ረሲዓን እምደይን። ወኢ ኃጥኣን ውስተ ምክረ ጻድቃን።

Psa. 1:6 እስመ የአምር እግዚአብሔር ፍኖቶሙ ለጻድቃን። ወፍኖቶሙስ ለኃጥኣን ትጠፍእ።

Psa. 2:1 ለምንት ኣንገለጉ ኣሕዛብ። ወሕዝብኒ ነበቡ ከንቶ።

Psa. 2:2 ወተንሥኡ ነገሥተ ምድር። ወመላእክትኒ ተጋብኡ ምስሌሆሙ ኀቡረ። ላዕለ እግዚአብሔር ወላዕለ መሲሑ።

Psa. 2:3 ንበትክ እምኔነ ማእሰሪሆሙ። ወንገድፍ እምላዕሌነ አርዑቶሙ።

Psa. 2:4 ዘይነብር ውስተ ሰማይ ይሥሕቆሙ። ወእግዚአብሔር ይሣለቅ ላዕሌሆሙ።

Psa. 2:5 ሶበ ይነበሙ በመዓቱ። ወበመዓቱ የሀውኮሙ።

Psa. 2:6 ኣንሰ ተሠየምኩ ንጉሠ በላዕሌሆሙ። በጽዮን በደብረ መቅደሱ።

Psa. 2:7 ከመ እንግር ትኣዛዞ ለእግዚአብሔር። እግዚአብሔር ይቤለኒ ወልድየ ኣንተ። ወኣነ ዮም ወለድኩከ።

Psa. 2:8 ሰአል እምኔየ እውህበከ ኣሕዛብ ለርስትከ። ወምኲናኒከኒ እስከ ኣጽናፈ ምድር።

Psa. 2:9 ወትርዕዮሙ በበትረ ኀጺን። ወከመ ንዋየ ለብሓ ትቀጠቅጦሙ።

Psa. 2:10 ወይእዜኒ ነገሥት ለብዉ። ወተገሠጹ ኲልክሙ እለ ትኬንንዋ ለምድር።

Psa. 2:11 ተቀነዩ ለእግዚአብሔር በፍርሀት። ወተሐሠዩ ሎቱ በረዓድ።

Psa. 2:12 ኣጽንዕዋ ለጥበብ ከመ ኢይትመዕዕ እግዚአብሔር። ወኢትትሀጉሎ እምፍኖተ ጽድቅ። ሶበ ነደት ፍጡነ መዓቱ። ብፁዓን ኲሎሙ እለ ተወከሉ ቦቱ።

Psa. 3:1 እግዚአ ሚ በዝኑ እለ ይሣቅዩኒ። ብዙኃን ቆሙ ላዕሌየ።

Psa. 3:2 ብዙኃን ይቤልዋ ለነፍስየ። ኢያድኀኪ ኣምላክኪ።

Psa. 3:3 ኣንተሰ እግዚአ ምስካይየ ኣንተ። ክብርየ ወመልዕለ ርእስየ።

Psa. 3:4 ቃልየ ኀበ እግዚአብሔር ጸራሕኩ። ወሰምዐኒ እምደብረ መቅደሱ።

Psa. 3:5 ኣንሰ ሰከብኩ ወኖምኩ። ወተንሣእኩ እስመ እግዚአብሔር ኣንሥኣኒ።

Psa. 3:6 ኢይፈርህ እምኣእላፍ ኣሕዛብ። እለ ዐገቱኒ ወቆሙ ላዕሌየ።

Psa. 3:7 ተንሥእ እግዚአ ኣምላኪየ ወኣድኀኒ። እስመ ኣንተ ቀሠፍኩሙ ለኲሎሙ እለ ይፃረሩኒ በከንቱ። ስነኒሆሙ ለኃጥኣን ሰበርከ። ዘእግዚአብሔር ኣድኀኖ ላዕለ ሕዝብከ ወበረከትከ።

Psa. 4:1 ሶበ ጸዋዕክዎ ለእግዚአብሔር ሰምዐኒ ጽድቅየ። ወእምንዳቤየ ኣርሐበ ሊተ። ተሣሀለኒ ወስምዐኒ ጸሎትየ።

Psa. 4:2 ደቂቀ ዕጓለ እመሕያው እስከ ማእዜኑ ታከብዱ ልበክሙ። ለምንት ታፈቅሩ ከንቶ ወተኀሡ ሐሰተ።

Psa. 4:3 ኣእምሩ ከመ ተሰብሐ እግዚአብሔር በጻድቁ። እግዚአብሔር ይሰምዐኒ ሶበ ጸራሕኩ ኀቤሁ።

Psa. 4:4 ተምዑ ወኢተኣብሱ። ወዘትጌልዩ በልብክሙ ውስተ ምስካቢክሙ ይትወቅሙ።

Psa. 4:5 ሡዑ መሥዋዕተ ጽድቅ ወተወከሉ በእግዚአብሔር።

Psa. 4:6 ብዙኃን እለ ይቤሉ መኑ ያርእየነ ሠናይቶ። ተዐውቀ በላዕሌነ ብርሃነ ገጽከ እግዚአ።

Psa. 4:7 ወወደይከ ትፍሥሕተ ውስተ ልብነ። እምፍሬ ሥርናይ ወወይን ወቅብዕ በዝኀ።

- Psa. 4:8 በሰላም ቦቱ እስክብ ወእነውም። እስመ አንተ እግዚአብሔር በተስፋ ባሕቲትክ አጎደርከኝ።
- Psa. 5:1 ቃልየ አጽምዕ እግዚአብሔር። ወለቡ ጽራሕየ።
- Psa. 5:2 ወአጽምዐኝ ቃለ ስእለትየ። ንጉሥየኝ ወአምላኪየኝ። እስመ ኅቤክ እጼሊ እግዚአብሔር።
- Psa. 5:3 በጽባሕ ስምዐኝ ቃልየ። በጽባሕ እቀውም ቅድሜክ ወአስተርኢ ለክ።
- Psa. 5:4 እስመ ኢኮንክ አምላክ ዘዐመፃ ያፈቅር። ወኢየጎድሩ እኩያን ምስሌክ።
- Psa. 5:5 ወኢይነብሩ ዐማፅያን ቅድመ አዕይንቲክ። ጸላእክ እግዚአብሔር ኩሎሙ ገበርተ ዐመፃ።
- Psa. 5:6 ወትገድፎሙ ለኩሎሙ እለ ይነቡ ሐሰተ። ብእሴ ደም ወጉሕላዌ ያስቈርር እግዚአብሔር።
- Psa. 5:7 ወአንሰ በብዝሃ ምሕረትክ እበውእ ቤተክ። ወእሰግድ ውስተ ጽርሐ መቅደስክ በፈሪሆትክ።
- Psa. 5:8 እግዚአብሔር ምርሐኝ በጽድቅክ። ወበእንተ ጸላእትየ አርትዕ ፍኖትየ ቅድሜክ።
- Psa. 5:9 እስመ አልቦ ጽድቅ ውስተ አፋሆሙ። ልቦሙኝ ከንቱ። ከመ መቃብር ከሡት ጎራዒቶሙ። ወጸሐሐዉ በልሳናቲሆሙ።
- Psa. 5:10 ኩንኖሙ እግዚአብሔር ወይደቁ በውዴቶሙ። ወበከመ ብዝሃ ሕብሎሙ ስድዶሙ። እስመ አምረሩክ እግዚአብሔር።
- Psa. 5:11 ወይትፈሥሐ ብክ ኩሎሙ እለ ይትዌከሉክ። ለዓለም ይትሐሠዩ ወተጎድር ላዕሌሆሙ። ወይትሜክሐ ብክ ኩሎሙ እለ ያፈቅሩ ስመክ።
- Psa. 5:12 እስመ አንተ ትባርኮ ለጸድቅ። እግዚአብሔር ከመ ወልታ ሥሙር ከለልክነ።
- Psa. 6:1 እግዚአብሔር በመዓትክ ኢትቅሥፈኝ። ወበመቅሠፍትክ ኢትገሥጸኝ።
- Psa. 6:2 ተሳህለኝ እግዚአብሔር እስመ ድዉይ አነ። ወፈውሰኝ እስመ ተሀውካ አዕፅምትየ።
- Psa. 6:3 ነፍስየኝ ተሀውከት ፈድፋድ። ወአንተኝ እግዚአብሔር እስከ ማእዜኑ።
- Psa. 6:4 ተመየጥ እግዚአብሔር ወባልሓ ለነፍስየ። ወአድጎነኝ በእንተ ምሕረትክ።
- Psa. 6:5 እስመ አልቦ በውስተ ሞት ዘይዜከረክ። ወበሲኦልኝ መኑ የአምነክ።
- Psa. 6:6 ሰራሕኩ በምንዳቤየ። ወአንፅብ ኩሎ ሌሊተ ዐራትየ። ወበአንብዕየ አርሐስኩ ምስካብየ።
- Psa. 6:7 ወተሀውከት እመዓት ዐይንየ። ወበለይኩ በጎበ ኩሎሙ ጸላእትየ።
- Psa. 6:8 ረሐቁ እምኔየ ኩልክሙ ገበርተ ዐመፃ። እስመ ሰምዐኝ እግዚአብሔር ቃለ ብካይየ።
- Psa. 6:9 ወሰምዐኝ እግዚአብሔር ስእለትየ። ወተወክፈ እግዚአብሔር ጸሎትየ።
- Psa. 6:10 ለይትጎፈሩ ወይጎሰሩ ኩሎሙ ጸላእትየ። ለይግብኡ ድጎሬሆሙ ወይትጎፈሩ ፈድፋድ ፍጡነ።
- Psa. 7:1 እግዚአብሔር አምላኪየ ብክ ተወክልኩ ኢትግድፈኝ። ወአድጎነኝ እምኩሎሙ እለ ሮዱኝ ወባልሐኝ።
- Psa. 7:2 ከመ ኢይምሥጥከመ ከመ አንበሳ ለነፍስየ። እንዘ አልቦ ዘያድጎን ወዘይባልክ።
- Psa. 7:3 እግዚአብሔር አምላኪየ እመሰ ከመ ዝ ገበርኩ። ወእመኝ ቦ ዐመፃ ውስተ እደውየ።
- Psa. 7:4 ወእመኝ ፈደይክዎሙ ለእለ ይፈድዩኝ እኩየ። ለያውድቁኝ ጸላእትየ ዕራቅየ።
- Psa. 7:5 ወይዴግና ፀራዊ ለነፍስየ ወይርከባ። ወይኪዳ ውስተ ምድር ለሕይወትየ። ወያጎስሮ ውስተ መሬት ለክብርየ።
- Psa. 7:6 ተንሥእ እግዚአብሔር በመዓትክ። ወተለዐል መልዕልቶሙ ለጸላእትየ። ተንሥእ እግዚአብሔር አምላኪየ በሥርዐት ዘአዘዝክ።
- Psa. 7:7 ወማጎበረ አሕዛብ የዐውደክ። ወበእንተ ዝ ተመየጥ ውስተ አርያም።
- Psa. 7:8 እግዚአብሔር ይኳንኖሙ ለአሕዛብ። ፍታሕ ሊተ እግዚአብሔር አምላኪየ በከመ ጽድቅክ። ወይኩነኝ በከመ የውሀትየ።
- Psa. 7:9 የጎልቅ እከዮሙ ለኃጥኣን። ወታረትዎሙ ለጸድቃን። ይፈትን ልበ ወኩልያተ እግዚአብሔር።
- Psa. 7:10 አማን ይረድኣኝ እግዚአብሔር። ዘያድጎኖሙ ለርቱዓነ ልብ።
- Psa. 7:11 እግዚአብሔር መኩንን ጽድቅ። ጎያል ወመስተዐግሥ። ወኢያመጽእ መንሱተ ኩሎ አሚረ።
- Psa. 7:12 እመሰ ኢተመየጥክሙ ሰይፎ ይመልኝ። ቀስቶኝ ወተረ ወአስተዳለወ።
- Psa. 7:13 ወአስተዳለወ ቦቱ ሕምዘ ዘይቀትል። ወአሕጸሁኝ እለ ይነዱ ገብረ።
- Psa. 7:14 ናሁ ሐመ ዐማፂ በዐመፃሁ። ፀንሰ በጻዕር ወወለደ ኀጢአተ።
- Psa. 7:15 ግበ ከረየ ወደጎየ። ወይወድቅ ውስተ ግብ ዘገብረ።
- Psa. 7:16 ወይገብእ ጸማሁ ዲበ ርእሱ። ወትወርድ ዐመፃሁ ዲበ ድማኑ።
- Psa. 7:17 እንኝ ለእግዚአብሔር በከመ ጽድቁ። ወእዜምር ለስመ እግዚአብሔር ልዑል።

- Psa. 8:1 እግዚአብሔር እግዚእን ጥቀ ተሰብሐ ስምክ በኩሉ ምድር። እስመ ተለዐለ ዕበየ ስብሐቲክ መልዕልተ ሰማያት።
- Psa. 8:2 እምአፈ ደቂቅ ወሕፃናት አስተዳሎክ ስብሐተ በእንተ ጸላኢ። ከመ ትንሥቶ ለጸላኢ ወለገፋ።
- Psa. 8:3 እስመ ንሬኢ ሰማያት ግብረ አጻብዒክ። ወርኅ ወከዋክብተ ዘለሊክ ሣረርክ።
- Psa. 8:4 ምንትኑ ውእቱ ሰብእ ከመ ትዝክር። ወምንትኑ ዕጻለ እመሕያው ከመ ተሐውጸ።
- Psa. 8:5 ሕቀ አሕጻጽኮ እመላእክቲክ። ክብረ ወስብሐተ ከለልኮ።
- Psa. 8:6 ወሢምኮ ውስተ ኩሉ ግብረ እደዊክ። ወኩሉ አግረርክ ሎቱ ታሕተ እገሪሁ።
- Psa. 8:7 አባግዐኒ ወኩሉ አልሕምተ። ወዓዲ እንስሳ ዘገዳም።
- Psa. 8:8 አዕዋፈ ሰማይኒ ወዓሣተ ባሕር። ወዘኒ የሐውር ውስተ ፍኖተ ባሕር።
- Psa. 8:9 እግዚአብሔር እግዚእን ጥቀ ተሰብሐ ስምክ በኩሉ ምድር።
- Psa. 9:1 እገኒ ለከ እግዚአብሔር ልብየ። ወእነግር ኩሉ ስብሐቲክ።
- Psa. 9:2 እትፌሣሕ ወእትሐሠይ ብክ። ወእዜምር ለስምክ ልዑል።
- Psa. 9:3 ሶበ ገብኡ ጸላእትየ ድኅሬሆሙ። ይድወዩ ወይትሀጉሉ እምቅድመ ገጽክ።
- Psa. 9:4 እስመ ገበርክ ሊተ ፍትሕየ ወበቀልየ። ወነበርክ ዲበ መንበርክ መኩንን ጽድቅ።
- Psa. 9:5 ገሠጽኩም ለአሕዛብ ወተሀጉሉ ረሲዓን። ወደምሰስክ ስሞሙ ለዓለመ ዓለም።
- Psa. 9:6 ፀርሰ ተገምሩ በኩናት ለዝሉፉ። ወአህጉሪሆሙኒ ነሠትክ። ወትስዕር ዝክሮሙ ኅቡረ።
- Psa. 9:7 እግዚአብሔርሰ ይነብር ለዓለም። አስተዳለወ መንበሮ ለኩንኖ።
- Psa. 9:8 ወውእቱ ይኳንና ለዓለም በጽድቅ። ወይኳንኖሙ ለአሕዛብ በርትዕ።
- Psa. 9:9 ወኮኖሙ እግዚአብሔር ምስካዮሙ ለነዳያን። ወረዳኢሆሙ ውእቱ በጊዜ ምንዳቢሆሙ።
- Psa. 9:10 ወይትዌከሉ ብክ ኩሎሙ እለ ያፈቅሩ ስመክ። እስመ ኢተኅድኅሙ ለእለ የኅሡክ እግዚአብሔር።
- Psa. 9:11 ዘምሩ ለእግዚአብሔር ዘየኅድር ውስተ ጽዮን። ወንግርዎሙ ለአሕዛብ ምግባሮ።
- Psa. 9:12 እስመ ተዘከረ ዘይትኅሠሥ ደሞሙ። ወኢረስዐ ዐውያቶሙ ለነዳያን።
- Psa. 9:13 ተሣህለኒ እግዚአብሔር ወርኢ ዘከመ የሐሙኒ ጸላእትየ። ዘያሌዕለኒ እምአናቅጸ ሞት።
- Psa. 9:14 ከመ እንግር ኩሉ ስብሐቲሁ። በአናቅጸኢህ ለወለተ ጽዮን።
- Psa. 9:15 ወንትፌሣሕ በአድኅኖትክ። ጠግዑ አሕዛብ በጌጋዮሙ ዘገብሩ። ወበይእቲ መሥገርት እንተ ኅብኡ ተሠግረ እግሮሙ።
- Psa. 9:16 የአምር እግዚአብሔር ገቢረ ፍትሕ። ወበግብረ እደዊሁ ተሠግረ ኃጥእ።
- Psa. 9:17 ያግብኡ ኃጥእን ውስተ ሲኦል። ወኩሎሙ አሕዛብ እለ ይረስዕዎ ለእግዚአብሔር።
- Psa. 9:18 እስመ አኮ ለዝሉፉ ዘይትረሳዕ ነዳይ። ወኢየሀጉሉ ትዕግሥቶሙ ነዳያን ለዓለም።
- Psa. 9:19 ተንሥእ እግዚአብሔር ወኢይጽናዕ ዕጻለ እመሕያው። ወይትኩነኑ አሕዛብ በቅድሚክ።
- Psa. 9:20 ሢም እግዚአብሔር መምህረ ሕግ ላዕሌሆሙ። ወያእምሩ አሕዛብ ከመ ዕጻለ እመሕያው እሙንቱ።
- Psa. 9:21 ለምንት እግዚአብሔር ቆምከ እምርሑቅ። ወትትዔወር በጊዜ ምንዳቢየ።
- Psa. 9:22 በትዕቢቱ ለኃጥእ ይውዒ ነዳይ። ወይሠገሩ በውዴቶሙ እንተ ኅለዩ።
- Psa. 9:23 እስመ ይትዌደስ ኃጥእ በፍትወተ ነፍሱ። ወዐማኒኒ ይትባረክ። ወሐኮ ኃጥእ ለእግዚአብሔር።
- Psa. 9:24 ወኢይትኃሠሠ በከመ ብዝኅ መዓቱ። ወአልቦ እግዚአብሔር በቅድሚሁ።
- Psa. 9:25 ወርኩስ ኩሉ ፍናዊሁ። ወንሡት ኩነኒክ በቅድሚሁ። ወይቀንዮሙ ለኩሎሙ ጸላእቱ።
- Psa. 9:26 ወይብል በልቡ ኢይትሀወክ ለትውልድ ትውልድ ወኢይረክበኒ እኩይ።
- Psa. 9:27 ምሉእ አፋሁ መርገመ ወጽልሑተ። ታሕተ ልሳኑ ጸማ ወሕማም።
- Psa. 9:28 ይጸንሕ ወይንዑ ምስለ ብዑላን። ከመ ይቅትሎ ለንጹሕ በጽሚት። ወአዕይንቲሁኒ ኅበ ነዳይ ያስተሐይዳ።
- Psa. 9:29 ይጸንሕ ይትኅባእ ከመ አንበሳ ውስተ ግብ። ይጸንሕ ከመ ይምሥጦ ለነዳይ። ይመሥጦ ለነዳይ ወይስሕቦ። ወያኅስሮ በመሥገርቱ።
- Psa. 9:30 ይትቀጻዕ ወይወድቅ ሶበ ቀነዮ ለነዳይ።
- Psa. 9:31 ወይብል በልቡ ይረስዕኒ እግዚአብሔር። ወሜጠ ገጸ ከመ ኢይርአይ ለግሙራ።
- Psa. 9:32 ተንሥእ እግዚአብሔር አምላኪየ ወትትለዐል እዴክ። ወኢትርስዎሙ ለነዳያን።
- Psa. 9:33 በእንተ ምንት አምዕዎ ኃጥእ ለእግዚአብሔር። እስመ ይብል በልቡ ኢይትኃሠሠኒ።

- Psa. 9:34 ትሬኢኑ ከመ ለሊከ ትኔጽር ጻማ ወመዓተ። ወከመ ትሜጥዎ ውስተ እዴከ። ላዕሌከኑ እንከ ተገድፈ ነዳይ። ወአንተኑ ረዳኢሁ ለዕጻለ ማውታ።
- Psa. 9:35 ቀጥቅጥ መዝራዕቶ ለኃጥእ ወለእኩይ። ወትትኅሠሥ ኅጢአቱ በእንቲአሁ ወኢትትረከብ።
- Psa. 9:36 ይነግሥ እግዚአብሔር ለዓለመ ዓለም። ወይትሀገሉ አሕዛብ እምድር።
- Psa. 9:37 ፍትወቶሙ ለነዳያን ሰምዐ እግዚአብሔር። ወኅሊና ልቦሙኒ አጽምዐት እዝኑ።
- Psa. 9:38 ፍትሑ ለነዳይ ወለዕጻለ ማውታ። ከመ ኢይድግሙ እንከ ዕጻለ እመሕያው አዕብዮ አፉሆሙ በዲበ ምድር።
- Psa. 10:1 በእግዚአብሔር ተወከልኩ እፎ ትብልዋ ለነፍስየ። አዐይል ውስተ አድባር ከመ ያፍ።
- Psa. 10:2 እስመ ናሁ ኃጥአን ወሰቁ ቀስቶሙ። ወአስተዳለዉ አሕጻቲሆሙ ውስተ ምጉንጳቲሆሙ። ከመ ይንድፍዎሙ ለርቱዓነ ልብ በጽሚት።
- Psa. 10:3 እስመ ናሁ ዘአንተ ሠራዕከ እሙንቱ ነሠቱ። ወጻድቅሰ ምንተ ገብረ።
- Psa. 10:4 እግዚአብሔር ውስተ ጽርሐ መቅደሱ። እግዚአብሔር ውስተ ሰማይ መንበሩ። ወአዕይንቲሁኒ ኅበ ነዳይ ይኔጽራ። ወቀራንብቲሁኒ የሐቶ ለዕጻለ እመሕያው።
- Psa. 10:5 እግዚአብሔር የሐትቶ ለጻድቅ ወለኃጥእ። ዘሰ አፍቀራ ለዐመፃ ጸልኦ ነፍሶ።
- Psa. 10:6 ይዘንም መሣግር ላዕለ ኃጥአን። እሳት ወተይ መንፈሰ ዐውሎ መክፈልተ ጽዋዎሙ።
- Psa. 10:7 እስመ ጻድቅ እግዚአብሔር ወጽድቀ አፍቀረ። ወርትዕሰ ትሬእዮ ገጸ።
- Psa. 11:1 አድኅነኒ እግዚአብሔር እስመ ኅልቀ ጌር። ወውኅደ ሃይማኖት እምዕጻለ እመሕያው።
- Psa. 11:2 ከንቶ ይትናገሩ አሐዱ ምስለ ካልኡ። በከናፍረ ጉሕሉት ልበ ወበልብ ይትናገሩ።
- Psa. 11:3 ይሄርዎን እግዚአብሔር ለከናፍረ ጉሕሉት። ወለልሳን እንተ ታዐቢ ነቢበ።
- Psa. 11:4 እለ ይብሉ ናዐቢ ልሳናቲነ። ወከናፍሪነኒ ኅቤነ እሙንቱ። መኑ ውእቱ እግዚአብሔር።
- Psa. 11:5 በእንተ ሕማሞሙ ለነዳያን። ወበእንተ ገዓሮሙ ለሙቁሐን። ይእዜ እትነሣእ ይቤ እግዚአብሔር። እሬሲ መድኅኒተ ወአግህድ ቦቱ።
- Psa. 11:6 ቃለ እግዚአብሔር ቃል ንጹሕ። ከመ ብሩር ጽሩይ ንጡፍ ወፍቱን እምድር። ዘአጽረይዎ ምስብሒተ።
- Psa. 11:7 አንተ እግዚአብሔር ዕቀብነ ወተማሕፀነኒ። እምዛቲ ትውልድ ዘለዓለም።
- Psa. 11:8 ዐውደ የሐውሩ ረሲዓን። ወበከመ ዕባየ ልዕልናከ ሠራዕኩሙ ለደቂቀ ዕጻለ እመሕያው።
- Psa. 12:1 እስከ ማእዜኑ እግዚአብሔር ትረስዐኒ ለግሙራ። እስከ ማእዜኑ ትመይጥ ገጸከ እምኔየ።
- Psa. 12:2 እስከ ማእዜኑ አነብር ሐዘነ ውስተ ነፍስየ። ወትጼዕረኒ ልብየ ኩሎ አሚረ። እስከ ማእዜኑ ይትዔብዩ ጸላእትየ ላዕሌየ።
- Psa. 12:3 ነጽረኒ ወስምዐኒ እግዚአብሔር አምላኪየ። አብርሆን ለአዕይንትየ ከመ ኢይኑማ ለመዊት።
- Psa. 12:4 ወከመ ኢይባሉኒ ጸላእትየ ሞእናሁ። ወእለሰ ይሣቅዩኒ ይትፌሥሑ ለእመ ተሀወኩ።
- Psa. 12:5 ወአንስ በምሕረትከ ተወከልኩ። ይትፌሥሐኒ ልብየ በአድኅኖትከ።
- Psa. 12:6 እሴብሐ ለእግዚአብሔር ዘረድኦኒ። ወእዜምር ለስመ እግዚአብሔር ልዑል።
- Psa. 13:1 ይብል አብድ በልቡ አልቦ እግዚአብሔር። ኅሰሩ ወረኩሱ በምግባሪሆሙ። አልቦ ዘይገብራ ለሠናይት አልቦ ወኢ አሐዱ።
- Psa. 13:2 እግዚአብሔር ሐወጸ እምሰማይ ላዕለ ዕጻለ እመሕያው። ከመ ይርክይ እመ ቦ ጠቢብ ዘየኅሥዎ ለእግዚአብሔር።
- Psa. 13:3 ኩሎ ዐረየ ወኅቡረ ዐለወ። አልቦ ዘይገብራ ለሠናይት አልቦ ወኢ አሐዱ።
- Psa. 13:4 ከመ መቃብር ክሡት ጉራዒቶሙ። ወጸልሐዉ በልሳናቲሆሙ። ሕምዘ አርዌ ምድር ታሕተ ከናፍሪሆሙ።
- Psa. 13:5 መሪር አፉሆሙ ወምሉእ መርገመ። በሊኅ እገሪሆሙ ለክዒዉ ደም።
- Psa. 13:6 ኅሳር ወቅጥቃጤ ውስተ ፍኖቶሙ። ወኢየአምርዋ ለፍኖተ ሰላም። ወአልቦ ፍርሀተ እግዚአብሔር ቅድመ አዕይንቲሆሙ።
- Psa. 13:7 ወኢየአምሩ ኩሎሙ ገበርተ ዐመፃ። እለ ይውኅጥዎሙ ለሕዝብየ ከመ በሊዐ እክል።
- Psa. 13:8 ወለእግዚአብሔርሰ ኢጸውዕዎ። ወበህየ ፈርሁ ወገረሞሙ ዘኢኮነ ግሩመ።
- Psa. 13:9 እስመ እግዚአብሔር ውስተ ትውልደ ጻድቃን። ወአስተኅፈርክሙ ምክረ ነዳይ። እስመ እግዚአብሔር ተስፋሆሙ ውእቱ።

- Psa. 13:10 መኑ ይውህብ መድኅኒት እምጽዮን ለእስራኤል። አመ ሜጠ እግዚአብሔር ዌዋ ሕዝቡ። ይትፈሳሽ ያዕቆብ ወይትሐሠይ እስራኤል።
- Psa. 14:1 እግዚአ መኑ የኅድር ውስተ ጽላሎትክ። ወመኑ ያጸልል ውስተ ደብረ መቅደስክ።
- Psa. 14:2 ዘየሐውር በንጹሕ ወይገብር ጽድቅ። ወዘይነብብ ጽድቅ በልቡ።
- Psa. 14:3 ወዘኢንሕለወ በልሳኑ። ወዘኢገብረ እኩየ ዲበ ቢጹ። ወዘኢያጽዐለ አዝማዲሁ።
- Psa. 14:4 ወዘምኑን በቅድሜሁ እኩይ። ዘያከብሮሙ ለፈራህያን እግዚአብሔር። ዘይምሕል ለቢጹ ወኢይሔሱ።
- Psa. 14:5 ወዘኢለቅሐ ወርቆ በርዴ። ወዘኢነሥኦ ሕልያን በላዕለ ንጹሕ። ዘይገብር ከመ ዝ ኢይትሀወክ ለዓለም።
- Psa. 15:1 ዕቀበኒ እግዚአ እስመ ኪያክ ተወክልኩ።
- Psa. 15:2 እብሎ ለእግዚአብሔር እግዚእየ አንተ። እስመ ኢትፈቅዳ ለሠናይትየ።
- Psa. 15:3 ለቅዱሳን እለ ውስተ ምድር። ተሰብሐ ኩሉ ሥምረትክ በላዕሌሆሙ።
- Psa. 15:4 በዝኅ ደቂሆሙ ወእምዝ አስተፋጠኑ። ወኢይትኃበር ውስተ ማኅበሮሙ ዘደም። ወኢይዜከር አስማቲሆሙ በአፋየ።
- Psa. 15:5 እግዚአብሔር መክፈልተ ርስትየ ወጽዋዕየ። አንተ ውእቱ ዘታገብእ ሊተ ርስትየ።
- Psa. 15:6 አሕባለ ወረወ ሊተ የአኅዙኒ። ወርስትየሰ እኑዝ ውእቱ ሊተ።
- Psa. 15:7 እባርኮ ለእግዚአብሔር ዘአለበወኒ። ወዓዲ ሌሊተኒ ገሠጸኒ ኩልያትየ።
- Psa. 15:8 ዘልፈ እሬእዮ ለእግዚአብሔር ቅድሜየ ውእቱ በኩሉ ጊዜ። እስመ በየማንየ ውእቱ ከመ ኢይትሀወክ።
- Psa. 15:9 በእንተ ዝ ተፈሥሐ ልብየ ወተሐሥየ ልሳንየ። ወዓዲ በተስፋሁ ኀደረ ሥጋየ።
- Psa. 15:10 እስመ ኢተኅድጋ ውስተ ሲኦል ለነፍስየ። ወኢትውህቦ ለጸድቅክ ይርእይ ሙስና።
- Psa. 15:11 ወአርአይከኒ ፍኖተ ሕይወት። ወአጽገብከኒ ሐሜተ ምስለ ገጽክ። ወትፍሥሕት ውስተ የማንክ ለዝሉፉ።
- Psa. 16:1 እግዚአ ስምዐኒ ጽድቅየ። ወአጽምዐኒ ስእለትየ። ወአጽምዐኒ ጸሎትየ ዘኢኮነ በከናፍረ ጉሕሉት።
- Psa. 16:2 እምቅድመ ገጽክ ይወፅእ ፍትሕየ። አዕይንትየኒ ርእያ ጽድቀክ።
- Psa. 16:3 ሐወጽከኒ ሌሊተ ወፈተንኮ ለልብየ። አመከርከኒ ወኢተረክበ ዐመፃ በላዕሌየ። ከመ ኢይንብብ አፋየ ግብረ ዕጓለ እመሕያው።
- Psa. 16:4 በእንተ ቃለ ከናፍሪክ። አነ ዐቀብኩ ፍናወ ዕጹባተ።
- Psa. 16:5 አጽንዖን መከየድየ ውስተ ፍኖትክ። ከመ ኢይድኅፅ ሰኩናየ።
- Psa. 16:6 አንሰ ጸራሕኩ እስመ ሰምዐኒ እግዚአብሔር። አጽምዕ እዝነክ ኀቤየ ወስምዐኒ ቃልየ።
- Psa. 16:7 ሰብሐ ለምሕረትክ። ዘያድኅኖሙ ለእለ ይትዌከሉክ። እምእለ ይትቃወምዎ ለየማንክ።
- Psa. 16:8 ዕቀበኒ ከመ ብንተ ዐይን። ወበጽላሎተ ክነፈክ ክድነኒ።
- Psa. 16:9 እምገጸ ኃጥአን እለ ያኅስሩኒ። ጸላእትየሰ አስተሐየጽዎ ለነፍስየ።
- Psa. 16:10 ወቂጸሩ አማዑቶሙ። ወነበበ ትዕቢተ አፋሆሙ።
- Psa. 16:11 ሰደዱኒ ይእዜ ዐገቱኒ። ወአትሐቱ አዕይንቲሆሙ ውስተ ምድር።
- Psa. 16:12 ወተመጠዉኒ ከመ አንበሳ ዘጽኑሕ ለመሢጥ። ወከመ ዕጓለ አንበሳ ዘይነብር ተኅቢኦ።
- Psa. 16:13 ተንሥእ እግዚአ ብጽሐሙ ወአዕቅጸሙ። ወባልሓ እምኩናት ለነፍስየ።
- Psa. 16:14 ሰይፍክ ላዕለ ፀረ እዴክ። እግዚአ እምውኑዳነ ምድር። ንፍቆሙ በሕይወቶሙ። እምኅቡአቲክ ጸግበት ከርሃሙ። ጸግቡ ደቂቆሙ ወኅደጉ ትራፋቲሆሙ ለሕፃናቲሆሙ።
- Psa. 16:15 ወአንሰ በጽድቅክ እሬኢ ገጽክ። ወእጸግብ በርእየ ስብሐቲክ።
- Psa. 17:1 አፈቅረክ እግዚአ በኀይልየ። እግዚአብሔር ኀይልየ ወጸወንየ ወመድኅኒየ።
- Psa. 17:2 አምላኪየ ወረዳኢየ ወእትዌከል ቦቱ። ምእመንየ ወቀርነ ሕይወትየ ወምስካይየ።
- Psa. 17:3 እንተ ሶበ ጸዋዕክዎ ለእግዚአብሔር እድኅን እምፀርየ።
- Psa. 17:4 አኅዘኒ ጸዕረ ሞት። ወውሒዘ ዐመፃ ሆከኒ።
- Psa. 17:5 ዐገተኒ ጸዕረ ሲኦል። ወበጽሐኒ መሣግረ ሞት።
- Psa. 17:6 ሶበ ተመንደብኩ ጸዋዕክዎ ለእግዚአብሔር። ወጸራሕኩ ኀበ አምላኪየ። ወሰምዐኒ በጽርሐ መቅደሱ ቃልየ። ወጽራሕየኒ ቦኦ ቅድሜሁ ውስተ እዘኒሁ።

Psa. 17:7 ርዕደት ወአድለቅለቀት ምድር። ወአንቀልቀሉ መሠረታተ አድባር። ተሀውኩ እስመ ተምዖሙ እግዚአብሔር።

Psa. 17:8 ዐርገ ጢስ እመዓቱ። ወነደ እሳት እምቅድመ ገጹ። ጎተወ አፍሐም እምኔሁ።

Psa. 17:9 አጽነነ ሰማያት ወወረደ። ወቆባር ታሕተ እገሪሁ።

Psa. 17:10 ተጽዕነ ላዕለ ኪሩቤል ወሰረረ። ወሰረረ በክነፈ ነፋስ።

Psa. 17:11 ወረሰየ ጽልመተ ምስዋሮ። ወዐውዶሂ ጽላሎቱ። ጸልሙ ማያት በውስተ ደመናት።

Psa. 17:12 ወእምብርሃነ ገጹ ጎለፉ ደመናት ቅድሜሁ። በረድ ወአፍሐም እሳት።

Psa. 17:13 አንጐድጐደ እግዚአብሔር በሰማያት። ወልዑል ወሀበ ቃሎ።

Psa. 17:14 ፈነወ አሕጻሁ ወዘረዎሙ። አብዝኅ መባርቅቲሁ ወሆኑሙ።

Psa. 17:15 ወአስተርአየ አንቅዕተ ማያት። ወተከሥቱ መሠረታተ ዓለም። እምተግሣጽክ እግዚአ። ወእምእስትንፋስ መንፈስ መዓትክ።

Psa. 17:16 ፈነወ እምአርያም ወነሥአኒ። ወተመጠወኒ እማይ ብዙኅ።

Psa. 17:17 ወአድነነኒ እምፀርየ ጽኑዓን። ወእምጸላእትየ እስመ ይኔይሉኒ።

Psa. 17:18 ወበጽሑኒ በዕለተ ምንዳቤየ። ወኮነኒ እግዚአብሔር ምስካይየ።

Psa. 17:19 ወአውፅአኒ ውስተ መርሕብ። ወአድነነኒ እስመ ይፈቅደኒ።

Psa. 17:20 የዐስየኒ እግዚአብሔር በከመ ጽድቅየ። ወይፈድየኒ በከመ ንጽሐ እደውየ።

Psa. 17:21 እስመ ዐቀብኩ ፍናዊሁ ለእግዚአብሔር። ወኢአበስኩ ለአምላኪየ።

Psa. 17:22 እስመ ኩሉ ኩነኔሁ ቅድሜየ ውእቱ። ወጽድቂኒ ኢርሕቀ እምኔየ።

Psa. 17:23 ወእከውን ንጹሐ ምስሌሁ። ወእትዐቀብ እምነጢአትየ።

Psa. 17:24 የዐስየኒ እግዚአብሔር በከመ ጽድቅየ። ወይፈድየኒ በከመ ንጽሐ እደውየ። በቅድመ አዕይንቲሁ።

Psa. 17:25 ምስለ ጻድቅ ትጻድቅ። ወምስለ ብእሲ ንጹሐ ንጹሐ ትከውን።

Psa. 17:26 ወምስለ ጎሩይ ጎሩየ ትከውን። ወምስለ ጠዋይ ትጠዊ።

Psa. 17:27 እስመ አንተ እግዚአ ታድኅኖ ለሕዝብ ትሑት። ወታኅስሮሙ ለአዕይንተ ዕቡያን።

Psa. 17:28 እስመ አንተ ታበርህ ማኅቶትየ እግዚአ። አምላኪየ ያበርህ ጽልመትየ።

Psa. 17:29 እስመ ብክ እድኅን እመንሱት። ወበአምላኪየ እትዐደዋ ለአረፍት።

Psa. 17:30 ለአምላኪየሰ ንጹሐ ፍኖቱ። ቃለ እግዚአብሔር ርሱን። ወምእመኖሙ ውእቱ ለኩሎሙ እለ ይትዌከሉ ቦቱ።

Psa. 17:31 መኑ ውእቱ አምላክ ዘእንበለ እግዚአብሔር። ወመኑ እግዚአብሔር ዘእንበለ አምላክነ።

Psa. 17:32 እግዚአብሔር ዘያቀንተኒ ጎይለ። ወረሰያ ንጹሐ ለፍኖትየ።

Psa. 17:33 ዘያረትዎን ከመ ሀየል ለእገርየ። ወያቀውመኒ ውስተ መልዕልት።

Psa. 17:34 ዘይሜህሮን ጸብኦ ለእደውየ። ወረሰየ ቀስተ ብርት ለመዝራዕትየ።

Psa. 17:35 ወወሀበኒ ምእመነ ለመድኅኒትየ። ወየማንክ ተወክፈኒ። ወትምህርትክ ዘያጸንዐኒ ለዝሉፉ። ወተግሣጽክ ውእቱ ዘይሜህረኒ።

Psa. 17:36 ወአርሐብክ መከየድየ በመትሕቱየ። ወኢደክመ ሰኩናየ።

Psa. 17:37 እዴግኖሙ ለፀርየ ወእእኅዘሙ። ወኢይትመየጥ እስከ ኣጠፍአሙ።

Psa. 17:38 ኣመነድቦሙ ወኢይክሉ ቀዊመ።

Psa. 17:39 ወይወድቁ ታሕተ እገርየ። ወታቀንተኒ ጎይለ በጸብእ። ወአዕቀጽኩሙ ለኩሎሙ እለ ቆሙ ላዕሌየ በመትሕቱየ።

Psa. 17:40 ወመጠውከኒ ዘባኖሙ ለፀርየ። ወሠረውኮሙ ለጸላእትየ።

Psa. 17:41 ዐውየዉ ወጎጥኡ ዘይረድአሙ። ወጎበ እግዚአብሔር ኢሰምዎሙ።

Psa. 17:42 አሐርጸሙ ከመ ጸበል ዘቅድመ ገጸ ነፋስ። ወእከይዶሙ ከመ ጽንጉነ መርሕብ።

Psa. 17:43 አድነነኒ እምነቢበ አሕዛብ። ወትሠይመኒ ውስተ ርእሰ ሕዝብ። ሕዝብ ዘኢየአምር ተቀንየ ሊተ።

Psa. 17:44 ውስተ ምስማዐ እዝን ተሰጥዉኒ። ውሉደ ነኪር ሐሰዉኒ።

Psa. 17:45 ውሉደ ነኪር በልዩ። ወሐንከሱ በፍኖቶሙ።

Psa. 17:46 ሕያው እግዚአብሔር ወቡሩክ አምላኪየ። ወተለዐለ አምላክ መድኅኒትየ።

Psa. 17:47 አምላኪየ ያገብእ በቀልየ። ወአግረረ ሊተ አሕዛብ በመትሕቱየ።

- Psa. 17:48 ዘይባልሐኒ እምጸላእትየ ምንስዋን። ወዘያሌዕለኒ እምእለ ቆሙ ላዕሌየ። እምብእሲ ገፋዒ ባልሐኒ።
- Psa. 17:49 በእንተ ዝ እገኒ ለከ በውስተ ኣሕዛብ እግዚእ። ወእዜምር ለስምከ።
- Psa. 17:50 ዘያዐብያ ለመድኅኒተ ንጉሥ። ወይገብር ምሕረቶ ለመሲሑ። ለዳዊት ወለዘርዐ እስከ ለዓለም።
- Psa. 18:1 ሰማያት ይነግራ ስብሐተ እግዚአብሔር። ወግብረ እደዊሁ ያየድዓ ሰማያት።
- Psa. 18:2 ዕለት ለዕለት ትጉሥዕ ነቢበ። ወሌሊት ለሌሊት ታየድዕ ጥበበ።
- Psa. 18:3 አልቦ ነገረ ወአልቦ ነቢብ ዘኢተሰምዐ ቃሎሙ።
- Psa. 18:4 ውስተ ኩሉ ምድር ወፅኦ ነገሮሙ። ወእስከ አጽናፈ ዓለም በጽሐ ነቢበሙ። ወውስተ ፀሓይ ሤመ ጽላሎቶ።
- Psa. 18:5 ወውእቱስ ከመ መርዓዊ ዘይወፅእ እምጽርሑ። ይትፌሣሕ ከመ ይርብሕ ዘይሜርድ ፍኖቶ።
- Psa. 18:6 እምአጽናፈ ሰማይ ሙዓኡ። ወእስከ አጽናፈ ዓለም ምእታዉ። ወአልቦ ዘይትነባእ እምላህቡ።
- Psa. 18:7 ሕጉ ለእግዚአብሔር ንጹሕ ወይመይጣ ለነፍስ። ስምዑ ለእግዚአብሔር እሙን ወያጠብብ ሕፃናተ።
- Psa. 18:8 ኩነኒሁ ለእግዚአብሔር ርቱዕ ወያስተፌሥሕ ልበ። ትእዛዙ ለእግዚአብሔር ብሩህ ወያበርህ አዕይንተ።
- Psa. 18:9 ፈሪህ እግዚአብሔር ንጹሕ ወየሐዩ ለዓለም። ፍትሑ ለእግዚአብሔር ጽድቅ ወርትዕ ኅቡረ።
- Psa. 18:10 ወይትፈቶ እምወርቅ ወእምዕንቁ ክቡር። ወይጥዕም እመዓር ወሶከር።
- Psa. 18:11 ወገብርከስ የዕቅቦ። ወበወቂቦቱ ይትዕሰይ ብዙኅ።
- Psa. 18:12 ለስሒት መኑ ይሉብዋ። እምኅቡአትየ አንጽሐኒ።
- Psa. 18:13 ወእምነኪር መሀኮ ለገብርከ። እመስ ኢቀነዩኒ ውእተ ጊዜ ንጹሐ እከውን። ወእነጽሕ እምዐባይ ኅጢአትየ።
- Psa. 18:14 ወይከውን ሥሙረ ቃለ አፉየ። ወኅሊና ልብየኒ ቅድሜየ ውእቱ በኩሉ ጊዜ። እግዚእየ ረዳኢየ ወመድኅኒየ።
- Psa. 19:1 ይስማዕከ እግዚአብሔር በዕለተ ምንዳቤከ። ወይቁም ለከ ስሙ ለአምላክ ያዕቆብ።
- Psa. 19:2 ወይፈኑ ለከ ረድኤተ እመቅደሱ። ወእምጽዮን ይትወክፍከ።
- Psa. 19:3 ወይዝክር ለከ ኩሎ መሥዋዕተከ። ወያጥልል ለከ ቀርባነከ።
- Psa. 19:4 የሀብከ እግዚአብሔር ዘከመ ልብከ። ወይፈጽም ለከ ኩሎ ሥምረተከ።
- Psa. 19:5 ወንትፌሣሕ በአድኅኖትከ። ወነዐቢ በስመ እግዚአብሔር አምላክነ። ወይፈጽም ለከ እግዚአብሔር ኩሎ ስእለተከ።
- Psa. 19:6 ይእዜ አእመርኩ ከመ አድኅኖ እግዚአብሔር ለመሲሑ። ወይሰጠዎ እምሰማይ መቅደሱ። በኅይለ አድኅኖተ የማኑ።
- Psa. 19:7 እሙንቱስ በአፍራስ ወበሠረገላት። ወንሕነስ ነዐቢ በስመ እግዚአብሔር አምላክነ።
- Psa. 19:8 እሙንቱስ ተዐቅጹ ወወድቁ። ወንሕነስ ተንሣእነ ወረታዕነ።
- Psa. 19:9 እግዚአ አድኅኖ ለንጉሥ። ወስምዐነ በዕለተ ንጹውዐከ።
- Psa. 20:1 እግዚአ በኅይልከ ይትፌሣሕ ንጉሥ። ወብዙኅ ይትሐሠይ በአድኅኖትከ።
- Psa. 20:2 ፍትወተ ነፍሱ ወሀብኩ። ወስእለተ ከፍፍሪሁ ኢከላእኮ።
- Psa. 20:3 እስመ በጻሕኮ በበረከት ሠናይ። ወአንበርከ አክሊለ ዲበ ርእሱ ዘእምዕንቁ ክቡር።
- Psa. 20:4 ሐዪወ ሰአለከ ወሀብኩ። ለነዋኅ መዋዕል ለዓለመ ዓለም።
- Psa. 20:5 ዐቢይ ክብሩ በአድኅኖትከ። ክብረ ወስብሐተ ወሰኮ።
- Psa. 20:6 እስመ ወሀብኮ በረከተ ዘለዓለመ ዓለም። ወታስተፌሥሐ በሐሤተ ገጽከ።
- Psa. 20:7 እስመ ተወከለ ንጉሥ በእግዚአብሔር። ወኢይትሀወክ በምሕረቱ ለልዑል።
- Psa. 20:8 ትርከሶሙ እዴከ ለኩሎሙ ፀርከ። ወትትራከሶሙ እዴከ ለኩሎሙ ጸላእትከ።
- Psa. 20:9 ወትረስየሙ ከመ እቶነ እሳት ለጊዜ ገጽከ። እግዚአ በመዓትከ ሁኮሙ ወትብልዎሙ እሳት።
- Psa. 20:10 ወፍሬሆሙኒ ሰዐር እምድር። ወዘርዎሙኒ እምዕጓለ እመሕያው።
- Psa. 20:11 እስመ ሜጥዋ ለዐመፃ ላዕሌከ። ወኅለዩ ምክረ እንተ ኢይክሉ ዐቅሞ።
- Psa. 20:12 ወታገብአሙ ድኅሬሆሙ። ወታስተዴሉ ገጽሙ ለጊዜ መዓትከ።
- Psa. 20:13 ተለዐልከ እግዚአ በኅይልከ። ንሴብሕ ወንዜምር ለጽንዕከ።
- Psa. 21:1 አምላኪየ አምላኪየ ነጽረኒ ወለምንት ኀደገኒ። ርሑቅ እምአድኅኖትየ ቃለ ኅጢአትየ።

- Psa. 21:2 አምላኪየ ጸራሕኩ ኀቤክ ዕለትየ ወኢሰማዕከኒ። ወሌሊትየኒ ቅድሜከ ወኢኀለይከኒ።
- Psa. 21:3 አንተሰ ውስተ ቅዱሳኒከ ተኅድር ስቡሐ እስራኤል።
- Psa. 21:4 ኪያከ ተወከሉ አበዊነ። ተወከሉከኒ ወአድኅንኮሙ።
- Psa. 21:5 ኀቤከ ጸርሑ ወድኅኑ። ኪያከ ተወከሉ ወኢተኅፍሩ።
- Psa. 21:6 አንሰ ዕፄ ወአኮ ሰብእ። ምኑን በኀበ ሰብእ ወትሑት በውስተ ሕዝብ።
- Psa. 21:7 ኩሎሙ እለ ይሬእዩኒ ይትቃጸቡኒ። ይብሉ በከናፍሪሆሙ ወየሐውሱ ርእሶሙ።
- Psa. 21:8 ተወከለ በእግዚአብሔር ለያድኅኖ። ወያድኅኖ እመ ይፈቅዶ።
- Psa. 21:9 እስመ አንተ አውግእከኒ እምከርሥ። ወተወከልኩከ እንዘ ሀሎኩ ውስተ አጥባተ እምየ።
- Psa. 21:10 ላዕሌከ ተገደፍኩ እማሕፀን። እምከርሥ እምየ አንተ አምላኪየ።
- Psa. 21:11 ኢትርሐቅ እምኔየ እስመ አልጸቁ እትመንደብ። እስመ አልበ ዘይረድኦኒ።
- Psa. 21:12 ዐገቱኒ አልሕምት ብዙኃን። ወአኀዙኒ አስዋር ሥቡሐን።
- Psa. 21:13 ወአብቀዉ አፉሆሙ ላዕሌየ። ከመ አንበሳ ዘጽኑሕ ለመሢጥ።
- Psa. 21:14 ተከዐውኩ ከመ ማይ ወተዘርወ ኩሉ አዕፅምትየ። ወኮነ ልብየ ከመ ሠምዕ ዘይትመሰው በማእከለ ከርሥየ።
- Psa. 21:15 ወየብሰ ከመ ገልዕ ኀይልየ። ወጠግዐ ልሳንየ በጉርዔየ። ወአውረድከኒ ውስተ መሬተ ሞት።
- Psa. 21:16 ዐገቱኒ ከለባት ብዙኃን። ወአኀዙኒ ማኅበሮሙ ለእኩያን። ቀነዉኒ እደውየ ወእገርየ።
- Psa. 21:17 ወኑለቁ ኩሎ አዕፅምትየ። እሙንቱስ ጠዪቆሙ ወተዐወሩኒ።
- Psa. 21:18 ወተካፊሉ አልባስየ ለርእሶሙ። ወተዓፀዉ ዲበ ዐራዝየ።
- Psa. 21:19 አንተ እግዚአ ኢትርሐቅ እምኔየ። ወነጽር ውስተ ረዲኦትየ።
- Psa. 21:20 አድኅኖ እምኩናት ለነፍስየ። ወእምእደ ከለባት ለብሕቱትየ።
- Psa. 21:21 አድኅኒኒ እምአፈ አንበሳ። ወእምአቅርንት ዘአሐዱ ቀርኑ ለብሕቱትየ።
- Psa. 21:22 እነግሮሙ ስመከ ለአኀውየ። ወበማእከለ ማኅበር እሴብሐከ።
- Psa. 21:23 እለ ትፈርህዎ ለእግዚአብሔር ሰብሕዎ። ኩልክሙ ዘርዐ ያዕቆብ አክብርዎ። ወፍርህዎ ኩልክሙ ዘርዐ እስራኤል።
- Psa. 21:24 እስመ ኢመነን ወኢተቈጥዐ ስእለተ ነዳይ። ወኢሜጠ ገጽ እምኔየ። ሶበ ጸራሕኩ ኀቤሁ ይሰምዐኒ።
- Psa. 21:25 እምኀቤከ ክብርየ በማኅበር ዐቢይ። ወእውህብ ብፅዕትየ በቅድመ እለ ይፈርህዎ።
- Psa. 21:26 ይብልዑ ነዳያን ወይጽገቡ። ወይሰብሕዎ ለእግዚአብሔር ኩሎሙ እለ የኀሥሥዎ። ወየሐዩ ልበሙ ለዓለመ ዓለም።
- Psa. 21:27 ይዝክሩ ወይትመየጡ ኀበ እግዚአብሔር ኩሎሙ አጽናፈ ምድር። ወይስግዱ ቅድሜሁ ኩሎሙ በሐውርተ አሕዛብ።
- Psa. 21:28 እስመ ለእግዚአብሔር መንግሥት። ወውእቱ ይኳንኖሙ ለአሕዛብ።
- Psa. 21:29 ብልዑ ወስግዱ ኩልክሙ ጥሉላነ ምድር። ቅድሜሁ ይወድቁ ኩሎሙ እለ ይወርዱ ውስተ ምድር። ነፍስየኒ ሎቱ ተሐዩ።
- Psa. 21:30 ወዘርዕየኒ ሎቱ ይትቀነይ። ትዜንዎ ለእግዚአብሔር ትውልድ እንተ ትመጽእ።
- Psa. 21:31 ወይዜንዉ ጽድቅ ዚኣሁ። ሕዝብ ዘይትወለድ ዘገብረ እግዚአብሔር።
- Psa. 22:1 እግዚአብሔር ይሬእየኒ ወአልቦ ዘየኀጥኦኒ።
- Psa. 22:2 ውስተ ብሔር ሥዑር ህየ ያኅድረኒ። ወኀበ ማየ ዕረፍት ሐፀነኒ።
- Psa. 22:3 ሜጣ ለነፍስየ ወመርሐኒ ፍኖተ ጽድቅ። በእንተ ስመ ዚኣሁ።
- Psa. 22:4 እመኒ ሐርኩ ማእከለ ጽላሎተ ሞት። ኢይፈርህ ለእኩይ እስመ አንተ ምስሌየ። በትርከ ወቀስታምከ እማንቱ ገሠጻኒ።
- Psa. 22:5 ወሠራዕከ ማእደ በቅድሜየ። በአንጻሪሆሙ ለእለ ይሣቅዩኒ። ወአጽሐድከ በቅብዕ ርእስየ። ጽዋዕከኒ ጽኑዕ ወያረዊ።
- Psa. 22:6 ምሕረትከ ይትልወኒ በኩሉ መዋዕለ ሕይወትየ። ከመ ታንብረኒ ቤቶ ለእግዚአብሔር ለነዋኅ መዋዕል።
- Psa. 23:1 ለእግዚአብሔር ምድር በምልኦ። ዓለምኒ ወኩሎሙ እለ ይነብሩ ውስቴታ።
- Psa. 23:2 ወውእቱ በባሕር ሣረራ። ወበአፍላግኒ ውእቱ አጽንዓ።

- Psa. 23:3 መኑ የዐርግ ውስተ ደብረ እግዚአብሔር። ወመኑ ይቀውም ውስተ መካነ መቅደሱ።
- Psa. 23:4 ዘንጹሕ ልቡ ወንጹሕ እደቂሁ። ወዘኢነሥእ ከንቶ በላዕለ ነፍሱ። ወዘኢመሐለ በጉሕሉት ለቢጹ።
- Psa. 23:5 ውእቱ ይነሥእ በረከተ እምነበ እግዚአብሔር። ወሣህሉኒ እምነበ እግዚአብሔር አምላኩ።
- Psa. 23:6 ዛቲ ትውልድ ተነሥ ሎቱ። ወተነሥሥ ገጽ ለአምላክ ያዕቆብ።
- Psa. 23:7 አርሳዉ ጥጋተ መኳንንት። ወይትረኅዋ ጥጋት እለ እምፍጥረት። ወይባእ ንጉሠ ስብሐት።
- Psa. 23:8 መኑ ውእቱ ዝንቱ ንጉሠ ስብሐት። እግዚአብሔር ኀይል ወጽኑዕ። እግዚአብሔር ኀይል በውስተ ጸብእ።
- Psa. 23:9 አርሳዉ ጥጋተ መኳንንት። ወይትረኅዋ ጥጋት እለ እምፍጥረት። ወይባእ ንጉሠ ስብሐት።
- Psa. 23:10 መኑ ውእቱ ዝንቱ ንጉሠ ስብሐት። እግዚአብሔር አምላክ ኀይልን ውእቱ ዝንቱ ንጉሠ ስብሐት።
- Psa. 24:1 ኀቤክ እግዚአ ኣንቃዕዶኩ ነፍስየ አምላኪየ።
- Psa. 24:2 ወኪያክ ተወክልኩ እግዚአ ወኢይትኀፈር ለዓለም። ወኢይሥሐቁኒ ጸላእትየ። እስመ ኩሎሙ እለ ይሴፈዉክ ኢይትኀፈሩ።
- Psa. 24:3 ለይትኀፈሩ ኩሎሙ እለ ይኤብሱ ዘልፈ።
- Psa. 24:4 ፍኖተክ እግዚአ አምረኒ። ወአሠረ ዚኣክ ምህረኒ።
- Psa. 24:5 ወምርሐኒ በጽድቅክ። ወምህረኒ እስመ አንተ አምላኪየ ወመድኀኒየ። ወኪያክ እሴፎ ኩሎ አሚረ።
- Psa. 24:6 ተዘከር ሣህለክ እግዚአ። ወምሕረትክኒ እስመ ለዓለም ውእቱ።
- Psa. 24:7 ኀጢአትየ ዘበንእስየ ወእበድየ ኢትዝከር ሊተ። ወበከመ ሣህልክ ተዘከረኒ። በእንተ ምሕረትክ እግዚአ።
- Psa. 24:8 ኄርኒ ወጸድቅኒ እግዚአብሔር። በእንተ ዝ ይመርሖሙ ፍኖተ ለእለ ይስሕቱ።
- Psa. 24:9 ወይሚህሮሙ ፍትሐ ለየዋሃን። ወይኤምሮሙ ፍኖተ ለልቡባን።
- Psa. 24:10 ኩሎ ፍኖቱ ለእግዚአብሔር ሣህል ወጽድቅ። ለእለ የኀሥ ሕጎ ወስምዖ።
- Psa. 24:11 በእንተ ስምክ እግዚአ። ወስረይ ሊተ ኩሎ ኀጢአትየ እስመ ብዙኀ ውእቱ።
- Psa. 24:12 መኑ ውእቱ ብእሲ ዘይፈርሆ ለእግዚአብሔር። ወይመርሖ ፍኖተ እንተ ኀርየ።
- Psa. 24:13 ወነፍሱሂ ውስተ ሠናይ ተኀድር። ወዘርዑሂ ይወርስዋ ለምድር።
- Psa. 24:14 ኀይሎሙ ውእቱ እግዚአብሔር ለእለ ይፈርህዎ። ወስሞሂ ለእግዚአብሔር ለእለ ይጼውዕዎ። ወሕጎሂ ይሚህሮሙ።
- Psa. 24:15 አዕይንትየስ ዘልፈ ኀበ እግዚአብሔር። እስመ ውእቱ ይባልሖን እመሥገርት ለእገርየ።
- Psa. 24:16 ነጽር ላዕሌየ ወተሣህለኒ። እስመ ባሕታዊ ወነዳይ ኣነ።
- Psa. 24:17 ወብዙኀ ሐዘኑ ለልብየ። አድኀኒኒ እምንዳቤየ።
- Psa. 24:18 ርኢ ሕማምየ ወስራሕየ። ወኀድግ ሊተ ኩሎ ኀጢአትየ።
- Psa. 24:19 ወርኢ ከመ በዝኑ ጸላእትየ። ጽልኣ በዐመፃ ይጸልኡኒ።
- Psa. 24:20 ዕቀባ ለነፍስየ ወአድኀኒ። ወኢይትኀፈር እስመ ኪያክ ተወክልኩ።
- Psa. 24:21 የዋሃን ወራትዓን ተለዉኒ። እስመ ተሰፈውኩክ እግዚአ።
- Psa. 24:22 ያድኀኖ እግዚአብሔር ለእስራኤል እምኩሎ ምንዳቤሁ።
- Psa. 25:1 ፍታሕ ሊተ እግዚአ እስመ አንሰ በየውሀትየ አሐውር። ወተወክልኩ በእግዚአብሔር ከመ ኢይድክም።
- Psa. 25:2 ፍትኀኒ እግዚአ ወአመክረኒ። ፍትን ልብየ ወኩልያትየ።
- Psa. 25:3 ከመ ምሕረትክ ቅድመ አዕይንትየ ውእቱ። ወተፈሣሕኩ በአድኀኖትክ።
- Psa. 25:4 ወኢነበርኩ ውስተ ዐውደ ከንቱ። ወኢቦእኩ ምስለ ዐማፅያን።
- Psa. 25:5 ጸላእኩ ማኅበረ እኩያን። ወኢይነብር ምስለ ጽልሕዋን።
- Psa. 25:6 ወኣኀብ በንጹሕ እደውየ። ወአዐውድ ምሥዋዒክ እግዚአ።
- Psa. 25:7 ከመ እስማዕ ቃለ ስብሐቲክ። ወከመ እንግር ኩሎ መንክረክ።
- Psa. 25:8 እግዚአ አፍቀርኩ ሥነ ቤትክ። ወመካነ ማኅደረ ስብሐቲክ።
- Psa. 25:9 ኢትግድፋ ምስለ ኃጥኣን ለነፍስየ። ወኢ ምስለ ዕድወ ደም ለሕይወትየ።
- Psa. 25:10 እለ ዐመፃ ውስተ እደቂሆሙ። ወምልእት ሕልያነ የማኖሙ።
- Psa. 25:11 ወአንሰ በየውሀትየ አሐውር። አድኀኒኒ እግዚአ ወተሣህለኒ።
- Psa. 25:12 እስመ በርቱዕ ቆማ እገርየ። በማኅበር እባርክክ እግዚአ።

- Psa. 26:1 እግዚአብሔር ያበርህ ሊተ ወያድኅኒኝ ምንትኑ ያፈርህኝ። እግዚአብሔር ምእመና ለሕይወትየ ምንትኑ ያደነግፀኝ።
- Psa. 26:2 ሶበ ይቀርቡኝ እኩያን ይብልዑኝ ሥጋየ። ጸላእትየሰ እለ ይሣቅዩኝ እሙንቱ ደክሙ ወወድቁ።
- Psa. 26:3 እመኝ ጸብኣኝ ተዓይን ኢይፈርህኝ ልብየ። ወእመኝ ሮዱኝ ጸባኢት አንሰ ቦቱ ተወክልኩ።
- Psa. 26:4 አሐተ ሰአልክዎ ለእግዚአብሔር ወኪያሃ አኅሥሥ። ከመ እኅድር ቤቶ ለእግዚአብሔር በኩሉ መዋዕለ ሕይወትየ። ወከመ ያርእየኝ ዘያሠምሮ ለእግዚአብሔር። ወከመ እፀመድ ውስተ ቤተ መቅደሱ።
- Psa. 26:5 እስመ ኅብኣኝ ውስተ ጽላሎቱ በዕለተ ምንዳቤየ። ወሰወረኝ በምኅባኣ ጽላሎቱ። ወዲበ ኩኩሕ አልዐለኝ።
- Psa. 26:6 ናሁ ይእዜ አልዐለ እግዚአብሔር ርእሰየ ዲበ ጸላእትየ። ያድኩ ወሦዕኩ ውስተ ደብተራሁ መሥዋዕተ። ወየበብኩ ሎቱ። እሴብሕ ወእዜምር ለእግዚአብሔር።
- Psa. 26:7 ስምዐኝ እግዚአብሔር ያልየ ዘሰአልኩ ኅቤክ። ተሣህለኝ ወስምዐኝ።
- Psa. 26:8 ለከ ይብለከ ልብየ። ወኅሠሥኩ ገጸክ። ገጸ ዚኣከ አኅሥሥ እግዚአብሔር።
- Psa. 26:9 ወኢትሚጥ ገጸከ እምኔየ። ወኢትትገሐሥ እምገብርከ ተምዒዐከ። ረዳኤ ኩነኝ ወኢትግድፈኝ። ወኢትትሆየኝ አምላኪየ ወመድኅኒየ።
- Psa. 26:10 እስመ አቡየ ወእምየ ገደፉኝ። ወእግዚአብሔር ተወክፈኝ።
- Psa. 26:11 ምርሐኝ እግዚአብሔር ፍኖተክ። ወምርሐኝ ፍኖተ ርትዕከ በእንተ ጸላእትየ።
- Psa. 26:12 ወኢትመጥወኝ ለነፍሰ እለ ይሣቅዩኝ። እስመ ቆሙ ላዕሌየ ሰማዕተ ዐመፃ። ወሐሰት ርእሰ ዐመፃ።
- Psa. 26:13 እትአመን ከመ እርኣይ ሠናይቶ ለእግዚአብሔር በብሔረ ሕያዋን።
- Psa. 26:14 ወተሰፈዎ ለእግዚአብሔር። ተዐገሥ ወእጽንዕ ልበክ። ወተሰፈዎ ለእግዚአብሔር።
- Psa. 27:1 ኅቤከ እግዚአብሔር ጸራሕኩ አምላኪየ ወኢትጸመመኝ። እመሰ ተጸመምከኝ እከውን ከመ እለ ይወርዱ ውስተ ግብ።
- Psa. 27:2 ስምዐኝ እግዚአብሔር ስእለትየ ዘጸራሕኩ ኅቤክ። ሶበ አነሥእ እደውየ በጽርሐ መቅደስክ።
- Psa. 27:3 ኢትስሐባ ምስለ ኃጥኣን ለነፍሰየ። ወኢትግድፈኝ ምስለ ገበርተ ዐመፃ። እለ ይትናገሩ ሰላመ ምስለ ቢጸሙ። ወእኩይ ውስተ ልቦሙ።
- Psa. 27:4 ሀቦሙ በከመ ምግባሮሙ። ወበከመ እከየ ኅሊናሆሙ። ፍድዮሙ በከመ ግብረ እደዊሆሙ። ፍድዮሙ ፍዳሆሙ ላዕለ ርእሶሙ።
- Psa. 27:5 እስመ ኢኅለዩ ውስተ ግብረ እግዚአብሔር። ወኢ ውስተ ግብረ እደዊሆ። ንሥቶሙ ወኢትሕንጸሙ።
- Psa. 27:6 ይትባረክ እግዚአብሔር እስመ ስምዐኝ ቃለ ስእለትየ።
- Psa. 27:7 እግዚአብሔር ረዳኢየ ወምእመንየ። ወቦቱ ተወክለ ልብየ ወይረድኣኝ። ወሠረጸ ሥጋየ። ወእምፈቃድየ አአምኖ።
- Psa. 27:8 እግዚአብሔር ኅይሎሙ ውእቱ ለሕዝቡ። ወምእመን መድኅኒተ መሲሔ ውእቱ።
- Psa. 27:9 አድኅን ሕዝበከ ወባርክ ርስተክ። ረዐዮሙ ወአልዕሎሙ እስከ ለዓለም።
- Psa. 28:1 አምጽኡ ለእግዚአብሔር ውሉደ አማልክት። አምጽኡ ለእግዚአብሔር ዕጉለ ሐራጊት።
- Psa. 28:2 አምጽኡ ለእግዚአብሔር ክብረ ወስብሐተ። አምጽኡ ለእግዚአብሔር ስብሐተ ለስሙ። ስግዱ ለእግዚአብሔር በዐጸደ መቅደሱ።
- Psa. 28:3 ቃለ እግዚአብሔር ላዕለ ማያት። አምላክ ስብሐት አንጐድጐደ። እግዚአብሔር ላዕለ ማያት ብዙኅ።
- Psa. 28:4 ቃለ እግዚአብሔር በኅይል። ቃለ እግዚአብሔር በዐቢይ ስብሐት።
- Psa. 28:5 ቃለ እግዚአብሔር ይቀጠቅጥ አርዘ። ወይቀጠቅጦ እግዚአብሔር ለአርዘ ሊባኖስ።
- Psa. 28:6 ወያደገድኅ ከመ ላሕመ ሊባኖስ። ወፍቁርሰ ከመ ወልድ ዘአሐዱ ቀርኑ።
- Psa. 28:7 ቃለ እግዚአብሔር ይመትር ነደ እሳት።
- Psa. 28:8 ቃለ እግዚአብሔር ያድለቀልቆ ለገዳም። ወያድለቀልቆ እግዚአብሔር ለሐቅለ ቃደስ።
- Psa. 28:9 ቃለ እግዚአብሔር ያጸንዖሙ ለሀየላት። ወይከሥት አዕዋሙ። ወበጽርሔሰ ኩሉ ይብል ስብሐት።
- Psa. 28:10 እግዚአብሔር ያስተጋብኦ ለማየ አይኅ። ይነብር እግዚአብሔር ወይነግሥ ለዓለም።
- Psa. 28:11 ወይውሀቦሙ እግዚአብሔር ኅይለ ለሕዝቡ። እግዚአብሔር ይባርኩሙ ለሕዝቡ በሰላም።
- Psa. 29:1 አኣኩተከ እግዚአብሔር እስመ ተወክፍከኝ። ወስላተ ጸላኢየ ኢረሰይከኝ።

- Psa. 29:2 እግዚአብሔር ደራሕኩ ጎቤከ ወተሳሰለክኝ።
- Psa. 29:3 እግዚአብሔር ደራሕኩ እምሲኦል ለነፍሱ። ወደድህንክኝ እምሲኦል ይወርዱ ውስተ ግብ።
- Psa. 29:4 ዘምሩ ለእግዚአብሔር ደድቃኑ። ወግነዩ ለዝክረ ቅድሳቱ።
- Psa. 29:5 እስመ መቅሠፍት እመዓቱ ወሐደው እምፈቃዱ። በምሴት ይደምፅ ብካይ ወበጽባሕ ፍሥሐ።
- Psa. 29:6 አንሰ እቤ በተድላየ ኢይትሀወክ ለዓለም።
- Psa. 29:7 እግዚአብሔር በሥምረትክ ሀባ ጎይለ ለሕይወት። ሜጥከሰ ገጸከ ወኮንኩ ድንጉፀ።
- Psa. 29:8 ጎቤከ እግዚአብሔር ደራሕኩ ጎብ አምላኪየ እስክል።
- Psa. 29:9 ምንተ ያሰልጥ ደምየ ለእመ ወረድኩ ውስተ ሙስና። መሬትኑ የአምነከ ወይነግር ጽድቀክ።
- Psa. 29:10 ሰምዐ እግዚአብሔር ወተሳሰለኝ። ወኮነኝ እግዚአብሔር ረዳኢየ።
- Psa. 29:11 ሜጥከ ላሕየ ወአስተፍሣሕክኝ። ሠጠጥከ ሠቅየ ወሐሄተ አቅነትክኝ።
- Psa. 29:12 ከመ እዘምር ለከ ክብርየ ወኢደደንግፅ። እግዚአብሔር አምላኪየ እገኝ ለከ ለዓለም።
- Psa. 30:1 ከያከ ተወክልኩ እግዚአብሔር ወኢይትጎፈር ለዓለም። ወበጽድቅክ አንግፈኝ ወባልሐኝ።
- Psa. 30:2 አጽምዕ እዝከ ጎቤየ ወፍጡኑ አድነኝ። ኩነኝ አምላኪየ ወመድነኝ። ወቤተ ጸወንየ ከመ ታድነኝ።
- Psa. 30:3 እስመ ጎይልየ ወጸወንየ አንተ። በእንተ ስምክ ምርሐኝ ወሴስየኝ።
- Psa. 30:4 ወአውፅአኝ እምዛቲ መሥገርት እንተ ጎብኡ ሊተ። እስመ አንተ ረዳኢየ እግዚአብሔር።
- Psa. 30:5 ውስተ እዴክ አማሐፅን ነፍሱ። ቤዝወኝ እግዚአብሔር አምላክ ጽድቅ።
- Psa. 30:6 ጸላእከ እግዚአብሔር ከሎ ዘየዐቅብ ከንቶ ለዝሉፉ። ወአንሰ በእግዚአብሔር ተወክልኩ።
- Psa. 30:7 እትፌሣሕ ወእትሐሠይ በአድነኝ። እስመ ርኢክኝ በሕማምየ። ወአድነኝክ እምንዳቤሃ ለነፍሱ።
- Psa. 30:8 ወኢዘጋሕክኝ ውስተ እደ ፀርየ። ወአቀምኮን ውስተ መርሕብ ለእገርየ።
- Psa. 30:9 ተሳሰለኝ እግዚአብሔር እስመ ሐመምኩ። ወተሀውከት እመዓት ዐይንየ። ነፍሱኝ ወከርሥየኝ።
- Psa. 30:10 እስመ ጎልቀ በሕማም ሕይወትየ። ወዓመትየኝ በግዓር። ወደክመ በተጽናሰ ጎይልየ። ወአንቀልቀለ ከሎ አዕፅምትየ።
- Psa. 30:11 ወተጽዕልኩ በጎብ ከሎሙ ጸላእትየ። ወፈድፋደሰ በጎብ ጎርየ። ግሩመ ኮንክምሙ ለአዝማድየ። እለኝ ይፌእየኝ አፍኦ ይጎዩ እምኔየ።
- Psa. 30:12 ቀብጹኝ እምልብ ከመ ዘሞተ። ወኮንኩ ከመ ንዋይ ዘተሀጉለ።
- Psa. 30:13 እስመ ሰማዕኩ ድምፀ ብዙኃን እለ ዐገቱኝ ዐውድየ። ሶበ ተጋብኡ ጎብረ ላዕሌየ። ወተማከሩ ይምሥጥዋ ለነፍሱ።
- Psa. 30:14 ወአንሰ ብከ ተወክልኩ እግዚአብሔር። ወእቤለከ አምላኪየ አንተ።
- Psa. 30:15 ውስተ እዴክ ርስትየ። አድነኝ እምእደ ፀርየ። ወእምእለ ሮዱኝ።
- Psa. 30:16 ክብርህ ገጸከ ላዕለ ገብርክ። ወአድነኝ በእንተ ምሕረትክ።
- Psa. 30:17 ወኢይትጎፈር እግዚአብሔር እስመ ጸዋዕኩ። ለይትጎፈሩ ጽልሕዋን ወይረዱ ውስተ ሲኦል።
- Psa. 30:18 አሌ ሎን ለከፍፍረ ጉሕሉት። እለ ይነባ ዐመፃ ላዕለ ጸድቅ። በትዕቢት ወበመንኖ።
- Psa. 30:19 ወበከመ ብዝሃ ምሕረትክ እግዚአብሔር። ሰወርኩሙ ለእለ ይፈርሁክ። ወአድነኝኩሙ ለእለ ይትዌከሉ ብከ። በቅድመ ደቂቀ ዕጓለ እመሕያው።
- Psa. 30:20 ወተጎብኦሙ በጽላሎትክ እምሀከከ ሰብእ። ወትከድኖሙ በመንጠላዕትክ እምባህለ ልሳን።
- Psa. 30:21 ይትባረክ እግዚአብሔር ዘሰብሐ ምሕረቶ ላዕሌየ በብዝሃ ምንዳቤየ።
- Psa. 30:22 አንሰ እቤ ተገደፍኩኝ እንጋ እምቅድመ አዕይንቲክ። በእንተ ዝ ሰምዐኝ እግዚአብሔር ቃለ ስእለትየ ዘጸራሕኩ ጎቤሁ።
- Psa. 30:23 አፍቅርዎ ለእግዚአብሔር ከልክሙ ደድቃኑ። እስመ ጽድቀ የጎሥሥ እግዚአብሔር። ወይትቤቀሎሙ ለእለ የጎሥሡ ትዕቢተ ፈድፋድ።
- Psa. 30:24 ተዐገሡ ወአጽንዑ ልበክሙ። ከልክሙ እለ ተወክልክሙ በእግዚአብሔር።
- Psa. 31:1 ብፁዓን እለ ተጎድገ ሎሙ ጎጢኦቶሙ። ወእለ ኢሐሰበ ሎሙ ከሎ ጌጋየሙ። ብፁዕ ብእሲ ዘኢጉላቄ ሎቱ እግዚአብሔር ጎጢኦቶ። ወዘአልቦ ጽልሑት ውስተ ልቡ።
- Psa. 31:2 እስመ አርመምኩ በልያ አዕፅምትየ። እምጎብ እጸርሕ ከሎ አሚረ።
- Psa. 31:3 እስመ መዓልተ ወሌሊተ ከብደት እዴክ ላዕሌየ። ወተመየጥኩ ለሕርትምና ሶበ ወግኣኝ ሦክ።

- Psa. 31:4 ኅጢአትየ ነገርኩ ወአበሳየ ኢኅባእኩ። ወእቤ አስተዋዲ ርእሰየ ኅበ እግዚአብሔር በእንተ ኅጢአትየ። ወአንተ ኅድግ ጽልሑቶ ለልብየ።
- Psa. 31:5 በእንተ ዝ ይጸሊ ኅቤከ ኩሉ ጻድቅ በጊዜ ርቱዕ። ወባሕቱ ማየ አይኅ ብዙ ኢይቀርብ ኅቤከ።
- Psa. 31:6 አንተ ምስካይየ እምዛቲ ምንዳቤየ እንተ ረከበትኒ። ወትፍሥሕትየኒ ከመ ታድኅነኒ እምእለ ሮዱኒ።
- Psa. 31:7 አሌብወከ ወአጸንዐከ በዛቲ ፍኖት ሖርከ። ወአጸንዕ አዕይንትየ ላዕሌከ።
- Psa. 31:8 ኢትኩኑ ከመ ፈረሰ ወበቅል እለ አልቦሙ ልብ። እለ በሕሳል ወበልጓም ይመይጥዎሙ መላትሒሆሙ። ከመ ኢይቅረቡ ኅቤከ።
- Psa. 31:9 ብዙኅ መቅሠፍቶሙ ለኃጥአን። ወእለሰ ይትዌከሉ በእግዚአብሔር ሣህል ይሚግበሙ።
- Psa. 31:10 ተፈሥሑ በእግዚአብሔር ወተሐሠዩ ጻድቃኑ። ወተመክሑ ኩልክሙ ርቱዓነ ልብ።
- Psa. 32:1 ተፈሥሑ ጻድቃን በእግዚአብሔር። ወለራትዓን ይደልዎሙ ክብር።
- Psa. 32:2 ግነዩ ለእግዚአብሔር በመሰንቆ። ወበመዝሙር ዘዐሠርቱ አውታሪሁ ዘምሩ ሎቱ።
- Psa. 32:3 ወሰብሕዎ ስብሐተ ሐዲሰ። ሠናየ ዘምሩ ወየብቡ ሎቱ።
- Psa. 32:4 እስመ ጽድቅ ቃሉ ለእግዚአብሔር። ወኩሉ ግብሩ በሃይማኖት።
- Psa. 32:5 ያፈቅር እግዚአብሔር ጽድቀ ወምጽዋተ። ሣህሉ ለእግዚአብሔር መልአ ምድረ።
- Psa. 32:6 ወበቃለ እግዚአብሔር ጸንዓ ሰማያት። ወእምእስትንፋሰ አፉሁ ኩሉ ኅይሎሙ።
- Psa. 32:7 ዘያስተጋብእ ከመ ዝቅ ለማየ ባሕር። ወይሠይሞ ውስተ መዛግብተ ቀላያት።
- Psa. 32:8 ትፈርህ ለእግዚአብሔር ኩላ ምድር። ወእምኔሁ ይደነግፁ ኩሎሙ እለ ይነብሩ ውስተ ዓለም።
- Psa. 32:9 እስመ ውእቱ ይቤ ወኮኑ። ወውእቱ አዘዘ ወተፈጥሩ።
- Psa. 32:10 እግዚአብሔር ይመይጥ ምክሮሙ ለአሕዛብ። ወይመይጥ ኅሊናሆሙ ለሕዝብ። ወያረስዎሙ ምክሮሙ ለመላእክት።
- Psa. 32:11 ወምክሩሰ ለእግዚአብሔር ይሄሉ ለዓለም። ወኅሊና ልቡኒ ለትውልደ ትውልድ።
- Psa. 32:12 ብፁዕ ሕዝብ ዘእግዚአብሔር አምላኩ። ሕዝብ ዘኅረየ ሎቱ ለርስቱ።
- Psa. 32:13 እምሰማይ ሐወጸ እግዚአብሔር። ወርእየ ኩሎ ደቂቀ ዕጓለ እመሕያው።
- Psa. 32:14 ወእምድልው ጽርሐ መቅደሱ። ወርእየ ላዕለ ኩሎሙ እለ ኅዱራን ዲበ ምድር።
- Psa. 32:15 ዘውእቱ ባሕቲቱ ፈጠረ ልቦሙ። ወዘየአምር ኩሎ ምግባሮሙ።
- Psa. 32:16 ኢይድኅን ንጉሥ በብዝኅ ሰራዊቱ። ወያርብሕኒ ኢድኅን በብዙኅ ኅይሉ።
- Psa. 32:17 ወፈረሰኒ ሐሰት ኢያድኅን። ወኢያመሥጥ በብዝኅ ጽንዑ።
- Psa. 32:18 ናሁ አዕይንቲሁ ለእግዚአብሔር ኅበ እለ ይፈርህዎ። ወእለሰ ይትዌከሉ በምሕረቱ።
- Psa. 32:19 ያድኅና እሞት ለነፍሶሙ። ወይሴስዮሙ አመ ረኃብ።
- Psa. 32:20 ነፍሰነሰ ትሴፈዎ ለእግዚአብሔር። እስመ ረዳኢነ ወምስካይነ ውእቱ።
- Psa. 32:21 እስመ ቦቱ ይትፌሣሕ ልብነ። ወተወከልነ በስሙ ቅዱስ።
- Psa. 32:22 ለትኩን እግዚአ ምሕረትከ ላዕሌነ። ወበከመ ላዕሌከ ተወከልነ።
- Psa. 33:1 እባርኮ ለእግዚአብሔር በኩሉ ጊዜ። ወዘልፈ ስብሐቲሁ ውስተ አፉየ።
- Psa. 33:2 በእግዚአብሔር ትኩብር ነፍስየ። ይስምዑ የዋሃን ወይትፈሥሑ።
- Psa. 33:3 አዕብይዎ ለእግዚአብሔር ምስሌየ። ወናልዕል ስሞ ኅቡረ።
- Psa. 33:4 ኅሠሥክዎ ለእግዚአብሔር ተሰጥወኒ። ወእምኩሉ ምንዳቤየ አድኅነኒ።
- Psa. 33:5 ቅረቡ ኅቤሁ ወያበርህ ለክሙ። ወኢይትኅፈር ገጽክሙ።
- Psa. 33:6 ዝንቱ ነዳይ ጸርሐ ወእግዚአብሔር ሰምዎ። ወእምኩሉ ምንዳቤሁ አድኅኖ።
- Psa. 33:7 ይትዓየን መልአክ እግዚአብሔር ዐውዶሙ። ለእለ ይፈርህዎ ወያድኅኖሙ።
- Psa. 33:8 ጠዐሙ ወታእምሩ ከመ ኄር እግዚአብሔር። ብፁዕ ብእሲ ዘተወከለ ቦቱ።
- Psa. 33:9 ፍርህዎ ለእግዚአብሔር ኩልክሙ ቅዱሳኑ። እስመ አልቦሙ ተጽናስ ለእለ ይፈርህዎ።
- Psa. 33:10 ብዑላንሰ ነድዩ ወርኅቡ። ወእለሰ የኅሥሥዎ ለእግዚአብሔር ኢተጸነሱ እምኩሉ ሠናያት።
- Psa. 33:11 ንዑ ደቂቅየ ወስምዑኒ። ፈሪህ እግዚአብሔር እምሀርክሙ።
- Psa. 33:12 ሙኑ ውእቱ ብእሲ ዘይፈቅድ ሐዬወ። ወያፈቅር ይርአይ መዋዕለ ሠናያተ።
- Psa. 33:13 ክላእ ልሳነከ እምእኩይ። ወከናፍሪከኒ ከመ ኢይንብባ ጉሕሉተ።
- Psa. 33:14 ተገሐሥ እምእኩይ ወግበር ሠናየ። ኅሥሣ ለሰላም ወዴግና።
- Psa. 33:15 እስመ አዕይንቲሁ ለእግዚአብሔር ኅበ ጻድቃኑ። ወእዝኑሂ ኅበ ስእለቶሙ።

- Psa. 33:16 ገጹ ለእግዚአብሔር ኅብ እለ ይገብሩ እኩየ። ከመ ይሠሩ እምድር ዝክሮሙ።
- Psa. 33:17 ጸርሑ ጻድቃን ወእግዚአብሔር ሰምዖሙ። ወእምኩሉ ምንዳቤሆሙ አድኅኖሙ።
- Psa. 33:18 ቅሩብ እግዚአብሔር ለየዋሃነ ልብ። ወያድኅኖሙ ለትሑታነ መንፈስ።
- Psa. 33:19 ብዙኅ ሕማሞሙ ለጻድቃን። ወእምኩሉ ያድኅኖሙ እግዚአብሔር።
- Psa. 33:20 እግዚአብሔር የዐቅብ ኩሎ አዕዕምቲሆሙ። ወኢይትቀጠቀጥ አሐዱ እምውስቴቶሙ።
- Psa. 33:21 ሞቱ ለኃጥእ ፀዋግ። ወእለሰ ይጸልእዋ ለጽድቅ ይኔስሑ።
- Psa. 33:22 ይቤዙ እግዚአብሔር ነፍሰ አግብርቲሁ። ወኢይኔስሑ ኩሎሙ እለ ይትዌከሉ ቦቱ።
- Psa. 34:1 ግፍዖሙ እግዚአብሔር ለእለ ይገፍዑኒ። ጸብአሙ እግዚአብሔር ይጸብአኒ።
- Psa. 34:2 ንሣእ ወልታ ወኩናተ ወተንሥእ ውስተ ረዲአትየ።
- Psa. 34:3 ምላኅ ሰይፈክ ወዕግቶሙ ለእለ ሮዱኒ። በላ ለነፍስየ አነ ውእቱ ረዳኢኪ።
- Psa. 34:4 ለይትኅፈሩ ወይኅሰሩ ኩሎሙ እለ የኅሥሥዋ ለነፍስየ። ለይግብኡ ድኅሬሆሙ ወይትኅፈሩ እለ መከሩ እኩየ ላዕሌየ።
- Psa. 34:5 ለይኩኑ ከመ ጸበል ዘቅድመ ገጸ ነፋስ። ወመልአክ እግዚአብሔር ለይሣቅዮሙ።
- Psa. 34:6 ለትኩን ፍኖቶሙ ዳኅፀ ወጽልመተ። ወመልአክ እግዚአብሔር ለይስድዶሙ።
- Psa. 34:7 እስመ በከንቱ ኅብኡ ሊተ መሥገርተ ያጥፍኡኒ። ወበከንቱ አመንዘዝዋ ለነፍስየ።
- Psa. 34:8 ለትምጽአሙ መሥገርት እንተ ኢያእመሩ። ወተአኅዘሙ መሥገርት እንተ ኅብኡ። ወይደቁ ውስተ ይእቲ መሥገርት።
- Psa. 34:9 ነፍስነሰ ትትፌሣሕ በእግዚአብሔር። ወትትሐሠይ በአድኅኖቱ።
- Psa. 34:10 ኩሎ አዕዕምትየ ይብሉክ። እግዚአብሔር መኑ ከማክ። ታድኅኖ ለነዳይ እምእደ ዘይትዔገሎ። ለነዳይ ወለምስኪን እምእደ ዘይመሥጦ።
- Psa. 34:11 ተንሥኡ ላዕሌየ ሰማዕተ ዐመፃ። ወዘኢየአምር ነበቡ ላዕሌየ።
- Psa. 34:12 ፈደዩኒ እኪተ ህየንተ ሠናይት። ወአኅጥእዋ ውሉደ ለነፍስየ።
- Psa. 34:13 ወአንሰ ሶበ አስርሑኒ ለበስኩ ሠቀ። ወአሕመምክዋ በጾም ለነፍስየ። ወጸሎትየኒ ገብአ ውስተ ሕዕንየ።
- Psa. 34:14 ከመ ዘለአኅወየ ወለቢጽየ ከማሁ አድሎኩ። ከመ ዘይላሑ ወይቴክዝ ከማሁ አትሐትኩ ርእስየ።
- Psa. 34:15 ተጋብኡ ላዕሌየ ወተፈሥሑ። ተማከሩ ይቅሥፉኒ ወኢያእመርኩ። ተሰብሩሂ ወኢደንገፁ።
- Psa. 34:16 ፈተኑኒ ወተሣለቁ ላዕሌየ ወሠሐቁኒ። ወሐቀዩ ስነኒሆሙ ላዕሌየ።
- Psa. 34:17 እግዚአብሔር ማእዜኑ ትፈትሕ ሊተ። አድኅኖ ለነፍስየ እምእከየ ምግባሮሙ። ወእምአናብስት ለብሕቱትየ።
- Psa. 34:18 እገኒ ለከ እግዚአብሔር በውስተ ማኅበር ዐቢይ። ወእሴብሐክ በውስተ ሕዝብ ክቡድ።
- Psa. 34:19 ወኢይትፈሥሑ ላዕሌየ እለ ይጸልኡኒ በዐመፃ። እለ ይፃረሩኒ በከንቱ ወይትቃጸቡኒ በአዕይንቲሆሙ።
- Psa. 34:20 እስመ ሊተሰ ሰላመ ይትናገሩኒ። ወይመክሩ በቅጽር ያመንስዉኒ።
- Psa. 34:21 ወአብቀዉ አፋሆሙ ላዕሌየ። ወይቤሉ እንቋዕ እንቋዕ ርኢናሁ በአዕይንቲነ።
- Psa. 34:22 ርኢ እግዚአብሔር ወኢታርምም። እግዚአብሔር ኢትርሐቅ እምኔየ።
- Psa. 34:23 ተንሥእ እግዚአብሔር ወአጽምዕ ፍትሕየ። አምላኪየ ወእግዚእየ ውስተ ቅሥትየ።
- Psa. 34:24 ፍታሕ ሊተ እግዚአብሔር አምላኪየ በከመ ጽድቅክ። ወኢይትፈሥሑ ላዕሌየ።
- Psa. 34:25 ወኢይበሉ በልቦሙ እንቋዕ እንቋዕ ላዕላ ነፍስየ። ወኢይበሉ ውኅጥናሁ።
- Psa. 34:26 ለይትኅፈሩ ወይኅሰሩ እለ ይትፌሥሑ በሕማምየ። ወይልበሉ ኅፍረተ ወኅሳረ እለ ያዐብዩ አፋሆሙ ላዕሌየ።
- Psa. 34:27 ለይትፈሥሑ ወይትሐሠዩ እለ ይፈቅድዋ ለጽድቅየ። ወይበሉ በኩሉ ጊዜ ዐቢይ እግዚአብሔር። እለ ይፈቅዱ ሰላመ ገብርክ።
- Psa. 34:28 ልሳንየ ያነብብ ጽድቀክ። ወኩሎ አሚረ ስብሐቲክ።
- Psa. 33:1 እባርኮ ለእግዚአብሔር በኩሉ ጊዜ። ወዘልፈ ስብሐቲሁ ውስተ አፋየ።
- Psa. 33:2 በእግዚአብሔር ትክብር ነፍስየ። ይስምዑ የዋሃን ወይትፈሥሑ።
- Psa. 33:3 አዕብይዎ ለእግዚአብሔር ምስሌየ። ወናልዕል ስሞ ኅቡረ።
- Psa. 33:4 ኅሠሥክዎ ለእግዚአብሔር ተሰጥወኒ። ወእምኩሉ ምንዳቤየ አድኅኒኒ።

- Psa. 33:5 ቅረቡ ኅቤሁ ወያበርህ ለክሙ። ወኢይትጎፈር ገጽክሙ።
- Psa. 33:6 ዝንቱ ነዳይ ጸርሐ ወእግዚአብሔር ሰምዖ። ወእምኩሉ ምንዳቤሁ አድኅኖ።
- Psa. 33:7 ይትዓየን መልአክ እግዚአብሔር ዐውዶሙ። ለእለ ይፈርህዎ ወያድኅኖሙ።
- Psa. 33:8 ጠዐሙ ወታእምሩ ከመ ጌር እግዚአብሔር። ብፁዕ ብእሲ ዘተወከለ ቦቱ።
- Psa. 33:9 ፍርህዎ ለእግዚአብሔር ኩልክሙ ቅዱሳን። እስመ አልቦሙ ተጽናስ ለእለ ይፈርህዎ።
- Psa. 33:10 ብዑሳንሰ ነድዩ ወርኅቡ። ወእለሰ የኅሥሥዎ ለእግዚአብሔር ኢተጸነሱ እምኩሉ ሠናያት።
- Psa. 33:11 ንዑ ደቂቅየ ወስምዑኒ። ፈሪህ እግዚአብሔር እምሀርክሙ።
- Psa. 33:12 መኑ ውእቱ ብእሲ ዘይፈቅድ ሐዬወ። ወያፈቅር ይርአይ መዋዕለ ሠናያት።
- Psa. 33:13 ክላእ ልሳነክ እምእኩይ። ወከናፍሪከኒ ከመ ኢይንብባ ጉሕሉተ።
- Psa. 33:14 ተገሐሥ እምእኩይ ወግበር ሠናየ። ኅሥሣ ለሰላም ወዴግና።
- Psa. 33:15 እስመ አዕይንቲሁ ለእግዚአብሔር ኅበ ጻድቃን። ወእዝኑሂ ኅበ ስእለቶሙ።
- Psa. 33:16 ገጹ ለእግዚአብሔር ኅበ እለ ይገብሩ እኩየ። ከመ ይሠሩ እምድር ዝክሮሙ።
- Psa. 33:17 ጸርሐ ጻድቃን ወእግዚአብሔር ሰምዖሙ። ወእምኩሉ ምንዳቤሆሙ አድኅኖሙ።
- Psa. 33:18 ቅሩብ እግዚአብሔር ለየዋሃነ ልብ። ወያድኅኖሙ ለትሑታነ መንፈስ።
- Psa. 33:19 ብዙኅ ሕማሞሙ ለጻድቃን። ወእምኩሉ ያድኅኖሙ እግዚአብሔር።
- Psa. 33:20 እግዚአብሔር የዐቅብ ኩሎ አዕፅምቲሆሙ። ወኢይትቀጠቀጥ አሐዱ እምውስቱቶሙ።
- Psa. 33:21 ሞቱ ለኃጥእ ፀዋግ። ወእለሰ ይጸልእዎ ለጽድቅ ይኔስሑ።
- Psa. 33:22 ይቤዙ እግዚአብሔር ነፍሰ አግብርቲሁ። ወኢይኔስሑ ኩሎሙ እለ ይትዌከሉ ቦቱ።
- Psa. 34:1 ግፍዖሙ እግዚአብሔር ለእለ ይገፍዑኒ። ጸብኦሙ እግዚአብሔር ይጸብኦኒ።
- Psa. 34:2 ንሣእ ወልታ ወኩናተ ወተንሥእ ውስተ ረዲአትየ።
- Psa. 34:3 ምላኅ ሰይፈክ ወዕግቶሙ ለእለ ሮዱኒ። በላ ለነፍስየ አነ ውእቱ ረዳኢኪ።
- Psa. 34:4 ለይትጎፈሩ ወይኅሰሩ ኩሎሙ እለ የኅሥሥዎ ለነፍስየ። ለይግብኡ ድኅሬሆሙ ወይትጎፈሩ እለ መከሩ እኩየ ላዕሌየ።
- Psa. 34:5 ለይኩኑ ከመ ጸበል ዘቅድመ ገጸ ነፋስ። ወመልአክ እግዚአብሔር ለይሣቅዮሙ።
- Psa. 34:6 ለትኩን ፍፍቶሙ ዳኅፀ ወጽልመተ። ወመልአክ እግዚአብሔር ለይስድዶሙ።
- Psa. 34:7 እስመ በከንቱ ኅብኡ ሊተ መሥገርተ ያጥፍኦኒ። ወበከንቱ አመንዘዝዎ ለነፍስየ።
- Psa. 34:8 ለትምጽኦሙ መሥገርት እንተ ኢያእመሩ። ወተአኅዞሙ መሥገርት እንተ ኅብኡ። ወይደቂ ውስተ ይእቲ መሥገርት።
- Psa. 34:9 ነፍስነሰ ትትፌሣሕ በእግዚአብሔር። ወትትሐሠይ በአድኅኖቱ።
- Psa. 34:10 ኩሎ አዕፅምትየ ይብሉከ። እግዚአብሔር መኑ ከማከ። ታድኅኖ ለነዳይ እምእደ ዘይትዔገሎ። ለነዳይ ወለምስኪን እምእደ ዘይመሥጦ።
- Psa. 34:11 ተንሥኡ ላዕሌየ ሰማዕተ ዐመፃ። ወዘኢየአምር ነበቡ ላዕሌየ።
- Psa. 34:12 ፈደዩኒ እኪተ ህየንተ ሠናይት። ወአኅጥእዎ ውሉደ ለነፍስየ።
- Psa. 34:13 ወአንሰ ሶበ አስርሑኒ ለበስኩ ሠቀ። ወአሕመምክዎ በጾም ለነፍስየ። ወጸሎትየኒ ገብአ ውስተ ሕፅንየ።
- Psa. 34:14 ከመ ዘለኦኅወየ ወለቢጽየ ከማሁ አድሎኩ። ከመ ዘይላሑ ወይቲክዝ ከማሁ አትሐትኩ ርእስየ።
- Psa. 34:15 ተጋብኡ ላዕሌየ ወተፈሥሑ። ተማከሩ ይቅሥፉኒ ወኢያእመርኩ። ተሰብሩሂ ወኢደንገፁ።
- Psa. 34:16 ፈተኑኒ ወተሣለቁ ላዕሌየ ወሠሐቁኒ። ወሐቀዩ ስነኒሆሙ ላዕሌየ።
- Psa. 34:17 እግዚአብሔር ማእኬኑ ትፈትሕ ሊተ። አድኅና ለነፍስየ እምእከየ ምግባሮሙ። ወእምአናብስት ለብሕቱትየ።
- Psa. 34:18 እገኒ ለከ እግዚአብሔር በውስተ ማኅበር ዐቢይ። ወእሴብሐከ በውስተ ሕዝብ ክቡድ።
- Psa. 34:19 ወኢይትፈሥሑ ላዕሌየ እለ ይጸልኦኒ በዐመፃ። እለ ይፃረሩኒ በከንቱ ወይትቃጸቡኒ በአዕይንቲሆሙ።
- Psa. 34:20 እስመ ሊተሰ ሰላም ይትናገሩኒ። ወይመክሩ በቅጽር ያመንስዉኒ።
- Psa. 34:21 ወአብቀዉ አፋሆሙ ላዕሌየ። ወይቤሉ እንቋዕ እንቋዕ ርኢናሁ በአዕይንቲነ።
- Psa. 34:22 ርኢ እግዚአብሔር ወኢታርምም። እግዚአብሔር ኢትርሐቅ እምኔየ።
- Psa. 34:23 ተንሥእ እግዚአብሔር ወአጽምዕ ፍትሕየ። አምላኪየ ወእግዚአብሔር ውስተ ቅሥትየ።

- Psa. 34:24 ፍታሕ ሊተ እግዚአብሔር አምላኪየ በከመ ጽድቅክ። ወኢይትፈሥሑ ላዕሌየ።
- Psa. 34:25 ወኢይበሉ በልቦሙ እንቋዕ እንቋዕ ላዕሌ ነፍስየ። ወኢይበሉ ውኅጥናሁ።
- Psa. 34:26 ለይትጎፈሩ ወይጎሰሩ እለ ይትፈሥሑ በሕማምየ። ወይልበሱ ጎፍረተ ወጎሳረ እለ ያዑብዩ ለፋሆሙ ላዕሌየ።
- Psa. 34:27 ለይትፈሥሑ ወይትሐሠዩ እለ ይፈቅድዎ ለጽድቅየ። ወይበሉ በኩሉ ጊዜ ዐቢይ እግዚአብሔር። እለ ይፈቅዱ ሰላም ገብርክ።
- Psa. 34:28 ልሳንየ ያነብብ ጽድቅክ። ወኩሎ አሚረ ስብሐቲክ።
- Psa. 35:1 ይነብብ ኃጥእ በዘያስሕት ርእሶ። ወአልቦ ፍርሀተ እግዚአብሔር ቅድመ አዕይንቲሁ።
- Psa. 35:2 እስመ ጸልሐወ በልሳኑ። ሶበ ትረክቦ ጎጢአቱ ይጸልክ።
- Psa. 35:3 ቃለ አፋሁ ዐመፃ ወጉሕሉት። ወኢፈቀደ ይለቡ ከመ ያሠኒ።
- Psa. 35:4 ውጎለየ ዐመፃ በውስተ ምስካቡ። ወቆመ በፍኖት እንተ በኩሉ ኢኮነት ሠናይተ። ወኢይትሀከያ ለእኪት።
- Psa. 35:5 እግዚአብሔር በሰማይ ሣህልክ። ወጽድቅከኒ እስከ ደመናት።
- Psa. 35:6 ወርትዕከኒ ከመ አድባረ እግዚአብሔር። ኩነኔክ ዕሙቅ ጥቀ። ሰብክ ወእንሰሳ ታድጎን እግዚአብሔር።
- Psa. 35:7 ወበከመ አብዛካክ ምሕረተክ እግዚአብሔር ደቂቀ ዕጓለ እመሕያው ይትዌከሉ በታሕተ ክነፈክ።
- Psa. 35:8 ወይረውዩ እምጠለ ቤትክ። ወትሰቅዮሙ እምፈለገ ትፍሥሕትክ።
- Psa. 35:9 እስመ እምጎቤክ ነቅዐ ሕይወት። በብርሃንክ ንርአይ ብርሃን።
- Psa. 35:10 ስፋሕ ምሕረተክ እግዚአብሔር ላዕሌ እለ የአምሩክ። ወጽድቅከኒ ለርቱዓነ ልብ።
- Psa. 35:11 ኢይምጽኦኒ እግረ ትዕቢት። ወእደ ኃጥእ ኢይሁከኒ።
- Psa. 35:12 ህየ ይወድቁ ኩሎሙ ገበርተ ዐመፃ። ይሰደዱ ወኢይክሉ ቀዊመ።
- Psa. 36:1 ኢትቅናእ ላዕሌ እኩያን። ወኢትቅናእ ላዕሌ ገበርተ ዐመፃ።
- Psa. 36:2 እስመ ከመ ሣዕር ፍጡነ ይየብሱ። ወከመ ሐመልማለ ሐምል ፍጡነ ይወድቁ።
- Psa. 36:3 ተወከል በእግዚአብሔር ወግበር ሠናየ። ወያጎድረክ ዲበ ምድር። ወይርዕየክ ዲበ ብዕላ።
- Psa. 36:4 ተፈሣሕ በእግዚአብሔር ወይውህበክ ስእለተ ልብክ።
- Psa. 36:5 ክሥት ለእግዚአብሔር ፍኖተክ። ተወከል ቦቱ ወውእቱ ይገብር ለክ።
- Psa. 36:6 ወያመጽኦ ከመ ብርሃን ለጽድቅክ። ወፍትሕከኒ ከመ መዓልት።
- Psa. 36:7 ግነይ ለእግዚአብሔር ወተፀመዶ። ወኢትቅናእ ላዕሌ ዘይዴሎ በሕይወቱ። ወላዕሌ ሰብክ ዘይገብር ዐመፃ።
- Psa. 36:8 ጎድጋ ለመዓት ወግድፋ ለቅጥዓ። ወኢትቅናእ ከመ ታሕሥም።
- Psa. 36:9 እስመ እለ ያሐሥሙ ይሄረዉ። ወእለሰ ይትዔገሥዎ ለእግዚአብሔር እሙንቱ ይወርስዎ ለምድር።
- Psa. 36:10 ወዓዲ ጎዳጠ ኢይሄሉ እንከ ኃጥእ። ተጎሥሥ ወኢትረክብ መካኖ።
- Psa. 36:11 የዋሃንሰ ይወርስዎ ለምድር። ወይትፈሥሑ በብዙኅ ሰላም።
- Psa. 36:12 ያስተሐይጾ ኃጥእ ለጻድቅ። ወየሐቂ ስነኒሁ ላዕሌሁ።
- Psa. 36:13 ወእግዚአብሔርሰ ይሥሕቆ። እስመ ያቀድም አእምሮ ከመ በጽሐ ዕለቱ።
- Psa. 36:14 ሰይፎሙ መልኩ ኃጥኦን። ወወሰቁ ቀስቶሙ። ከመ ይቅትልዎ ለነዳይ ወለምስኪን። ወከመ ይርግዝዎሙ ለርቱዓነ ልብ።
- Psa. 36:15 ሰይፎሙ ይባእ ውስተ ልቦሙ። ወይትቀጥቀጥ አቅስስቲሆሙ።
- Psa. 36:16 ይኔይስ ጎዳጥ ዘበጽድቅ። እምብዙኅ ብዕለ ኃጥኦን።
- Psa. 36:17 እስመ ይትቀጠቀጥ ጎይሎሙ ለኃጥኦን። ያጸንዎሙ እግዚአብሔር ለጻድቃን።
- Psa. 36:18 ወየአምር እግዚአብሔር ፍኖተ ንጹሐን። ወለዓለም ውእቱ ርስቶሙ።
- Psa. 36:19 ወኢይትጎፈሩ በመዋዕለ እኩያት። ወይጸግቡ በመዋዕለ ረኃብ።
- Psa. 36:20 ኃጥኦንሰ ይትሀገሎሉ። ጸላእቱሰ ለእግዚአብሔር ሶበ ከብሩ ወተለዐሉ። የጎልቁ ወይጠፍኦ ከመ ጢስ።
- Psa. 36:21 ይትሌቃሕ ኃጥእ ወኢይፈዲ። ጻድቅሰ ይምሕር ወይውህብ።
- Psa. 36:22 እስመ እለ ይባርክዎ ይወርስዎ ለምድር። ወእለሰ ይረግሙ ይሄረዉ።
- Psa. 36:23 እምጎበ እግዚአብሔር ይጸንዕ ሐረቱ ለሰብክ። ለዘይፈቅድ ፍኖቶ ፈድፋደ።
- Psa. 36:24 እመኒ ወድቀ ኢይደነግፅ። እስመ እግዚአብሔር ይሰውቆ እዴሁ።

- Psa. 36:25 ወርዘውኩሂ ወረሣእኩ። ጻድቀስ ዘይትገደፍ ኢርኢኩ። ወዘርዑሂ ኢይጼነስ እክለ።
- Psa. 36:26 ወኹሎ አሚረ ይምሕር ወይሌቅሕ። ወዘርዑሂ ውስተ በረከት ይሄሉ።
- Psa. 36:27 ተገሐሥ እምእኩይ ወግበር ሠናየ። ወትነብር ለዓለመ ዓለም።
- Psa. 36:28 እስመ ጽድቅ ያፈቅር እግዚአብሔር። ወኢይገድፎሙ ለጻድቃን። ወለዓለም የዐቅቦሙ። ወይትቤቀል ሎሙ ለንጹሓን። ወይሄሩ ዘርዖሙ ለኃጥአን።
- Psa. 36:29 ጻድቃንስ ይወርስዋ ለምድር። ወይነብሩ ውስቴታ ለዓለመ ዓለም።
- Psa. 36:30 አፉሁ ለጻድቅ ይትሜሀር ጥበበ። ወልሳኑ ይነብብ ጽድቀ።
- Psa. 36:31 ወሕገ አምላኩ ውስተ ልቡ። ወኢይድኅፅ ሰኩናሁ።
- Psa. 36:32 ያስተሐይጾ ኃጥእ ለጻድቅ። ወይፈቅድ ይቅትሎ።
- Psa. 36:33 ወኢየኅድኅ እግዚአብሔር ውስተ እዴሁ። ወኢይመውኦ ሶበ ይትዋቀሦ።
- Psa. 36:34 ተዐገሦ ለእግዚአብሔር ወዕቀብ ፍኖቶ። ወያዕብየከ ከመ ትረሳ ለምድር። ወትሬኢ ከመ ይሄረዉ ኃጥአን።
- Psa. 36:35 ርኢክዎ ለኃጥእ ዐብየ ወተለዐለ ከመ አርዘ ሊባኖስ።
- Psa. 36:36 ወሶበ እገብእ ኅጣእክዎ። ኅሠሥኩ ወኢረከብኩ መካኖ።
- Psa. 36:37 ዕቀብ የውሀተ ወትሬኢ ጽድቀ። እስመ ቦቱ ተረፈ ብእሴ ሰላም።
- Psa. 36:38 ወዐማፅያንስ ይሄረዉ። ወይሄረዉ ትራፋቲሆሙ ለኃጥአን።
- Psa. 36:39 መድኅኒቶሙ ለጻድቃን እምኅበ እግዚአብሔር። ወቀዋሚሆሙ ውእቱ በጊዜ ምንዳቤሆሙ።
- Psa. 36:40 ይረድኦሙ እግዚአብሔር ወያድኅኖሙ። ወያነግፎሙ እምእደ ኃጥአን። ወያድኅኖሙ እስመ ተወከሉ ቦቱ።
- Psa. 37:1 እግዚአ በመዓትከ ኢትቅሥፈኒ። ወበመቅሠፍትከ ኢትገሥጸኒ።
- Psa. 37:2 እስመ አሕጻክ ደጉጻኒ። ወአጽናዕከ እዴከ ላዕሌየ።
- Psa. 37:3 ወአልቦ ፈውስ ለሥጋየ እምገጸ መዓትከ። ወአልቦ ሰላም ለአዕፅምትየ እምገጸ ኅጢአትየ።
- Psa. 37:4 እስመ ኖኅ እምሥዕርተ ርእስየ ጌጋይየ። ከመ ጸር ክቡድ ከብደ ላዕሌየ።
- Psa. 37:5 ጼኦ ወበኅብኑም አዕፅምትየ እምገጸ እበድየ።
- Psa. 37:6 ሐርተምኩ ወተቀጻዕኩ ለዝሉፉ። ወኹሎ አሚረ ትኩዝየ አንሶሱ።
- Psa. 37:7 እስመ ጸግበት ጽዕለተ ነፍስየ። ወኅጣእኩ ፈውስ ለሥጋየ።
- Psa. 37:8 ደወይኩ ወሐመምኩ ፈድፋድ። ወእጉሥዕ እምሐዘነ ልብየ።
- Psa. 37:9 በቅድሜከ ኩሉ ፍትወትየ። ወገዓርየኒ ኢይትኅባእ እምኔከ።
- Psa. 37:10 ልብየኒ ደንገፀኒ ወኅይልየኒ ኅደገኒ። ወብርሃነ አዕይንትየኒ ለከወኒ።
- Psa. 37:11 አዕርክትየኒ ወቢጽየኒ ዕድወ ኮኑኒ ሮዱኒ ወደበደኒ። ወአዝማድየኒ ቀብጹኒ ወተናከሩኒ።
- Psa. 37:12 ወተኃየሉኒ እለ የኅሥሥዋ ለነፍስየ። ወእለኒ ይፈቅዱ ሕማምየ ነበቡ ከንቶ። ወኹሎ አሚረ ይመክሩ በቅጽር ያመንስዉኒ።
- Psa. 37:13 ወአንስ ከመ ጽሙም ዘኢይሰምዕ። ወከመ በሃም ዘኢይከሥት አፉሁ።
- Psa. 37:14 ወኮንኩ ከመ ብእሴ ዘኢይሰምዕ። ወከመ ዘኢይክል ተናግሮ በአፉሁ።
- Psa. 37:15 እስመ ኪያከ ተወከልኩ እግዚአ። አንተ ስምዐኒ እግዚአ አምላኪየ።
- Psa. 37:16 እስመ እቤ ኢትረስየኒ ስላተ ጸላኢየ። ወእመኒ ድኅፅ ሰኩናየ ያዕብየ አፉሆሙ ላዕሌየ።
- Psa. 37:17 እስመ ሊተስ አጽንሑኒ ይቅሥፉኒ። ወቅስልየኒ ቅድሜየ ውእቱ በኹሉ ጊዜ።
- Psa. 37:18 ወእነግር ጌጋይየ። ወእቴክዝ በእንተ ኅጢአትየ።
- Psa. 37:19 ጸላእትየስ ሕያዋን ወይኔይሉኒ። ወበዝኑ እለ በዐመፃ ይጸልኩኒ።
- Psa. 37:20 እለ ይፈድዩኒ እኪተ ህየንተ ሠናይት። ወያስተዋድዩኒ በተሊወ ጽድቅ። ወገደፉ እኅዋሆሙ ከመ በድን ርከስ።
- Psa. 37:21 አንተ ኢትግድፈኒ እግዚአ አምላኪየ ወኢትርሐቅ እምኔየ። ወነጽር ውስተ ረዲኦትየ እግዚአ አምላክ መድኅኒትየ።
- Psa. 38:1 እቤ አዐቅብ አፉየ ከመ ኢይስሐት በልሳንየ። ወአንበርኩ ዐቃቤ ለአፉየ። ሶበ ይትቃወሙኒ ኃጥአን ቅድሜየ።
- Psa. 38:2 ተጸመምኩ ወአትሐትኩ ርእስየ። ወአርመምኩ ለሠናይ። ወተሐደስኒ ቅስልየ።
- Psa. 38:3 ወሞቀኒ ልብየ በውስጥየ። ወነደ እሳት እምአንብቦትየ። ወእቤ በልሳንየ።

- Psa. 38:4 ንግረኒ እግዚአብሔር ደኃሪኩም፡ ምንት እማንቱ ጉልቶን ለመዋዕል፡ ከመ አእምር ለምንት እዴኅር አነ፡
- Psa. 38:5 ናሁ ብሉያተ ረሰይኮን ለመዋዕል፡ ወአካልየኒ ወኢ ከመ ምንት በቅድሜክ፡ ወባሕቱ ከንቱ ኩሉ ደቂቀ ዕንሰ እመሕያው፡
- Psa. 38:6 ወከመ ጽላሎት ያንሶሱ ኩሉ ሰብእ፡ ወባሕቱ ከንቶ ይትሀወኩ፡ ይዘግቡ ወኢየአምሩ ለዘያስተጋብኡ፡
- Psa. 38:7 ወይእዜኒ መኑ ተስፋየ አኮኑ እግዚአብሔር፡ ወትዕግሥትየኒ እምኅቤክ ውእቱ፡
- Psa. 38:8 ወእምኩሉ ኅጢአትየ አድኅንከኒ፡ ወረሰይከኒ ጽዕለተ ለአብዳን፡
- Psa. 38:9 ተጸመምኩ ወኢከሠትኩ አፉየ፡ እስመ አንተ ፈጠርከኒ፡
- Psa. 38:10 አርሕቅ እምኔየ መቅሠፍተክ፡ እስመ እምጽንዐ እዴክ ኅለቁ አነ፡
- Psa. 38:11 በተግሣጽክ በእንተ ኅጢአቱ ተዛለፍኮ ለሰብእ፡ ወመሰውካ ከመ ሣሬት ለነፍሱ፡ ወባሕቱ ከንቶ ይትሀወኩ ኩሉ ሰብእ፡
- Psa. 38:12 ስምዐኒ እግዚአብሔር ጸሎትየ ወስእለትየ፡ ወአጽምዐኒ አንብዕየ ወኢትጸመመኒ፡ እስመ ፈላሲ አነ ውስተ ምድር፡ ወነግድ ከመ ኩሉ አበውየ፡
- Psa. 38:13 ሥነተኒ ከመ አዕርፍ፡ ዘእንበለ እሑር ኅበ ኢይገብእ፡
- Psa. 39:1 ጸኒሐ ጸናሕክዎ ለእግዚአብሔር፡ ስምዐኒ ወተመይጠኒ፡ ወስምዐኒ ቃለ ስእለትየ፡
- Psa. 39:2 ወአውፅኣኒ እምዐዘቅተ ሕርትምና፡ ወእምጽቡር ዐምዓም፡ ወአቀሞን ውስተ ኩኩሕ ለእገርየ፡ ወአጽንዎን ለመከየድየ፡
- Psa. 39:3 ወወደየ ውስተ አፉየ ስብሐተ ሐዲሰ፡ ስብሐቲሁ ለአምላክነ፡ ይርአዩ ብዙኃን ወይፍርሁ፡ ወይትወከሉ በእግዚአብሔር፡
- Psa. 39:4 ብፁዕ ብእሲ ዘስመ እግዚአብሔር ትውክልቱ፡ ወዘኢነጻረ ውስተ ከንቱ ውስተ መዓት ወሐስት፡
- Psa. 39:5 ብዙኅ ገበርክ እግዚአብሔር አምላኪየ መንክረክ፡ ወአልቦ ዘይመስሎ ለኅሊናክ፡ አይዳዕኩ ወነገርኩ ወበዝኅ እምጉልቶ፡
- Psa. 39:6 መሥዋዕተ ወቀርባኅ ኢፈቀድኩ፡ ሥጋክ አንጽሕ ሊተ፡ መሥዋዕተ ዘበእንተ ኅጢአት ኢሠመርኩ፡
- Psa. 39:7 ውእቱ ጊዜ እቤ ነየ መጻእኩ፡ ውስተ ርእሰ መጽሐፍ ተጽሕፈ በእንቲአየ፡
- Psa. 39:8 ከመ እንግር ፈቃደክ መከርኩ አምላኪየ፡ ወሕግከኒ በማእከለ ከርሥየ፡
- Psa. 39:9 ዜኖኩ ጽድቀክ በማኅበር ዐቢይ፡ ወናሁ ኢከላእኩ ከናፍርየ፡ እግዚአብሔር ተአምር ጽድቅየ፡
- Psa. 39:10 ወኢኅባእኩ ውስተ ልብየ ርትዐክ፡ ወነገርኩ አድኅኖተክ፡ ወኢሰወርኩ ሣህለክ ወምሕረተክ እማኅበር ዐቢይ፡
- Psa. 39:11 አንተ እግዚአብሔር ኢታርሕቅ ሣህለክ እምኔየ፡ ምሕረትክ ወጽድቅክ ዘልፈ ይርከባኒ፡
- Psa. 39:12 እስመ ረከበተኒ እኪት እንተ አልባቲ ጉልቶ፡ ወተራከባኒ ኅጣውእየ ወስእንኩ ነጽሮ፡ ወበዝኃ እምሥዕርተ ርእሰየ፡ ልብየኒ ኅደገኒ፡
- Psa. 39:13 ሥመር እግዚአብሔር ከመ ታድኅነኒ፡ እግዚአብሔር ነጽር ውስተ ረዲኦትየ፡
- Psa. 39:14 ይትኅፈሩ ወይኅሰሩ ኅቡረ እለ ይፈቅዱ ያእትትዋ ለነፍስየ፡ ለይግብኡ ድኅሬሆሙ ወይትኅፈሩ እለ ይፈቅዱ ሊተ እኩየ፡
- Psa. 39:15 ወይትፈደዩ በጊዜ ኅሳሮሙ እለ ይብሉኒ እንቋዕ እንቋዕ፡
- Psa. 39:16 ለይትፈሥሑ ወይትሐሠዩ ብክ ኩሎሙ እለ የኅሡክ እግዚአብሔር፡ ወይበሉ ዘልፈ ዐቢይ እግዚአብሔር፡ እለ ይፈቅዱ አድኅኖተክ በኩሉ ጊዜ፡
- Psa. 39:17 አንሰ ነዳይ ወምስኪን አነ፡ ወእግዚአብሔር ይኄሊ ሊተ፡ ረዳኢየ ወመድኅኒየ አንተ አምላኪየ ወኢትጐንዲ፡
- Psa. 40:1 ብፁዕ ዘይሌቡ ላዕለ ነዳይ ወምስኪን፡ እምዕለት እኪት ያድኅኖ እግዚአብሔር፡
- Psa. 40:2 እግዚአብሔር የዐቅቦ ወያሐይዎ ወያበፅዖ ዲበ ምድር፡ ወኢያገብኦ ውስተ እደ ጸላኢሁ፡
- Psa. 40:3 እግዚአብሔር ይረድኦ ውስተ ዐራተ ሕማሙ፡ ወይመይጥ ሎቱ ኩሎ ምስካቢሁ እምደዌሁ፡
- Psa. 40:4 አንሰ እቤ እግዚአብሔር ተሣህለኒ፡ ወስረይ ላቲ ለነፍስየ እስመ አበስኩ ለክ፡
- Psa. 40:5 ጸላእትየሰ እኩየ ይቤሉ ላዕሌየ፡ ማእዜ ይመውት ወይሰዐር ስሙ፡
- Psa. 40:6 ይባእ ወይርአይ ዘከንቶ ይነብብ፡ ልቡ አስተጋብኦ ኅጢአተ ላዕሌሁ፡ ይወፅእ አፍኦ ወይትናገር፡

- Psa. 40:7 ወየኀብር ላዕሌየ። ወይትቃጸቡኒ ኩሎሙ ጸላእትየ። ወይመክሩ እኩየ ላዕሌየ።
- Psa. 40:8 ነገረ ጌጋይ አውፅኦ ላዕሌየ። ዘኖመሰ ኢይነቅህኑ እንከ።
- Psa. 40:9 ብእሴ ሰላምየ ዘኪያሁ እትአመን። ዘይሴሰይ እክልየ አንሥእ ሰኩናሁ ላዕሌየ።
- Psa. 40:10 አንተ እግዚአብሔር ተሳታፊክ ወአንሥኡኒ እፍድሮሙ።
- Psa. 40:11 በእንተ ዝ አእመርኩ ከመ ሠመርከኒ። ወኢተፈሥሑ ጸላእትየ ላዕሌየ።
- Psa. 40:12 ወሊተሰ በእንተ የውሀትየ ተወከፍከኒ። ወአጽናዕከኒ ቅድሜከ ለዓለም።
- Psa. 40:13 ይትባረክ እግዚአብሔር አምላክ እስራኤል። እምይእዜ ወእስከ ለዓለም ለይኩን ለይኩን።
- Psa. 41:1 ከመ ያፈቅር ሀየል ኀበ አንቅዕተ ማያት። ከማሁ ታፈቅር ነፍስየ ኀበ እግዚአብሔር።
- Psa. 41:2 ጸምኡት ነፍስየ ኀበ አምላኪየ ሕያው። ማእዜ እበጽሕ ወእፊኡ ገጽ ለአምላኪየ።
- Psa. 41:3 ሲሳየ ኮነኒ አንብዕየ መዓልተ ወሌሊተ። እስመ ይብሉኒ ኩሎ አሚረ አይቴ ውእቱ አምላክከ።
- Psa. 41:4 ዘንተ ተዘርዮ ተክዕወት ነፍስየ በላዕሌየ። እስመ እበውእ ውስተ መካን ማኅደረ ስብሐት ቤተ እግዚአብሔር። በቃለ አሚን ወበትፍሥሕት ደምፁ እለ ይገብሩ በዓለ።
- Psa. 41:5 ለምንት ትቴክዚ ነፍስየ ወለምንት ተሀውክኒ። እመኒ በእግዚአብሔር ከመ እገኒ ሎቱ። መድኀኔ ገጽየ አምላኪየ።
- Psa. 41:6 ተሀውከት ነፍስየ በላዕሌየ። በእንተ ዝ እዜከረክ እግዚአብሔር። በምድረ ዮርዳኖስ በአርሞንኤም በደብር ንኡስ።
- Psa. 41:7 ቀላይ ለቀላይ ትጼውዖ በቃለ አስራቢከ። ኩሎ ማዕበልከ ወሞገድከ እንተ ላዕሌየ ኀለፈ።
- Psa. 41:8 መዓልተ ይኤዝዝ እግዚአብሔር ሃህሎ ወሌሊተ ይነግር። እምኀቤየ ብፅዕተ ሕይወትየ ለእግዚአብሔር።
- Psa. 41:9 እብሎ ለእግዚአብሔር አምላኪየ አንተ ለምንት ትረስዐኒ። ለምንት ተኅድገኒ ወለምንት ትኩዝየ አንሶሱ። ሶበ ያመነድቡኒ ፀርየ።
- Psa. 41:10 ወያጸነጽዉኒ አዕፅምትየ። ወይጼዕሉኒ ኩሎሙ ጸላእትየ። እስመ ይብሉኒ ኩሎ አሚረ አይቴ ውእቱ አምላክከ።
- Psa. 41:11 ለምንት ትቴክዚ ነፍስየ ወለምንት ተሀውክኒ። እመኒ በእግዚአብሔር ከመ እገኒ ሎቱ። መድኀኔ ገጽየ አምላኪየ።
- Psa. 42:1 ፍታሕ ሊተ እግዚአብሔር ወተበቀል በቀልየ። እምሕዝብ ውፁኣን እምጽድቅ። እምብእሲ ዐማፂ ወጽልሕው ባልሐኒ።
- Psa. 42:2 እስመ አንተ አምላኪየ ውኅይልየ። ለምንት ተኅድገኒ ወለምንት ትኩዝየ አንሶሱ። ሶበ ያመነድቡኒ ፀርየ።
- Psa. 42:3 ፈኑ ብርሃነከ ወጽድቀከ። እማንቱ ይምርሓኒ ወይሰዳኒ ደብረ መቅደስከ። ወውስተ አብያቲከ እግዚአብሔር።
- Psa. 42:4 እበውእ ኀበ ምሥዋዒሁ ለእግዚአብሔር። ኀበ አምላኪየ ዘአስተፍሥሓ ለውርዙትየ። እገኒ ለከ አምላኪየ በመሰንቆ።
- Psa. 42:5 ለምንት ትቴክዚ ነፍስየ ወለምንት ተሀውክኒ። እመኒ በእግዚአብሔር ከመ እገኒ ሎቱ። መድኀኔ ገጽየ አምላኪየ።
- Psa. 43:1 እግዚአብሔር ሰማዕነ በእዘኒ። ወአበዊነሂ ዜነዉኒ። ግብረ ዘገበርከ በመዋዕሊሆሙ በመዋዕል ትካት።
- Psa. 43:2 እደከ ሠረወቶሙ ለፀር ወተከልከ ኪያሆሙ። ሣቀይኮሙ ለአሕዛብ ወሰደድኮሙ።
- Psa. 43:3 ዘአኮ በኩናቶሙ ወረስዋ ለምድር። ወመዝራዕቶሙኒ ኢያድኅኖሙ። ዘእንበለ የማንከ ወመዝራዕትከ ውብርሃነ ገጽከ። እስመ ተሳታፊኩሙ።
- Psa. 43:4 አንተ ውእቱ ንጉሥየ ወአምላኪየ። ዘአዘዝከ መድኀኒቶ ለያዕቆብ።
- Psa. 43:5 ብከ ንወግእሙ ለኩሎሙ ፀርነ። ወበስምከ ናኀስሮሙ ለእለ ቆሙ ላዕሌነ።
- Psa. 43:6 ዘአኮ በቀስትየ እትአመን። ወኩናትየኒ ኢያድኅኒ።
- Psa. 43:7 ወአድኅንከነ እምእለ ሮዱነ። ወአስተኅፈርኮሙ ለኩሎሙ ጸላእትነ።
- Psa. 43:8 በእግዚአብሔር ንከብር ኩሎ አሚረ። ወለስምከ ንገኒ ለዓለም።
- Psa. 43:9 ይእዜሰ ገደፍከነ ወአስተኅፈርከነ። ወኢትወፅእ አምላክነ ምስለ ኀይልነ።
- Psa. 43:10 ወአግባእከነ ድኅሬነ ኀበ ፀርነ። ወተማሠጡነ ጸላእትነ።
- Psa. 43:11 ወወሀብከነ ይብልዑኒ ከመ አባግዕ። ወዘሮከነ ውስተ አሕዛብ።

- Psa. 43:12 ወመጦከ ሕዝብከ ዘእንበለ ሢጥ። ወአልቦ ብዝኅ ለይባቤን።
- Psa. 43:13 ወረሰይከን ጽዕለተ ለጎርን። ሠሐቀ ወሥላቀ ለአድያሚን።
- Psa. 43:14 ወረሰይከን አምሳለ ለአሕዛብ። ወሐሰተ ርእስ ለሕዝብ።
- Psa. 43:15 ኩሎ አሚረ ቅድሚያ ውእቱ ኅፍረትየ። ወከደነኒ ኅፍረት ገጽየ።
- Psa. 43:16 እምቃለ ዘይጽዕል ወይዘረኪ። እምገጸ ፀራዊ ዘይረውድ።
- Psa. 43:17 ዝንቱ ኩሎ በጽሐ ላዕሌን ወኢረሳዕናክ። ወኢመፅነ ኪዳነክ።
- Psa. 43:18 ወኢገብአ ድኅሬሁ ልብን። ወኢተግሕሠ አሠርን እምፍኖትክ።
- Psa. 43:19 እስመ አሕመምክን በብሔር እኩይ። ወደፈነን ጽላሎተ ሞት።
- Psa. 43:20 ሶበሁ ረሳዕነ ስሞ ለአምላክን። ወሶበሁ አንሣእን እደዊን ኅብ አምላክ ነኪር።
- Psa. 43:21 አኮኑ እግዚአብሔር እምተጋሠሦ ለዝንቱ። እስመ ውእቱ የአምር ኅቡአተ ልብን።
- Psa. 43:22 እስመ በእንቲአሁ ይቀትሉን ኩሎ አሚረ። ወኮነ ከመ አባግዕ ዘይጠብሑ።
- Psa. 43:23 ንቃህ እግዚአ ወለምንት ትነውም። ተንሥእ ወኢትግድፈን ለዝሉፉ።
- Psa. 43:24 ወለምንት ትመይጥ ገጸክ እምኔን። ወትረስዐን ሕማመን ወተጽናሰን።
- Psa. 43:25 እስመ ኅስረት ውስተ ምድር ነፍሰን። ወጠግዐት በምድር ከርሥን።
- Psa. 43:26 ተንሥእ እግዚአ ርድኣን። ወአድኅነን በእንተ ስምክ።
- Psa. 44:1 ጐሥዐ ልብየ ቃለ ሠናየ። ኣነ ኣየድዕ ግብርየ ለንጉሥ። ከመ ቀለመ ጸሓፊ ዘጠበጠበ ይጽሕፍ ልሳንየ።
- Psa. 44:2 ይሄኒ ላሕዩ እምውሉደ ዕጓለ እመሕያው። ተክዕወ ሞገስ እምከናፍሪክ። በእንተ ዝ ባረከክ እግዚአብሔር ለዓለም።
- Psa. 44:3 ቅንት ሰይፈክ ኅያል ውስተ ሐቓክ። በሥንክ ወበላሕይክ።
- Psa. 44:4 አርትዕ ተሠራሕ ወንገሥ። በእንተ ጽድቅ ወርትዕ ወየውሀት። ወይመርሐክ ስብሐተ የማንክ።
- Psa. 44:5 አሕጻክ ስሑል ኅያል። አሕዛብ ይወድቁ ታሕቴክ። ውስተ ልቦሙ ለጸላእተ ንጉሥ።
- Psa. 44:6 መንበርክ እግዚአ ለዓለመ ዓለም። በትረ ጽድቅ በትረ መንግሥትክ።
- Psa. 44:7 አፍቀርክ ጽድቀ ወዐመፃ ጸላእክ። በእንተ ዝ ቀብዐክ እግዚአብሔር አምላክክ። ቅብዐ ትፍሥሕት እምእለ ከማክ።
- Psa. 44:8 ከርቤ ወቀንኣት ወሰሊኖት እምነ አልባሲክ። እምክቡዳነ አቅርንት ዘእምኔሆሙ ኣስተፌሥሐክ።
- Psa. 44:9 አዋልደ ንግሥት ለክብርክ። ወትቀውም ንግሥት በየማንክ። በአልባሲ ወርቅ ዑጽፍት ወሑብርት።
- Psa. 44:10 ስምዒ ወለትየ ወርእዬ ወአጽምዒ እዝነኪ። ርስዒ ሕዝብኪ ወቤተ ኣቡኪ።
- Psa. 44:11 እስመ ፈተወ ንጉሥ ሥነኪ። እስመ ውእቱ እግዚእኪ።
- Psa. 44:12 ወይሰግዳ ሎቱ አዋልደ ጢሮስ በአምኃ። ወለገጽኪ ይትማሐለሉ ኩሎም አሕዛብ ብዑላን ምድር።
- Psa. 44:13 ኩሎ ክብራ ለወለተ ንጉሥ ሀሴቦን። በዘአዝፋረ ወርቅ ዑጽፍት ወሑብርት።
- Psa. 44:14 ወይወስዱ ለንጉሥ ደናግለ ድኅሬሃ። ወቢጸሂ ይወስዱ ለክ።
- Psa. 44:15 ወይወስድዎን በትፍሥሕት ወበሐሢት። ወያበውእዎን ውስተ ጽርሐ ንጉሥ።
- Psa. 44:16 ህየንተ ኣበውኪ ተወልዱ ለኪ ደቂቅ። ወትሠይሚሶሙ መላእክተ ለኩሎ ምድር።
- Psa. 44:17 ወይዘክሩ ስመኪ በኩሎ ትውልደ ትውልድ። በእንተ ዝ ይገንዩ ለክ አሕዛብ እግዚአ። ለዓለም ወለዓለመ ዓለም።
- Psa. 45:1 አምላክነሰ ኅይልን ወጸወንን። ወረዳኢን ውእቱ ለምንዳቤን ዘረከበን ፈድፋድ።
- Psa. 45:2 በእንተ ዝ ኢንፈርህ ለእመ አድለቅለቀት ምድር። ወለእመኒ ፈለሱ አድባር ውስተ ልብ ባሕር።
- Psa. 45:3 ደምፁ ወተሐምጉ ማያቲሆሙ። ወአድለቅለቁ አድባር እምኅይሉ።
- Psa. 45:4 ፈለግ ዘይውሕዝ ያስተፌሥሕ ሀገረ እግዚአብሔር። ቀደሰ ማኅደሮ ልዑል።
- Psa. 45:5 እግዚአብሔር ውስተ ማእከላ ኢትትሀወክ። ወይረድኣ እግዚአብሔር ፍጽመ።
- Psa. 45:6 ደንገፁ አሕዛብ ወተመይጡ ነገሥት። ወወሀበ ቃሎ ልዑል ወአድለቅለቀት ምድር።
- Psa. 45:7 እግዚአ ኅያላን ምስሌን። ወምስካይን አምላኩ ለያዕቆብ።
- Psa. 45:8 ንዑ ትርኣዩ ግብሮ ለእግዚአብሔር። ዘገብረ መንክረ በዲበ ምድር።
- Psa. 45:9 ይስዕር ጸብኣ እምአጽናፈ ምድር። ይስብር ቀስተ ወይቀጠቅጥ ወልታ። ወያውዒ በእሳት ንዋየ ሐቅል።

- Psa. 45:10 አስተርክቡ ወአእምሩ ከመ አነ ውእቱ እግዚአብሔር። ተለዐልኩ እምአሕዛብ ወተለዐልኩ እምድር።
- Psa. 45:11 እግዚአ ጎያላን ምስሌነ። ወምስካይነ አምላኩ ለያዕቆብ።
- Psa. 46:1 ኩልክሙ አሕዛብ ጥፍሑ እደዊክሙ። ወየብቡ ለእግዚአብሔር በቃለ ትፍሥሕት።
- Psa. 46:2 እስመ ልዑል ወግሩም እግዚአብሔር። ወንጉሥ ዐቢይ ውእቱ ዲበ ኩሉ ምድር።
- Psa. 46:3 አግረረ ለነ አሕዛብ ወሕዝበ ታሕተ እገሪነ።
- Psa. 46:4 ወጎረየነ ሎቱ ለርስቱ። ሥኖ ለያዕቆብ ዘአፍቀረ።
- Psa. 46:5 ዐርገ እግዚአብሔር በይባቤ። ወእግዚእነ በቃለ ቀርን።
- Psa. 46:6 ዘምሩ ለአምላክነ ዘምሩ። ዘምሩ ለንጉሥነ ዘምሩ።
- Psa. 46:7 እስመ ንጉሥ እግዚአብሔር ለኩሉ ምድር።
- Psa. 46:8 ዘምሩ ልብወ ነግሠ እግዚአብሔር ላዕለ ኩሉ አሕዛብ። እግዚአብሔርስ ይነብር ዲበ መንበሩ ቅዱስ።
- Psa. 46:9 መላእክተ አሕዛብ ተጋብኡ ምስለ አምላክ አብርሃም። እስመ ለእግዚአብሔር ጽኑዓነ ምድር ፈድፋደ ተለዐሉ።
- Psa. 47:1 ዐቢይ እግዚአብሔር ወብዙኅ አኩቴቱ። በሀገረ አምላክነ በደብረ መቅደሱ።
- Psa. 47:2 ዘይዔዝዝ ትፍሥሕተ ለኩሉ ምድር። አድባረ ጽዮን በገባ መስዕ። ሀገሩ ለንጉሥ ዐቢይ።
- Psa. 47:3 እግዚአብሔር የአምር ክበዲሃ ሶበ ተመጠውዋ።
- Psa. 47:4 እስመ ናሁ ነገሥተ ምድር ተጋብኡ ወመጽኡ ጎበረ።
- Psa. 47:5 እሙንቱስ ዘንተ ርእዮሙ አንከሩ። ደንገፁ ወፈርሁ።
- Psa. 47:6 ወአጎዞሙ ረዓድ። ወሐሙ በህየ ከመ እንተ ትወልድ።
- Psa. 47:7 በነፋስ ጎያል ትቀጠቅጦን ለአሕማረ ተርሴስ።
- Psa. 47:8 በከመ ሰማዕነ ከማሁ ርኢነ። በሀገረ እግዚአ ጎያላን በሀገረ አምላክነ። እግዚአብሔር ሣረራ ለዓለም።
- Psa. 47:9 ተወከፍነ እግዚአ ሣህለክ በማእከለ ሕዝብክ።
- Psa. 47:10 ወበከመ ስምክ ከማሁ ስብሐቲክ በኩሉ አጽናፈ ምድር። ጽድቅ ምሉእ የማንክ።
- Psa. 47:11 ይትፌሥሓ አድባረ ጽዮን። ወይትሐሠያ አዋልደ ይሁዳ። በእንተ ፍትሕክ እግዚአ።
- Psa. 47:12 ዕግትዋ ለጽዮን ወሕቀፍዋ። ወተናገሩ በውስተ ማጎፈዲሃ።
- Psa. 47:13 ደዩ ልበክሙ ውስተ ጎይላ። ወትትካፈልዎ ለክበዲሃ። ከመ ትንግሩ ለካልእ ትውልድ።
- Psa. 47:14 ከመ ዝንቱ ውእቱ አምላክነ። ለዓለም ወለዓለም ዓለም። ወውእቱ ይርዕየነ እስከ ለዓለም።
- Psa. 48:1 ስምዑ ዘንተ ኩልክሙ አሕዛብ። ወአጽምዑ ኩልክሙ እለ ትነብሩ ውስተ ዓለም።
- Psa. 48:2 በበ በሓውርቲክሙ ደቂቀ ዕንላ እመሕያው። አብዕልትኒ ወነዳይኒ።
- Psa. 48:3 አፉየ ይነግር ጥበበ። ወጎሊና ልብየ ምክረ።
- Psa. 48:4 አጸምዕ ምሳሌ በእዘንየ። ወእከሥት በመዝሙር ነገርየ።
- Psa. 48:5 ለምንት እፈርህ እምዕለት እኪት። ጎጢአት ሰኩናየ ዐገተኒ።
- Psa. 48:6 እለ ይትአመኑ በጎይሎሙ። ወይዜጎሩ በብዝሃ ብዕሎሙ።
- Psa. 48:7 እኑኒ ኢያድጎን እጎዋሁ ወኢያድጎን ሰብእ። ወኢይውህብ ለእግዚአብሔር ቤዛሁ።
- Psa. 48:8 ወኢ ተውላጠ ሤጠ ነፍሱ።
- Psa. 48:9 ዘጸመወ ለዓለም የሐዩ ለዝሎፉ። እስመ ኢይሬኢ ሙስና።
- Psa. 48:10 ሶበ ትሬእዮሙ ለጠቢባን ይመውቱ። ወከማሁ ይትሀጉሉ አብዳን እለ አልበሙ ልብ። ወየጎድጉ ለባዕድ ብዕሎሙ።
- Psa. 48:11 መቃብሪሆሙ ወአብያቲሆሙ ለዓለም። ወማጎደሪሆሙኒ ለትውልደ ትውልድ። ወይሰመይ አስማቲሆሙ በበ በሓውርቲሆሙ።
- Psa. 48:12 ሰብእስ እንዝ ክቡር ውእቱ ኢያእመረ። ወኮነ ከመ እንስሳ ዘአልቦ ልብ ወተመሰሎሙ።
- Psa. 48:13 ወለኢሃ ፍኖቶሙ ዕቅፍቶሙ። ወእንዝ ይሠምሩ በአፉሆሙ።
- Psa. 48:14 ከመ አባግዕ ሞት ይርዕዮሙ በሲኦል። ወይቀንይዎሙ ራትዓን በጽባሕ። ወትበሊ ረድኤቶሙ በሲኦል እምክብሮሙ።
- Psa. 48:15 ወባሕቱ እግዚአብሔር ያድጎና ለነፍስየ እምእደ ሲኦል ሶበ ይነሥኡኒ።

- Psa. 48:16 ኢትፍርሆ ለሰብእ ሶባ ይብዕል። ወሶባ ይበዝኅ ክብረ ቤቱ።
- Psa. 48:17 እስመ ኢይነሥእ ምስሌሁ ኩሎ አመ ይመውት። ወኢይወርድ ምስሌሁ ኩሎ ክብረ ቤቱ።
- Psa. 48:18 እስመ ፈግዐት ነፍሱ በሕይወቱ። የአምነክ ሰብእ ሶባ ታሜኒ ሎቱ።
- Psa. 48:19 ወይወርድ ውስተ ዓለመ አበዊሁ። ወኢይፊኢ እንከ ብርሃነ እስከ ለዓለም።
- Psa. 48:20 ዕጓለ እመሕያውሰ እንዘ ክቡር ውእቱ ኢያእመረ። ወኮነ ከመ እንስሳ ዘአልቦ ልብ ወተመሰሎሙ።
- Psa. 49:1 አምላክ አማልክት እግዚአብሔር ነበባ ወጸውዓ ለምድር። እምሥራቀ ፀሓይ እስከነ ዐረብ።
- Psa. 49:2 ወእምጽዮን ሥነ ስብሐቲሁ።
- Psa. 49:3 እግዚአብሔርሰ ገሃደ ይመጽእ። ወአምላክነሂ ኢያረምም። እሳት ይነድድ ቅድሜሁ። ዐውዶሂ ዐውሎ ብዙኅ።
- Psa. 49:4 ይጼውዓ ለሰማይ በላዕሎ። ወለምድርኒ ከመ ይኩንን ሕዝቦ።
- Psa. 49:5 አስተጋብሎ ሎቱ ጻድቃኑ። እለ ይገብሩ መሥዋዕተ ዘበሕጉ።
- Psa. 49:6 ይነግራ ሰማያት ጽድቀ ዚአሁ። እስመ እግዚአብሔር መኩንን ውእቱ።
- Psa. 49:7 ስምዐኒ ሕዝብየ ወእንግርክ። እስራኤል አሰምዕ ለክ። አምላክከሰ አምላክ አነ ውእቱ።
- Psa. 49:8 አኮ በእንተ መሥዋዕቲክ ዘእዛለፈክ። ወቀርባንከኒ ቅድሜየ ውእቱ በኩሎ ጊዜ።
- Psa. 49:9 ኢይነሥእ አልሕምተ እምቤትክ። ወኢ ሐራጊተ እመርዔትክ።
- Psa. 49:10 እስመ ዚአየ ውእቱ ኩሎ አራዊት ዘገዳም። እንስሳ ገዳምኒ ወአልሕምት።
- Psa. 49:11 ወአካምር ኩሎ አዕዋፈ ሰማይ። ወሥነ ገዳምኒ ኅቤየ ሀሎ።
- Psa. 49:12 እመኒ ርኅብኩ ኢይስእለክ። እስመ ዚአየ ውእቱ ኩሎ ዓለም በምልኡ።
- Psa. 49:13 ኢይበልዕ ሥጋ ላሕም ወኢይሰቲ ደመ ጠሊ።
- Psa. 49:14 ሡዕ ለእግዚአብሔር መሥዋዕተ ስብሐት። ወሀቦ ለልዑል ጸሎተክ።
- Psa. 49:15 ትጼውዐኒ በዕለተ ምንዳቤክ አድኅነክ ወተአክተኒ።
- Psa. 49:16 ወለጋጥእሰ ይቤሎ እግዚአብሔር። ለምንት ለክ ትነግር ሕግየ። ወትነሥእ በአፉክ ሥርዐትየ።
- Psa. 49:17 ወአንተሰ ጸላእክ ተግሣጽየ። ወአግባእክ ድኅሬክ ቃልየ።
- Psa. 49:18 እመኒ ርኢክ ሰራቄ ትረውጽ ምስሌሁ። ወረሰይክ መክፈልተክ ምስለ ዘማውያን።
- Psa. 49:19 አፉክ አብዝኃ ለእኪት። ወልሳንክ ፀፈራ ለሕብል።
- Psa. 49:20 ትነብር ወተሐምሮ ለእኑክ። ወአንበርክ ዕቅፍተ ለወልደ እምክ።
- Psa. 49:21 ዘንተ ገቢረክ አርመምኩ ለክ። አደመተከኮ ኅጢአት ሐዘብከኮ እኩን ከማክ። እዛለፍከኮ ወእቁም ቅድመ ገጽክ።
- Psa. 49:22 ለብዉ ዘንተ ኩልክሙ እለ ትረስዕዎ ለእግዚአብሔር። ወእመ አኮሰ ይመሥጥ ወአልቦ ዘያድኅን።
- Psa. 49:23 መሥዋዕት ክብርት ትሴብሐኒ። ህየ ፍፍት እንተ ባቲ አርአየ እግዚአብሔር አድኅኖቶ።
- Psa. 50:1 ተሳህለኒ እግዚአ በከመ ዕባየ ሣህልክ። ወበከመ ብዝኅ ምሕረትክ ደምስሰ ኅጢአትየ።
- Psa. 50:2 ኅፅበኒ ወአንጽሐኒ እምኅጢአትየ። ወእምአበሳየኒ አንጽሐኒ።
- Psa. 50:3 እስመ ለልየ አካምር ጌጋይየ። ወኅጢአትየኒ ቅድሜየ ውእቱ በኩሎ ጊዜ።
- Psa. 50:4 ለክ ለባሕቲትክ አበስኩ ወእኩየኒ በቅድሜክ ገበርኩ። ከመ ትጽደቅ በነቢብክ ወትማእ በኩነኔክ።
- Psa. 50:5 እስመ ናሁ በኅጢአት ተፀነስኩ። ወበዐመፃ ወለደተኒ እምየ።
- Psa. 50:6 እስመ ናሁ ጽድቀ አፍቀርክ። ዘኢይትነበብ ኅቡአ ጥበበክ አይዳዕከኒ።
- Psa. 50:7 ትነዝሀኒ በአዛብ ወእነጽሕ። ተኅፅበኒ እምበረድ ወእጸዐዱ።
- Psa. 50:8 ታስምዐኒ ትፍሥሕተ ወሐሜተ። ወይትፌሥሑ አዕፅምተ ጻድቃን።
- Psa. 50:9 ሚጥ ገጸክ እምኅጢአትየ። ወደምስሰ ሊተ ኩሎ አበሳየ።
- Psa. 50:10 ልብ ንጹሐ ፍጥር ሊተ እግዚአ። መንፈስ ርቱዐ ሐድስ ውስተ ከርሥየ።
- Psa. 50:11 ኢትግድፈኒ እምቅድመ ገጽክ። ወመንፈስክ ቅዱስ ኢታውፅእ እምላዕሌየ።
- Psa. 50:12 ዕሰየኒ ፍሥሐ ወአድኅኖተክ። ወበመንፈስ ዐዚዝ አጽንዐኒ።
- Psa. 50:13 ከመ እምሀሮሙ ለጋጥአን ፍፍተክ። ወረሲዓን ይትመየጡ ኅቤክ።
- Psa. 50:14 አድኅነኒ እምደም እግዚአብሔር አምላክ መድኅኒትየ። ይትፌሣክ ልሳንየ በጽድቀ ዚአክ እግዚአ።
- Psa. 50:15 ትከሥት ከፍፍርየ ወአፉየ ያየድዕ ስብሐቲክ።
- Psa. 50:16 ሶበሰ ፈቀድክ መሥዋዕተኒ እምወሀብኩ። ወጽንሐሐኒ ኢትሠምር።
- Psa. 50:17 መሥዋዕቱ ለእግዚአብሔር መንፈስ የዋህ። ልብ ትሑተ ወየዋህ ኢይሜንን እግዚአብሔር።

- Psa. 50:18 አሠንያ እግዚአብሔር በሥምረትክ ለጽዮን። ወይትሐነጻ አረፋቲሃ ለኢየሩሳሌም።
- Psa. 50:19 አመ ትሠምር መሥዋዕተ ጽድቅ። መባክኒ ወቅርባነኒ። አሜሃ ያዐርጉ ውስተ ምሥዋዒክ አልሕምተ።
- Psa. 51:1 ለምንት ይዜኅር ኅያል በእከዩ። ወይዔምፅ ኩሎ አሚረ።
- Psa. 51:2 ኅጢአተ ኅለየ ልብክ። ከመ መላጺ በሊኅ ገበርክ ሕብለ።
- Psa. 51:3 አብደርክ እኪተ እምሠናይት። ወትዔምፅ እምትንብብ ጽድቀ።
- Psa. 51:4 አፍቀርክ ኩሎ ነገረ ልሳን መስጥመ።
- Psa. 51:5 በእንተ ዝ ይነሥተክ እግዚአብሔር ለዝሉፉ። ይመልኅክ ወያፈልሰክ እምቤትክ። ወሥርወከኒ እምድረ ሕያዋን።
- Psa. 51:6 ይርአዩ ጻድቃን ወይፍርሁ። ይሥሐቁ ላዕሌሁ ወይበሉ።
- Psa. 51:7 ነዋ ብእሲ ዘኢረሰዮ ለእግዚአብሔር ረዳኢሁ። ወተአመነ በብዝሃ ብዕሉ። ወተኃየለ በክንቱ።
- Psa. 51:8 አንሰ ከመ ዕፅ ዘይት ሥሙር ውስተ ቤተ እግዚአብሔር። ወተወከልኩ በምሕረቱ ለእግዚአብሔር። ለዓለም ወለዓለም ዓለም።
- Psa. 51:9 እገኒ ለክ ለዓለም እስመ ገበርክ ሊተ። እሴፈዎ ለምሕረትክ እስመ ሠናያቲክ ኅበ ጻድቃኒክ።
- Psa. 52:1 ይብል አብድ በልቡ አልቦ እግዚአብሔር። ኅስሩ ወረኩሱ በጌጋዮሙ። አልቦ ዘይገብራ ለሠናይት።
- Psa. 52:2 እግዚአብሔር ሐወጸ እምሰማይ ዲበ ዕጓለ እመሕያው። ከመ ይርአይ እመ ቦ ጠቢብ ዘየኅሥዎ ለእግዚአብሔር።
- Psa. 52:3 ኩሉ ዐረየ ወኅቡረ ዐለወ። አልቦ ዘይገብራ ለሠናይት አልቦ ወኢ አሐዱ።
- Psa. 52:4 ወኢየአምሩ ኩሎሙ ገበርተ ዐመፃ። እለ ይውኅጥዎሙ ለሕዝብየ ከመ ብልዐተ እክል። ወለእግዚአብሔርሰ ኢጸውዕዎ።
- Psa. 52:5 ወበህየ ፈርሁ ወገረሞሙ ዘኢኮነ ግሩመ። እስመ እግዚአብሔር ዘረወ አዕፅምቲሆሙ ለመደልዋን። ወተኅፍሩ እስመ እግዚአብሔር አኅሰሮሙ።
- Psa. 52:6 መኑ ይውህብ መድኅኒት እምጽዮን ለእስራኤል። አመ ሜጠ እግዚአብሔር ዪዋ ሕዝቡ። ይትፌሣሕ ያዕቆብ ወይትሐሠይ እስራኤል።
- Psa. 53:1 እግዚአብሔር በስምክ አድኅነኒ። ወበኅይልክ ፍታሕ ሊተ።
- Psa. 53:2 እግዚአብሔር ስምዐኒ ጸሎትየ። ወአጽምፅ ቃለ አፉየ።
- Psa. 53:3 እስመ ነኪራን ቆሙ ላዕሌየ። ወኅያላን ኅሠሥዋ ለነፍስየ። ወኢረሰይዎ ለእግዚአብሔር ቅድሜሆሙ።
- Psa. 53:4 ናሁ እግዚአብሔር ይረድኦኒ። ወእግዚእየ ያድኅና ለነፍስየ።
- Psa. 53:5 ወይመይጣ ለእኪት ዲበ ጸላእትየ። ወበጽድቅክ ሠርዎሙ።
- Psa. 53:6 ዘእምፈቃድየ እሠውዕ ለክ። እገኒ ለስምክ እግዚአብሔር እስመ ሠናይ።
- Psa. 53:7 እስመ እምኩሉ ምንዳቤየ አድኅነከኒ። ወርእየት ዐይንየ በጸላእትየ።
- Psa. 54:1 አጽምዐኒ እግዚአብሔር ጸሎትየ። ወኢትትህየየኒ ስእለትየ።
- Psa. 54:2 ነጽረኒ ወስምዐኒ። ተከዝኩ ደንገፅኩ ወተዛዋዕኩ።
- Psa. 54:3 እምቃለ ጸላኢ ወእምሥቃየ ኃጥእ። እስመ ሜጥዋ ለዐመፃ ላዕሌየ። ወቆሙ ላዕሌየ ያመንስዉኒ።
- Psa. 54:4 ወደንገፀኒ ልብየ በላዕሌየ። ወመጽኦኒ ድንጋጂ ሞት።
- Psa. 54:5 ፍርሀት ወረዓድ አኅዘኒ ወደፈነኒ ጽልመት።
- Psa. 54:6 ወእቤ መኑ ይውህበኒ ክንፈ ከመ ርግብ። እስርር ወአዕርፍ።
- Psa. 54:7 ናሁ አርሐቁ ተኅጥኦ ወቤትኩ ውስተ በድው። እሴፈዎ ለዘያድኅነኒ።
- Psa. 54:8 እምእንባዜ ነፍስየ ከመ ዐውሎ።
- Psa. 54:9 አስጥሞሙ እግዚአብሔር ወምትር ልሳናቲሆሙ። እስመ ርኢኩ ዐመፃ ወቅስተ ውስተ ሀገር።
- Psa. 54:10 እስመ መዓልተ ወሌሊተ ዕጉት ውስተ አረፋቲሃ። ዐመፃ ወስራሕ ወኅጢአት ማእከላ።
- Psa. 54:11 ወኢይርሕቅ እመርሕባ ጉሕሉት።
- Psa. 54:12 ሶበሰ ጸላኢ ጸዐለኒ እምተዐገሥኩ። ወሶበሂ ጸላኢ አዕበየ አፉሁ ላዕሌየ እምተኅባእክዎ።
- Psa. 54:13 ወአንተሰ ብእሲ ዘከመ ነፍስየ። ማእምርየ ወዐውቅየ።
- Psa. 54:14 ዘኅቡረ አስተጥዕምክ ሊተ መባልዕተ። ወነሐውር ቤተ እግዚአብሔር በአሐዱ ልብ።

- Psa. 54:15 ይምጽኦሙ ሞት ወይረዱ ውስተ ሲኦል ሕያዋኒሆሙ። እስመ እኩይ ማእከሎሙ ውስተ አብያቲሆሙ።
- Psa. 54:16 ወአንሰ ጸራሕኩ ኀበ እግዚአብሔር አምላኪየ ወሰምዐኒ።
- Psa. 54:17 ሠርከ ወነግህ ወመዓልተ እነግር። አየድዕ ወኢሰምዐኒ ቃልየ።
- Psa. 54:18 አድኅና በሰላም ለነፍስየ እምእለ ይትቃረኑኒ። እስመ ይበዝኑ እምእለ ምስሌየ።
- Psa. 54:19 ይስማዕ እግዚአብሔር ወያኅስሮሙ። ዘሀሎ እምቅድመ ይትፈጠር ዓለም። እስመ አልቦሙ ቤዛ። ወኢፈርህዎ ለእግዚአብሔር።
- Psa. 54:20 ወሰፍሐ እዴሁ ለፈድይ። ወአርኩሱ ሥርዐቶ።
- Psa. 54:21 ወተናፈቁ እመዓተ ገጹ። ወቀርበ ልቡ። ወጽሕደ እምቅብዕ ነገሩ። እሙንቱሰ ማዕበል ያሰጥሙ።
- Psa. 54:22 ግድፍ ላዕለ እግዚአብሔር ኀሊናከ ወውእቱ ይሴስየከ። ወኢይውህቦ ሁከተ ለጻድቅ ለዓለም።
- Psa. 54:23 አንተ እግዚአ አጽድፎሙ ውስተ ዐዘቅተ ሞት። ዕድወ ደም ወጽልሕዋን ኢይናፍቁ በመዋዕሊሆሙ። ወአንሰ ተወክልኩክ እግዚአ።
- Psa. 55:1 ተሳህለኒ እግዚአ እስመ ኬደኒ ሰብእ። ወኩሎ አሚረ አስርሐኒ ቀትል።
- Psa. 55:2 ወኬዱኒ ፀርየ ኩሎ አሚረ በኑኅ ዕለት። እስመ ብዙኃን እለ ጸብኡኒ ወፈራህኩ።
- Psa. 55:3 ወአንሰ ኪያከ ተወክልኩ እግዚአ።
- Psa. 55:4 በእግዚአብሔር እሴብሕ ቃልየ። ወበእግዚአብሔር ተወክልኩ ኢይፈርህ ምንተ ይሬስየኒ ዘሥጋ።
- Psa. 55:5 ወኩሎ አሚረ ያስቈርሩኒ ዘነበብኩ። ወላዕሌየ ይመክሩ ኩሎ እኩየ።
- Psa. 55:6 ይጸንሐኒ ወይትኅብኡኒ። እሙንቱሰ ሰኩናየ ያስተሐይጹኒ። ወዘልፈ ይጸንሕዋ ለነፍስየ።
- Psa. 55:7 ወኢታድኅኖሙ ወኢ በምንትኒ። ወታጸድፎሙ ለአሕዛብ በመዓትከ።
- Psa. 55:8 አምላኪየ እነግረከ ሕይወትየ። ወአንበርኩ አንብዕየ ቅድሜከ በከመ አዘዝከ።
- Psa. 55:9 ለይግብኡ ፀርየ ድኅሬሆሙ። አመ ዕለተ እጼውዐከ። ናሁ አእመርኩ ከመ አምላኪየ አንተ።
- Psa. 55:10 በእግዚአብሔር እሴብሕ ቃልየ። በእግዚአብሔር ይከብር ዘነበብኩ።
- Psa. 55:11 ወበእግዚአብሔር ተወክልኩ ኢይፈርህ ምንተ ይሬስየኒ ሰብእ።
- Psa. 55:12 እምኅቤየ እውህብ ብዕዐትየ ለሰብሐቲከ።
- Psa. 55:13 እስመ አድኅንካ ለነፍስየ እሞት። ወለአዕይንትየኒ እምአንብዕ። ወለእገርየኒ እምዳኅፅ። ከመ አሥምሮ ለእግዚአብሔር በብሔረ ሕያዋን።
- Psa. 56:1 ተሳህለኒ እግዚአ ተሳህለኒ። እስመ ኪያከ ተወክለት ነፍስየ። ወተወክልኩ በጽላሎተ ክነፈከ። እስከ ተኅልፍ ኀጢአት።
- Psa. 56:2 እጸርሕ ኀበ እግዚአብሔር ልዑል። ኀበ እግዚአብሔር ዘረድኡኒ።
- Psa. 56:3 ፈነወ እምሰማይ ወአድኅነኒ። ወወሀቦሙ ኀሳረ ለእለ ኬዱኒ። ፈነወ እግዚአብሔር ሣህሎ ወጽድቆ።
- Psa. 56:4 ወአድኅና ለነፍስየ እማእከለ አናብስት። ወኖምኩ ድንጉፅየ። ደቂቀ ዕጓለ እመሕያው ስነኒሆሙ ሐጽ ወኩናት። ወልሳኖሙኒ በሊኅ መጥባሕት።
- Psa. 56:5 ተለዐለ እግዚአብሔር መልዕልተ ሰማያት። ወበኩሎ ምድር ስብሐቲሁ።
- Psa. 56:6 መሥገርተ አስተዳለዉ ለእገርየ። ወቀጽዕዋ ለነፍስየ። ከረዩ ግበ ቅድሜየ ወወድቂ ውስቴቱ።
- Psa. 56:7 ጥቡዕ ልብየ እግዚአ። ጥቡዕ ልብየ እሴብሕ ወእዜምር።
- Psa. 56:8 ወይትነሣእ ክብርየ። ወእትነሣእ በመዝሙር ወበመሰንቆ። ወእትነሣእ በጽባሕ።
- Psa. 56:9 እገኒ ለከ በውስተ አሕዛብ እግዚአ። ወእዜምር ለከ በውስተ ሕዝብ።
- Psa. 56:10 እስመ ዐብየት እስከ ሰማያት ምሕረትከ። ወእስከ ደመናት ጽድቅከ።
- Psa. 56:11 ተለዐለ እግዚአብሔር መልዕልተ ሰማያት። ወበኩሎ ምድር ስብሐቲሁ።
- Psa. 57:1 እመሰ አማን ጽድቀ ትነቡ። ወርትዐ ትኳንኑ ደቂቀ ዕጓለ እመሕያው።
- Psa. 57:2 እስመ በልብክሙ ኀጢአተ ትገብሩ በዲበ ምድር። ወጽልሑተ ይፀፍራ እደዊክሙ።
- Psa. 57:3 ተነክሩ ኃጥኡን እማሕፀን። እምከርሥ ስሕቱ ወነበቡ ሐሰተ።
- Psa. 57:4 ወመዓቶሙኒ ከመ ሕምዘ አርዌ ምድር። ወከመ አርዌ ምድር ጽምምት እዘኒሃ።
- Psa. 57:5 እንተ ኢትሰምዕ ቃለ ዘይረቅያ። ወእንዘ ይሄርያ መሠርይ ጠቢብ።
- Psa. 57:6 እግዚአብሔር ይሰብር ስነኒሆሙ በውስተ አፉሆሙ። ወይሰብር እግዚአብሔር ጥረሲሆሙ ለአናብስት።
- Psa. 57:7 ወየኅስሩ ከመ ማይ ዘይትከዐው። ወይዌስቅ ቀስቶ እስከ ያደክሞሙ።

- Psa. 57:8 ወየጎልቁ ከመ ሠምዕ ዘይትመሰው። ወድቀት እሳት ወኢርኢክዋ ለፀሓይ።
- Psa. 57:9 ዘእንበለ ይትወወቅ ሦክክሙ ጎለተ ኮነ። ከመ ሕያዋን በመዓቱ ይውገጠክሙ።
- Psa. 57:10 ይትፌሣሕ ጻድቅ ሶበ ይሬኢ በቀለ። ወይትጎፀብ እዴሁ በደመ ኃጥእ።
- Psa. 57:11 ወይብል ሰብእ ቦኑ እንጋ ፍሬ ለጻድቅ። ወቦኑ እንጋ እግዚአብሔር ይፈትሕ ሎሙ በዲበ ምድር።
- Psa. 58:1 አድጎነኒ እግዚአ እምፀርየ። ወአንግፈኒ እምእለ ቆሙ ላዕሌየ።
- Psa. 58:2 ወባልሐኒ እምገበርተ ዐመፃ። ወአድጎነኒ እምዕድወ ደም።
- Psa. 58:3 እስመ ናሁ ነዐውዋ ለነፍስየ። ወቆሙ ላዕሌየ ጎያላን። አኮ በአበሳየ ወአኮ በጌጋይየ እግዚአ።
- Psa. 58:4 ዘእንበለ ዐመፃ ሮጽኩ ወኣርታዕኩ። ተንሥእ ተቀበለኒ ወርኢ።
- Psa. 58:5 አንተ እግዚአ አምላክ ጎያላን ንጉሠ እስራኤል። ሐውጾሙ ለኩሎሙ አሕዛብ ወተሣህሎሙ። ወኢትሣህሎሙ ለኩሎሙ ገበርተ ዐመፃ።
- Psa. 58:6 ይትመየጡ ሠርከ ወይርጎቡ ከመ ከልብ ወይዑዱ ሀገር።
- Psa. 58:7 ናሁ ይነቡ በአፋሆሙ። ወሰይፍ ውስተ ከናፍሪሆሙ። ወዘሂ ትሰምዖሙ።
- Psa. 58:8 አንተ እግዚአ ትሥሕቆሙ። ወመነንኮሙ ለኩሎሙ አሕዛብ።
- Psa. 58:9 አማሐፅን ጎቤክ ጎይልየ። እስመ አምላኪየ ወምስካይየ አንተ።
- Psa. 58:10 ይብጽሐኒ ሣህሉ ለአምላኪየ። አምላኪየ አርእየኒ በጸላእትየ።
- Psa. 58:11 ኢትቅትሎሙ ከመ ኢይርስዑ ሕገከ። ዝርዎሙ በጎይልከ። አጽድፎሙ አምላኪየ ወረዳኢየ።
- Psa. 58:12 ጎጢአተ አፋሆሙ ቃለ ከናፍሪሆሙ። ወይሠገሩ በትዕቢቶሙ። ወበመርገሞሙ እምሐሰቶሙ ይትወወቅ ደኃሪቶሙ።
- Psa. 58:13 ወየጎልቁ በደኃሪ መቅሠፍት። ወያእምሩ ከመ አምላክ ያዕቆብ ይኳንን እስከ አጽናፈ ምድር።
- Psa. 58:14 ይትመየጡ ሠርከ ወይርጎቡ ከመ ከልብ ወይዑዱ ሀገር።
- Psa. 58:15 እሙንቱስ ይዘረወ ለበሊዕ። እመሰ ጸግቡ ወአንጉርጉሩ።
- Psa. 58:16 ወአንስ እሴብሕ በጎይልከ። ወእትፌሣሕ በጽባሕ ምሕረትከ። እስመ ኮንከኒ ምስካይየ። ወጸወንየ በዕለተ ምንዳቤየ።
- Psa. 58:17 ረዳኢየ አንተ ወለከ እዜምር ለአምላኪየ። እስመ አምላኪየ ወምስካይየ አንተ። አምላኪየ ውእቱ ሣህልየ።
- Psa. 59:1 እግዚአ ገደፍከነ ወነሠትከነ። ቀሠፍከነሂ ወተሣህልከነ።
- Psa. 59:2 አድለቅለቃ ለምድር ወሆካ። ወፈወስካ ቍስላ እስመ አንቀልቀለት።
- Psa. 59:3 አርአይኮሙ ዕጽባተ ለሕዝብከ። ወእስተይከነ ወይነ መደንግፀ።
- Psa. 59:4 ወወሀብኮሙ ትእምርተ ለእለ ይፈርሁከ። ከመ ያምሥጡ እምገጸ ቀስት።
- Psa. 59:5 ወይድጎኑ ፍቁራኒከ። አድጎን በየማንከ ወስምዐኒ።
- Psa. 59:6 እግዚአብሔር ነበበ በመቅደሱ። እትፌሣሕ ወእትካፈል ምህርካ። ወእሳፈር አዕጸዳተ ቈላት።
- Psa. 59:7 ዚአየ ውእቱ ገለዓድ ወዚአየ ምናሴ። ወኤፍሬም ምስማከ ርእሰየ። ወይሁዳ ንጉሥየ።
- Psa. 59:8 ወምኣብ ካህን ተስፋየ። ዲበ ኤዶምያስ እስፍሕ መከየድየ። ሊተ ይገንዩ ኢሎፍሊ።
- Psa. 59:9 መኑ ይወስደኒ ሀገረ ጥቅም። ወመኑ ይመርሐኒ እስከ ኤዶምያስ።
- Psa. 59:10 አኮኑ አንተ እግዚአ ዘገደፍከነ። ወኢትወፅእ አምላክነ ምስለ ጎይልነ።
- Psa. 59:11 ሀበነ ረድኤተ ለምንዳቤነ። ወከንቱ ተአምኖ በሰብእ።
- Psa. 59:12 በእግዚአብሔር ንገብር ጎይለ። ወውእቱ ያጎስሮሙ ለእለ ይሣቅዩነ።
- Psa. 60:1 ስምዐኒ አምላኪየ ስእለትየ። ወአጽምዐኒ ጸሎትየ።
- Psa. 60:2 እምአጽናፈ ምድር ጸራሕኩ ጎቤክ ሶበ ቀብጸኒ ልብየ። ወእምእብን አልዐልከኒ።
- Psa. 60:3 ወመራሕከኒ እስመ ተስፋየ ኮንከኒ። ማጎፈድ ጽኑዕ ቅድመ ገጸ ጸላኢ።
- Psa. 60:4 እነብር ቤተከ ለዓለም። ወእትከደን በጽላሎተ ክነፈከ።
- Psa. 60:5 እስመ አንተ አምላኪየ ሰማዕከኒ ጸሎትየ። ወወሀብኮሙ ርስተ ለእለ ይፈርሁከ።
- Psa. 60:6 እምዕለት ዕለተ ይዌስክ ንጉሥ ዓመቲሁ። ወእስከ መዋዕለ ትውልደ ትውልድ።
- Psa. 60:7 ወይነብር ለዓለም ቅድመ እግዚአብሔር። መኑ የጎሥሥ ሣህሎ ወጽድቆ።
- Psa. 60:8 ከመ ዝ እዜምር ለስምከ ለዓለም። ከመ ተሀበኒ ተምኔትየ ኩሎ አሚረ።
- Psa. 61:1 አኮኑ ለእግዚአብሔር ትገኒ ነፍስየ። እስመ ጎቤሁ መድጎኒትየ።
- Psa. 61:2 እስመ ውእቱ አምላኪየ ወመድጎኒየ። ወውእቱ ረዳኢየ ወኢይትሀወክ ለዝሉፋ።

- Psa. 61:3 እስከ ማእዘኑ ትቀውሙ ላዕለ ብእሲ። ወትቀትልዎ ኩልክሙ። ከመ አረፍት ጽንንት ወከመ ጥቅም ንጉል።
- Psa. 61:4 ወባሕቱ መከሩ ይስዐሩ ክብርየ። ወሮጽኩ በጽምእየ። በአፉሆሙ ይድኅሩ ወበልበሙ ይረግሙ።
- Psa. 61:5 ወባሕቱ ለእግዚአብሔር ትገኒ ነፍስየ። እስመ ኅቤሁ ተስፋየ።
- Psa. 61:6 እስመ ውእቱ አምላኪየ ወመድኅኒየ። ወረዳኢየ ውእቱ ወኢይትሀወክ።
- Psa. 61:7 በእግዚአብሔር መድኅኒትየ። ወበእግዚአብሔር ክብርየ። አምላክ ረድኤትየ ወተስፋየ እግዚአብሔር።
- Psa. 61:8 ተወከሉ ቦቱ ኩልክሙ ማኅበረ አሕዛብ። ወከዐዉ ልበክሙ ቅድሜሁ። ወእግዚአብሔር ውእቱ ረዳኢነ።
- Psa. 61:9 ወባሕቱ ከንቱ ኩሉ ደቂቀ ዕንላ እመሕያው። ሐሳውያን ደቂቀ ዕንላ እመሕያው ይዔምፁ መዳልወ። እሙንቱስ እምከንቱ ውስተ ከንቱ ክመ።
- Psa. 61:10 ከመ ኢትሰፈውዋ ለዐመፃ። ወኢትትአመንዎ ለሀይድ። ብዕል ለእመ በዝነ ኢታዕብዩ ልበክሙ።
- Psa. 61:11 ምዕረ ነበበ እግዚአብሔር ወዘንተ ክመ ሰማዕኩ። እስመ ዘእግዚአብሔር ሣህል።
- Psa. 61:12 ወዚኣክ እግዚአ ኃይል። እስመ አንተ ትፈድሮ ለኩሉ በከመ ምግባሩ።
- Psa. 62:1 አምላኪየ አምላኪየ እገይሥ ኅቤክ። ጸምአት ነፍስየ ለክ። እፎ እስፋሕ ለክ ሥጋየ። በምድረ በድው ኅበ አልቦ ዕፅ ወማየ።
- Psa. 62:2 ከመ ዝ በመቅደስክ አስተርአይኩክ። ወከመ አእምር ኃይለክ ወስብሐቲክ።
- Psa. 62:3 እስመ ይኼይስ እምሐዩው ሣህልክ። ከናፍርየ ይሴብሐክ።
- Psa. 62:4 ከመ ዝ እባርከክ በሕይወትየ። ወበስመ ዚኣክ አነሥእ እደውየ።
- Psa. 62:5 ከመ ዘእምሥቡሕ ወእምአንጉዕ ጸግበት ነፍስየ። ከናፍርየ ፍሡሓት ይሴብሐ ለስምክ።
- Psa. 62:6 ወበምስካብየኒ እዜከረክ። ወጽባሕ አነብብ ለክ።
- Psa. 62:7 እስመ ኮንከኒ ረዳኢየ። ወእትዌክል በጽላሎተ ክነፊክ።
- Psa. 62:8 ተለወት ነፍስየ ድኅሬክ። ሊተስ ተወክፈተኒ የማንክ።
- Psa. 62:9 እሙንቱስ ለከንቱ ኅሠሥዋ ለነፍስየ። ለይባኡ ውስተ ማዕምቅቲሃ ለምድር።
- Psa. 62:10 ወይግብኡ ውስተ እደ ሰይፍ። ክፍለ ቁናጽል ለይኩኑ።
- Psa. 62:11 ንጉሥስ ይትፌሣሕ በእግዚአብሔር። ወይከብር ኩሉ ዘይምሕል ኪያሁ። እስመ ይትፈፀም አፍ ዘይነብብ ዐመፃ።
- Psa. 63:1 ስምዐኒ እግዚአ ጸሎትየ ዘሰአልኩ ኅቤክ። እምትሕዝብተ ጸላኢ አድኅና ለነፍስየ።
- Psa. 63:2 ወስውረኒ እማዕሌቶሙ ለእኩያን። ወእምብዝኖሙ ለገበርተ ዐመፃ።
- Psa. 63:3 እለ አብልጉ ልሳኖሙ ከመ አርዌ ምድር። ወወሰቁ ቀስቶሙ ለገቢረ መሪር።
- Psa. 63:4 ከመ ይቅትልዎ ለንጹሕ በጽሚት። ግብተ ይነድፍዎሙ ወኢፈርሁ።
- Psa. 63:5 ወአጽንዑ ሎሙ ነገረ እኩየ። ወተማከሩ ይኅብኡ ሎሙ መሥገርተ። ወይቤሉ አልቦ ዘይፈእየነ።
- Psa. 63:6 ወኅሠሥዋ ለዐመፃ። ወኅልቁ እንዘ ይፈትኑ ወይዌጥኑ። ይበውእ ሰብእ በልብ ዕሙቅ።
- Psa. 63:7 ወይትሌዐል እግዚአብሔር። ከመ ሕንጻ ደቂቅ ኮነ መቅሠፍቶሙ።
- Psa. 63:8 ወደክመ ልሳኖሙ በላዕሌሆሙ። ወደንገፁ ኩሎሙ እለ ርእይዎሙ።
- Psa. 63:9 ወፈርሀ ኩሉ ሰብእ። ወነገሩ ግብረ እግዚአብሔር። ወአእመሩ ምግባር።
- Psa. 63:10 ይትፌሣሕ ጻድቅ በእግዚአብሔር። ወይትዌከሉ ቦቱ። ወይከብሩ ኩሎሙ ርቱዓነ ልብ።
- Psa. 64:1 ለክ ይደሉ እግዚአ ስብሐት በጽዮን። ወለክ ይትፌኖ ጸሎት በኢየሩሳሌም።
- Psa. 64:2 ስማዕ ጸሎተ ኩሉ ዘሥጋ ዘመጽአ ኅቤክ።
- Psa. 64:3 ነገረ ዐማዕያን ኅዩለነ። ወኅጢአተነሰ አንተ ትሰሪ ለነ።
- Psa. 64:4 ብፁዕ ዘኅረይኮ ወዘተወከፍኮ። ወዘአኅደርኮ ውስተ አዕጻዲክ። ጸገብነ እግዚአ እምበረከተ ቤትክ። ቅዱስ ጽርሕክ ወመንክር በጽድቅ።
- Psa. 64:5 ስምዐነ አምላክነ ወመድኅኒነ። ተስፋሆሙ ለኩሎሙ አጽናፈ ምድር። ወለእለሂ ውስተ ባሕር ርሑቅ።
- Psa. 64:6 አጽናዕኩሙ ለአድባር በኃይልክ። ወቅኑታን እሙንቱ በኃይል።
- Psa. 64:7 ዘየሀውኮ ለዐንበሬ ባሕር። ወመኑ ይትቃወሞ ለድምፁ ማዕበላ። ይደነግፁ አሕዛብ ወይፈርሁ።
- Psa. 64:8 እለ ይነብሩ ውስተ አጽናፍ እምተአምረክ። ይወፅኡ በጽባሕ ወሠርክ ይትፌሥሑ።

Psa. 64:9 ሐወጽካ ለምድር ወክረወይካ። ወአብዛካ ለብዕላ። ፈለገ እግዚአብሔር ምሉእ ማያተ። አስተዳሎክ ሲሳዩሙ እስመ ከማሁ ታስተዴሉ።

Psa. 64:10 አርወዮ ለትለሚሃ። ወአስምሮ ለማእረራ። ወበነጠብጣብክ ትበቅል ተፈሢላ።

Psa. 64:11 ወትባርክ አክሊለ ዓመተ ምሕረትክ። ወይጸግቡ ጠላተ ገዳም።

Psa. 64:12 ወይረወዩ አድባረ በድው። ይትሐሠዩ አውግር ወይቀንቱ።

Psa. 64:13 ወይለብሱ ሥብሐ አባሕኩ አባግዕ። ወቈላትኒ ይመልኡ ሥርናየ። ይጸርሱ እንዘ ይሴብሁ።

Psa. 65:1 የብቡ ለእግዚአብሔር በኩሉ ምድር።

Psa. 65:2 ወዘምሩ ለስሙ። ሀቡ አኩቴተ ለስብሐቲሁ።

Psa. 65:3 በልዎ ለእግዚአብሔር ግሩም ግብርክ። እንዘ ብዙኅ ኀይልክ ሐሰዉክ ጸላእትክ።

Psa. 65:4 ኩላ ምድር ትሰግድ ወትገኒ ለክ። ወትዜምር ለስምክ።

Psa. 65:5 ንዑ ትርአዩ ግብሮ ለእግዚአብሔር። ግሩም ምክሩ እምዕጓለ እመሕያው።

Psa. 65:6 ዘይሬስያ ለባሕር የብሰ። ወበተከዚ የኀልፉ በእግር። ወበህየ ንትፌሣሕ ኀቡረ።

Psa. 65:7 ዘይኮንን በኀይሉ ዘለዓለም። ወአዕይንቲሁኒ ኀበ አሕዛብ ይኔጽራ። እለ ተአምሩ ኢታዕብዩ ርእሰክሙ።

Psa. 65:8 ባርክዎ አሕዛብ ለአምላክነ። ወአጽምዑ ቃለ ስብሐቲሁ።

Psa. 65:9 ዘአንበራ ለነፍስየ ውስተ ሕይወት። ወኢይውህቦን ሁከተ ለእገርየ።

Psa. 65:10 እስመ አመክርክን እግዚአ። ወፈተንክን ከመ ይፈትንዎ ለብሩር።

Psa. 65:11 ወአባእክን ውስተ መሥገርት። ወአምጸእክ ሕማመ ቅድሜኒ።

Psa. 65:12 ወአጽዕንክ ሰብአ ዲበ አርእስቲኒ። አኀለፍክን ማእከለ እሳት ወማይ። ወአውግእክን ውስተ ዕረፍት።

Psa. 65:13 እበውእ ቤተክ ምስለ መባእየ። ወእውህብ ብፅዕትየ።

Psa. 65:14 ዘነበብኩ በአፉየ። ዘእቤ በከፍፍርየ አመ ምንዳቤየ።

Psa. 65:15 መሥዋዕተ ንጹሐ ዘአልቦ ነውር። አበውእ ለክ ዕጣን ምስለ ሐራጊት። እሠውዕ ለክ አልሕምተ ወአጣሌ።

Psa. 65:16 ንዑ ስምዑኒ ወእንግርክሙ። ኩልክሙ እለ ትፈርህዎ ለእግዚአብሔር። መጠነ ገብረ ላቲ ለነፍስየ።

Psa. 65:17 ዘጸራሕኩ ኀቤሁ በአፉየ። ወከላሕኩ በልሳንየ።

Psa. 65:18 እስመ ዐመፃ ይሬኢ ውስተ ልብየ። ኢይሰምዐኒ እግዚአብሔር።

Psa. 65:19 ወበእንተ ዝ ሰምዐኒ እግዚአብሔር። ወአጽምዐኒ ቃለ ስእለትየ።

Psa. 65:20 ይትባረክ እግዚአብሔር ዘኢከልአኒ ጸሎትየ። ወኢያርሐቀ ሣህሎ እምኔየ።

Psa. 66:1 እግዚአብሔር ይባርክን ወይሣህለነ። ወያርኢ ገጸ ላዕሌነ ወንሕየው።

Psa. 66:2 ከመ ናእምር በምድር ፍኖተክ። ወበኩሉ አሕዛብ አድኅኖተክ።

Psa. 66:3 ይገንዩ ለክ አሕዛብ እግዚአ። ይገንዩ ለክ አሕዛብ ኩሎሙ።

Psa. 66:4 ይትፌሥሑ ወይትሐሠዩ አሕዛብ። እስመ ትኩንኖሙ ለአሕዛብ በርትዕ። ወትመርሐሙ ለአሕዛብ በምድር።

Psa. 66:5 ይገንዩ ለክ አሕዛብ እግዚአ። ይገንዩ ለክ አሕዛብ ኩሎሙ።

Psa. 66:6 ምድርኒ ወሀበት ፍሬሃ። ወይባርክን እግዚአብሔር አምላክነ።

Psa. 66:7 ወይባርክን እግዚአብሔር። ወይፈርህዎ ኩሎሙ አጽናፈ ምድር።

Psa. 67:1 ይትነሣእ እግዚአብሔር ወይዘረዉ ፀሩ። ወይጉየዩ ጸላእቱ እምቅድመ ገጹ።

Psa. 67:2 ከመ የኀልቅ ጢስ ከማሁ የኀልቁ። ወከመ ይትመሰው ሠምዕ እምቅድመ ገጸ እሳት። ከማሁ ይትሀገሱ ኃጥአን እምቅድመ ገጹ ለእግዚአብሔር።

Psa. 67:3 ጻድቃንስ ይትፌሥሑ። ወይትሐሠዩ በቅድመ እግዚአብሔር። ወይትፌሥሑ በሐሜት።

Psa. 67:4 ሰብሕዎ ለእግዚአብሔር ወዘምሩ ለስሙ። ፍኖተ ግብሩ ለዘዐርገ እንተ ዐረብ እግዚአብሔር ስሙ። ወተፈሥሑ በቅድሜሁ። ወይደነግፁ እምቅድመ ገጹ።

Psa. 67:5 አብ ለዕጓለ ማውታ ወመኰንኖን ለዕቤራት። እግዚአብሔር ውስተ ቤተ መቅደሱ።

Psa. 67:6 እግዚአብሔር ያኅድሮሙ ለባሕታውያን ውስተ ቤቱ። ወያወፅአሙ ለሙቁላን በኀይሉ። ከማሁ ለምሩራን እለ ይነብሩ ውስተ መቃብር።

- Psa. 67:7 እግዚአብሔር ወዓለም ቅድመ ኩሉ ሕዝብነ። ወአመኒ እንተ ገዳም ኅለፍከ።
- Psa. 67:8 ምድርኒ አድለቅለቀት ወሰማይኒ አንጠብጠብ። እምቅድመ ገጹ ለአምላክ ሲና። እምቅድመ ገጹ ለአምላክ እስራኤል።
- Psa. 67:9 ዝናም እምፈቃዱ ዘፈለጠ እግዚአብሔር ለርስትከ። እመኒ ደክመ አንተ ታጽንዖ።
- Psa. 67:10 እንስሳክ የኅድሩ ውስቴቱ። አስተዳሎክ ለነዳያን በኒሩትክ እግዚአብሔር።
- Psa. 67:11 እግዚአብሔር ይውህቦሙ ቃለ ለእለ ይዜንጢ ኅይለ ብዙኅ።
- Psa. 67:12 ንጉሠ ኅይላን ለፍቁሩ። ለፍቁሩ ወለሥነ ቤትክ ተካፈልነ ምህርካ።
- Psa. 67:13 እመኒ ቤትክሙ ማእከለ መዋርስት። ክነፈ ርግብ በብሩር ዘግቡር። ወገበዋቲሃኒ በሐመልማለ ወርቅ።
- Psa. 67:14 አመ አዘዘ ሰማያዊ ንጉሥ ላዕሌሃ። በረድ ይዘንም ላዕለ ሰልሞን።
- Psa. 67:15 ደብረ እግዚአብሔር ደብረ ጥሉል። ደብረ ርጉዕ ወደብረ ጥሉል።
- Psa. 67:16 ለምንት ይትነሥኡ አድባር ርጉዓን። ደብረ ዘሠምሮ እግዚአብሔር የኅድሩ ውስቴቱ። እስመ የኅድሮን እግዚአብሔር ለዝሉፉ።
- Psa. 67:17 ሠረገላቲሁ ለእግዚአብሔር ምእልፊተ አእላፍ ፍሡሐን። እግዚአብሔር ውስቴቱን በሲና መቅደሱ።
- Psa. 67:18 ዐረገ ውስተ አርያም ጌዊወክ ጌዋ። ወወሀብክ ጸጋክ ለዕንላ እመሕያው። እስመ ይክሕዱ ከመ ይኅድሩ።
- Psa. 67:19 እግዚአብሔር አምላክ ቡሩክ። ይትባረክ እግዚአብሔር በኩሉ መዋዕል። ይረድክ አምላክነ ወመድኅኒነ።
- Psa. 67:20 አምላክነሰ አምላክ አድኅኖ። ወፍናዊሁኒ ለሞት ዘእግዚአብሔር ውእቱ።
- Psa. 67:21 ወባሕቱ እግዚአብሔር ይሰብር አርእስተ ጸላእቱ። ወበከተማ ሥዕርቶሙ የሐውር ጌጋዮሙ።
- Psa. 67:22 ይቤ እግዚአብሔር ወዚእየ እገብእ። ወእትመየጥ እንተ ቀላየ ባሕር።
- Psa. 67:23 ከመ ይሄረያ እገሪክ በደም። ልሳነ ከለባቲክ ላዕለ ጸላእቱ።
- Psa. 67:24 አስተርአየ ፍናዊክ እግዚአብሔር። ፍናዊሁ ለአምላክነ ለንጉሥ ዘውስተ መቅደስ።
- Psa. 67:25 በጽሑ መላእክት ወበሙ መዘምራን። ማእከለ ደናግል ዘባጥያተ ከበሮ።
- Psa. 67:26 በማኅበር ባርክዎ ለእግዚአብሔር። ወለአምላክነ በአንቅዕተ እስራኤል።
- Psa. 67:27 ህየ ብንያም ወሬዛ በኅይሉ። መላእክተ ይሁዳ መሳፍንቲሆሙ። መላእክተ ዛብሎን ወመላእክተ ንፍታሌም።
- Psa. 67:28 አዝዝ እግዚአብሔር በኅይሉ። ወአጽንዖ እግዚአብሔር ለዝንቱ ዘሠራዕክ ለነ።
- Psa. 67:29 ውስተ ጽርሕክ ዘኢየሩሳሌም። ለከ ያመጽኡ ነገሥት አምሥ።
- Psa. 67:30 ገሥጸሙ ለአራዊተ ኅለት። ማኅበረ አልሕምት ውስተ ዕንላተ ሕዝብ። ከመ ኢይትዐጸዉ እለ ፍቱናን ከመ ብሩር። ዝርዎሙ ለአሕዛብ እለ ይፈቅዱ ቀትለ።
- Psa. 67:31 ይምጽኡ ተናብልት እምግብጽ። ኢትዮጵያ ታበጽሕ እደዊሃ ኅበ እግዚአብሔር።
- Psa. 67:32 ነገሥተ ምድር ሰብሕዎ ለእግዚአብሔር። ወዘምሩ ለአምላክነ።
- Psa. 67:33 ዘምሩ ለእግዚአብሔር ዘዐርገ ውስተ ሰማይ። ሰማይ ዘመንገለ ጽባሕ። ናሁ ይውህብ ቃሎ ቃለ ኅይል።
- Psa. 67:34 ሀቡ አኩቴተ ለእግዚአብሔር። ላዕለ እስራኤል ዐቢይ ስብሐቲሁ። ወኅይሉሂ እስከ ደመናት።
- Psa. 67:35 መንክር እግዚአብሔር በላዕለ ቅዱሳኒሁ። አምላክ እስራኤል ውእቱ ይውህብ ኅይለ ወጽንዐ ለሕዝቡ። ወይትባረክ እግዚአብሔር።
- Psa. 68:1 አድኅኒኒ እግዚአብሔር እስመ በጽሐኒ ማይ እስከ ነፍሰየ።
- Psa. 68:2 ጠጋዕኩ ውስተ ዕሙቅ ቀላይ ወገይል አልብየ። በጻሕኩ ውስተ ማዕምቀ ባሕር ወዐውሎ አስጠመኒ።
- Psa. 68:3 ሰራሕኩ በከልሖ ወስሕከኒ ጉርዔየ። ደክማ አዕይንትየ እንዘ እሴፈዎ ለአምላኪየ።
- Psa. 68:4 በዝኑ እምሥዕርተ ርእሰየ እለ ይጸልኡኒ በከንቱ። ጸንኡ ፀርየ እለ ይረውዱኒ በዐመፃ። ወዘኢነሣእኩ ይትፈደዩኒ።
- Psa. 68:5 ለሊክ እግዚአብሔር ተአምር እበድየ። ወኢይትኅባእ እምኔክ ኅጢአትየ።

- Psa. 68:6 ወኢይትጎፈሩ ብየ እለ የጎሡከ እግዚአ እግዚአ ጎያላን። ወኢይጎሰሩ ብየ እለ ይሴፈዉከ አምላክ እስራኤል።
- Psa. 68:7 እስመ በእንቲአከ ተዐገሥኩ ጽዕለተ። ወከደነኒ ጎፍረት ገጽየ።
- Psa. 68:8 ከመ ነኪር ኮንክዎሙ ለአጎውየ። ወነግድ ለደቂቀ አቡየ ወእምየ።
- Psa. 68:9 እስመ ቅንአተ ቤትከ በልዐኒ። ትዕይርቶሙ ለእለ ይትጫየሩከ ወድቀ ላዕሌየ።
- Psa. 68:10 ወቀጻዕክዋ በጾም ለነፍስየ። ወኮነኒ ጽዕለተ።
- Psa. 68:11 ለበስኩ ሠቀ ወኮንክዎሙ ነገረ።
- Psa. 68:12 ላዕሌየ ይዛውዑ እለ ይነብሩ ውስተ አናቅጽ። ወኪያየ የሐልዩ እለ ይሰትዩ ወይነ።
- Psa. 68:13 ወአንሰ በጸሎትየ ጎበ እግዚአብሔር። ሣህሉ ለእግዚአብሔር በጊዜሁ። እንዘ ብዙጎ ሣህልከ። ስምዐኒ ዘበአማን መድኅኒየ።
- Psa. 68:14 ወአድጎነኒ እምዐምዓም ከመ ኢየጎጠኒ። ወአንግፈኒ እምጸላእትየ። ወእምቀላየ ማይ።
- Psa. 68:15 ወኢያስጥመኒ ዐውሎ ማይ። ወኢየጎጠኒ ቀላይ። ወኢያብቅዉ አፉሆሙ ዐዘቃት ላዕሌየ።
- Psa. 68:16 ስምዐኒ እግዚአ እስመ ሠናይ ምሕረትከ። ወበከመ ብዝጎ ሣህልከ ነጽር ላዕሌየ።
- Psa. 68:17 ወኢትሚጥ ገጸክ እምገብርከ። እስመ ተመንደብኩ ፍጡነ ስምዐኒ።
- Psa. 68:18 ነጽራ ለነፍስየ ወአድጎና። ወአድጎነኒ በእንተ ጸላእትየ።
- Psa. 68:19 ለሊክ እግዚአ ተአምር ጽዕለትየ። ጎፍረትየ ውጎሳርየ። በቅድመ ኩሎሙ እለ ይሣቅዩኒ።
- Psa. 68:20 ተዐገሠት ነፍስየ ጽዕለተ ውጎሳረ። ነበርኩ ትኩዝየ ውጎጣእኩ ዘይናዝዘኒ።
- Psa. 68:21 ወወደዩ ሐሞተ ውስተ መብልዕየ። ወአስተዩኒ ብሔአ ለጽምእየ።
- Psa. 68:22 ለትኩኖሙ ማእዶሙ መሥገርተ በቅድሜሆሙ። ወማዕገተ ዕቅፍት ለፍዳሆሙ።
- Psa. 68:23 ይጽለማ አዕይንቲሆሙ ወኢይርአያ። ወይትቀጻዕ ዘባናቲሆሙ በኩሉ ጊዜ።
- Psa. 68:24 ከዐው መዓተክ ላዕሌሆሙ። ወይርከበሙ መቅሠፍተ መዓትከ።
- Psa. 68:25 ለትኩን ሀገሮሙ በድወ። ወአልቦ ዘይነብር ውስተ አብያቲሆሙ።
- Psa. 68:26 እስመ ዘአንተ ቀሠፍክ እሙንቱ ተለዉ። ወሰኩኒ ዲበ ጸልዕየ ቍስለ።
- Psa. 68:27 ወስኩሙ ጌጋየ በዲበ ጌጋየሙ። ወኢይባኡ በጽድቅከ።
- Psa. 68:28 ወይደምስሱ እመጽሐፈ ሕያዋን። ወኢይጸሐፉ ምስለ ጻድቃን።
- Psa. 68:29 ነዳይ ወቅሱል አነ። መድኅኒ ገጽየ እግዚአብሔር ተወክፈኒ።
- Psa. 68:30 እሴብሕ ለስመ አምላኪየ በማሕሌት። ወአዐብዮ በስብሐት።
- Psa. 68:31 አሠምሮ ለእግዚአብሔር እምላሕም ጣዕዋ። ዘኢያብቁለ ቀርነ ወጽፍረ።
- Psa. 68:32 ይርአዩ ነዳያን ወይትፈሥሑ። ጎሥዎ ለእግዚአብሔር ወተሐዩ ነፍስክሙ።
- Psa. 68:33 እስመ ሰምዖሙ እግዚአብሔር ለነዳያን። ወኢመነኖሙ ለሙቁሓን።
- Psa. 68:34 ይሴብሕዎ ሰማያት ወምድር። ባሕርኒ ወኩሉ ዘይትሐወስ ውስቴታ።
- Psa. 68:35 እስመ አድጎና እግዚአብሔር ለጽዮን። ወይትሐነጻ አህጉረ ይሁዳ። ይነብሩ ህየ ወይወርስዋ።
- Psa. 68:36 ወዘርዐ አግብርቲክ ይነብርዋ። ወእለ ያፈቅሩ ስመክ የጎድሩ ውስቴታ።
- Psa. 69:1 እግዚአ ነጽር ውስተ ረዲአትየ። እግዚአ አፍጥን ረዲአትየ።
- Psa. 69:2 ይትጎፈሩ ወይጎሰሩ እለ የጎሥሥዋ ለነፍስየ። ለይግብኡ ድጎሬሆሙ ወይትጎፈሩ እለ መከሩ እኩየ ላዕሌየ።
- Psa. 69:3 ለይግብኡ ድጎሬሆሙ በጊዜሃ ተጎፊሮሙ እለ ይብሉኒ እንቋዕ እንቋዕ።
- Psa. 69:4 ለይትፈሥሑ ወይትሐሠዩ ኩሎሙ እለ የጎሡከ እግዚአ። ወይበሉ ዘልፈ ዐቢይ እግዚአብሔር። እለ ይፈቅዱ አድጎኖተክ በኩሉ ጊዜ።
- Psa. 69:5 አንሰ ነዳይ ወምስኪን አነ። ወእግዚአብሔር ይረድአኒ። ረዳኢየ ወምስካይየ አንተ እግዚአ አምላኪየ ወኢትጐንዲ።
- Psa. 70:1 ኪያክ ተወክልኩ እግዚአ ወኢይትጎፈር ለዓለም።
- Psa. 70:2 ወበጽድቅክ አንግፈኒ ወባልሐኒ። አጽምዕ እዝነከ ጎቤየ ወፍጡነ አድጎነኒ።
- Psa. 70:3 ኩነኒ አምላኪየ ወመድኅኒየ። ውስተ ብሔር ጽኑዕ ከመ ታድጎነኒ። እስመ ጎይልየ ወጸወንየ አንተ።
- Psa. 70:4 አምላኪየ አድጎነኒ እምእደ ኃጥአን። ወእምእደ ዐማፂ ወገፋዒ።
- Psa. 70:5 እስመ አንተ ተስፋየ እግዚአ። እግዚእየ ተሰፈውኩከ እምንእስየ።

Psa. 70:6 ወብከ ጸናዕኩ በውስተ ከርሠ እምየ። ወበውስተ ማሕፀን አንተ ከደንከኒ። ወአንተ ዝክርየ በኩሉ ጊዜ።

Psa. 70:7 ከመ ኳሄላ ኮንክዎሙ ለብዙኃን። ወአንተ ረዳኢየ ወኅይልየ።

Psa. 70:8 ምላእ አፋየ ስብሐቲክ። ከመ እስብሐ አኩቴተክ። ወኩሎ አሚረ ዕባየ ስብሐቲክ።

Psa. 70:9 ኢትግድፈኒ በመዋዕለ ርሥእየ። ወአመሂ ኅልቀ ኅይልየ ኢትኅድገኒ አምላኪየ።

Psa. 70:10 እስመ ነበቡ ጸላእትየ ላዕሌየ። ወእለሂ የኅሥሥዋ ለነፍስየ። ተማከሩ ኅቡረ ወይቤሉ።

Psa. 70:11 ኅደኅ እግዚአብሔር። ዴግንዎ ወትእኅዝዎ። እስመ አልቦ ዘያድኅኖ።

Psa. 70:12 አምላኪየ ኢትርሐቅ እምኔየ። አምላኪየ ነጽር ውስተ ረዲአትየ።

Psa. 70:13 ይትኅፈሩ ወይኅሰሩ እለ ያስተዋድይዎ ለነፍስየ። ወይልበሱ ኅፍረተ ወኅሳረ እለ ይፈቅዱ ሊተ ሕማመ።

Psa. 70:14 ወአንስ ዘልፈ እሴፈወክ እግዚአ። ወእዌስክ ዲበ ኩሉ ስብሐቲክ።

Psa. 70:15 አፋየ ይነግር ጽድቀክ። ወኩሎ አሚረ አድኅኖተክ። እስመ ኢየአምር ተግባረ።

Psa. 70:16 እበውእ በኅይለ እግዚአብሔር። እግዚአ እዜከር ጽድቀክ ባሕቲቶ።

Psa. 70:17 ወምህርከኒ አምላኪየ እምንእስየ። እስከ ይእዜ እነግር ስብሐቲክ።

Psa. 70:18 እስከ እልህቅ ወእረሥእ ኢትኅድገኒ አምላኪየ። እስከ እነግር መዝራዕተክ ለትውልድ ዘይመጽእ። ኅይለከኒ ወጽድቀከኒ።

Psa. 70:19 እግዚአ እስከ አርያም ገበርክ ዐቢያተ። እግዚአ መኑ ከማክ።

Psa. 70:20 እስመ አርአይከኒ ሕማመ ወምንዳቤ ብዙኅ። ተመየጥከኒ ወአሕየውከኒ። ወእምቀላየ ምድር አውፃእከኒ።

Psa. 70:21 ወአብዛኅኩ ለጽድቅክ። ወገባእክ ታስተፍሥሐኒ። ወእምቀላየ ምድር ካዕበ አውፃእከኒ።

Psa. 70:22 ወአነሂ እገኒ ለክ በንዋየ መዝሙር ለጽድቅክ። እዜምር ለክ አምላኪየ በመሰንቆ ቅዱስ እስራኤል።

Psa. 70:23 ይትፈሥሐኒ ከናፍርየ ሶበ እዜምር ለክ። ወለነፍስየኒ አንተ አድኅንካ።

Psa. 70:24 ወዓዲ ልሳንየ ያነብብ ጽድቀክ ኩሎ አሚረ። ሶበ ተኅፍሩ ወኅስሩ እለ የኅሡ ሊተ እኩየ።

Psa. 71:1 እግዚአ ኩነኔክ ሀቦ ለንጉሥ። ወጽድቀከኒ ለወልደ ንጉሥ።

Psa. 71:2 ከመ ይኩንኖሙ ለሕዝብክ በጽድቅ። ወለነዳያኒከኒ በፍትሕ።

Psa. 71:3 ይትወከፉ አድባር ወአውግር ሰላመ ሕዝብክ።

Psa. 71:4 ኩንን በጽድቅ ነዳያነ ሕዝብክ። ወአድኅኖሙ ለደቂቀ ምስኪናኒክ። ወአኅሰሮ ለዕቡይ።

Psa. 71:5 ወይጽናሕ ምስለ ፀሓይ። ወእምቅድመ ወርኅ ለትውልደ ትውልድ።

Psa. 71:6 ወይወርድ ከመ ጠል ውስተ ፀምር። ወከመ ነጠብጣብ ዘያንጠበጥብ ዲበ ምድር።

Psa. 71:7 ወይሠርጽ ጽድቅ በመዋዕሊሁ። ወብዙኅ ሰላመ እስከ የኅልፍ ወርኅ።

Psa. 71:8 ወይኳንን እምባሕር እስከ ባሕር። ወእምአፍላግ እስከ አጽናፈ ዓለም።

Psa. 71:9 ይገንዩ ቅድሜሁ ኢትዮጵያ። ወጸላእቱሂ ሐመደ ይቀምሑ።

Psa. 71:10 ነገሥተ ተርሴስ ወደስያት አምኃ ያበውኡ። ነገሥተ ሳባ ወዐረብ ኃዳ ያመጽኡ።

Psa. 71:11 ወይሰግዱ ሎቱ ኩሎሙ ነገሥተ ምድር። ወይትቀነዩ ሎቱ ኩሎሙ አሕዛብ።

Psa. 71:12 እስመ አድኅኖ ለነዳይ እምእደ ዘይትዔገሎ። ለምስኪን ዘአልቦ ረዳኢ።

Psa. 71:13 ወይምህክ ነዳየ ወምስኪነ። ወያድኅን ነፍስ ነዳያን።

Psa. 71:14 እምርዴ ወእምትዕግልት ያድኅና ለነፍሶሙ። ወክቡር ስሙ በቅድሜሆሙ።

Psa. 71:15 የሐዩ ወይውህብዎ እምወርቀ ዐረብ። ወዘልፈ ይጼልዩ በእንቲአሁ። ወኩሎ አሚረ ይድኅርዎ።

Psa. 71:16 ወይከውን ምስማክ ለኩሎ ምድር። ውስተ አርእስተ አድባር። ወይነውኅ እምአርዝ ፍሬሁ።

ወይበቀል ውስተ ሀገር ከመ ኃዕረ ምድር።

Psa. 71:17 ወይከውን ቡሩክ ስሙ ለዓለም። እምቅድመ ፀሓይ ሀሎ ስሙ። ወይትባረኩ ቦቱ ኩሎሙ አሕዛብ ምድር። ወያስተበፅዕዎ ኩሎሙ ሕዝብ።

Psa. 71:18 ይትባረክ እግዚአብሔር አምላክ እስራኤል። ዘገብረ መንክረ ባሕቲቱ።

Psa. 71:19 ወይትባረክ ስመ ስብሐቲሁ። ለዓለም ወለዓለመ ዓለም። ወይምላእ ስብሐቲሁ ኩሎ ምድር ለይኩን ለይኩን።

Psa. 72:1 ጥቀ ኄር እግዚአብሔር ለእስራኤል ለርቱዓነ ልብ።

Psa. 72:2 ሊተሰ ሕቀ ክመ ዘእምተንተና እገርየ። ወሕቀ ክመ ዘእምድኅፀ ሰኩናየ።

- Psa. 72:3 እስመ ቀናኢኩ ላዕለ ኃጥአን። ሰላሞሙ ርእይየ ለዐማፅያን።
- Psa. 72:4 እስመ አልቦ ሣጎት ለሞቶሙ። ወኢ ጎይል ለመቅሠፍቶሙ።
- Psa. 72:5 ወበጸማሂ ኢኮኑ ዕድወ። ወኢተቀሥፉ ምስለ ሰብእ።
- Psa. 72:6 ወበእንተ ዝ አጎዞሙ ትዕቢት። ወተዐጽፍዋ ለጎጢአቶሙ ወለዐመዓሆሙ።
- Psa. 72:7 ወይወፅእ ከመ ዘእምአንጉዕ ጎጢአቶሙ። ወጎለፈ እምትዕቢት ልቦሙ።
- Psa. 72:8 ጎለዩ ወነበቡ ከንቶ። ወነበቡ ዐመዓ ውስተ አርያም።
- Psa. 72:9 ወአንበሩ ውስተ ሰማይ አፉሆሙ። ወአንሰሰወ ውስተ ምድር ልሳኖሙ።
- Psa. 72:10 በእንተ ዝ ይትመየጡ ሕዝብዩ እምዝየ። ወይትረከብ ፍጹም መዋዕል በላዕሌሆሙ።
- Psa. 72:11 ወይቤሉ እፎ የአምር እግዚአብሔር። ወቦኑ ዘየአምር በአርያም።
- Psa. 72:12 ናሁ እሉ ኃጥአን ይትፈግዑ። ወለዓለም ያጸንዕዋ ለብዕሎሙ።
- Psa. 72:13 ወእቤ ከንቶሁ እንጋ አጽደቅዋ ለልብዩ። ወጎፀብኩ በንጹሕ እደውየ።
- Psa. 72:14 ወኮንኩ ቅሠፈ ኩሎ አሚረ። ወዘለፋየኒ በጽባሕ።
- Psa. 72:15 ሶበ እቤሁ ነበብኩ ከመ ዝ። ናሁ ሠራዕኩ ለትውልደ ደቂቅከ።
- Psa. 72:16 ወተወከፍከኒ ከመ አእምር። ዝንቱሰ ጸማ ውእቱ በቅድሜየ።
- Psa. 72:17 እስከ እበውእ ውስተ መቅደሱ ለእግዚአብሔር። ከመ አእምር ደኃሪቶሙ።
- Psa. 72:18 ወባሕቱ በእንተ ጽልሑቶሙ አጽናሕኩሙ። ወነፃጎኩም በተንሥኦቶሙ።
- Psa. 72:19 እፎ ኮኑ ለሙስና። ግብተ ጎልቄ ወተሀጉሉ በእንተ ጎጢአቶሙ።
- Psa. 72:20 ከመ ዘንቃህ እምንዋም። እግዚአ በሀገርከ አጎሰሮሙ ወረዐዮሙ።
- Psa. 72:21 እስመ ውዕየ ልብዩ ወተመስወ ኩልያትየ።
- Psa. 72:22 ወአንሰ ምኑን ኢያእመርኩ። ወኮንኩ ከመ እንስሳ በጎቤከ።
- Psa. 72:23 ወአንሰ ዘልፈ ምስሌከ። አጎዝከኒ እዴየ ዘየማን።
- Psa. 72:24 በምክረ ዚአከ መራሕከኒ። ወምስለ ስብሐት ተወከፍከኒ።
- Psa. 72:25 ምንተ ብከ ተሀሉ ውስተ ሰማይ። ወምንተ እፈቅድ ጎቤከ ውስተ ምድር።
- Psa. 72:26 ጎልቀ ልብዩ ወሥጋየ በአምላክ መድኅኒትየ። እግዚአብሔር መክፈልትየ ለዓለም።
- Psa. 72:27 እስመ ናሁ እለ ይርሕቁ እምኔከ ይትሀጉሉ። ወሠረውኩም ለኩሎሙ እለ ይዜምዉ እምኔከ።
- Psa. 72:28 ሊተሰ ተሊወ እግዚአብሔር ይኄይሰኒ። ወትውክልትየኒ ላዕለ እግዚአብሔር። ከመ እንግር ኩሎ ስብሐቲሁ። በአናቅጺሃ ለወለተ ጽዮን።
- Psa. 73:1 ለምንት ገደፍከኒ እግዚአ ለዝሉፉ። ወተማዕከ መዓተከ ላዕለ አባግዐ መርዔትከ።
- Psa. 73:2 ተዘከር ማኅበረከ ዘአቅደምከ ፈጢረ። ወአድኅንከ በትረ ርስትከ። ደብረ ጽዮን ዘገደርከ ውስቴታ።
- Psa. 73:3 አንሥእ እዴከ ዲበ ትዕቢቶሙ ለዝሉፉ። መጠነሰ አሕሠመ ፀራዊ ዲበ ቅዱሳኒከ።
- Psa. 73:4 ወተዘጎሩ ጸላእትከ በማእከለ በዓልከ። ወረሰዩ ትእምርቶሙ ትእምርተ ዘኢያእመሩ።
- Psa. 73:5 ከመ ዘውስተ ላዕላይ ፍኖት። ወከመ ዕፀወ ገዳም በጉድብ ሰበሩ ጥጋቲሃ።
- Psa. 73:6 ከማሁ በማሕጼ ወበመፍጽሕ ሰበርዋ።
- Psa. 73:7 ወአውዐዩ በእሳት መቅደሰከ። ወአርኩሱ ማኅደረ ስምከ ውስተ ምድር።
- Psa. 73:8 ወይቤሉ በልቦሙ ጎቢሮሙ በበ ሕዝቢሆሙ። ንዑ ንስዐር ኩሎ በዓላቲሁ ለእግዚአብሔር እምድር።
- Psa. 73:9 ወትእምርቶሂ ኢነአምር። ወአልቦ እንከ ነቢይ። ወንሕነሂ ኢነአምር እንከ።
- Psa. 73:10 እስከ ማእዜኑ እንከ እግዚአ ይጼዕል ፀራዊ። ወዘልፈ ያምዕሶ ለስምከ ጸላኢ።
- Psa. 73:11 ለምንት እግዚአ ትመይጥ እዴከ። ወየማንከ ማእከለ ሕፅንከ ለግሙራ።
- Psa. 73:12 እግዚአብሔርሰ ንጉሥ ውእቱ እምቅድመ ዓለም። ወገብረ መድኅኒተ በማእከለ ምድር።
- Psa. 73:13 አንተ አጽናዕካ ለባሕር በጎይልከ። ወአንተ ሰበርከ ርእሰ ከይሲ በውስተ ማይ።
- Psa. 73:14 ወአንተ ቀጥቀጥከ አርእስቲሁ ለከይሲ። ወወሀብኩሙ ሲሳዮሙ ለሕዝበ ኢትዮጵያ።
- Psa. 73:15 አንተ ሠጠቀ አፍላገ ወአንቅዕት።
- Psa. 73:16 ለከ ውእቱ መዓልት ወዚአከ ይእቲ ሌሊት። አንተ ፈጠርከ ፀሓየ ወወርኅ።
- Psa. 73:17 ወአንተ ገበርከ አድባረ ወምድረ ኩሎ። ክረምተ ወሐጋየ ዘአንተ ፈጠርከ።
- Psa. 73:18 ወተዘከር ዘንተ ተግባረከ። ፀራዊ ተዐየሮ ለእግዚአብሔር። ወሕዝብ አብድ አምዕሶ ለስሙ።
- Psa. 73:19 ኢትመጥዋ ለአራዊት ለነፍሰ እንተ ትገኒ ለከ። ወኢትርሳዕ ነፍሰ ነዳያኒከ ለዝሉፉ።

- Psa. 73:20 ወነጽር ውስተ ሥርዐትከ። እስመ በዝኑ ጽሑግነ ምድር አብያተ ኃጥአን።
- Psa. 73:21 ኢይግባእ ነዳይ ተኅፊሮ። ነዳይ ወምስኪን ይሴብሉ ለስምከ።
- Psa. 73:22 ተንሥእ እግዚአ ወተበቀል በቀልየ። ወተዘከር ዘተወየሩከ አብዳን ኩሎ አሚረ።
- Psa. 73:23 ወኢትርሳዕ ቃለ አግብርቲከ። ትዝሃርቶሙ ለጸላእትከ ይዕርግ ኅቤከ በኩሉ ጊዜ።
- Psa. 74:1 እገኒ ለከ እግዚአ እገኒ ለከ። እገኒ ለከ ወእጺውዕ ስመከ። ወእነግር ኩሎ ስብሐቲከ።
- Psa. 74:2 ሶበ ረከብኩ ጊዜሁ። ወአንሰ ጽድቀ እኳንን።
- Psa. 74:3 ተመስወት ምድር ወኩሎሙ እለ ይነብሩ ውስቴታ። ወአነ አጽናዕኩ አዕማዲሃ።
- Psa. 74:4 ወእቤሎሙ ለኃጥአን ኢይኤብሱ። ወእለሂ ይኤብሱ ኢያንሥኡ ቀርኖሙ።
- Psa. 74:5 ወኢያንሥኡ ቀርኖሙ ውስተ አርያም። ወኢያንብቡ ዐመፃ ላዕለ እግዚአብሔር።
- Psa. 74:6 እስመ ኢ እምጽባሕ ወኢ እምዐረብ ወኢ እምአድባረ ገዳም።
- Psa. 74:7 እስመ እግዚአብሔር መኩንን ውእቱ። ዘንተ ያኅስር ወዘንተ ያከብር።
- Psa. 74:8 እስመ ጽዋዕ ውስተ እደ እግዚአብሔር። ወይን ዘኢኮነ ቱሱሐ ወምሉእ ቅድሐቱ። ወሶጦ እምዝንቱ ውስተ ዝንቱ። ወባሕቱ ጣሕሉኒ ኢይትከዐው። ወይሰትይዎ ኩሎሙ ኃጥአን ምድር።
- Psa. 74:9 ወአንሰ እትፌሣሕ ለዓለም። ወእዜምር ለአምላክ ያዕቆብ።
- Psa. 74:10 ወእሰብር አቅርጉተ ኃጥአን። ወይትሌዐል አቅርጉተ ጸድቃን።
- Psa. 75:1 ተዐውቀ እግዚአብሔር በይሁዳ። ወዐብየ ስሙ በእስራኤል።
- Psa. 75:2 ወነበረ በሰላም ብሔሮ። ወማኅደሩሂ ውስተ ጽዮን።
- Psa. 75:3 ወበህየ ሰበረ ኅይለ ቀስት። ወልታ ወኩናተ ወጸባኢተ። ወበህየ ሰበረ አቅርጉተ።
- Psa. 75:4 አንተ ታበርህ መንክረ። እምአድባር ዘለዓለም።
- Psa. 75:5 ደንገፁ ኩሎሙ አብዳን ልብ። ሐለሙ ሕልመ ወአልቦ ዘረከቡ። ኩሉ ሰብእ ለብዕለ እደዊሁ።
- Psa. 75:6 እምተግሣድከ አምላክ ያዕቆብ። ደቀሱ ኩሎሙ እለ ይጼዑኑ አፍራሰ።
- Psa. 75:7 አንተሰ ግሩም አንተ። ወመኑ ይትቃወሞ ለመዓትከ።
- Psa. 75:8 እምሰማይ ታጽምዕ ፍትሐ። ምድርኒ ፈርህት ወአርመመት።
- Psa. 75:9 ሶበ ተንሥእ እግዚአብሔር ለኩንኖ። ከመ ያድኅኖሙ ለኩሎሙ የዋሃነ ልብ።
- Psa. 75:10 እስመ እምፈቃዱ የአምነከ ሰብእ። ወእምተረፈ ኅሊናሆሙ ይገብሩ በዓለከ።
- Psa. 75:11 ብፅዐ ወሀቡ ለእግዚአብሔር አምላክነ። ኩሎሙ እለ ዐውዱ ያበውኡ አምኃ።
- Psa. 75:12 ለግሩም ዘያወፅእ ነፍሶሙ ለመላእክት። ወይጌርም እምነገሥተ ምድር።
- Psa. 76:1 ቃልየ ኅበ እግዚአብሔር ጸራሕኩ። ቃልየ ኅበ እግዚአብሔር አጽምዐኒ።
- Psa. 76:2 በዕለተ ምንዳቤየ ኅሠሥክዎ ለእግዚአብሔር። ዕድውየ ሌሊተ ቅድሜሁ ወኢኬዱኒ። ቀብጸት ነፍስየ ትፍሥሕተ።
- Psa. 76:3 ተዘከርክዎ ለእግዚአብሔር ወተፈሣሕኩ። ተዛዋዕኩሂ ወአንበዘት ነፍስየ።
- Psa. 76:4 ተራከብክዎን ለሰዓታተ ኩሎሙ ጸላእትየ። ደንገፅኩሂ ወኢነበብኩ።
- Psa. 76:5 ውኅለይኩ መዋዕለ ትካት። ተዘከርኩ ዓመተ ዓለም ወአንበብኩ።
- Psa. 76:6 ሌሊተ ተዛዋዕኩ ምስለ ልብየ ወአንቃህክዋ ለነፍስየ።
- Psa. 76:7 ቦኑ ለዓለም ይገድፍ እግዚአብሔር። ወኢይደግምኑ እንከ ተሣህሎ።
- Psa. 76:8 ወቦኑ ለግሙራ ይመትር ምሕረቶ ለትውልደ ትውልድ።
- Psa. 76:9 ወይረስዕኑ እግዚአብሔር ተሣህሎ። ወይደፍንኑ ምሕረቶ በመዓቱ።
- Psa. 76:10 ወእቤ እምይእዜ ወጠንኩ። ከመ ዘያስተባሪ የማኖ ልዑል።
- Psa. 76:11 ወተዘከርኩ ግብሮ ለእግዚአብሔር። እስመ እዜከር ዘትካት ምሕረተከ።
- Psa. 76:12 ወአነብብ በኩሉ ምግባሪከ። ወእዛዋዕ በግብርከ።
- Psa. 76:13 እግዚአ ውስተ መቅደስ ፍኖትከ። መኑ አምላክ ዐቢይ ከመ አምላክነ።
- Psa. 76:14 አንተ እግዚአብሔር ባሕቲትከ ዘትገብር መንክረ። አርአይኩሙ ለሕዝብከ ኅያለከ።
- Psa. 76:15 ወአድኅንኩሙ ለሕዝብከ በመዝራዕትከ። ለደቂቀ ያዕቆብ ወዮሴፍ።
- Psa. 76:16 ርእዩከ ማያት እግዚአ። ርእዩከ ማያት ወፈርሁ። ደንገፁ ቀላያት ማያት ወደምፁ ማያቲሆሙ።
- Psa. 76:17 ቃለ ወሀቡ ደመናት አሕጻክ ይወፅኡ።
- Psa. 76:18 ቃለ ነጐድጓድከ በሠረገላት። አስተርአየ መባርቅቲሁ ለዓለም። ርዕደት ወአድለቅለቀት ምድር።
- Psa. 76:19 ውስተ ባሕር ፍኖትከ። ወአሠርከኒ ውስተ ማይ ብዙኅ። ወኢይትዐወቅ አሠርከ።

- Psa. 76:20 መሠራሕመ ከመ አባግዕ ለሕዝብከ። በእደ ሙሴ ወአርን።
- Psa. 77:1 አጽምዑ ሕዝብየ ሕግየ። ወጽልዉ እዝነክሙ ኅበ ቃለ አፉየ።
- Psa. 77:2 እከሥት በምሳሌ አፉየ። ወእነግር አምሳለ ዘእምትካት።
- Psa. 77:3 ኩሎ ዘሰማዕነ ወዘርኢነ። ወዘነገሩነ አበዊነ።
- Psa. 77:4 ወኢኅብኡ እምደቂቆሙ ለካልእ ትውልድ። ወነገሩ ስብሐቲሁ ለእግዚአብሔር። ኅይሎሂ ወመንክሮሂ ዘገብረ።
- Psa. 77:5 ዘአቀመ ስምዐ ለያዕቆብ። ወሠርዐ ሕገ ለእስራኤል። ዘአዘዘሙ ለአበዊነ። ከመ ይንግሩ ለደቂቆሙ።
- Psa. 77:6 ወከመ ያእምር ካልእ ትውልድ። ደቂቅ እለ ይትወለዱ ወይትነሥኡ። ወይዜንዉ ለደቂቆሙ።
- Psa. 77:7 ከመ ይረስዩ ትውክልቶሙ ላዕለ እግዚአብሔር። ወከመ ኢይርስዑ ግብረ እግዚአብሔር። ወይኅሥሡ ትእዛዘ።
- Psa. 77:8 ከመ ኢይኩኑ ከመ አበዊሆሙ። ትውልድ ዕሉት መሠራር። ትውልድ እንተ ኢያርትዐት ልባ። ወኢተአመነት መንፈሳ በእግዚአብሔር።
- Psa. 77:9 ደቂቀ ኤፍሬም ይዌስቁ ወይነድፉ። ወተገፍትዑ አመ ዕለተ ቀትል።
- Psa. 77:10 እስመ ኢዐቀቡ ኪዳኖ ለእግዚአብሔር። ወአበዩ ሐዊረ በሕጉ።
- Psa. 77:11 ወረስዑ ረድኤቶ። ወመንክሮሂ ዘአርአዮሙ።
- Psa. 77:12 ዘገብረ መንክረ በቅድመ አበዊሆሙ። በምድረ ግብጽ ወበሐቅለ ጣኔዎስ።
- Psa. 77:13 ሠጠቀ ባሕረ ወኢኅለፎሙ። ወአቀመ ማየ ከመ ዝቅ።
- Psa. 77:14 መርሐሙ መዓልተ በደመና። ወኩሎ ሌሊተ በብርሃነ እሳት።
- Psa. 77:15 አንቅዑ ኩኩሐ በበድው። ወአስተዮሙ ከመ ዘእምቀላይ ብዙኅ።
- Psa. 77:16 ወአውሐዘ ማየ ከመ ዘእምአፍላግ። ወአውፅአ ማየ እምእብን።
- Psa. 77:17 ደገሙ ዓዲ አብሶ ሎቱ። ወአምረርዎ ለልዑል በበድው።
- Psa. 77:18 ወአመከርዎ ለእግዚአብሔር በልቦሙ። ከመ ይስአሉ መብልዐ ለነፍሶሙ።
- Psa. 77:19 ሐመይዎ ለእግዚአብሔር ወይቤሉ። ይክልኑ እግዚአብሔር ሠሪዐ ማእድ በገዳም።
- Psa. 77:20 ይዝብጥ ኩኩሐ ወያውሕዝ ማየ። ወይክልኑ ውሂበ ኅብስት። ወይሥራዕ ማእደ ለሕዝቡ።
- Psa. 77:21 ወስምዐ ዘንተ እግዚአብሔር ወአናሕሰዩ። ወነደ እሳት ላዕለ ያዕቆብ። ወመጽአ መቅሠፍት ላዕለ እስራኤል።
- Psa. 77:22 እስመ ኢተአመንዎ ለእግዚአብሔር። ወኢተወከሉ በአድኅኖቱ።
- Psa. 77:23 ወአዘዘ ደመና በላዕሉ። ወአርኅወ ኖጋተ ሰማይ።
- Psa. 77:24 ወአዝነመ ሎሙ መና ይብልዑ። ወወሀቦሙ ኅብስተ ሰማይ።
- Psa. 77:25 ወኅብስተ መላእክቲሁ በልዑ ዕጻለ እመሕያው። ፈነወ ሎሙ ሥንቆሙ ዘየአክሎሙ።
- Psa. 77:26 አንሥኦ አዜበ እምሰማይ። ወአምጽአ መስዐ በኅይሉ።
- Psa. 77:27 ወአዝነመ ላዕሌሆሙ ሥጋ ከመ መሬት። ወከመ ኖጻ ባሕር አዕዋፍ ዘይሰርር።
- Psa. 77:28 ወድቀ ማእከለ ተዓይኒሆሙ። ወዐውደ ደባትሪሆሙ።
- Psa. 77:29 በልዑ ወጸግቡ ጥቀ። ወወሀቦሙ ለፍትወቶሙ።
- Psa. 77:30 ወኢያኅጥአሙ እምዘፈቀዱ። ወእንዘ ዓዲ መብልዎሙ ውስተ አፉሆሙ።
- Psa. 77:31 ወመጽአ መቅሠፍተ እግዚአብሔር ላዕሌሆሙ። ወቀተሎሙ መብዝኅቶሙ። ወአዕቀጾሙ ለኅሩያነ እስራኤል።
- Psa. 77:32 ወምስለ ዝኒ ዓዲ አበሱ ሎቱ። ወኢተአመንዎ በተአምሪሁ።
- Psa. 77:33 ወኅልቀ በከንቱ መዋዕሊሆሙ። ወኅለፈ በጉጉኦ ዓመቲሆሙ።
- Psa. 77:34 አመ ይቀትሎሙ ውእተ አሚረ የኅሥሥዎ። ይትመየጡ ወይገይሡ ኅበ እግዚአብሔር።
- Psa. 77:35 ወተዘከሩ ከመ እግዚአብሔር ውእቱ ረዳኢሆሙ። ወእግዚአብሔር ልዑል መድኅኒሆሙ።
- Psa. 77:36 አፍቀርዎ በአፉሆሙ። ወሐሰውዎ በልኅኖሙ።
- Psa. 77:37 ወኢኮነ ርቱዐ ልቦሙ በላዕሌሆሙ። ወኢተአመንዎ በኪዳኑ።
- Psa. 77:38 ውእቱሰ መሓሪ ውእቱ። ወይሰሪ ሎሙ ኩሎ ኅጢአቶሙ ወኢያጠፍአሙ። ወያበዝኅ መዩጠ መዓቱ። ወኢያነድድ በኩሉ መቅሠፍቱ።
- Psa. 77:39 ወተዘከረ ከመ ሥጋ እሙንቱ። መንፈስ እምከመ ወፅኦ ኢይገብእ።

- Psa. 77:40 ሚ መጠነ አምዕዕዕ በገዳም። ወወሐክዎ በበድው።
- Psa. 77:41 ተመይጡ ወአመከርዎ ለእግዚአብሔር። ወወሐክዎ ለቅዱስ እስራኤል።
- Psa. 77:42 ወኢተዘከሩ እደሁ። ዘአድኅኖሙ እምእደ ፀሮሙ።
- Psa. 77:43 ዘገብረ ተአምረ በግብጽ። ወመንክረ በሐቅለ ጣኔዎስ።
- Psa. 77:44 ወረሰየ ደመ ለአፍላጊሆሙ። ወለአንቅዕቲሆሙኒ ከመ ኢይስተይዎ።
- Psa. 77:45 ፈነወ ላዕሌሆሙ ዐኮተ ወበልዎሙ። ወቁርነናዓተ ወአርኩሶሙ።
- Psa. 77:46 ወወሀበ ለአናኩዕ ፍሬሆሙ። ወተግባሮሙኒ ለአንበጣ።
- Psa. 77:47 ወቀተለ ወይኖሙ በበረድ። ወበለሶሙኒ በአስሐትያ።
- Psa. 77:48 ወወሀበ ለበረድ እንስሳሆሙ። ወንዋዮሙኒ ለእሳት።
- Psa. 77:49 ፈነወ ላዕሌሆሙ መቅሠፍተ መዓቱ። መቅሠፍተ ወመንሱተ ወሕማመ። ፈነወ ምስለ መላእክት እኩያን።
- Psa. 77:50 ወጼሐ ፍኖተ ለመዓቱ። ወኢምህካ እሞት ለነፍሶሙ። ወዐጸወ ውስተ ሞት እንስሳሆሙ።
- Psa. 77:51 ወቀተለ ኩሎ በኩሮሙ በምድረ ግብጽ። ወቀዳሜ ኩሎ ጸማሆሙ በውስተ አብያቲሆሙ።
- Psa. 77:52 ወአውፈረሙ ከመ አባግዕ ለሕዝቡ። ወአውፅአሙ ገዳመ ከመ መርዔት።
- Psa. 77:53 ወመርሐሙ በተስፋሁ ወኢፈርሁ። ወደፈኖሙ ባሕር ለፀሮሙ።
- Psa. 77:54 ወወሰዶሙ ደብረ መቅደሱ። ደብረ ዘፈጠረት የማኑ።
- Psa. 77:55 ሰደደ አሕዛብ እምቅድመ ገጾሙ። ወአውረሶሙ በሐብለ ርስቱ። ወአንበረ ውስተ አብያቲሆሙ ሕዝብ እስራኤል።
- Psa. 77:56 አመከርዎ ወአምዕዕዕ ለእግዚአብሔር ልዑል። ወኢዐቀቡ ስምዎ።
- Psa. 77:57 ተመይጡ ወዐለዉ ከመ አበዊሆሙ። ወኮኑ ከመ ቀስት ጠዋይ።
- Psa. 77:58 ወአምዕዕዕ በአውግሪሆሙ። ወአቅንእዎ በግልፎሆሙ።
- Psa. 77:59 ወስምዐ ዘንተ እግዚአብሔር ወአናሕሰየ። ወመነኖሙ ለእስራኤል ፈድፋድ።
- Psa. 77:60 ውኅደጋ ለደብተራ ሴሎም። ደብተራሁ እንተ ባቲ ኅደረ ምስለ ሰብእ።
- Psa. 77:61 ወወሀበ ኅይሎሙ ለተደውዎ። ወሥኖሙኒ ውስተ እደ ፀሮሙ።
- Psa. 77:62 ወዐጸዎሙ ውስተ ኩናት ለሕዝቡ። ወተሀየሎሙ ለርስቱ።
- Psa. 77:63 ወበልዐቶሙ እሳት ለወራዙቶሙ። ወኢላሐዋ ደናግሊሆሙ።
- Psa. 77:64 ወካህናቲሆሙኒ ወድቁ በኩናት። ወኢበከያ ዕቤራቲሆሙ።
- Psa. 77:65 ወተንሥኦ እግዚአብሔር ከመ ዘንቃህ እምንዋም። ወከመ ኅያል ወኅዳገ ወይን።
- Psa. 77:66 ወቀተለ ፀሮ በድኅሬሁ። ወወሀበሙ ኅሳረ ዘለዓለም።
- Psa. 77:67 ውኅደጋ ለደብተራ ዮሴፍ። ወኢኅረዮ ለሕዝብ ኤፍሬም።
- Psa. 77:68 ውኅረዮ ለሕዝብ ይሁዳ። ደብረ ጽዮን ዘአፍቀረ።
- Psa. 77:69 ሐነጸ መቅደሱ በአርያም። ወሣረራ ውስተ ምድር ዘለዓለም።
- Psa. 77:70 ውኅረዮ ለዳዊት ገብሩ። ወነሥኦ እመርዔተ አባግዲሁ።
- Psa. 77:71 ወተመጠዎ እምድኅረ ኅራሳት። ከመ ይርዐዮ ለያዕቆብ ገብሩ። ወለእስራኤል ርስቱ።
- Psa. 77:72 ወርዕዮሙ በየውሀተ ልቡ። ወመርሐሙ በጥበበ እደዊሁ።
- Psa. 78:1 እግዚአብሔር አሕዛብ ውስተ ርስትከ። ወአርኩሱ ጽርሐ መቅደስከ። ወረሰይዋ ለኢየሩሳሌም ከመ ልገተ ዐቃቤ ቀምሕ።
- Psa. 78:2 ወረሰዩ አብድንቲሆሙ ለአግብርቲከ መብልዐ ለአዕዋፈ ሰማይ። ወሥጋሆሙኒ ለጸድቃኒከ ለአራዊተ ገዳም።
- Psa. 78:3 ወከዐዉ ደሞሙ ከመ ማይ ዐውዳ ለኢየሩሳሌም። ውኅጥኡ ዘይቀብሮሙ።
- Psa. 78:4 ወኮነ ጽዕለተ ለኅርነ። ሠሐቀ ወሥላቀ ለአድያሚነ።
- Psa. 78:5 እስከ ማእከኑ እግዚአብሔር ትትመዐዕ ለዝሎፋ። ወይነድድ ከመ እሳት ቅንኦትከ።
- Psa. 78:6 ከዐው መዓተከ ላዕለ አሕዛብ እለ ኢየአምሩከ። ወላዕለ መንግሥት እንተ ኢጸውዐት ስመከ።
- Psa. 78:7 እስመ በልዕዎ ለያዕቆብ ወአማሰኑ ብሔር።
- Psa. 78:8 ኢትዝክር ለነ አበሳነ ዘትካት። ፍጡነ ይርከበነ ሣህልከ እግዚአብሔር። እስመ ተመንደብነ ፈድፋድ።
- Psa. 78:9 ርድኦነ አምላክነ ወመድኅኒነ። በእንተ ስብሐተ ስምከ እግዚአብሔር ባልሐነ። ወስረይ ለነ ኅጢአተነ በእንተ ስምከ።

Psa. 78:10 ከመ ኢይቦሉን አሕዛብ አይቱ ውእቱ አምላኮም። ወይርአዩ አሕዛብ በቅድመ አዕይንቲን። በቀለ ደሞም ለአግብርቲክ ዘተክዕም።

Psa. 78:11 ይባእ ቅድሜክ ገዓሮም ለሙቁሓን። ወበከመ ዕበየ መዝራዕትክ። ተሳህሎም ለደቂቀ ቅቱላን።

Psa. 78:12 ፍድዮም ለጎርነ ምስብዒተ ውስተ ሕፅኖም። ትዕይርቶም ዘተዐየሩክ እግዚአ።

Psa. 78:13 ንሕነሰ ሕዝብክ ወአባግዐ መርዔትክ። ወንገኒ ለክ ለዓለም። ወንነግር ስብሐቲክ ለትውልደ ትውልድ።

Psa. 79:1 ኖላዊሆም ለእስራኤል አጽምዕ። ዘይርዕዮም ከመ አባግዐ ዮሴፍ። ዘይነብር ላዕለ ኪሩቤል አስተርአዮ።

Psa. 79:2 በቅድመ ኤፍሬም ወብንያም ወምናሴ። አንሥእ ኅይለክ ወነዐ አድኅነነ።

Psa. 79:3 አምላክ ኅያላን ሚጠነ። አብርህ ገጸክ ላዕሌነ ወንድኅን።

Psa. 79:4 እግዚአ አምላክ ኅያላን። እስከ ማእዜኑ ትትመዐዕ ላዕለ ጸሎተ ገብርክ።

Psa. 79:5 ወትሴስየን እክለ አንብዕነ። ወታሰትየን አንብዐነ በመስፈርት።

Psa. 79:6 ወረሰይከነ ነገረ ለጎርነ። ወተሳለቁ ላዕሌነ ጸላእትነ።

Psa. 79:7 እግዚአ አምላክ ኅያላን ሚጠነ። አብርህ ገጸክ ላዕሌነ ወንድኅን።

Psa. 79:8 ዐጸደ ወይን አፍለስክ እምግብጽ። ሰደድክ አሕዛብ ወተከልክ ኪያሃ።

Psa. 79:9 ወጼሕክ ፍኖተ ቅድሜሃ። ተከልክ ሥረዊሃ ወመልአት ምድረ።

Psa. 79:10 ወከደነ አድባረ ጽላሎታ። ወአዕጹቂሃኒ ከመ አርዘ እግዚአብሔር።

Psa. 79:11 ወሰፍሓ አዕጹቂሃ እስከ ባሕር። ወእስከ አፍላግ ሠርጸ።

Psa. 79:12 ለምንት ትነሥት ጸቂና። ወይባልዓ ኩሉ ኅላፌ ፍኖት።

Psa. 79:13 ወአርኩሳ ሐራውያ ሐቅል። ወተርዕያ እንስሳ ገዳም።

Psa. 79:14 አምላክ ኅያላን ተመየጥሶ። ሐውጽ እምሰማይ ወርኢ። ወተሳህላ ለዛ ዐጸደ ወይን።

Psa. 79:15 አስተናሥእ ወአጽንዓ ዘተከለት የማንክ። በወልደ ዕጻለ እመሕያው ዘአጽናዕክ ለክ።

Psa. 79:16 ለውዒት በእሳት ወምልኅት። እምተግሣጸ ገጽክ ይትሆኑሉ።

Psa. 79:17 ለይኩን እዴክ ላዕለ ብእሲ የማንክ። በወልደ ዕጻለ እመሕያው ዘአጽናዕክ ለክ።

Psa. 79:18 ወኢንርሐቅ እምኔክ። አሕይወነ ወንጸውዕ ስመክ።

Psa. 79:19 እግዚአ አምላክ ኅያላን ሚጠነ። አብርህ ገጸክ ላዕሌነ ወንድኅን።

Psa. 80:1 ተፈሥሑ በእግዚአብሔር ዘረድኦነ። ወየብቡ ለአምላክ ያዕቆብ።

Psa. 80:2 ንሥኡ መዝሙረ ወሀቡ ከበሮ። መዝሙር ሐዋዝ ዘምስለ መሰንቆ።

Psa. 80:3 ንፍኑ ቀርነ በዕለተ ሠርቅ። በእምርት ዕለት በዓልነ።

Psa. 80:4 እስመ ሥርዐቱ ለእስራኤል ውእቱ። ወፍትሑ ለአምላክ ያዕቆብ።

Psa. 80:5 ዘአቀመ ስምዐ ለዮሴፍ። አመ የሐውር ብሔረ ግብጽ። ወስምዐ ልሳነ ዘኢየአምር።

Psa. 80:6 ወሚጠ ዘባኖ እምሕራማቲሆም። ወተቀንያ እደዊሁ ውስተ አክፋር።

Psa. 80:7 በምንዳቤክ ጸዋዕኒኒ ወአድኅንኩክ። ወተሰጠውኩክ በዐውሎ ኅቡእ። ወአመከርኩክ በኅብ ማየ ቅሥት።

Psa. 80:8 ስምዐኒ ሕዝብየ ወእንግርክ። እስራኤል አስምዕ ለክ።

Psa. 80:9 እመሰ ሰማዕከኒ ኢይከውነክ አምላክ ግብት። ወኢትስግድ ለአምላክ ነኪር።

Psa. 80:10 እስመ ኦነ ውእቱ እግዚአብሔር አምላክክ። ዘአውፃእኩክ እምድረ ግብጽ። አርሕብ አፉክ ወእመልኦ ለክ።

Psa. 80:11 ወኢሰምዑኒ ሕዝብየ ቃልየ። ወእስራኤልኒ ኢያጽምዑኒ።

Psa. 80:12 ወፈነውኩ ሎም በከመ ምግባሮም። ወሐሩ በኅሊና ልቦም።

Psa. 80:13 ሶበሰ ስምዑኒ ሕዝብየ ቃልየ። ወእስራኤልኒ ሶበ ሐሩ በፍኖትየ።

Psa. 80:14 እምአኅሰርክዎም ለኩሎም ጸላእቶም። ወእምወደይኩ እዴየ ዲበ እለ ይሳቅይዎም።

Psa. 80:15 ጸላእቱሰ ለእግዚአብሔር ሐሰውዎ። ወይከውን ጊዜሆም እስከ ለዓለም።

Psa. 80:16 ወሴሶዮም ሥብሐ ሥርናይ። ወአጽገቦም መዓረ እምኩኩሕ።

Psa. 81:1 እግዚአብሔር ቆመ ውስተ ማኅበረ አማልክት። ወይኳንን በማእከለ አማልክት።

Psa. 81:2 እስከ ማእዜኑ ትኳንኑ ዐመዓ። ወታደልዉ ለገጸ ኃጥኦን።

Psa. 81:3 ፍትሑ ለነዳይ ወለዕጻለ ማውታ። ወአጽድቁ ግፉዐ ወምስኪነ።

- Psa. 81:4 ወደኢየሱስ ባሕታዊ ወጽኑሰ። ወደንግፍዎሙ እምእደ ኃጥአን።
- Psa. 81:5 ኢያሌሙ ወኢለበዉ ውስተ ጽልመት የሐውሩ። ወያድለቀልቅ ኩሉ መሠረታተ አድባር።
- Psa. 81:6 አንሰ እቤ አማልክት አንትሙ። ወደቂቀ ልዑል ኩልክሙ።
- Psa. 81:7 አንትሙስ ከመ ሰብእ ትመውቱ። ወከመ አሐዱ እመላእክት ትወድቁ።
- Psa. 81:8 ተንሥእ እግዚአ ወኩንና ለምድር። እስመ አንተ ትወርስ በኩሉ አሕዛብ።
- Psa. 82:1 እግዚአ መኑ ከማክ። ኢታርምም ወኢትጸመም እግዚአ።
- Psa. 82:2 እስመ ናሁ ወውዑ ፀርከ። ወአንሥኡ ርእሶሙ ጸላእትከ።
- Psa. 82:3 ወተጓሕለውዎሙ ምክረ ለሕዝብከ። ወተማከሩ ዲበ ቅዱሳኒከ።
- Psa. 82:4 ወይቤሉ ንዑ ንሥርዎሙ እምአሕዛብ። ወኢይዝክሩ እንከ ስመ እስራኤል።
- Psa. 82:5 እስመ ተማከሩ ኅቡረ ወዐረዩ። ላዕሌከ ተሰካተዩ ወተካየዱ።
- Psa. 82:6 ተዓይኒሆሙ ለኤዶምያስ ወለይስማኤላውያን። ሞአብ ወአጋራውያን።
- Psa. 82:7 ኔባል ወዐሞን ወዐማሌቅ። ወኢሎፍሊ ምስለ ሰብእ ጢሮስ።
- Psa. 82:8 አሶርሂ ኅብረ ምስሌሆሙ። ወኮንዎሙ ረድኤተ ለደቂቀ ሎጥ።
- Psa. 82:9 ረስዮሙ ከመ ምድያም ወሲሳራ። ወከመ ኢያቢስ በፈለገ ቂሶን።
- Psa. 82:10 ወይሠረዉ ከመ እለ እንዶር። ወይኩኑ ከመ መሬተ ምድር።
- Psa. 82:11 ረስዮሙ ለመላእክቲሆሙ ከመ ሄሬብ ወዜብ። ወዛብሄል ወስልማና ወኩሎሙ መላእክቲሆሙ።
- Psa. 82:12 እለ ይብሉ ንወርስ ምሥዋዒሁ ለእግዚአብሔር።
- Psa. 82:13 አምላኪየ ረስዮሙ ከመ መንኩራኩር። ወከመ ሣዕር ዘቅድመ ገጸ እሳት።
- Psa. 82:14 ወከመ እሳት ዘያውዒ ገዳመ። ወከመ ነበልባል ዘያነድድ አድባረ።
- Psa. 82:15 ከማሁ ስድዶሙ በወውሎክ። ወሁኮሙ በመቅሠፍትከ።
- Psa. 82:16 ምላእ ውስተ ገጸሙ ኅሳረ። ወያእምሩ ስመክ እግዚአ።
- Psa. 82:17 ይትኅፈሩ ወይትሀወኩ ለዓለም። ይኅሰሩ ወይትሀጎሎ።
- Psa. 82:18 ወያእምሩ ስመክ እግዚአ። ከመ አንተ ባሕቲትከ ልዑል ዲበ ኩሉ ምድር።
- Psa. 83:1 ጥቀ ፍቁር አብያቲክ እግዚአ እግዚአ ኅያላን።
- Psa. 83:2 ተፈሥሐት ነፍስየ በአፍቅሮ አዕጻዲክ እግዚአ። ልብየኒ ወሥጋየኒ ተፈሥሐ በእግዚአብሔር ሕያው።
- Psa. 83:3 ያፍኒ ረከበት ላቲ ቤተ። ወማዕነቅኒ ኅብ ታኅብር ዕጎሊሃ። ምሥዋዒክ እግዚአ እግዚአ ኅያላን። ንጉሥየኒ ወአምላኪየኒ።
- Psa. 83:4 ብፁዓን ኩሎሙ እለ ይነብሩ ውስተ ቤትከ። ወለዓለመ ዓለም ይሴብሐከ።
- Psa. 83:5 ብፁዕ ብእሲ ዘእምኅቤክ ረድኤቱ እግዚአ። ወዘይኤሊ በልቡ ዘበላዕሉ።
- Psa. 83:6 ውስተ ቁላተ ብካይ ብሔር ኅብ ሠራዕኮሙ። እስመ መምህረ ሕግ ይውህብ በረከተ።
- Psa. 83:7 ወየሐውር እምኅይል ውስተ ኅይል። ወያስተርኢ አምላክ አማልክት በጽዮን።
- Psa. 83:8 እግዚአ አምላክ ኅያላን ስምዐኒ ጸሎትየ። ወአጽምዐኒ አምላኩ ለያዕቆብ።
- Psa. 83:9 ወርእየኒ እግዚአ ተአምኖትየ። ወነጽር ኅብ ገጸ መሲሕከ።
- Psa. 83:10 እስመ ትኔይስ አሐቲ ዕለት ውስተ አዕጻዲክ እምአእላፍ። አብደርኩ እትገደፍ ውስተ ቤተ እግዚአብሔር። እምእንበር ውስተ ቤተ ኃጥአን።
- Psa. 83:11 እስመ ጽድቀ ወምጽዋተ ያበድር እግዚአብሔር። እግዚአብሔር ይውህብ ክብረ ወሞገስ። እግዚአብሔር ኢያስተጼንሶሙ እምበረከቱ ለእለ የሐውሩ በየውሀት።
- Psa. 83:12 እግዚአ አምላክ ኅያላን። ብፁዕ ብእሲ ዘተወከለ ኪያከ።
- Psa. 84:1 ተሣህልክ እግዚአ ምድረከ። ወሜጥክ ፂዋሁ ለያዕቆብ።
- Psa. 84:2 ወኅደገ ኅጢአቶሙ ለሕዝብከ። ወከደንከ ኩሎ አበሳሆሙ።
- Psa. 84:3 ወኅደገ ኩሎ መዓተከ። ወሜጥክ መቅሠፍተ መዓትከ።
- Psa. 84:4 ሚጠነ አምላክነ ወመድኅኒኒ። ወሚጥ መዓተክ እምኔኒ።
- Psa. 84:5 ወለዓለምስ ኢትትመዐዐነ። ወኢታንኅ መዓተክ ላዕለ ትውልደ ትውልድ።
- Psa. 84:6 አንተ አምላክነ ተመየጠነ ወአሕይወነ። ወሕዝብከኒ ይትፌሥሐ ብከ።
- Psa. 84:7 አርእየኒ እግዚአ ሣህለከ። ወሀበኒ አምላክነ አድኅኖተከ።

- Psa. 84:8 አጽምዕ ዘይነብበኒ እግዚአብሔር አምላኪየ። እስመ ይነብብ ሰላመ ላዕለ ሕዝቡ። ላዕለ ጻድቃኑ ወላዕለ እለ ይመደጡ ልቦሙ ኀቤሁ።
- Psa. 84:9 ወባሕቱ ቅሩብ አድኅኖቱ ለእለ ይፈርህዎ። ከመ ይኅድር ስብሐቲሁ ውስተ ምድርነ።
- Psa. 84:10 ሣህል ወርትዕ ተራከባ። ጽድቅ ወሰላም ተሳዐማ።
- Psa. 84:11 ርትዕሰ እምድር ሠረጸት። ወጽድቅ እምሰማይ ሐወጸ።
- Psa. 84:12 ወእግዚአብሔርኒ ይውህብ ምሕረቶ። ምድርኒ ትውህብ ፍሬሃ።
- Psa. 84:13 ጽድቅ የሐውር ቅድሜሁ። ወየኅድግ ውስተ ፍኖት አሠሮ።
- Psa. 85:1 አጽምዕ እግዚአብሔር እነከ ኀቤ ወስምዐኒ። እስመ ነዳይ ወምስኪን አነ።
- Psa. 85:2 ዕቀባ ለነፍስየ እስመ የዋህ አነ። አድኅኖ ለገብርክ አምላኪየ ዘተወከለ ኪያከ።
- Psa. 85:3 ተሣህለኒ እግዚአብሔር እስመ ኀቤክ እጸርሕ ኩሎ አሚረ።
- Psa. 85:4 ወአስተፈሥሐ ለነፍሰ ገብርክ። እስመ ኀቤክ አንቃዕዶኩ ነፍስየ።
- Psa. 85:5 እስመ መሓሪ አንተ እግዚአብሔር ወመስተሣህል። ወብዙኅ ሣህልክ ለኩሎሙ እለ ይጼውዑከ።
- Psa. 85:6 አጽምዕ እግዚአብሔር ጸሎትየ። ወነጽር ቃለ ስእለትየ።
- Psa. 85:7 በዕለተ ምንዳቤየ ጸራሕኩ ኀቤክ እስመ ሰማዕከኒ።
- Psa. 85:8 አልቦ ዘይመስለክ እምነ አማልክት እግዚአብሔር ወአልቦ ዘከመ ምግባርከ።
- Psa. 85:9 ኩሎሙ አሕዛብ እለ ገብርክ ይምጽኡ። ወይስግዱ ቅድሜክ እግዚአብሔር ወይሰብሐ ለስምከ።
- Psa. 85:10 እስመ ዐቢይ አንተ እግዚአብሔር ወትገብር መንክረ። አንተ እግዚአብሔር ባሕቲትክ ዐቢይ።
- Psa. 85:11 ምርሐኒ እግዚአብሔር ፍኖተከ። ወእሑር በጽድቅከ። ይትፈሥሐኒ ልብየ ለፈሪህ ስምከ።
- Psa. 85:12 እንኒ ለከ እግዚአብሔር ልብየ አምላኪየ። ወእሴብሕ ለስምከ ለዓለም።
- Psa. 85:13 እስመ ዐብየት ምሕረትክ ላዕሌየ። ወአድኅኅካ ለነፍስየ እምሲኦል ታሕቲት።
- Psa. 85:14 አምላኪየ ዐማፅያን ቆሙ ላዕሌየ። ወማኅበረ እኩያን ኀሠሥዋ ለነፍስየ። ወኢረሰዩክ ቅድሜሆሙ።
- Psa. 85:15 አንተስ እግዚአብሔር መሓሪ ወመስተሣህል። ርሐቀ መዓት ወብዙኅ ምሕረት ወጻድቅ።
- Psa. 85:16 ነጽር ላዕሌየ ወተሣህለኒ። ሀቦ ኀይለ ለገብርክ። ወአድኅኖ ለወልደ አመትከ።
- Psa. 85:17 ግብር ምስሌኒ ትእምርቶ ለሠናይ። ይርአዩ ጸላእትኒ ወይትኀፈሩ። ከመ አንተ እግዚአብሔር ረዳእከኒ ወአስተፍሣሕከኒ።
- Psa. 86:1 መሠረታቲሃ ውስተ አድባር ቅዱሳን።
- Psa. 86:2 ያበድሮን እግዚአብሔር ለአናቅጾ ጽዮን። እምኩሎ ተዓይኒሁ ለያዕቆብ።
- Psa. 86:3 ነኪር ነገሩ በእንቲኦኪ ሀገረ እግዚአብሔር።
- Psa. 86:4 እዜከሮን ለረዕብ ወለባቢሎን እለ የአምራኒ። ወናሁ ኢሎፍሊ ወጢሮስ ወሕዝበ ኢትዮጵያ። እለ ተወልዱ በህየ።
- Psa. 86:5 እምነ ጽዮን ይብል ሰብእ። ወብእሲ ተወልደ በውስቲታ። ወውእቱ ልዑል ሣረራ።
- Psa. 86:6 እግዚአብሔር ይነግሮሙ ለሕዝቡ በመጽሐፍ። ወለመላእክቲሁኒ እለ ተወልዱ በውስቲታ።
- Psa. 86:7 ከመ ፍሡሐን ኩሎሙ እለ ይነብሩ ውስቲትኪ።
- Psa. 87:1 እግዚአብሔር አምላክ መድኅኒትየ። ዕለትየ ጸራሕኩ ኀቤክ ወሌሊትየኒ ቅድሜከ።
- Psa. 87:2 ለትባእ ጸሎትየ ቅድሜከ። አጽምዕ እነከ ኀብ ስእለትየ።
- Psa. 87:3 እስመ ጸግበት ነፍስየ ሕማመ። ወአልጸቀት ለሞት ሕይወትየ።
- Psa. 87:4 ወተኅለቁ ምስለ እለ ይወርዱ ውስተ ዐዘቅት። ወኮንኩ ከመ ብእሲ ዘአልቦ ረዳኢ።
- Psa. 87:5 ግዑዝ ውስተ ምጪታን። ከመ ቅቱላን ወግዱፋን እለ ይሰክቡ ውስተ መቃብር። እለ ኢዘክርኮሙ ለግሙራ። እስመ እመንቴሂ ርሕቁ እምእዴከ።
- Psa. 87:6 ወአንበሩኒ ውስተ ዐዘቅት ታሕተ። ውስተ ጽልመት ወጽላሎተ ሞት።
- Psa. 87:7 ላዕሌየ ጸንዐ መዓትከ። ወኩሎ መቅሠፍተክ አምጸእክ ላዕሌየ።
- Psa. 87:8 አርሐቀ እምኔየ እለ የአምራኒ። ወረሰይከኒ ርኩሰ በኀቤሆሙ። አኀዙኒ አልብየ ሙፃእ።
- Psa. 87:9 አዕይንትየኒ ደክማ በተጽናስ። ወጸራሕኩ ኀቤክ እግዚአብሔር ወኩሎ አሚረ አንሥእ እደውየ ኀቤከ።
- Psa. 87:10 ቦኑ ለምጪታን ትገብር መንክረከ። ወዐቀብተ ሥራይኑ ያነሥኡ።
- Psa. 87:11 ወይነግሩኑ እለ ውስተ መቃብር ሣህለከ። ወጽድቀከኒ ውስተ ሞትኩ።
- Psa. 87:12 ይትወወቅኑ ውስተ ጽልመት መንክርከ። ወርትዕከኒ በምድርኑ ተረስዐ።
- Psa. 87:13 ወአነሂ እግዚአብሔር ኀቤክ ጸራሕኩ። በጽባሕ ትብጻሕክ ጸሎትየ።

- Psa. 87:14 ለምንት እግዚአብሔር ትገድፍ ጸሎትየ። ወትመይጥ ገጸክ እምኔየ።
- Psa. 87:15 ነዳይ አነ ሰራሕኩ እምንእስየ። ተልዲልየ ተትሕትኩ ወተመነንኩ።
- Psa. 87:16 ላዕሌየ ጎለፈ መቅሠፍትከ። ወግርማክ አደንገፀኒ።
- Psa. 87:17 ዐገቱኒ ኩሎ አሚረ ከመ ማይ። ወአጎዘኒ ጎቡረ።
- Psa. 87:18 አርሐቀ እምኔየ አዕርክትየ ወቢጽየ። ወአዝማድየ እምተጽናስየ።
- Psa. 88:1 ምሕረተክ እሴብሕ እግዚአብሔር ለዓለም። ወእዜኑ ጽድቀክ በአፉየ ለትውልደ ትውልድ።
- Psa. 88:2 እስመ ትቤ ለዓለም አሐንጽ ምሕረተ። በሰማይ ጸንዐ ጽድቅክ።
- Psa. 88:3 ኪዳነ ተካየድኩ ምስለ ጎሩያንየ። ወመሐልኩ ለዳዊት ገብርየ።
- Psa. 88:4 ለዓለም አስተዴሎ ዘርዐክ። ወአሐንጽ ለትውልደ ትውልድ መንበረክ።
- Psa. 88:5 ይገንያ ሰማያት ለስብሐቲክ እግዚአብሔር። ወጽድቅክ በማጎበረ ቅዱሳን።
- Psa. 88:6 መኑ ይትጫረየ ለእግዚአብሔር በደመናት። ወመኑ ይመስሎ ለእግዚአብሔር እምደቂቀ አማልክት።
- Psa. 88:7 እግዚአብሔር ስቡሕ በምክረ ቅዱሳን። ዐቢይ ወግሩም ዲበ ኩሎሙ እለ ዐውዱ።
- Psa. 88:8 እግዚአብሔር አምላክ ጎሩላን መኑ ከማክ። ጎሩል አንተ እግዚአብሔር ወጽድቅ የዐውደክ።
- Psa. 88:9 አንተ ትኩንን ጎሩላ ባሕር። ወአንተ ታረምሞ ለድምፀ ማዕበላ።
- Psa. 88:10 አንተ አጎሰርኩ ለዕቡይ ከመ ቅቱል። ወበመዝራዕተ ጎሩልክ ዘረውኮሙ ለፀርክ።
- Psa. 88:11 ዚአክ ውእቱ ሰማያት ወእንቲአክ ይእቲ ምድር። ዓለመኒ በምልኡ አንተ ሣረርክ።
- Psa. 88:12 ባሕረ ወመስዐ ዘአንተ ፈጠርክ። ታቦር ወአርሞንኤም በስመ ዚአክ ይትፌሥሑ። ወይሴብሐ ለስምክ።
- Psa. 88:13 መዝራዕትክ ምስለ ጎሩል። ጸንዐት እዴክ ወተለዐለት የማንክ።
- Psa. 88:14 ፍትሕ ወርትዕ ተድላ መንበርክ። ሣህል ወጽድቅ የሐውር ቅድመ ገጽክ።
- Psa. 88:15 ብፁዕ ሕዝብ ዘየአምር የብዐ። እግዚአብሔር በብርሃነ ገጽክ የሐውሩ።
- Psa. 88:16 ወበስምክ ይትፌሥሑ ኩሎ አሚረ። ወበጽድቅክ ይትሌዐሉ።
- Psa. 88:17 እስመ ምክሐ ጎሩሎሙ አንተ። ወበሣህልክ ይትሌዐል ቀርን።
- Psa. 88:18 እስመ ዘእግዚአብሔር ረድኤትነ። ወቅዱስ እስራኤል ንጉሥነ።
- Psa. 88:19 ውእተ አሚረ ተናገርኮሙ በራእይ ለደቂቅክ። ወትቤ እሬሲ ረድኤት በላዕለ ጎሩል። ወአልዐልኩ ጎሩይየ እምሕዝብየ።
- Psa. 88:20 ወረክብክዎ ለዳዊት ገብርየ። ወቀባዕክዎ ቅብዐ ቅዱስ።
- Psa. 88:21 እስመ እዴየ ትረድኡ። ወመዝራዕትየ ታጸንዖ።
- Psa. 88:22 ወኢይበቀሖ ጸላኢ በላዕሌሁ። ወውሉደ ዐመፃ ኢይደግም አሕምሞቶ።
- Psa. 88:23 ወእመትሮሙ ለፀሩ እምቅድመ ገጹ። ወአጎስሮሙ ለጸላእቱ።
- Psa. 88:24 ወሣህልየሰ ወጽድቅየ ምስሌሁ። ወበስምየ ይትሌዐል ቀርኑ።
- Psa. 88:25 ወእመይም ውስተ ባሕር እዴሁ። ወውስተ አፍላግ የማኖ።
- Psa. 88:26 ውእቱ ይብለኒ አቡየ አንተ። አምላኪየ ረዳኢየ ወመድጎኒየ።
- Psa. 88:27 ወአነሂ በኩርየ እሬስየ። ወልዑል ውእቱ እምነገሥተ ምድር።
- Psa. 88:28 ወለዓለም አዕቅብ ሎቱ ሣህልየ። ወምእመን ውእቱ ለኪዳንየ።
- Psa. 88:29 ወእሬሲ ዘርዖ ለዓለም ዓለም። ወመንበሮሂ ከመ መዋዕለ ሰማይ።
- Psa. 88:30 ወእመሰ ጎደጉ ደቂቁ ሕግየ። ወኢሐሩ በኩነኔየ።
- Psa. 88:31 ወእመሂ አርኩሱ ሥርዐትየ። ወኢዐቀቡ ትእዛዝየ።
- Psa. 88:32 እዋሕያ በበትር ለጎጢአቶሙ። ወበመቅሠፍት ለአበሳሆሙ።
- Psa. 88:33 ወሣህልየሰ ኢይከልእ እምኔሆሙ። ወኢይዔምዕ በጽድቅየ።
- Psa. 88:34 ወኢያረኩስ ኪዳንየ። ወኢይሔሱ ዘወፅአ እምአፉየ።
- Psa. 88:35 ምዕረ መሐልኩ በቅዱስየ። ከመ ለዳዊት ኢይሔስም።
- Psa. 88:36 ወዘርዑሂ ለዓለም ይሄሉ። ወመንበሩሂ ከመ ፀሓይ በቅድሜየ።
- Psa. 88:37 ወሥሩዕ ከመ ወርጎ ለዓለም። ወስምዑሂ ምእመን በሰማይ።
- Psa. 88:38 አንተስ መነንኮ ወገደፍኮ። ወአናሕስይኮ ለመሲሕክ።
- Psa. 88:39 ወሚጥክ ሥርዐቶ ለገብርክ። ወአርኩስክ ውስተ ምድር መቅደሶ።
- Psa. 88:40 ወነሠትክ ኩሎ ጥቅሞ። ወረሰይክ አጽዋኒሁ መፍርሀ።

- Psa. 88:41 ወተማሠዋ ኩሉ ኅላፌ ፍኖት። ወኮነ ጽዕለተ ለጎሩ።
- Psa. 88:42 ወአልዐልከ የማነ ፀሩ። ወአስተፍሣሕከ ኩሎ ጸላእቶ።
- Psa. 88:43 ወሚጥከ ረድኤተ ኩናቱ። ወኢተወከፍኮ በውስተ ጸብእ።
- Psa. 88:44 ወሰዐርኮ እምንጽሑ። ወነፃጎከ ውስተ ምድር መንበሮ።
- Psa. 88:45 ወአውኅድከ መዋዕለ መንበሩ። ወሶጥከ ላዕሌሁ ኅፍረተ።
- Psa. 88:46 እስከ ማእዜኑ እግዚአ ትመይጥ ለግሙራ። ወይነድድ ከመ እሳት መዓትከ።
- Psa. 88:47 ተዘከር ምንት ውእቱ ኅይልየ። ቦኑ ለከንቱ ፈጠርኮ ለኩሉ ዕጓለ እመሕያው።
- Psa. 88:48 መኑ ሰብእ ዘየሐዩ ወኢይሬእያ ለሞት። ወመኑ ዘያድኅና ለነፍሱ እምእደ ሲኦል።
- Psa. 88:49 አይቱ ውእቱ ዘትካት ሣህልከ እግዚአ። ዘመሐልከ ለዳዊት ገብርከ በጽድቅ።
- Psa. 88:50 ተዘከር እግዚአ ዘጸዕልዎሙ ለአግብርቲከ። ዘተወከፍኩ በሕፅንየ ብዙኅ አሕዛብ።
- Psa. 88:51 ዘጸዕሉ ጸላእትከ እግዚአ። ወጸዕሉ እብሬተ መሲሕከ።
- Psa. 88:52 ይትባረክ እግዚአብሔር ለዓለም ለይኩን ለይኩን።
- Psa. 89:1 እግዚአ ጸወነ ኮንከነ ለትውልደ ትውልድ።
- Psa. 89:2 ዘእንበለ ይቁም አድባር ወይትፈጠር ዓለም ወምድር። እምቅድመ ዓለም ወእስከ ለዓለም አንተ ከመ።
- Psa. 89:3 ኢትሚጦ ለሰብእ ለኅሳር። ወትቤ ተመየጡ ደቂቀ ዕጓለ እመሕያው።
- Psa. 89:4 እስመ ዐሠርቱ ምእት ዓመት። በቅድሜከ ከመ ዕለት እንተ ትማልም ኅለፈት።
- Psa. 89:5 ወሰዓተ ሌሊት። ምኑን ዓመታት በቅድሜከ። በጽባሕ ከመ ሣዕር የኅልፍ።
- Psa. 89:6 በጽባሕ ይሠርጽ ወየኅልፍ። ወሠርከሰ ይወድቅ የቢሶ ወአንጺዎ።
- Psa. 89:7 እስመ ኅለቅነ በመዓትከ። ወደንገፅነ በመቅሠፍትከ።
- Psa. 89:8 ወሄምከ ኅጢአተነ ቅድሜከ። ወዓለምነሂ ውስተ ብርሃነ ገጽከ።
- Psa. 89:9 እስመ ኅልቃ ኩሎን መዋዕሊነ። ወኅለቅነ በመቅሠፍትከ። ወዓመቲነኒ ከመ ሣሬት ይከውና።
- Psa. 89:10 ወመዋዕለ ዓመቲነ ሰብዓ ክራማት። እመሰ በዝኅ ሰማንያ ዓም። ወፈድፋዶንሰ እምእላ ጸማ ወሕማም። እስመ ኅለፈት የውሀት እምኔነ ወተገሠጽነ።
- Psa. 89:11 መኑ የአምር ኅይለ መቅሠፍትከ። እምግርማ መዓትከ ኅልቁ።
- Psa. 89:12 ከመ ዝ አርኢ የማነከ። ለምሁራነ ልብ በጥበብ።
- Psa. 89:13 ተመየጥ እግዚአ እስከ ማእዜኑ። ወተናበብ በእንተ አግብርቲከ።
- Psa. 89:14 እስመ ጸገብነ በጽባሕ ምሕረተከ። ተፈሣሕነ ወተሐሠይነ በኩሉ መዋዕሊነ።
- Psa. 89:15 ወተፈሣሕነ ህየንተ መዋዕል ዘአሕመምከነ። ወህየንተ ዓመት እንተ ርኢናሃ ለእኪት።
- Psa. 89:16 ርኢ ላዕለ አግብርቲከ ወላዕለ ተግባርከ እግዚአ። ወምርሑሙ ለደቂቆሙ።
- Psa. 89:17 ለይኩን ብርሃኑ ለእግዚአብሔር አምላክነ ላዕሌነ። ወይሠርሕ ለነ ተግባረ እደዊነ።
- Psa. 90:1 ዘየኅድር በረድኤተ ልዑል። ወይነብር ውስተ ጽላሎቱ ለአምላክ ሰማይ።
- Psa. 90:2 ይብሎ ለእግዚአብሔር ምስካይየ ወጸወንየ አንተ። አምላኪየ ወረዳኢየ ወእትዌከል ቦቱ።
- Psa. 90:3 እስመ ውእቱ ይባልሐኒ እመሥገርት ነዓዊት። ወእምነገር መደንግፅ።
- Psa. 90:4 ይጼልለከ በገበዋቲሁ። ወትትዌከል በታሕተ ክነፊሁ። ጽድቅ በወልታ የዐውደከ።
- Psa. 90:5 ወኢትፈርህ እምግርማ ሌሊት። እምሐጽ ዘይሰርር በመዓልት።
- Psa. 90:6 እምግብር ዘየሐውር በጽልመት። እምጽድቅ ወእምጋኔነ ቀትር።
- Psa. 90:7 ይወድቁ በገቦከ ዐሠርቱ ምእት። አእላፍ በየማንከ ወኅቤከሰ ኢይቀርቡ።
- Psa. 90:8 ወባሕቱ ትሬኢ በአዕይንቲከ። ወትሬኢ ፍዳሆሙ ለኃጥአን።
- Psa. 90:9 እስመ አንተ እግዚአ ተስፋየ። ልዑለ ረሰይከ ጸወነከ።
- Psa. 90:10 ኢይቀርብ እኩይ ኅቤከ። ወኢይበውእ መቅሠፍት ቤተከ።
- Psa. 90:11 እስመ ለመላእክቲሁ ይኤዝዞሙ በእንቲኦከ። ከመ ይዕቀቡከ በኩሉ ፍናዊከ።
- Psa. 90:12 ወበእደዊሆሙ ያነሥኩከ። ከመ ኢትትዐቀፍ በእብን እግርከ።
- Psa. 90:13 ላዕለ ተኩላ ወከይሲ ትጼዐን። ወትከይድ አንበሳ ወከይሴ።
- Psa. 90:14 እስመ ብየ ተወከለ አድኅኖ። ወእከድኖ እስመ አእመረ ስምየ።
- Psa. 90:15 ይጼውዐኒ ወእስጠዎ። ሀሎኩ ምስሌሁ አመ ምንዳቤሁ። አድኅኖ ወእሴብሐ።
- Psa. 90:16 ለነዋኅ መዋዕል አጸግቦ። ወአርእየ አድኅኖትየ።

- Psa. 91:1 ይኼይስ ተአምሮ በእግዚአብሔር። ወዘምሮ ለስምክ ልዑል።
- Psa. 91:2 ወነገረ በጽባሕ ምሕረተክ። ወጽድቀከኒ በሌሊት።
- Psa. 91:3 በዘዐሠርቱ አውታሪሁ መዝሙረ ማሕሌት ወመሰንቆ።
- Psa. 91:4 እስመ አስተፍሣሕከኒ እግዚአ በምግባሪክ። ወእትሐሠይ በግብረ እደዊክ።
- Psa. 91:5 ጥቀ ዐቢይ ግብርክ እግዚአ። ወፈድፋደ ዕሙቅ ኅሊናክ።
- Psa. 91:6 ብእሲ አብድ ኢየአምር። ወዘአልቦ ልብ ኢይሌብዎ ለዝንቱ።
- Psa. 91:7 ሶበ ይበቀሉ ኃጥኣን ከመ ሣዕር። ወይሠርጹ ኩሎሙ ገበርተ ዐመፃ። ከመ ይሠረዉ ለዓለም ዓለም።
- Psa. 91:8 አንተስ ልዑል ለዓለም እግዚአ።
- Psa. 91:9 እስመ ናሁ ጸላእትክ ይትሀጐሉ። ወይዘረዉ ኩሎሙ ገበርተ ዐመፃ።
- Psa. 91:10 ወይትሌዐል ቀርንዩ ከመ ዘአሐዱ ቀርኑ። ወይጠልል በቅብዕ ሢበትዩ።
- Psa. 91:11 ወርእየት ዐይንዩ በጸላእትዩ። ወስምዐት እዝንዩ ዲቤሆሙ ለእኩያን እለ ቆሙ ላዕሌዩ።
- Psa. 91:12 ጻድቅስ ከመ በቀልት ይፈረ። ወይበዝን ከመ ዘግባ ዘሊባኖስ።
- Psa. 91:13 ትኩላን እሙንቱ ውስተ ቤተ እግዚአብሔር። ወይበቀሉ ውስተ ዐጸዱ ለአምላክነ።
- Psa. 91:14 ውእቱ አሚረ ይበዝኑ በርሥኣን ጥሉል። ወይከውኑ ዕሩፋነ።
- Psa. 91:15 ወይነግሩ ከመ ጻድቅ እግዚአብሔር አምላክነ። ወአልቦ ዐመፃ በኅቤሁ።
- Psa. 92:1 እግዚአብሔር ነግሠ ስብሐቲሁ ለብሰ። ለብሰ እግዚአብሔር ኅይሎ ወቀነተ። ወአጽንዓ ለዓለም ከመ ኢታንቀልቅል።
- Psa. 92:2 ድልው መንበርክ እግዚአ። እምትካት ወእስከ ለዓለም አንተ ከመ።
- Psa. 92:3 አልዐሉ አፍላግ እግዚአ። አልዐሉ አፍላግ ቃላቲሆሙ።
- Psa. 92:4 እምቃለ ማያት ብዙኅ። መንክር ተላህያ ለባሕር። መንክርስ እግዚአብሔር በአርያሙ።
- Psa. 92:5 ስምዐ ዚኣክ እሙን ፈድፋደ። ለቤትክ ይደሉ ስብሐት እግዚአ ለነዋኅ መዋዕል።
- Psa. 93:1 እግዚአብሔር እግዚእ መስተበቅል። እግዚአብሔር መስተበቅል ገሃደ።
- Psa. 93:2 ተለዐለ ዘይኳንና ለምድር። ፍድዮሙ ፍዳሆሙ ለዕቡያን።
- Psa. 93:3 እስከ ማእዜኑ ኃጥኣን እግዚአ። እስከ ማእዜኑ ይዜኅሩ ኃጥኣን።
- Psa. 93:4 ይትዋሥኡ ወይነቡ ዐመፃ። ወይነቡ ኩሎሙ ገበርተ ዐመፃ።
- Psa. 93:5 ወአኅሰሩ ሕዝበክ እግዚአ። ወሣቀዩ ርስተክ።
- Psa. 93:6 ወቀተሉ ዕቤረ ወዕጓለ ማውታ። ወቀተሉ ፈላሴ።
- Psa. 93:7 ወይቤሉ ኢይሬኢ እግዚአብሔር። ወኢየአምር አምላክ ያዕቆብ።
- Psa. 93:8 ለብዉ አብዳን ሕዝብ። አብዳንኬ ማእዜ ይጠቡ።
- Psa. 93:9 ዘተከላሁ ለእዝን ኢይሰምዕኑ። ወዘፈጠራሁ ለዐይን ኢይሬኢኑ።
- Psa. 93:10 ዘይጌሥጸሙ ለአሕዛብ ኢይዛለፍኑ። ዘይሜህርሙ ለሰብእ ጥበበ።
- Psa. 93:11 እግዚአብሔር የአምር ኅሊናሆሙ ለጠቢባን ከመ ከንቱ ውእቱ።
- Psa. 93:12 ብፁዕ ብእሲ ዘአንተ ገሠጽኮ እግዚአ ወዘመሀርኮ ሕዝብ።
- Psa. 93:13 ከመ ይትገሐሥ እመዋዕለ እኩያት። እስከ ይትከረይ ግብ ለኃጥኣን።
- Psa. 93:14 እስመ ኢይገድፎሙ እግዚአብሔር ለሕዝቡ። ወኢየኅድጎሙ ለርስቱ።
- Psa. 93:15 እስከ ይገብእ ፍትሕ ለዘይጸድቅ። ወኩሎሙ ርቱዓነ ልብ እለ ኪያሃ ቦሙ።
- Psa. 93:16 መኑ ይትዋሥኣኒ በእንተ እኩያት። ወመኑ ይትቃወመኒ በእንተ ገበርተ ዐመፃ።
- Psa. 93:17 ሶበ አኮ እግዚአብሔር ዘረድኣኒ። ሕቀ ከመ ዘእምኅደረት ነፍስዩ ውስተ ሲኣል።
- Psa. 93:18 ወሶበ እቤ ድኅፃ እገርዩ። ምሕረትክ እግዚአ ረድኣኒ።
- Psa. 93:19 እግዚአ በከመ ብዝኅ ሕማማ ለልብዩ። ናዝዞትክ አስተፍሥሐ ለነፍስዩ።
- Psa. 93:20 ወኢይትቃወመክ መንበረ ዐመፃ። ዘይፈጥር ጻማ ዲበ ትእዛዝ።
- Psa. 93:21 ወይንዕዋ ለነፍስ ጻድቅ። ወይኳንን ደመ ንጹሐ።
- Psa. 93:22 ወኮነኒ እግዚአብሔር ጸወንዩ። አምላኪዩ ወረድኤተ ተስፋዩ።
- Psa. 93:23 ወይፈድዮሙ እግዚአብሔር በከመ እኩሎሙ። ወያጠፍኦሙ እግዚአብሔር አምላክነ።
- Psa. 94:1 ንዑ ንትፈሣከ በእግዚአብሔር። ወንዩብብ ለአምላክነ ወመድኅኒኒ።
- Psa. 94:2 ወንብጻሕ ቅድመ ገጹ በአሚን። ወበመዝሙር ንዩብብ ሎቱ።

- Psa. 94:3 እስመ ዐቢይ ውእቱ እግዚአብሔር አምላክነ። ወንጉሥ ዐቢይ ውእቱ ላዕለ ኩሉ አማልክት።
- Psa. 94:4 እስመ ኢይገድፎሙ እግዚአብሔር ለሕዝቡ። እስመ ውስተ እዴሁ ኩሉ አጽናፈ ምድር። አድባር ነዋኝት ዚኣሁ ውእቱ።
- Psa. 94:5 እስመ እንቲኣሁ ይእቲ ባሕር ወውእቱ ፈጠራ። ወለየብስኒ እደዊሁ ንብራ።
- Psa. 94:6 ንዑ ንስግድ ወንግነይ ሎቱ። ወንብኪ ቅድመ እግዚአብሔር ዘውእቱ ፈጠረነ።
- Psa. 94:7 እስመ ውእቱ አምላክነ። ንሕነስ ሕዝቡ ወአባግዐ መርዔቱ። ዮም አመ ሰማዕክሙ ቃሎ።
- Psa. 94:8 ኢታጽንዑ ልበክሙ። ከመ አመ አምረርዎ በገዳም። ወከመ አመ አመከርዎ።
- Psa. 94:9 ዘአመከሩኒ አበዊክሙ። ፈተኑኒ ወርእዩ ምግባርየ።
- Psa. 94:10 አርብዓ ዓመተ ተቈጣዕክዋ ለይእቲ ትውልድ። ወእቤ ዘልፈ ይስሕት ልቦሙ። እሙንቱስ ኢያእመሩ ፍናውየ።
- Psa. 94:11 በከመ መሐልኩ በመዓትየ። ከመ ኢይበውኡ ውስተ ዕረፍትየ።
- Psa. 95:1 ሰብሕዎ ለእግዚአብሔር ስብሐተ ሐዲስ። ሰብሕዎ ለእግዚአብሔር ኩላ ምድር።
- Psa. 95:2 ሰብሕዎ ለእግዚአብሔር ወባርኩ ለስሙ። ወተዝያነዉ እምዕለት ዕለተ አድኅኖቶ።
- Psa. 95:3 ወንግርዎሙ ለአሕዛብ ስብሐቲሁ። ወለኩሎሙ አሕዛብ ተአምሪሁ።
- Psa. 95:4 እስመ ዐቢይ እግዚአብሔር ወብዙኅ አኩቱቱ። ወግሩም ውእቱ ላዕለ ኩሉ አማልክት።
- Psa. 95:5 እስመ አማልክተ አሕዛብ ኢጋንንት። እግዚአብሔርሰ ሰማያተ ንብረ።
- Psa. 95:6 አሚን ወሠናይት ቅድሜሁ። ቅድሳት ወዕባየ ስብሐት ውስተ መቅደሱ።
- Psa. 95:7 አምጽኡ ለእግዚአብሔር በሓውርተ አሕዛብ። አምጽኡ ለእግዚአብሔር ክብረ ወስብሐተ።
- Psa. 95:8 አምጽኡ ለእግዚአብሔር ስብሐተ ለስሙ። ንሥኡ መሥዋዕተ ወባኡ ውስተ አዕጻዲሁ።
- Psa. 95:9 ስግዱ ለእግዚአብሔር በዐጸደ መቅደሱ። ታድለቀልቅ እምቅድመ ገጹ ለእግዚአብሔር ኩላ ምድር።
- Psa. 95:10 በልዎሙ ለአሕዛብ ከመ እግዚአብሔር ነግሠ። ወአጽንዓ ለዓለም ከመ ኢታንቀልቅል። ወይኳንኖሙ ለአሕዛብ በርትዕ።
- Psa. 95:11 ይትፌሥሓ ሰማያት ወትትሐሠይ ምድር። ወትትከወስ ባሕር በምልኡ።
- Psa. 95:12 ትትሐሠይ ገዳም ወኩሉ ዘውስቲታ። ውእቱ አሚረ ይትፌሥሐ ኩሉ ዕፀወ ገዳም።
- Psa. 95:13 እምቅድመ ገጹ ለእግዚአብሔር እስመ ይመጽእ። ይመጽእ ወይኳንኖ ለምድር። ወይኳንኖ ለዓለም በጽድቅ። ወለአሕዛብ በርትዕ።
- Psa. 96:1 እግዚአብሔር ነግሠ ትትሐሠይ ምድር። ወይትሐሠያ ደስያት ብዙኃት።
- Psa. 96:2 ደመና ወቆባር ዐውዱ። ፍትሕ ወርትዕ ተድላ መንበሩ።
- Psa. 96:3 እሳት የሐውር ቅድሜሁ። ወነድ የዐግቶሙ ለጸላእቱ።
- Psa. 96:4 አስተርአየ መባርቅቲሁ ለዓለም። ርዕደት ወአድለቅለቀት ምድር።
- Psa. 96:5 ወአድባርኒ ተመሰዉ ከመ ሠምዕ። እምቅድመ ገጹ ለእግዚአብሔር። እምቅድመ ገጹ ለእግዚአብሔር ኩላ ምድር።
- Psa. 96:6 ይነግራ ሰማያት ጽድቀ ዚኣሁ። ወኩሎሙ አሕዛብ ርእዩ ስብሐቲሁ።
- Psa. 96:7 ይትኅፈሩ ኩሎሙ እለ ይሰግዱ ለግልፎ። ወእለ ይትሜክሑ በአማልክቲሆሙ። ወይሰግዱ ሎቱ ኩሎሙ መላእክቲሁ።
- Psa. 96:8 ሰምዐት ወተፈሥሐት ጽዮን። ወተሐሥያ አዋልደ ይሁዳ። በእንተ ፍትሕክ እግዚአ።
- Psa. 96:9 እስመ አንተ እግዚአብሔር ባሕቲትክ ልዑል ዲበ ኩሉ ምድር። ፈድፋደ ተለዐልክ እምኩሉ አማልክት።
- Psa. 96:10 እለ ታፈቅርዎ ለእግዚአብሔር ጽልእዋ ለእኪት። የዐቅብ እግዚአብሔር ነፍሰ ጻድቃኑ። ወያድኅኖሙ እምእደ ኃጥአን።
- Psa. 96:12 በርህ ሠረቀ ለጻድቃን። ወለርቱዓነ ልብ ትፍሥሕት።
- Psa. 96:13 ይትፌሥሐ ጻድቃን በእግዚአብሔር። ወይገንዩ ለዝክረ ቅድሳቱ።
- Psa. 97:1 ሰብሕዎ ለእግዚአብሔር ስብሐተ ሐዲስ። እስመ መንክር ግብረ እግዚአብሔር። ወአድኅኖተ የማኑ። ወመዝራዕቱሂ ቅዱስ።
- Psa. 97:2 አርአየ እግዚአብሔር አድኅኖቶ። ወበቅድመ አሕዛብ ከሠተ ኪዳኖ።
- Psa. 97:3 ወተዘከረ ሣህሎ ለያዕቆብ። ወጽድቆሂ ለቤተ እስራኤል። ርእዩ ኩልክሙ አጽናፈ ምድር አድኅኖቶ ለአምላክነ።

- Psa. 97:4 የብቡ ለእግዚአብሔር በኩሉ ምድር። ሰብሐ ተፈሥሐ ወዘምሩ።
- Psa. 97:5 ዘምሩ ለእግዚአብሔር በመሰንቆ። በመሰንቆ ወበቃለ መዝሙር።
- Psa. 97:6 በቀርነ ዝብጦ ወበቃለ ቀርን። ወየብቡ በቅድመ እግዚአብሔር ንጉሥ።
- Psa. 97:7 ወትትከወስ ባሕር በምልክ። ዓለምኒ ወኩሎም እለ ይነብሩ ውስቴታ።
- Psa. 97:8 ወአፍላግኒ ይጠፍሐ እደ ኅቡረ። ወአድባርኒ ይትሐሠዩ።
- Psa. 97:9 እስመ በህየ ይኳንና ለምድር። ወይኳንና ለዓለም በጽድቅ። ወለአሕዛብኒ በርትዕ።
- Psa. 98:1 እግዚአብሔር ነግሠ ደንገፁ አሕዛብ። ዘይነብር ዲበ ኪሩቤል አድለቅለቃ ለምድር።
- Psa. 98:2 እግዚአብሔር ዐቢይ በጽዮን። ወልዑል ውእቱ ላዕለ ኩሉ አሕዛብ።
- Psa. 98:3 ኩሉ ይገኝ ለስምከ ዐቢይ። እስመ ግሩም ወቅዱስ ውእቱ።
- Psa. 98:4 ክቡር ንጉሥ ፍትሐ ያፈቅር። አንተ አጽናዕካ ለጽድቅ በኃይልከ። ፍትሐ ወጽድቀ ለያዕቆብ አንተ ገበርከ።
- Psa. 98:5 ተለዐለ እግዚአብሔር ፈጣሪነ። ወይሰግዱ ሎቱ ታሕተ መከየደ እገሪሁ። እስመ ቅዱሳን እሙንቱ።
- Psa. 98:6 ሙሴ ወአርን በክህነቶሙ። ወሳሙኤልኒ ምስለ እለ ይጼውዑ ስሞ። ይጼውዑ ለእግዚአብሔር ውእቱኒ ይሰጠዎሙ።
- Psa. 98:7 ወይትናገሮሙ በዐምደ ደመና። ወየዐቅቡ ስምዖ ወትእዛዞሂ ዘወሀበሙ።
- Psa. 98:8 እግዚአ ኣምላክነ አንተ ሰማዕኮሙ። እግዚአ አንተ ተሣህልኮሙ። ወትትቤቀል በኩሉ ምግባሮሙ።
- Psa. 98:9 ተለዐለ እግዚአብሔር ኣምላክነ። ወይሰግዱ ሎቱ ውስተ ደብረ መቅደሱ። እስመ ቅዱስ ውእቱ እግዚአብሔር ኣምላክነ።
- Psa. 99:1 የብቡ ለእግዚአብሔር በኩሉ ምድር።
- Psa. 99:2 ተቀነዩ ለእግዚአብሔር በትፍሥሕት። ወባኡ ቅድሜሁ በሐሤት።
- Psa. 99:3 አእምሩ ከመ እግዚአብሔር ውእቱ ኣምላክነ። ወውእቱ ፈጠረነ ወአኮ ንሕነ። ንሕነሰ ሕዝቡ ወአባግዐ መርዔቱ።
- Psa. 99:4 ባኡ ውስተ አናቅጺሁ በተጋንዮ። ወውስተ አዕጻዲሁ በስብሐት እመንዎ። ወሰብሐ ለስሙ።
- Psa. 99:5 እስመ ጌር እግዚአብሔር። እስመ ለዓለም ምሕረቱ። ወለትውልደ ትውልድ ጽድቁ።
- Psa. 100:1 ምሕረተ ወፍትሐ አሐሊ ለከ።
- Psa. 100:2 እዚምር ወእሌቡ ፍኖተ ንጹሐ። ማእዜ ትመጽእ ኀቤየ። ወአሐውር በየውሀተ ልብየ ማእከለ ቤትየ።
- Psa. 100:3 ወኢረሰይኩ ቅድመ አዕይንትየ ግብረ እኩየ። ጸላእኩ ገበርተ ዐመዓ።
- Psa. 100:4 ወኢተለወኒ ልብ ጠዋይ። ሶበ ተግሕሠ እኩይ እምኔየ ኢያእመርኩ።
- Psa. 100:5 ዘየሐሚ ቢጸ በጽሚት ኪያሁ ሰደድኩ። ዕቡየ ዐይን ወሥሡዐ ልብ ኢይትሐወል ምስሌየ።
- Psa. 100:6 አዕይንትየሰ ኀበ መሀይምናን ምድር። ከመ አንብሮሙ ምስሌየ። ዘየሐውር በፍኖት ንጹሕ ውእቱ ይትለአከኒ።
- Psa. 100:7 ወኢይነብር ማእከለ ቤትየ ዘይነብር ትዕቢተ። ወኢያረትዕ ቅድሜየ ዘይነብብ ዐመዓ።
- Psa. 100:8 በጽባሕ እቀትሎሙ ለኩሎሙ ኃጥኣነ ምድር። ከመ እሥርዎሙ እምሀገረ እግዚአብሔር ለኩሎሙ ገበርተ ዐመዓ።
- Psa. 101:1 ስምዐኒ እግዚአ ጸሎትየ። ወይብጻሕ ቅድሜከ ገዓርየ።
- Psa. 101:2 ወኢትሚጥ ገጸክ እምኔየ። በዕለተ ምንዳቤየ አጽምዕ እዝነከ ኀቤየ። አመ ዕለተ እጼውዐከ ፍጡነ ስምዐኒ።
- Psa. 101:3 እስመ ኀልቀ ከመ ጢስ መዋዕልየ። ወነቅጸ ከመ ሣዕር አዕፅምትየ።
- Psa. 101:4 ተቀሠፍኩ ወየብሰ ከመ ሣዕር ልብየ። እስመ ተረስዐኒ በሊዐ እክል።
- Psa. 101:5 እምቃለ ገዓርየ ጠግዐ ሥጋየ ዲበ አዕፅምትየ።
- Psa. 101:6 ወኮንኩ ከመ አድገ መረብ ዘገዳም። ወኮንኩ ከመ ጉጋ ውስተ ቤት ሌሊተ።
- Psa. 101:7 ተጋህኩ ወኮንኩ ከመ ያፍ ባሕታዊ ውስተ ናሕስ።
- Psa. 101:8 ወኩሎ አሚረ ይጼዕሉኒ ጸላእትየ። ወእለኒ ይሰዱኒ ይሰካትዩ ላዕሌየ።
- Psa. 101:9 እስመ ሐመደ ከመ እክል ቀማሕኩ። ወስቴየኒ ምስለ አንብዕየ ሰተይኩ።
- Psa. 101:10 እምገጸ መቅሠፍተ መዓትከ። እስመ አንሣእከኒ ወነዓካከኒ።
- Psa. 101:11 ወመዋዕልየኒ ከመ ጽላሎት ኀለፈ። ወኣነሂ ከመ ሣዕር የበስኩ።

- Psa. 101:12 አንተሰ እግዚአ ለዓለም ትነብር። ወዝክርከኒ ለትውልደ ትውልድ።
- Psa. 101:13 ተንሥእ እግዚአ ወተሣህላ ለጽዮን። እስመ ጊዜሃ ውእቱ ከመ ትሣህላ ወበጽሐ ዕድሜሃ።
- Psa. 101:14 እስመ ሠምሩ አግብርቲክ እበኒሃ። ወአክበርዎ ለመሬታ።
- Psa. 101:15 ወይፍርሁ አሕዛብ ስመክ እግዚአ። ወኩሎሙ ነገሥት ለስብሐቲክ።
- Psa. 101:16 እስመ የሐንጻ እግዚአብሔር ለጽዮን። ወያስተርኢ በስብሐቲሁ።
- Psa. 101:17 ወነጸረ ላዕለ ጸሎተ ነዳይ። ወኢተቈጥዐ ስእለቶሙ።
- Psa. 101:18 ወተጽሕፈት ዛቲ ለካልእ ትውልድ። ሕዝብ ዘይትፈጠር ይሴብሐ ለእግዚአብሔር።
- Psa. 101:19 እስመ ሐወጸ እምሰማይ መቅደሶ። እግዚአብሔር ሐወጸ እምሰማይ ዲበ ምድር።
- Psa. 101:20 ከመ ይስማዕ ገዓሮሙ ለሙቄሐን። ወከመ ያሕይዎሙ ለደቂቀ ቅቱላን።
- Psa. 101:21 ከመ ይንግሩ በጽዮን ስመ እግዚአብሔር። ወስብሐቲሁኒ በኢየሩሳሌም።
- Psa. 101:22 ሶበ ተጋብኡ አሕዛብ ኅቡረ። ወነገሥትኒ ከመ ይትቀነዩ ለእግዚአብሔር።
- Psa. 101:23 ወተሰጥዎሙ በፍኖተ ኅይሉ። ንግረኒ ውኅዶን ለመዋዕልየ።
- Psa. 101:24 ኢትሰደኒ በመንፈቀ ዓመትየ። ለትውልደ ትውልድ ዓመቲክ።
- Psa. 101:25 አንተ እግዚአ አቅደምክ ሣርሮታ ለምድር። ወግብረ እደዊክ እማንቱ ሰማያት።
- Psa. 101:26 እማንቱስ ይትሀገሉ ወአንተሰ ትሄሉ። ወኩሉ ከመ ልብስ ይበሊ። ወከመ ሞጣሕት ትዌልጦሙ ወይትዌልጡ።
- Psa. 101:27 አንተሰ አንተ ከመ። ወዓመቲክኒ ዘኢየሳልቅ።
- Psa. 101:28 ደቂቀ አግብርቲክ ይነብርዋ። ወዘርዎሙኒ ለዓለም ይጸንዕ።
- Psa. 102:1 ትባርኮ ነፍስየ ለእግዚአብሔር። ወኩሉ አዕፅዎትየ ለስሙ ቅዱስ።
- Psa. 102:2 ትባርኮ ነፍስየ ለእግዚአብሔር። ወኢትርሳዕ ኩሎ ስብሐቲሁ።
- Psa. 102:3 ዘይሰሪ ለክ ኩሎ ኅጢአተክ። ዘይፌውሰክ እምኩሉ ደዌክ።
- Psa. 102:4 ዘያድኅና እሙስና ለሕይወትክ። ዘይኬልለክ በሣህሉ ወበምሕረቱ።
- Psa. 102:5 ዘያጸግሳ እምበረከቱ ለፍትወትክ። ዘይሔድሳ ከመ ንስር ለውርዙትክ።
- Psa. 102:6 ገባሪ ሣህል እግዚአብሔር። ወይፈትሕ ለኩሉ ግፉዓን።
- Psa. 102:7 አርአየ ፍናዊሁ ለሙሴ። ወለደቂቀ እስራኤል ሥምረቶ።
- Psa. 102:8 መሓሪ ወመስተሣህል እግዚአብሔር። ርሑቀ መዓት ወብዙኅ ምሕረት ወጸድቅ።
- Psa. 102:9 ኢይቀሥፍ ወትረ ወኢይትመዐዕ ዘልፈ።
- Psa. 102:10 አኮ በከመ ኅጢአትኅ ዘገብረ ለነ። ወኢፈደየኅ በከመ አበሳነ።
- Psa. 102:11 ወበከመ ልዑል ሰማይ እምድር። አጽንዐ ምሕረቶ እግዚአብሔር ላዕለ እለ ይፈርህዎ።
- Psa. 102:12 ወበከመ ይርሕቅ ሠርቅ እምዐረብ። አርሐቀ እምኔኅ ኅጢአተኅ።
- Psa. 102:13 ወበከመ ይምሕር አብ ውሉዶ። ከማሁ ይምሕሮሙ እግዚአብሔር ለእለ ይፈርህዎ።
- Psa. 102:14 እስመ ውእቱ የአምር ፍጥረተኅ። ተዘከር እግዚአ ከመ መሬት ንሕነ።
- Psa. 102:15 ወሰብእስ ከመ ሣዕር መዋዕሊሁ። ወከመ ጽጌ ገዳም ከማሁ ይፈሪ።
- Psa. 102:16 እስመ መንፈስ ይወፅእ እምኔሁ ወኢይሄሉ እንከ። ወኢየአምር እንከ መካኖ።
- Psa. 102:17 ሣህሉሰ ለእግዚአብሔር እምዓለም ወእስከ ለዓለም። ዲበ እለ ይፈርህዎ። ወጽድቁኒ ዲበ ትውልደ ትውልድ።
- Psa. 102:18 ለእለ የዐቅቡ ሕጎ። ወይዜከሩ ትእዛዞ ከመ ይግበሩ።
- Psa. 102:19 እግዚአብሔር አስተዳለወ መንበሮ በሰማያት። ወኩሉ ይኳንን በመንግሥቱ።
- Psa. 102:20 ባርክዎ ለእግዚአብሔር ኩልክሙ መላእክቲሁ። ጽኑዓን ወኅያላን እለ ትገብሩ ቃሎ። ወእለ ትሰምዑ ቃለ ነገሩ።
- Psa. 102:21 ይባርክዎ ለእግዚአብሔር ኩሉ ኅይሉ። ላእካኑ እለ ይገብሩ ፈቃዶ።
- Psa. 102:22 ይባርክዎ ለእግዚአብሔር ኩሉ ተግባሩ። ውስተ ኩሉ በሐውርት መለኮቱ። ትባርኮ ነፍስየ ለእግዚአብሔር።
- Psa. 103:1 ትባርኮ ነፍስየ ለእግዚአብሔር። እግዚአ አምላኪየ ጥቀ ዐበይክ ፈድፋድ። አሚኒ ወዕበየ ስብሐት ለበስክ።
- Psa. 103:2 ወለበስክ ብርሃኑ ከመ ልብስ። ወረብብኮ ለሰማይ ከመ ሠቅ።
- Psa. 103:3 ዘይጠፍር በማይ ጽርሐ። ወረሰየ ደመና መከየዶ። ዘየሐውር በክነፈ ነፋስ።

- Psa. 103:4 ዘይፈስዮሙ ለመላእክቲሁ መንፈስ። ወለእለ ይትለአክዎ ነደ እሳት።
- Psa. 103:5 ሣረራ ለምድር ወአጽንዓ። ከመ ኢታንቀልቅል ለዓለም ዓለም።
- Psa. 103:6 ወቀላይኒ ከመ ልብስ ዐጽፋ። ውስተ አድባር ይቀውሙ ማያት።
- Psa. 103:7 እምተግሣጽከ ይጐዩ። ወእምድምፀ ነጐድንድከ ይደነግፁ።
- Psa. 103:8 የዐርጉ አድባረ ወይወርዱ ገዳመ። ውስተ ብሔር ኀበ ሣረርኩሙ ወሠራዕኩሙ።
- Psa. 103:9 ወሰኖሙኒ እምነበ ኢየሳልፉ። ከመ ኢይትመየጡ ወኢይክድንዋ ለምድር።
- Psa. 103:10 ዘይፌኑ አንቅዕተ ውስተ ቈላት። ማእከለ አድባር የሳልፉ ማያት።
- Psa. 103:11 ወያሰትዩ ለኩሉ አርዌ ገዳም። ወይትዌከፉ ሐለስትዮታት ለጽምአሙ።
- Psa. 103:12 ወያጸሉ ህየ አዕዋፈ ሰማይ። ወይነቅዉ በማእከለ ጸላዕት።
- Psa. 103:13 ዘይሰቅዮሙ ለአድባር እምውሳጥያቲሆሙ። እምፍሬ ተግባርከ ትጸግብ ምድር።
- Psa. 103:14 ዘያበቀል ሣዕረ ለእንስሳ። ወሐመልማለ ለቅኔ ዕንላ እመሕያው። ከመ ያውፅእ እክለ እምድር።
- Psa. 103:15 ወይን ያስተፌሥሕ ልበ ሰብእ። ወቅብዕ ለአብርሆ ገጽ። እክል ያጸንዕ ኀይለ ሰብእ።
- Psa. 103:16 ወይጸግቡ ኩሉ ዕፀወ ገዳም። አርዘ ሊባኖስ ዘተከልከ።
- Psa. 103:17 ወበህየ ይትዋለዳ አዕዋፍ። ወይትጋወሮን ቤተ ሄሮድያኖስ።
- Psa. 103:18 አድባር ነዋኝት ለህየላት። ወጸላዕት ምጉያዮን ለግሔ።
- Psa. 103:19 ወገበርከ ወርኅ በዕድሜሁ። ፀሓይኒ አእመረ ምዕራቢሁ።
- Psa. 103:20 ታመጽእ ጽልመተ ወይከውን ሌሊተ። ወይወፅኡ ቦቱ ኩሉ አርዌ ገዳም።
- Psa. 103:21 ዕጉለ አናብስት ይጥሕሩ ወይመሥጡ። ወይስእሉ ኀበ እግዚአብሔር ሲሳዮሙ።
- Psa. 103:22 ወእምከመ ሠረቀ ፀሓይ የአትዉ። ወይውዕሉ ውስተ ግበቢሆሙ።
- Psa. 103:23 ይወፍር ሰብእ ውስተ ተግባሩ። ይውዕል ወይትቀነይ እስከ ይመሲ።
- Psa. 103:24 ጥቀ ዐቢይ ግብርከ እግዚእ። ወኩሉ በጥበብ ገበርከ። መልእ ምድረ ዘፈጠርከ።
- Psa. 103:25 ዛቲ ባሕር ዐባይ ወረሓብ። ህየ ዘይትሐወስ ዘአልቦ ጉልቀ። እንስሳ ዐበይት ምስለ ደቃቅ።
- Psa. 103:26 ህየ የሐውራ አሕማር። ከይሲ ዘፈጠርከ ይሣለቅ ላዕሌሆሙ።
- Psa. 103:27 ወኩሉ ይሴፎ በኀቤከ። ተሀቦሙ ሲሳዮሙ በጊዜሁ።
- Psa. 103:28 ወእምከመ ወሀብኩሙ ያስተጋብኡ። ወፈቲሐከ እዴከ ታጸግብ ለኩሉ እምሕረትከ።
- Psa. 103:29 እመሰ ሜጥከ ገጸከ ይደነግፁ። ታወፅእ መንፈሶሙ ወየሳልቁ። ወይገብኡ ውስተ መሬቶሙ።
- Psa. 103:30 ትፈኑ መንፈስከ ወይትፈጠሩ። ወትሔድስ ገጸ ለምድር።
- Psa. 103:31 ለይኩን ስብሐቲሁ ለእግዚአብሔር ለዓለም። ይትፌሣሕ እግዚአብሔር በተግባሩ።
- Psa. 103:32 ዘይኔጽራ ለምድር ወይሬስያ ከመ ትርዐድ። ዘይገስሶሙ ለአድባር ወይጠይሱ።
- Psa. 103:33 እሴብሉ ለእግዚአብሔር በሕይወትየ። ወእዜምር ለአምላኪየ በአምጣነ ሀሎኩ።
- Psa. 103:34 ወአሠምሮ በቃልየ። ወአንሰ እትፌሣሕ በእግዚአብሔር።
- Psa. 103:35 ወየሳልቁ ኃጥአን እምድር። ወዐማፅያንሂ ኢይሄልዉ እንከ። ትባርኮ ነፍስየ ለእግዚአብሔር።
- Psa. 104:1 ግነዩ ለእግዚአብሔር ወጸውፀ ስሞ። ወንግርዎሙ ለአሕዛብ ምግባር።
- Psa. 104:2 ሰብሐ ወዘምሩ ሎቱ። ወንግሩ ኩሎ መንክሮ።
- Psa. 104:3 ወትከብሩ በስሙ ቅዱስ። ለይትፈሣሕ ልብ ዘየኀም ለእግዚአብሔር።
- Psa. 104:4 ኀሥዎ ለእግዚአብሔር ወትጸንዑ። ወኀሥ ገጸ በኩሉ ጊዜ።
- Psa. 104:5 ወተዘከሩ መንክሮ ዘገብረ። ተአምሪሁ ወኩነኔ አፉሁ።
- Psa. 104:6 ዘርዐ አብርሃም አግብርቲሁ። ወደቂቀ ያዕቆብ ኀሩያኒሁ።
- Psa. 104:7 ውእቱ እግዚአብሔር አምላክነ። ውስተ ኩሉ ምድር ኩነኒሁ።
- Psa. 104:8 ወተዘከረ ሥርዐቶ ዘለዓለም። ቃሎ ዘአዘዘ ለዐሠርቱ ምእት ትውልድ።
- Psa. 104:9 ዘሠርዐ ለአብርሃም። ወመሐለ ለይስሐቅ።
- Psa. 104:10 ወዐቀመ ስምዐ ለያዕቆብ። ወለእስራኤል ኪዳኖ ዘለዓለም።
- Psa. 104:11 ወይቤሎ ለከ እውህበከ ምድረ ከነዓን። ትኩንክሙ ሐብለ ርስትክሙ።
- Psa. 104:12 እንዘ ውጉዳን ጥቀ እሙንቱ። ወፈላስያን ውስቴታ።
- Psa. 104:13 ወኀለፉ እምሕዝብ ውስተ ሕዝብ። ወእምነገሥት ውስተ ካልእ ሕዝብ።
- Psa. 104:14 ወኢኀደገ ይስሐጦሙ ሰብእ። ወገሠጸ ነገሥተ በእንቲአሆሙ።
- Psa. 104:15 ኢትግስሱ መሲሓንየ። ወኢታሕሥሙ ዲበ ነቢያትየ።

- Psa. 104:16 አምጽኦ ረጋብ ለብሔር። ወአጥፍኦ ኩሎ ኀይለ እክል።
- Psa. 104:17 ፈነወ ብእሴ ቅድሚያሆሙ። ተሠይጦ የሴፍ ወኮነ ገብረ።
- Psa. 104:18 ወሐማ እገራሁ በመዋቅሕት። ወአምሠጠት ነፍሱ እምነጺን።
- Psa. 104:19 ዘእንበለ ይብጻሕ ቃሉ። ቃለ እግዚአብሔር አምከሮ።
- Psa. 104:20 ፈነወ ንጉሥ ወፈትሐ። ወሄሞ መልአክ አሕዛብ።
- Psa. 104:21 ወረሰዮ እግዚአ ለቤቱ። ወአኩነኖ ላዕለ ኩሎ ጥሪቱ።
- Psa. 104:22 ከመ ይገሥጽሙ ለመላእክቲሁ ከማሁ። ወከመ ያጥብቦሙ ለሊቃውንቲሁ ከማሁ።
- Psa. 104:23 ወቦኦ እስራኤል ብሔረ ግብጽ። ወያዕቆብኒ ኀደረ ምድረ ካም።
- Psa. 104:24 ወአብዝኖሙ ለሕዝቡ ፈድፋደ። ወአጽንዖሙ እምፀሮሙ።
- Psa. 104:25 ወሚጠ ልቦሙ ከመ ይጽልኡ ሕዝቡ። ወከመ የሐብልይዎሙ ለአግብርቲሁ።
- Psa. 104:26 ፈነወ ሙሴሃ ገብሮ። ወአሮንሃ ኀሩዮ።
- Psa. 104:27 ወሄመ ቃለ ትእምርት ላዕሌሆሙ። ወመንክሮሂ በምድረ ካም።
- Psa. 104:28 ፈነወ ጽልመተ ወአጽለሞሙ። ወአምረርዎ ለቃሉ።
- Psa. 104:29 ወረሰዮ ማዮሙ ደመ። ወቀተለ ዓሣቲሆሙ።
- Psa. 104:30 ወአውፅኦት ምድሮሙ ቈርነናዓተ። ውስተ አብያተ ነገሥቶሙ።
- Psa. 104:31 ይቤ መጽኦ ዐኮት። ወትንንያ ውስተ ኩሎ ምድሮሙ።
- Psa. 104:32 ወረሰዮ ዝናሞሙ በረደ። ወነደ እሳት ውስተ ምድሮሙ።
- Psa. 104:33 ወቀተለ ወይኖሙ ወበለሶሙ። ወቀጥቀጠ ኩሎ ዕፀወ ብሔሮሙ።
- Psa. 104:34 ይቤ መጽኦ አንበጣ። ወደጐብያ ዘአልቦ ኅልቀኦ።
- Psa. 104:35 ወበልዐ ኩሎ ፍሬ ምድሮሙ።
- Psa. 104:36 ወቀተለ ኩሎ በኩረ ብሔሮሙ። ወቀዳሜ ኩሎ ተግባሮሙ።
- Psa. 104:37 ወአውፅኦሙ በወርቅ ወበብሩር። ወአልቦ ደዌ ውስተ ሕዝቦሙ።
- Psa. 104:38 ተፈሥሐ ግብጽ በፀኦቶሙ። እስመ ፈርህዎሙ።
- Psa. 104:39 አንጦልዐ ደመና ወሰወሮሙ። እሳተኒ ከመ ያብርህ ሎሙ በሌሊት።
- Psa. 104:40 ሰኦሎ መጽኦ ፍርፍርት። ወአጽገቦሙ ኀብስተ ሰማይ።
- Psa. 104:41 አንቅዐ ኩኩሐ ወአውሐዘ ማየ። ወሐሩ ውስተ አፍላገ በድው።
- Psa. 104:42 እስመ ተዘከረ ቃሉ ቅዱስ። ዘኀብ አብርሃም ገብሩ።
- Psa. 104:43 ወአውፅኦሙ ለሕዝብ በትፍሥሕት። ወለኀሩያኒሁ በሐሄት።
- Psa. 104:44 ወወሀቦሙ በሐውርተ አሕዛብ። ወወረሱ ጳማ ባዕድ።
- Psa. 104:45 ከመ ይዕቀቡ ሕጎ። ወይኀሁ ሥርዐቶ።
- Psa. 105:1 ግነዩ ለእግዚአብሔር እስመ ኄር። እስመ ለዓለም ምሕረቱ።
- Psa. 105:2 ሙኮ ይነግር ኀይለ እግዚአብሔር። ወይገብር ከመ ይስማዕ ኩሎ ስብሐቲሁ።
- Psa. 105:3 ብፁዓን እለ የዐቅቡ ፍትሐ። ወይገብሩ ጽድቀ በኩሎ ጊዜ።
- Psa. 105:4 ተዘከረኒ እግዚአ በሣህልክ ሕዝባክ። ወተሣህለኒ በአድኀኖትክ።
- Psa. 105:5 ከመ ንርአይ ሠናይቶሙ ለኀሩያኒክ። ወከመ ንትፈሣሕ በፍሥሐ ሕዝብክ። ወከመ ንክበር ምስለ ርስትክ።
- Psa. 105:6 አበስኒ ምስለ አበዊኒ። ዐመፅነሂ ወጊገይኒ።
- Psa. 105:7 ወአበዊነሂ በብሔረ ግብጽ ኢያእመሩ መንክረክ። ወኢተዘከሩ ብዝኀ ምሕረትክ። ወአምረሩክ አመ የዐርጉ ባሕረ ኤርትራ።
- Psa. 105:8 ወአድኀኖሙ በእንተ ስሙ። ከመ ያርእዮሙ ኀይሎ።
- Psa. 105:9 ወገሠጻ ለባሕረ ኤርትራ ወየብሰት። ወመርሐሙ በቀላይ ከመ ዘበገዳም።
- Psa. 105:10 ወአድኀኖሙ እምእደ ጸላእቶሙ። ወአንገፎሙ እምእደ ፀሮሙ።
- Psa. 105:11 ወደፈኖሙ ማይ ለእለ ሮድዎሙ። ወኢተርፈ አሐዱ እምውስቴቶሙ።
- Psa. 105:12 ወተአመኑ በቃሉ። ወሰብሕዎ በስብሐቲሁ።
- Psa. 105:13 ወአፍጠኑ ረሲዐ ምግባሩ። ወኢተዐገሡ በምክሩ።
- Psa. 105:14 ወፈተዉ ፍትወተ በገዳም። ወአምረርዎ ለእግዚአብሔር በበድው።
- Psa. 105:15 ወወሀቦሙ ዘሰኦሉ። ፈነወ ጽጋብ ለነፍሶሙ።

- Psa. 105:16 ወአምዕዕዎ ለሙሴ በትዕይንት። ወለአሮን ቅዱስ እግዚአብሔር።
- Psa. 105:17 አብቀወት ምድር ወውኅጠቶ ለዳታን። ወደፈነቶሙ ለተዓይነ አቤሮን።
- Psa. 105:18 ወነደ እሳት ውስተ ተዓይኒሆሙ። ወአውዐዮሙ ነበልባል ለጋጥአን።
- Psa. 105:19 ወገብሩ ላሕመ በኩራብ። ወሰገዱ ለግልፎ።
- Psa. 105:20 ወወለጡ ክብሮሙ። በአምሳለ ላሕም ዘይትረዐይ ሣዕረ።
- Psa. 105:21 ወረስዕዎ ለእግዚአብሔር ዘአድኅኖሙ። ዘገብረ ዐቢያተ በግብጽ።
- Psa. 105:22 ወመንክረ በምድረ ካም። ወግሩም በባሕረ ኤርትራ።
- Psa. 105:23 ወይቤ ከመ ይሥርዎሙ። ሶበ አኮ ሙሴ ኅሩዩ። ቆመ ቅድሜሁ አመ ብድብድ። ከመ ይሚጥ መቅሠፍተ መዓቱ። ወከመ ኢይሥርዎሙ።
- Psa. 105:24 ወመነኩ ምድረ መፍትወ። ወኢተአመኑ በቃሉ።
- Psa. 105:25 ወአንጐርጐሩ በውስተ ተዓይኒሆሙ። ወኢሰምዑ ቃለ እግዚአብሔር።
- Psa. 105:26 አንሥአ እዴሁ ላዕሌሆሙ። ከመ ይንፅኖሙ በገዳም።
- Psa. 105:27 ወከመ ይንፃኅ ዘርዎሙ ውስተ አሕዛብ። ወከመ ይዝርዎሙ ውስተ በሓውርት።
- Psa. 105:28 ወተፈፅሙ በብዔል ፌጎር። ወበልዑ መሥዋዕተ ምዉተ።
- Psa. 105:29 ወወሐክዎ በምግባሪሆሙ። ወበዝኅ ብድብድ ላዕሌሆሙ።
- Psa. 105:30 ተንሥአ ፊንሐስ ወአድኅኖሙ። ኅደገ ብድብድ።
- Psa. 105:31 ወተኑለቄ ጽድቀ። ለትውልደ ትውልድ እስከ ለዓለም።
- Psa. 105:32 ወአምዕዕዎ በኅብ ማየ ቅሥት። ወሐመ ሙሴ በእንቲአሆሙ።
- Psa. 105:33 እስመ አምረርዋ ለነፍሱ። ወአዘዘ በከናፍሪሁ።
- Psa. 105:34 ወኢሠረዉ አሕዛብ ዘይቤሎሙ እግዚአብሔር።
- Psa. 105:35 ወተደመሩ ምስለ አሕዛብ። ወተምህሩ ምግባሮሙ።
- Psa. 105:36 ወተቀንዩ ለግልፎሆሙ። ወኮኖሙ ጌጋዩ።
- Psa. 105:37 ዘብሐ ደቂቆሙ ወአዋልዲሆሙ ለአጋንንት።
- Psa. 105:38 ወከዐዉ ደመ ንጹሐ። ደመ ደቂቆሙ ወአዋልዲሆሙ። ወሦዑ ለግልፎ ከነዓን። ወተቀትለት ምድር በደም።
- Psa. 105:39 ወረኩሰት ምድር በምግባሪሆሙ። ወዘመዉ በጣዖቶሙ።
- Psa. 105:40 ወተምዐ እግዚአብሔር መዓተ ላዕለ ሕዝቡ። ወአስቈረሮሙ ለርስቱ።
- Psa. 105:41 ወአግብአሙ ውስተ እደ ፀሮሙ። ወቀነይዎሙ ጸላእቶሙ።
- Psa. 105:42 ወአሕመምዎሙ ፀሮሙ። ወኅስሩ በታሕተ እደዊሆሙ።
- Psa. 105:43 ወዘልፈ ያድኅኖሙ። እሙንቱስ አምረርዎ በምክሮሙ። ወሐሙ በኅጢአቶሙ።
- Psa. 105:44 ወርእዮሙ ከመ ተመንደቡ። ወሰምዎሙ ጸሎቶሙ።
- Psa. 105:45 ወተዘከረ ኪዳኖ። ወነስሐ በከመ ብዝኅ ምሕረቱ።
- Psa. 105:46 ወወሀቦሙ ሣህሎ። በቅድመ ኩሎሙ እለ ዪወውዎሙ።
- Psa. 105:47 አድኅነነ እግዚአ ኣምላክነ። ወአስተጋብአነ እምአሕዛብ። ከመ ንግነይ ለስምከ ቅዱስ። ወከመ ንትመካሕ በስብሐቲክ።
- Psa. 105:48 ይትባረክ እግዚአብሔር ኣምላክ እስራኤል። እምቅድመ ዓለም ወእስከ ለዓለም። ለይበል ኩሎ ሕዝብ ለይኩን ለይኩን።
- Psa. 106:1 ግነዩ ለእግዚአብሔር እስመ ኄር። እስመ ለዓለም ምሕረቱ።
- Psa. 106:2 ለይበሉ እለ አድኅኖሙ እግዚአብሔር። እለ አድኅኖሙ እምእደ ፀሮሙ።
- Psa. 106:3 ወአስተጋብአሙ እምበሓውርት። እምጽባሕ ወእምዐረብ ወመስዕ ወባሕር።
- Psa. 106:4 ወሳኩዩ ውስተ በድው ዘአልቦ ማይ። ወኢረከቡ ፍኖተ ሀገረ ብሔሮሙ።
- Psa. 106:5 ጸምኡ ወርኅቡ ወኅልቀት ነፍሶሙ በላዕሌሆሙ።
- Psa. 106:6 ወዐውዩዉ ኅብ እግዚአብሔር ሶበ ተመንደቡ። ወአድኅኖሙ እምንዳቤሆሙ።
- Psa. 106:7 ወመርሐሙ ፍኖተ ርቱዐ። ከመ ይሑሩ ፍኖተ ሀገሮሙ።
- Psa. 106:8 ንግሩ ለእግዚአብሔር ምሕረቶ። ወመንክሮሂ ለዕጓለ እመሕያው።
- Psa. 106:9 እስመ አጽገብ ነፍሰ ርኅብተ። ወመልአ ለነፍስ ዕራቃ በረከተ።
- Psa. 106:10 ለእለ ይነብሩ ውስተ ጽልመት ወጽላሎተ ሞት። ወሙቁሓን በንዴት ወበኅጺን።

- Psa. 106:11 እስመ አምረሩ ቃለ እግዚአብሔር። ወአምዕዑ ምክረ ልዑል።
- Psa. 106:12 ወሰርሐ በሕማም ልቦሙ። ደወዩ ወጎጥኡ ዘይቀብሮሙ።
- Psa. 106:13 ወዐውየዉ ኀበ እግዚአብሔር ሶበ ተመንደቡ። ወአድኅኖሙ እምንዳቤሆሙ።
- Psa. 106:14 ወአውፅአሙ እምጽልመት ወጽላሎተ ሞት። ወሰበረ መዋቅሕቲሆሙ።
- Psa. 106:15 ንግሩ ለእግዚአብሔር ምሕረቶ። ወመንክሮሂ ለዕጓለ እመሕያው።
- Psa. 106:16 እስመ ሰበረ ጥጋተ ብርት። ወቀጥቀጠ መናሥግተ ዘኀጺን።
- Psa. 106:17 ወተወክፎሙ እምፍኖተ ጌጋዮሙ። እስመ ሐሙ በኀጢአቶሙ።
- Psa. 106:18 ወኩሎ መብልዐ አስቈረረት ነፍሶሙ። ወቀርቡ ኀበ አናቅጸ ሞት።
- Psa. 106:19 ወዐውየዉ ኀበ እግዚአብሔር ሶበ ተመንደቡ። ወአድኅኖሙ እምንዳቤሆሙ።
- Psa. 106:20 ፈነወ ቃሎ ወአሕየዎሙ። ወአድኅኖሙ እሞቶሙ።
- Psa. 106:21 ንግሩ ለእግዚአብሔር ምሕረቶ። ወመንክሮሂ ለዕጓለ እመሕያው።
- Psa. 106:22 ወይሁዑ ሎቱ መሥዋዕተ ስብሐት። ወይንግሩ ግብሮ በትፍሥሕት።
- Psa. 106:23 እለ ይወርዱ ውስተ ባሕር በአሕማር። ወይትጌበሩ ተግባሮሙ ውስተ ማይ ብዙኀ።
- Psa. 106:24 እሙንቴስ የአምሩ ግብረ እግዚአብሔር። ወመንክሮሂ በውስተ ልጐት።
- Psa. 106:25 ይቤ ወመጽኦ መንፈስ ዐውሎ። ወተለዐለ ማዕበል።
- Psa. 106:26 የዐርጉ እስከ ሰማይ። ወይወርዱ ውስተ ቀላይ። ወተመስወት ነፍሶሙ በሕማም።
- Psa. 106:27 ደንገፁ ወተሀውኩ ከመ ስኩር። ወተሰጥመ ኩሎ ጥበቦሙ።
- Psa. 106:28 ወዐውየዉ ኀበ እግዚአብሔር ሶበ ተመንደቡ። ወአድኅኖሙ እምንዳቤሆሙ።
- Psa. 106:29 አጥፍኦ ለዐውሎ ወእርመመ ባሕር። ወእርመመ ማዕበል።
- Psa. 106:30 ወተፈሥሑ እስመ አዕረፉ። ወመርሐሙ ውስተ መርሶ ኀበ ፈቀዱ።
- Psa. 106:31 ንግሩ ለእግዚአብሔር ምሕረቶ። ወመንክሮሂ ለዕጓለ እመሕያው።
- Psa. 106:32 ወያዐብይዎ በማኀበረ አሕዛብ። ወይሴብሕዎ በመንበረ ሊቃውንት።
- Psa. 106:33 ወረሰዮሙ ለአፍላግ በድወ። ወረሰየ ምጽማኦ ሙሐዘ ማይ።
- Psa. 106:34 ወረሰያ ለምድር ጼወ እንተ ትፈሪ። በእኩሎ ለእለ ይነብርዋ።
- Psa. 106:35 ወረሰዩ ለበድወ ሙሐዘ ማይ። ወለምድረ በድወ ቀላያተ ማያት።
- Psa. 106:36 አንበረ ህየ ርኅባነ። ሐነጹ አህጉረ ኀበ ይነብሩ።
- Psa. 106:37 ተከሉ ወይነ ወዘርዑ ገራውሀ። ወገብሩ ማእረረ እክል።
- Psa. 106:38 ባረኩሙ ወበዝኅ ፈድፋድ። ወኢያውኀደ ሎሙ እንስሳሆሙ።
- Psa. 106:39 ደወዩ ወውኅዱ። በሕማም እኩይ ወበጻዕር።
- Psa. 106:40 ወተክዕወ ኀሳር ዲበ መላእክት። ወአስሐቶሙ ውስተ በድወ ዘኢኮነ ፍኖተ።
- Psa. 106:41 ወረድኦ ለነዳይ በተጽናሱ። ወረሰዮ ከመ አባግዐ ብሔር።
- Psa. 106:42 ይርአዩ ራትዓን ወይትፈሥሑ። ወትትፈፀም አፉሃ ኩላ ዐመፃ።
- Psa. 106:43 መኑ ጠቢብ ዘየዐቅቦ ለዝ። ወየአምር ከመ መሓሪ እግዚአብሔር።
- Psa. 107:1 ጥቡዕ ልብየ እግዚአ ጥቡዕ ልብየ። ጥቡዕ ልብየ እሴብሕ ወእዜምር። ወይትነሣእ ክብርየ።
- Psa. 107:2 ወእትነሣእ በመዝሙር ወበመሰንቆ። ወእትነሣእ በጽባሕ።
- Psa. 107:3 እገኝ ለከ በውስተ አሕዛብ እግዚአ። ወእዜምር ለከ በውስተ ሕዝብ።
- Psa. 107:4 እስመ ዐብየት እስከ ሰማያት ምሕረትከ። ወእስከ ደመናት ጽድቅከ።
- Psa. 107:5 ተለዐለ እግዚአብሔር መልዕልተ ሰማያት። ወበኩሎ ምድር ስብሐቲሁ።
- Psa. 107:6 ከመ ይድኅኑ ፍቁራኒከ። አድኅን በየማንክ ወስምዐኒ።
- Psa. 107:7 እግዚአብሔር ነበበ በመቅደሱ። እትሐሠይ ወእትካፈል ሰቂማ። ወእሳፈር አዕጻዳተ ቈላት።
- Psa. 107:8 ዚኣየ ውእቱ ገለዓድ ወዚኣየ ምናሴ። ወኤፍሬም ሰዋቀ ርእስየ። ወይሁዳ ንጉሥየ።
- Psa. 107:9 ወሞአብ ካህን ተስፋየ። ዲበ ኢዶምያስ እስፍሕ መከየድየ። ሊተ ይገንዩ ኢሎፍሊ።
- Psa. 107:10 መኑ ይወስደኒ ሀገረ ጥቅም። ወመኑ ይመርሐኒ እስከ ኤዶምያስ።
- Psa. 107:11 አኮኑ አንተ እግዚአ ዘገደፍከነ። ወኢትወፅእ አምላክነ ምስለ ኀይልነ።
- Psa. 107:12 ሀበነ ረድኤተ ለምንዳቤነ። ወከንቱ ተአምኖ በሰብእ።
- Psa. 107:13 በእግዚአብሔር ንገብር ኀይለ። ወውእቱ ያኀስሮሙ ለእለ ይሣቅዩነ።
- Psa. 108:1 እግዚአ ኢትጸመመኒ ስእለትየ።

- Psa. 108:2 እስመ አፈ ዐማሂ ወአፈ ኃጥእ አብቀዉ ላዕሌየ። ወነበቡ ላዕሌየ በልሳነ ዐመፃ።
- Psa. 108:3 ዐገቱኒ በጽልእ። ወጸብኡኒ በከንቱ።
- Psa. 108:4 ዘእምአፍቀሩኒ አስተዋደዩኒ። ወአንሰ እጼሊ።
- Psa. 108:5 ፈደዩኒ እኪተ ህየንተ ሠናይት። ወጸልኡኒ ህየንተ ዘአፍቀርክዎሙ።
- Psa. 108:6 ሢም ላዕሌሁ ኃጥአ። ወሰይጣን ይቁም በየማኑ።
- Psa. 108:7 ወሶበሂ ይትዋቀሥ ይፃእ ተመዊኦ። ወጸሎቱሂ ትኩኖ ጌጋየ።
- Psa. 108:8 ወይኩና መዋዕሊሁ ኅዳጠ። ወሢመቶሂ ይንሣእ ባዕድ።
- Psa. 108:9 ወይኩኑ ደቂቁ ዕንሊ ማውታ። ወብእሲቱሂ ትኩን መበለተ።
- Psa. 108:10 ይትሀውኩ ደቂቁ ይፍልሱ ወያስተፍእሙ። ወይስድድዎሙ እምአብያቲሆሙ።
- Psa. 108:11 ወይበርብር በዓለ ዕዳ ኩሎ ንዋዮ። ወይሐብልዮ ነኪር ኩሎ ተግባሮ።
- Psa. 108:12 ወኢይርከብ ዘይረድኦ። ወኢይምሐርዎሙ ለዕንሊ ማውታሁ።
- Psa. 108:13 ወይሠረዉ ደቂቁ። በአሐቲ ትውልድ ትደምሰስ ስሙ።
- Psa. 108:14 ወትዘከር ኅጢአተ አቡሁ በቅድመ እግዚአብሔር። ወኢይደምሰስ ጌጋያ ለእሙ።
- Psa. 108:15 ወየሀሉ ቅድመ እግዚአብሔር በኩሉ ጊዜ። ወይጥፋእ እምድር ዝክሩ።
- Psa. 108:16 እስመ ኢተዘከረ ይግበር ምጽዋተ። ሰደደ ብእሴ ነዳየ ወምስኪነ። ጥቡዕ ልቡ ለቀቲል።
- Psa. 108:17 አብደራ ለመርገም ወትምጽኦ። አበያ ለበረከት ወትርሐቅ እምኔሁ።
- Psa. 108:18 ወለብሳ ለመርገም ከመ ልብስ። ወቦኦ ከመ ማይ ውስተ አማዑቱ። ወከመ ቅብዕ ውስተ አዕፅምቲሁ።
- Psa. 108:19 ለትኩኖ ከመ ልብስ ዘይትዐጽፍ። ወከመ ቅናት ዘይቀንት ዘልፈ።
- Psa. 108:20 ዝ ግብር ለእለ ያስተዋድዩኒ ኅብ እግዚአብሔር። ወለእለ ይነቡ እኩየ ላዕለ ነፍስየ።
- Psa. 108:21 አንተሰ እግዚእ እግዚእየ ግበር ሣህለከ ላዕሌየ በእንተ ስምከ። እስመ ሠናይ ምሕረትከ።
- Psa. 108:22 አድኅነኒ እስመ ነዳይ ወምስኪን አነ። ልብየኒ ደንገፀኒ በውስጥየ።
- Psa. 108:23 ውኅለቁ ከመ ጽላሎት ዘኅለፈ። ወተነገፍኩ ከመ አንበጣ።
- Psa. 108:24 ወደክመኒ ብረከየ በጾም። ወስሕከ ሥጋየ በኅጢአ ቅብዕ።
- Psa. 108:25 ወአንሰ ተጽዕልኩ በኅቢሆሙ። ሶበ ይሬእዩኒ የሐውሱ ርእሶሙ።
- Psa. 108:26 ርድኦኒ እግዚእ አምላኪየ። ወአድኅነኒ በእንተ ምሕረትከ።
- Psa. 108:27 ወያእምሩ ከመ እዴከ ይእቲ ዛቲ። አንተሰ እግዚእ ገበርከ።
- Psa. 108:28 እሙንቱስ ይረግሙ ወአንተ ባርክ። ይትኅፈሩ እለ ይትነሥኡ ላዕሌየ። ወገብርከሰ ይትፈሣሕ።
- Psa. 108:29 ወይልበሱ ኅፍረተ ውኅሳረ እለ ያስተዋድዩኒ። ወይትዐጽፍዎ ከመ ዐጽፍ ለኅጢአቶሙ።
- Psa. 108:30 እገኒ በአፉየ ለእግዚአብሔር ፈድፋድ። ወእሴብሐ በማእከለ ብዙኅ።
- Psa. 108:31 እስመ ቆመ በየማነ ነዳይ። ከመ ያድኅና ለነፍስየ እምእለ ሮድዋ።
- Psa. 109:1 ይቤሎ እግዚእ ለእግዚእየ ንበር በየማንየ። እስከ አገብአሙ ለጸላእትከ ታሕተ መከየደ እገሪከ።
- Psa. 109:2 በትረ ኅይል ይፌኑ ለከ እግዚአብሔር እምጽዮን። ወትኩንን በማእከለ ጸላእትከ።
- Psa. 109:3 ምስሌከ ቀዳማዊ በዕለተ ኅይል። በብርሃኖሙ ለቅዱሳን። ወለድኩከ እምከርሥ እምቅድመ ኮከበ ጽባሕ።
- Psa. 109:4 መሐለ እግዚአብሔር ወኢይኔስሕ። አንተ ካህኑ ለዓለም በከመ ሢመቱ ለመልክጼዴቅ።
- Psa. 109:5 እግዚአብሔር በየማንከ። ይቀጠቅጦሙ ለነገሥት በዕለተ መዓቱ።
- Psa. 109:6 ይኩንኖሙ ለአሕዛብ ወያበዝኅ አብድንተ። ወይሰብር አርእስተ ብዙኃን በዲበ ምድር።
- Psa. 109:7 እምውሒዝ ሰትዩ ማየ በፍኖት። ወበእንተ ዝ ይትሌዐል ርእስ።
- Psa. 110:1 እገኒ ለከ እግዚእ በኩሉ ልብየ። በምክረ ራትዓን ወበማኅበር።
- Psa. 110:2 ዐቢይ ግብረ እግዚአብሔር። ወትትኅሠሥ ውስተ ኩሉ ፈቃዱ።
- Psa. 110:3 አሚን ወዕበየ ስብሐት ምግባሩ። ወጽድቁኒ ይነበር ለዓለም።
- Psa. 110:4 ተዝካረ ገብረ ለስብሐቲሁ። መሓሪ ወመስተሣህል እግዚአብሔር።
- Psa. 110:5 ወወሀቦሙ ሲሳዮሙ ለእለ ይፈርህዎ። ወተዘከረ ኪዳኖ ዘለዓለም።
- Psa. 110:6 ወአርአዮሙ ለሕዝቡ ኅይለ ምግባሩ። ከመ የሀቦሙ ርስተ ዘአሕዛብ።
- Psa. 110:7 ግብረ እደዊሁ ጽድቅ ወርትዕ። ወእሙን ኩሉ ትእዛዙ።
- Psa. 110:8 ወጽኑዕ ለዓለም ዓለም። ወግቡር በጽድቅ ወበርትዕ።

- Psa. 110:9 መድኅኒት ፈነወ እግዚአብሔር ለሕዝቡ። ወአዘዘ ሥርዐቶ ዘለዓለም። ቅዱስ ወግሩም ስመ ዚአሁ።
- Psa. 110:10 ቀዳሚ ለጥበብ ፈሪህ እግዚአብሔር። ምክር ሠናይት ለኩሉ ዘይገብራ። ወስብሐቲሁኒ ይነብር ለዓለም።
- Psa. 111:1 ብፁዕ ብእሲ ዘይፈርሆ ለእግዚአብሔር። ወዘይፈቅድ ትእዛዞ ፈድፋድ።
- Psa. 111:2 ወይከውን ጽኑዕ ዘርዑ ውስተ ምድር። ትውልደ ጻድቃን ይትባረኩ።
- Psa. 111:3 ክብር ወብዕል ውስተ ቤቱ። ወጽድቁኒ ይነብር ለዓለም ዓለም።
- Psa. 111:4 ሠረቀ ብርሃን ለራትዓን በውስተ ጽልመት። መሓሪ ወመስተሣህል እግዚአብሔር። ወጻድቅ አምላክነ።
- Psa. 111:5 ብእሲ መሓሪ መስተሣህል ውኄር። ወይዔቅም ቃሎ በውስተ ፍትሕ።
- Psa. 111:6 ወኢይትሀወክ ለዓለም። ዝክረ ጻድቅ ለዓለም ይሄሉ።
- Psa. 111:7 ወኢይፈርህ እምነገር እኩይ። ጥቡዕ ልቡ ለተወክሎ በእግዚአብሔር።
- Psa. 111:8 ጽኑዕ ልቡ ወኢይትሀወክ ለዓለም። እስከ ይሬኢ በጸላእቱ።
- Psa. 111:9 ዘረወ ወወሀበ ለነዳይ። ወጽድቁኒ ይነብር ለዓለም። ወይትሌዐል ቀርኑ በክብር።
- Psa. 111:10 ይሬኢ ኃጥእ ወይትመዐዕ። ወይሐቂ ስነኒሁ ወይትመሰው። ወተኅልቅ ፍትወቶሙ ለኃጥእን።
- Psa. 112:1 ሰብሕዎ አግብርቲሁ ለእግዚአብሔር። ወስብሐ ለስመ እግዚአብሔር።
- Psa. 112:2 ወይኩን ቡሩክ ስሙ ለእግዚአብሔር። እምይእዜ ወእስከ ለዓለም።
- Psa. 112:3 እምሥራቀ ፀሓይ እስከነ ዐረብ። ይትኣኩት ስሙ ለእግዚአብሔር።
- Psa. 112:4 ልዑል እግዚአብሔር መልዕልተ ኩሉ አሕዛብ። ወውስተ ሰማያት ስብሐቲሁ።
- Psa. 112:5 መኑ ከመ እግዚአብሔር አምላክነ። ዘይነብር ውስተ አርያም።
- Psa. 112:6 ወይሬኢ ዘበታሕቱ። በሰማይኒ ወበምድርኒ።
- Psa. 112:7 ዘያነሥኦ እምድር ለነዳይ። ወያሌዕሎ እመሬት ለምስኪን።
- Psa. 112:8 ከመ ያንብሮ ምስለ መላእክቲሁ። ወምስለ መላእክተ ሕዝቡ።
- Psa. 112:9 ዘያነብራ ለመካን ውስተ ቤቱ። ወያስተፌሥኣ ለእመ ውሉድ።
- Psa. 113:1 አመ ይወፅኦ እስራኤል እምግብጽ። ወቤተ ያዕቆብ እምሕዝበ ፀር።
- Psa. 113:2 ወኮነ ይሁዳ መቅደሶ። ወእስራኤልኒ ምኹናኖ።
- Psa. 113:3 ባሕርኒ ርእየት ወጉየት። ወዮርዳኖስኒ ገብኦ ድኅሬሁ።
- Psa. 113:4 አድባር አንፈርዐጹ ከመ ሐራጊት። ወአውግርኒ ከመ መሓስዐ አባግዕ።
- Psa. 113:5 ምንተ ኮንኪ ባሕር ዘጉየይኪ። ወአንተኒ ዮርዳኖስ ዘገባእክ ድኅሬከ።
- Psa. 113:6 አድባር ዘአንፈርዐጽኩ ከመ ሐራጊት። ወአውግርኒ ከመ መሓስዐ አባግዕ።
- Psa. 113:7 እምቅድመ ገጹ ለእግዚአብሔር አድለቅለቀት ምድር። እምቅድመ ገጹ ለአምላክ ያዕቆብ።
- Psa. 113:8 ዘይሬስያ ለኩኩሕ አንቅዕተ ማያት። ወለእዝኅ ዐዘቃተ ማያት።
- Psa. 113:9 አኮ ለነ እግዚአ ኣኮ ለነ። ለስመ ዚኣክ ነሀብ ስብሐተ። በምሕረትክ ወበጽድቅክ።
- Psa. 113:10 ከመ ኢይበሉኑ አሕዛብ አይቲ ውእቱ አምላኮሙ።
- Psa. 113:11 አምላክነሰ ውስተ ሰማይ ላዕለ። በሰማይኒ ወበምድርኒ። ኩሎ ዘፈቀደ ገብረ እግዚአብሔር።
- Psa. 113:12 አማልክቲሆሙ ለአሕዛብ ዘወርቅ ወዘብሩር። ግብረ እደ ዕጓለ እመሕያው።
- Psa. 113:13 አፍ ቦሙ ወኢይነቡ። ዐይን ቦሙ ወኢይሬእዩ።
- Psa. 113:14 እዝን ቦሙ ወኢይሰምዑ። አንፍ ቦሙ ወኢያጹንዉ።
- Psa. 113:15 እድ ቦሙ ወኢይገሱ። እግር ቦሙ ወኢየሐውሩ። ወኢይነቡ በጎራዒቶሙ። ወአልቦ መንፈስ ውስተ አፉሆሙ።
- Psa. 113:16 ከማሆሙ ለይኩኑ ኩሎሙ እለ ገብርዎሙ። ወኩሎሙ እለ ይትዌከሉ ቦሙ።
- Psa. 113:17 ቤተ እስራኤል ተወከሉ እግዚአብሔር። ረዳኢሆሙ ውእቱ ወምእመኖሙ።
- Psa. 113:18 ቤተ አሮን ተወከሉ በእግዚአብሔር። ረዳኢሆሙ ውእቱ ወምእመኖሙ።
- Psa. 113:19 እለ ትፈርህዎ ለእግዚአብሔር ተወከሉ በእግዚአብሔር። ረዳኢሆሙ ውእቱ ወምእመኖሙ።
- Psa. 113:20 እግዚአብሔር ተዘክረነ ወባርክነ። ባርክ ቤተ እስራኤል። ወባርክ ቤተ አሮን።
- Psa. 113:21 ባርኩሙ ለኩሎሙ እለ ይፈርህዎ ለእግዚአብሔር። ለንኡሶሙ ወለዐቢዮሙ።
- Psa. 113:22 ይዌስክ እግዚአብሔር ላዕሌክሙ። ላዕሌክሙ ወላዕለ ውሉድክሙ።

- Psa. 113:23 ቡሩካኑ አንትሙ ለእግዚአብሔር። ዘገብረ ሰማየ ወምድረ።
- Psa. 113:24 ሰማየ ሰማያት ለእግዚአብሔር። ምድረሰ ወሀበ ለዕንሰ እመሕያው።
- Psa. 113:25 ዘክኮ ምዑታን ይሴብሐኩ እግዚአ። ወኢ ኩሎሙ እለ ይወርዱ ውስተ ሲኦል።
- Psa. 113:26 ንሕነ ሕያዋን ንባርኮ ለእግዚአብሔር። እምይእዜ ወእስከ ለዓለም።
- Psa. 114:1 አፍቀርኩ እስመ ሰምዐኒ እግዚአብሔር ቃለ ስእለትየ።
- Psa. 114:2 ወአጽምዐ እዝኖ ኅቤየ። ወጸዋዕክዎ በመዋዕልየ።
- Psa. 114:3 አኅዘኒ ጻዕረ ሞት። ወረከበኒ ሕማመ ሲኦል። ሕማም ወምንዳቤ ረከበኒ።
- Psa. 114:4 ጸዋዕኩ ስመ እግዚአብሔር። እግዚአብሔር ባልሓ ለነፍስየ።
- Psa. 114:5 መሓሪ እግዚአብሔር ወጻድቅ። ወአምላክነሂ መስተሣህል።
- Psa. 114:6 የዐቅብ ሕፃናት እግዚአብሔር። ተመንደብኩሂ ወአድኅነኒ።
- Psa. 114:7 ግብኢ ነፍስየ ውስተ ዕረፍትኪ። እስመ እግዚአብሔር ረዳኢኪ።
- Psa. 114:8 እስመ አድኅኖ ለነፍስየ እሞት። ወለአዕይንትየኒ እምአንብዕ። ወለእገርየኒ እምዳኅዕ።
- Psa. 114:9 ከመ አሥምሮ ለእግዚአብሔር በብሔረ ሕያዋን።
- Psa. 115:1 አመንኩ በዘነበብኩ። ወአንሰ ብዙኅ ሐመምኩ።
- Psa. 115:2 አንሰ እቤ እምግዕዝየ ኩሉ ሰብእ ሐሳዊ ውእቱ።
- Psa. 115:3 ምንተኑ አዐስዮ ለእግዚአብሔር በእንተ ኩሉ ዘገብረ ሊተ።
- Psa. 115:4 ጽዋዐ ሕይወት እትሜጦ። ወስመ እግዚአብሔር እጼውዕ።
- Psa. 115:5 ክብር ሞቱ ለጻድቅ በቅድመ እግዚአብሔር።
- Psa. 115:6 እግዚአብሔር አነ ገብርከ። ገብርከ ወልደ አመትከ። ወሰበርከ መዋቅሕትየ።
- Psa. 115:7 ለከ እሠውዕ መሥዋዕተ ስብሐት።
- Psa. 115:8 ወእውህብ ብፅዕትየ ለእግዚአብሔር። በቅድመ ኩሉ ሕዝብ።
- Psa. 115:9 በዐጸደ ቤተ እግዚአብሔር። ወበማእከሌኪ ኢየሩሳሌም።
- Psa. 116:1 ሰብሕዎ ለእግዚአብሔር ኩልክሙ አሕዛብ። ወይሴብሕዎ ኩሎሙ ሕዝብ።
- Psa. 116:2 እስመ ጸንዐት ምሕረቱ ላዕሌነ። ወጽድቁሰ ለእግዚአብሔር ይሄሉ ለዓለም።
- Psa. 117:1 ኅዋዩ ለእግዚአብሔር እስመ ኄር። እስመ ለዓለም ምሕረቱ።
- Psa. 117:2 ንግሩ ቤተ እስራኤል ከመ ኄር። ከመ ለዓለም ምሕረቱ።
- Psa. 117:3 ንግሩ ቤተ አሮን ከመ ኄር። ከመ ለዓለም ምሕረቱ።
- Psa. 117:4 ንግሩ ኩልክሙ እለ ትፈርህዎ ለእግዚአብሔር ከመ ኄር። ከመ ለዓለም ምሕረቱ።
- Psa. 117:5 ሶበ ተመንደብኩ ጸዋዕክዎ ለእግዚአብሔር። ሰምዐኒ ወኦርሐበ ሊተ።
- Psa. 117:6 እግዚአብሔር ይረድኡኒ ኢይፈርህ ዕንሰ እመሕያው ምንተ ይፈስየኒ።
- Psa. 117:7 እግዚአብሔር ይረድኡኒ ወኦነ እፌእዮሙ ለጸላእትየ።
- Psa. 117:8 ይኄይስ ተአምኖ በእግዚአብሔር እምተአምኖ በዕንሰ እመሕያው።
- Psa. 117:9 ይኄይስ ተሰፍዎ በእግዚአብሔር እምተሰፍዎ በመላእክት።
- Psa. 117:10 ኩሎሙ አሕዛብ ዐገቱኒ። ወበስመ እግዚአብሔር ሞእክዎሙ።
- Psa. 117:11 ዐጊተሰ ዐገቱኒ። ወበስመ እግዚአብሔር ሞእክዎሙ።
- Psa. 117:12 ዐገቱኒ ከመ ንህብ መዓረ። ወነዱ ከመ እሳት ውስተ አሥዋክ። ወበስመ እግዚአብሔር ሞእክዎሙ።
- Psa. 117:13 ተንተንኩ ለወዲቅ ወእግዚአብሔር አንሥኡኒ።
- Psa. 117:14 ኅይልየኒ ወዝክርየኒ እግዚአብሔር። ወውእቱ ኮነኒ መድኅኒየ።
- Psa. 117:15 ቃለ ትፍሥሕት ውስተ አብያቲሆሙ ለጻድቃን። የማነ እግዚአብሔር ገብረት ኅይለ።
- Psa. 117:16 የማነ እግዚአብሔር አልዐለተኒ። የማነ እግዚአብሔር ገብረት ኅይለ።
- Psa. 117:17 ኢይመውት ዘእንበለ ዘአሐዩ። ወእነግር ግብሮ ለእግዚአብሔር።
- Psa. 117:18 ገሥጸሰ ገሠጸኒ እግዚአብሔር። ወለሞትሰ ባሕቱ ኢመጠወኒ።
- Psa. 117:19 አርኅዉ ሊተ አናቅጸ ጽድቅ። እባእ ውስቴቶን ወእግነይ ለእግዚአብሔር።
- Psa. 117:20 ዛ አንቀጽ እንተ እግዚአብሔር። ጻድቃን ይበውኡ ውስቴታ።
- Psa. 117:21 እገኒ ለከ እግዚአብሔር ሰማዕከኒ። ወኮንከኒ መድኅኒየ።
- Psa. 117:22 እብን ዘመነንዋ ነደቅት። ወይእቲ ኮነት ውስተ ርእሰ ማእዘንት።

- Psa. 117:23 እምነብ እግዚአብሔር ኮነት ዛቲ። ወነካር ይእቲ ለአዕይንቲነ።
- Psa. 117:24 ዛቲ ዕለት እንተ ገብረ እግዚአብሔር። ንትፈሣሕ ወንትሐሠይ ባቲ።
- Psa. 117:25 ኦ እግዚአ ኦድኅንሶ። ኦ እግዚአ ሠርሕሶ።
- Psa. 117:26 ቡሩክ ዘይመጽእ በስመ እግዚአብሔር። ባረክናክሙ እምቤተ እግዚአብሔር።
- Psa. 117:27 እግዚአብሔር እግዚእ አስተርአየ ለነ። ግበሩ በዓለ በትፍሥሕት በኅብ እለ ያስተሐምምዎ። እስከ አቅርንቲሁ ለምሥዋዕ።
- Psa. 117:28 አምላኪየ አንተ እገኒ ለከ። አምላኪየ አንተ ወአሌዕለከ። እገኒ ለከ እግዚአ እስመ ሰማዕከ። ወኮንከኒ መድኅኒየ።
- Psa. 117:29 ግነዩ ለእግዚአብሔር እስመ ኄር። እስመ ለዓለም ምሕረቱ።
- Psa. 118:1 ብፁዓን እለ ንጹሓን በፍኖቶሙ። እለ የሐውሩ በሕገ እግዚአብሔር።
- Psa. 118:2 ብፁዓን እለ የኀሡ ስምዖ። ወበኩሉ ልቦሙ የኀሥሥዎ።
- Psa. 118:3 እለሰ ይገብሩ ዐመፃ ፍኖተ ዚአሁ ኢሐሩ።
- Psa. 118:4 አንተ አዘዝከ ይዕቀቡ ትእዛዘከ ፈድፋድ።
- Psa. 118:5 ይረትዕሰ ይርታዕ ፍኖትየ። ከመ እዕቀብ ኩነኔከ።
- Psa. 118:6 ውእተ ጊዜ ኢይትኅፈር። በርእየ ኩሉ ትእዛዝከ።
- Psa. 118:7 እገኒ ለከ እግዚአ በልብ ርቱዕ። ሶበ ተመሀርኩ ኩነኔ ጽድቅከ።
- Psa. 118:8 ወአዕቅብ ኩነኔከ። ወኢትግድፈኒ ለዝሉፋ።
- Psa. 118:9 በምንት ያረትዕ ወሬዛ ፍኖቶ። በዐቂብ ነቢብከ።
- Psa. 118:10 ወበኩሉ ልብየ ኀሥሥኩከ። ኢታርሕቀኒ እምትእዛዝከ።
- Psa. 118:11 ውስተ ልብየ ኀባእኩ ነቢብከ። ከመ ኢየአብስ ለከ።
- Psa. 118:12 ቡሩክ አንተ እግዚአ ወምህረኒ ኩነኔከ።
- Psa. 118:13 በከፍፍርየ ነገርኩ ኩሎ ኩነኔ አፋከ።
- Psa. 118:14 በፍኖተ ስምዕከ ተፈሣሕኩ። ከመ ዘበኩሉ ብዕል።
- Psa. 118:15 ወእዛዋዕ በትእዛዝከ። ወአኀሥሥ ፍኖዊከ።
- Psa. 118:16 ወአነብብ ትእዛዛቲከ። ወኢይረስዕ ቃለከ።
- Psa. 118:17 ዕስዩ ለገብርከ። ከመ እሕየው ወእዕቀብ ነቢብከ።
- Psa. 118:18 ክሥቶን ለአዕይንትየ ወእርአይ። መድምምከ እምሕግከ።
- Psa. 118:19 ፈላሲ አነ ውስተ ምድር። ኢትኀባእ እምኔየ ትእዛዝከ።
- Psa. 118:20 አፍቀረት ነፍስየ ወፈተወት። ኩነኔከ በኩሉ ጊዜ።
- Psa. 118:21 ገሠጽኩሙ ለዕቡያን። ርጉማን እለ ይትገሐሡ እምትእዛዝከ።
- Psa. 118:22 አእትት እምኔየ ጽዕለተ ወኀሳረ። እስመ ትእዛዝከ ኀሥሥኩ።
- Psa. 118:23 እስመ ነቡሩ መላእክት ወኪያየ ሐመዩ። ወገብርከሰ ይዛዋዕ በኩነኔከ።
- Psa. 118:24 እስመ ስምዕከ ተምሃርየ ውእቱ። ወምክርየኒ ኩነኔ ዚአከ።
- Psa. 118:25 ጠግዐት ነፍስየ በምድር። ወአሕይወኒ በከመ ነቢብከ።
- Psa. 118:26 ነገርኩ ፍኖዊከ ወስምዐከ። ወምህረኒ ኩነኔከ።
- Psa. 118:27 ፍኖተ ጽድቅከ አለብወኒ። ወእዛዋዕ በመንክርከ።
- Psa. 118:28 ደቀሰት ነፍስየ እምሐዘን። አጽንዐኒ በነቢብከ።
- Psa. 118:29 ፍኖተ ዐመፃ አርሕቅ እምኔየ። ወበሕግከ ተሣሀለኒ።
- Psa. 118:30 ፍኖተ ጽድቅከ አብደርኩ። ወኩነኔከሰ ኢረሳዕኩ።
- Psa. 118:31 ተለውኩ ስምዐከ እግዚአ ኢታስተኀረኒ።
- Psa. 118:32 ፍኖተ ትእዛዝከ ሮጽኩ። ሶበ አርሐብኮ ለልብየ።
- Psa. 118:33 ምህረኒ እግዚአ ፍኖተ ጽድቅከ። ወእኀሥሣ በኩሉ ጊዜ።
- Psa. 118:34 አለብወኒ ወእኀሥሥ ሕገከ። ወእዕቀብ በኩሉ ልብየ።
- Psa. 118:35 ምርሐኒ ፍኖተ ትእዛዝከ። እስመ ኪያሃ ፈቀድኩ።
- Psa. 118:36 ሚጥ ልብየ ውስተ ስምዕከ። ወአኮ ውስተ ትዕግልት።
- Psa. 118:37 ሚጦን ለአዕይንትየ ከመ ኢይርአያ ከንቶ። ወአሕይወኒ በፍኖትከ።
- Psa. 118:38 አቅም ለገብርከ ዘነብከ ውስተ ነቢብከ።

- Psa. 118:39 አእትት እምኔየ ጽዕለተ ዘተሐዘብኩ። እስመ ሠናይ ኩነኔከ።
- Psa. 118:40 ናሁ ፈተውኩ ትእዛዘከ። ወአሕይወኒ በጽድቅከ።
- Psa. 118:41 ይምጻእ ላዕሌየ ምሕረትከ እግዚአ። እግዚአ ኦድኅኖትከ በከመ ነቢብከ።
- Psa. 118:42 አውሥአሙ ቃለ ለእለ ይጼዕሉኒ። እስመ ተወክልኩ በቃልከ።
- Psa. 118:43 ኢታእትት ቃለ ጽድቅ እምአፋየ ለግሙራ። እስመ ተወክልኩ በኩነኔከ።
- Psa. 118:44 ወአዐቅብ ሕገከ በኩሉ ጊዜ። ለዓለም ወለዓለመ ዓለም።
- Psa. 118:45 ወአሐውር ስፉሐ። እስመ ትእዛዘከ ኀሠሥኩ።
- Psa. 118:46 ወእነግር ስምዐከ በቅድመ ነገሥተ ወኢይትጎፈር።
- Psa. 118:47 ወአነብብ ትእዛዘከ ዘአፍቀርኩ ጥቀ።
- Psa. 118:48 ወአነሥእ እደውየ ኀብ ትእዛዘከ ዘአፍቀርኩ። ወእዛዋዕ በትእዛዘከ።
- Psa. 118:49 ተዘከር ቃለከ ዘአሰፈውኮ ለገብርከ።
- Psa. 118:50 ወይእቲ አስተፍሥሐተኒ በሕግምየ። እስመ ቃልከ አሕየወኒ።
- Psa. 118:51 ዕቡያን ዐመፁ ፈድፋድ። ወእምሕግከሰ ኢተግሕሥኩ።
- Psa. 118:52 ተዘከርኩ ፍትሐከ ዘእምዓለም። ወተፈሣሕኩ እግዚአ።
- Psa. 118:53 ሐዘን ኦኀዘኒ እምኃጥኣን እለ ኀደጉ ሕገከ።
- Psa. 118:54 መዝሙረ ኮነኒ ኩነኔከ። በብሔር በኀብ ፈለስኩ።
- Psa. 118:55 ተዘከርኩ በሌሊት ስመከ እግዚአ። ወዐቀብኩ ሕገከ።
- Psa. 118:56 ወይእቲ ኮነተኒ። እስመ ኩነኔከ ኀሠሥኩ።
- Psa. 118:57 ክፍልየ እግዚአብሔር። ወእቤ ይዕቀቡ ሕገከ።
- Psa. 118:58 ሰአልኩ ገጸከ እግዚአ በኩሉ ልብየ። ተሣህለኒ በከመ ነቢብከ።
- Psa. 118:59 ወኀለይኩ በእንተ ፍናዊከ። ሜጥኩ እግርየ ውስተ ስምዕከ።
- Psa. 118:60 አጥባዕኩ ወኢናፈቄ ለዐቂብ ትእዛዘከ።
- Psa. 118:61 አሕባለ ኃጥኣን ተፃፈራ ላዕሌየ። ወሕገከሰ ኢረሳዕኩ።
- Psa. 118:62 መንፈቀ ሌሊት እትነሣእ። ከመ እግነይ ለከ በእንተ ኩነኔ ጽድቅከ።
- Psa. 118:63 ከማሆሙ አነ ለኩሎሙ እለ ይፈርሁከ። ወእለ የዐቅቡ ትእዛዘከ።
- Psa. 118:64 ሣህልከ እግዚአ መልአ ምድረ። ወምህረኒ ኩነኔከ።
- Psa. 118:65 ሠናይተ ገበርከ ላዕለ ገብርከ። እግዚአ በከመ ቃልከ።
- Psa. 118:66 ሠናይተ ምክረ ወጥበበ ምህረኒ። እስመ ተአመንኩ በትእዛዘከ።
- Psa. 118:67 ወአንሰ ዘእንበለ እሕምም ነሳሕኩ። ወበእንተ ዝ አነ ዐቀብኩ ነቢብከ።
- Psa. 118:68 ጌር አንተ እግዚአ። ወበኒሩትከ ምህረኒ ኩነኔከ።
- Psa. 118:69 በዝኀ ላዕሌየ ዐመፃሆሙ ለዕቡያን። ወአንሰ በኩሉ ልብየ ኀሠሥኩ ትእዛዘከ።
- Psa. 118:70 ረግዐ ከመ ሐሊብ ልቦሙ። ወአንሰ አነብብ በሕግከ።
- Psa. 118:71 ደለወኒ ዘአሕመምከኒ። ከመ አእምር ኩነኔከ።
- Psa. 118:72 ይጌይሰኒ ሕገ አፉከ እምአእላፍ ወርቅ ወብሩር።
- Psa. 118:73 እደዊከ ገብራኒ ወለሐኳኒ። አለብወኒ ወእትመሀር ትእዛዘከ።
- Psa. 118:74 እለ ይፈርሁከ ይርአዩኒ ወይትፈሥሐ። እስመ ተወክልኩ በነቢብከ።
- Psa. 118:75 አእመርኩ እግዚአ ከመ ጽድቅ ኩነኔከ። ወበርቱዕ አሕመምከኒ።
- Psa. 118:76 ይኩነኒ ምሕረትከ ከመ ያስተፍሥሐኒ። ወበከመ ነቢብከ ይኩኖ ለገብርከ።
- Psa. 118:77 ይምጽአኒ ሣህልከ ወእሕየው። እስመ ተምሃርየ ውእቱ ሕግከ።
- Psa. 118:78 ይትጎፈሩ ዕቡያን እስመ ዐመፃ መከሩ ላዕሌየ። ወአንሰ እዛዋዕ በትእዛዘከ።
- Psa. 118:79 ይግብኡኒ እለ ይፈርሁከ። ወእለ የአምሩ ስመከ።
- Psa. 118:80 ለይኩን ልብየ ንጹሐ በኩነኔከ ከመ ኢይትጎፈር።
- Psa. 118:81 ኀላፈት ነፍስየ ውስተ ኦድኅኖትከ። ወተወክልኩ በቃልከ።
- Psa. 118:82 ደከማ አዕይንትየ ለመድኀኒትከ። እንዘ ይብላ ማእዜ ታስተፌሥሐኒ።
- Psa. 118:83 እስመ ኮንኩ ከመ ዝቅ ውስተ አስሐትያ። ወኩነኔከሰ ኢረሳዕኩ።
- Psa. 118:84 ሚ መጠን እማንቱ መዋዕሊሁ ለገብርከ። ማእዜ ትፈትሕ ሊተ እምእለ ይሰዱኒ።
- Psa. 118:85 ነገሩኒ ኃጥኣን ዛውዐ። ወአኮሰ ከመ ሕግከ እግዚአ።

- Psa. 118:86 ኩሉ ትእዛዝክ ጽድቅ። በዐመፃ ሰደዱኒ ርድኣኒ።
- Psa. 118:87 ሕቀ ክመ ዘእምደምሰሱኒ ውስተ ምድር። ወኣንሰ ኢኅደጉ ትእዛዝክ።
- Psa. 118:88 በከመ ምሕረትክ አሕይወኒ። ወእዕቀብ ስምዐ አፉክ።
- Psa. 118:89 እግዚአ ለዓለም ይነብር ቃልክ ውስተ ሰማይ።
- Psa. 118:90 ወለትውልደ ትውልድ ጽድቅክ። ሣረርካ ለምድር ወትነብር።
- Psa. 118:91 ወበትእዛዝክ ይቀውም ዕለት። እስመ ኩሎ ቀነይክ።
- Psa. 118:92 ሶበ አኮ ሕግክ ተምሃርየ ውእቱ። ትካት እምተሀገጡልኩ በኅሳርየ።
- Psa. 118:93 ለዓለም ኢይረስዕ ኩነኔክ። እስመ ቦቱ አሕየውከኒ።
- Psa. 118:94 ዘዚአክ አነ አድኅነኒ። እስመ ኩነኔክ ኀሠሥኩ።
- Psa. 118:95 ኪያየ ይጸንሑ ኃጥኣን ይቅትሉኒ። እስመ ስምዐክ ለበውኩ።
- Psa. 118:96 ለኩሉ ግብር ርኢኩ ማኅለቅቶ። ወትእዛዝክሰ ርሒብ ፈድፋድ።
- Psa. 118:97 ጥቀ አፍቀርኩ ሕገክ እግዚአ። ወኩሎ አሚረ ተምሃርየ ውእቱ።
- Psa. 118:98 ወእምጸላእትየ አጥበበኒ ትእዛዝክ። እስመ ለዓለም ሊተ ውእቱ።
- Psa. 118:99 ወእምኩሎሙ እለ መሀሩኒ ጠብብኩ። እስመ ተምሃርየ ውእቱ ትእዛዝክ።
- Psa. 118:100 ወእምአእሩግኒ ጠብብኩ። እስመ ትእዛዝክ ኀሠሥኩ።
- Psa. 118:101 እምኩሎ ፍኖተ ዐመፃ ከላእኩ እግርየ። ከመ እዕቀብ ነቢብክ።
- Psa. 118:102 ወኢተግሕሥኩ እምኩነኔክ። እስመ አንተ ምህርከኒ።
- Psa. 118:103 ጥዑም ለጉርዔየ ነቢብክ። እመዓር ወሶከር ጥዕመኒ ለአፉየ።
- Psa. 118:104 ወእምትእዛዝክ ለበውኩ። በእንተ ዝ ኩሎ ፍኖተ ዐመፃ ጸላእኩ።
- Psa. 118:105 ማኅቶት ለእግርየ ሕግክ። ብርሃን ለፍኖትየ።
- Psa. 118:106 መሐልኩ ወአጥባዕኩ ከመ እዕቀብ ኩነኔ ጽድቅክ።
- Psa. 118:107 ወሐመምኩ ፈድፋድ። እግዚአ አሕይወኒ በከመ ነቢብክ።
- Psa. 118:108 ሥመር እግዚአ ቃለ አፉየ። ወምህረኒ ኩነኔክ።
- Psa. 118:109 ነፍስየ ውስተ እዴክ በኩሉ ጊዜ። ወኢረሳዕኩ ሕገክ።
- Psa. 118:110 ሠርዑ ሊተ ኃጥኣን መሥገርተ። ወኢስሕትኩ እምትእዛዝክ።
- Psa. 118:111 ወወረስኩ ስምዐክ ለዓለም። እስመ ሐሤቱ ለልብየ ውእቱ።
- Psa. 118:112 ሜጥኩ ልብየ ከመ እግበር ትእዛዝክ። ለዓለም ዘእንበለ ሒስ።
- Psa. 118:113 ዐማፅያነ ጸላእኩ ወሕገክሰ አፍቀርኩ።
- Psa. 118:114 ረዳኢየ ወምስካይየ አንተ። ወበቃልክ ተወከልኩ።
- Psa. 118:115 ተገሐሡ እምኔየ ዐማፅያን። ወእኅሥሥ ትእዛዝ ለአምላኪየ።
- Psa. 118:116 ተወከፈኒ በከመ ነቢብክ ወእሕየው። ወኢቃስተኅፍረኒ እምተስፋየ።
- Psa. 118:117 ርድኣኒ ወአድኅነኒ። ወኣነብብ ኩነኔክ በኩሉ ጊዜ።
- Psa. 118:118 አኅሰርኩሙ ለኩሎሙ እለ ይርሕቁ እምትእዛዝክ። እስመ ዐመፃ ፍትወቶሙ።
- Psa. 118:119 ዐላውያን እሙንቱ ኩሎሙ ኃጥኣነ ምድር። በእንተ ዝ አፍቀርኩ ስምዐክ።
- Psa. 118:120 አውድድ ውስተ ሥጋየ ፈረሆተክ። እስመ ፈራህኩ እምኩነኔክ።
- Psa. 118:121 ገበርክ ፍትሐ ወጽድቀ። ኢትመጥወኒ ለእለ ይሣቅዩኒ።
- Psa. 118:122 ጽንሑ ለገብርክ ውስተ ሠናይ። ወኢይትዐገሉኒ ዕቡያን።
- Psa. 118:123 ደክማ አዕይንትየ ለአድኅኖትክ። ወለቃለ ጽድቅክ።
- Psa. 118:124 ግበር ለገብርክ በከመ ምሕረትክ። ወምህረኒ ኩነኔክ።
- Psa. 118:125 ገብርክ አነ አለብወኒ። ወእእምር ስምዐክ።
- Psa. 118:126 ጊዜ ገቢር ለእግዚአብሔር። ወዐለዉ ሕገክ።
- Psa. 118:127 በእንተ ዝ አፍቀርኩ ትእዛዝክ። እምወርቅ ወእምጸዝዮን።
- Psa. 118:128 በእንተ ዝ አርታዕኩ ኀበ ኩሉ ትእዛዝክ። ኩሎ ፍኖተ ዐመፃ ጸላእኩ።
- Psa. 118:129 መንክር ስምዕክ። በእንተ ዝ ኀሠሠቶ ነፍስየ።
- Psa. 118:130 ነገረ ቃልክ ያበርህ ወያጠብብ ሕፃናተ።
- Psa. 118:131 አፉየ ከሠትኩ ወነፍስየ አናኅኩ። እስመ ትእዛዝክ አፍቀርኩ።
- Psa. 118:132 ነጽር ላዕሌየ ወተሣሀለኒ። በከመ ፍትሐሙ ለእለ ያፈቅሩ ስመክ።

- Psa. 118:133 አርታዕ ፍኖትየ ወሐረትየ በከመ ነቢብከ። ወኢይማኣኒ ኩሉ ኀጢአት።
- Psa. 118:134 አድኅነኒ እምትዕግልተ ዕጓለ እመሕያው። ወእዕቀብ ትእዛዘከ።
- Psa. 118:135 ኣብርህ ገጸክ ላዕለ ገብርከ። ወምህረኒ ኩነኔከ።
- Psa. 118:136 ሙዛዘ ማይ ወረደ እምአዕይንትየ። ወእመ አኮሶ እምኢዐቀብኩ ሕገከ።
- Psa. 118:137 ጻድቅ አንተ እግዚአ ወርቱዕ ኩሉ ፍናዊከ።
- Psa. 118:138 ወአዘዝከ ስምዐከ በጽድቅ። ወርቱዕ ፈድፋደ።
- Psa. 118:139 መስወኒ ቅንአተ ቤትከ። እስመ ረስዑ ትእዛዘከ ጸላእትየ።
- Psa. 118:140 ርሱን ቃልከ ፈድፋደ። ወገብርከሰ አፍቀር።
- Psa. 118:141 ወሬዛ ኣነ ወትሑት። ሕገከሰ ኢረሳዕኩ።
- Psa. 118:142 ጽድቅከሰ ጽድቅ ዘለዓለም። ወቃልከኒ እሙን ውእቱ።
- Psa. 118:143 ሕማም ወምንዳቤ ረከበኒ። ወትእዛዝከሰ ተምሃርየ ውእቱ።
- Psa. 118:144 ጽድቅ ውእቱ ስምዕከ ለዓለም። ኣለብወኒ ወአሕይወኒ።
- Psa. 118:145 ጸራሕኩ በኩሉ ልብየ ስምዐኒ እግዚአ። ወኀሠሥኩ ኩነኔከ።
- Psa. 118:146 ጸራሕኩ ኀቤክ ስምዐኒ ወአድኅነኒ። ወእዕቀብ ስምዐከ።
- Psa. 118:147 በጻሕኩ ማእከለ አድባር ወከላሕኩ። እስመ ቃልከ ተሰፈውኩ።
- Psa. 118:148 በጽሓ አዕይንትየ ለገዱሥ። ከመ እንብብ ቃለከ።
- Psa. 118:149 ስማዕ እግዚአ ቃልየ በከመ ሣህልከ። ወአሕይወኒ በከመ ፍትሕከ።
- Psa. 118:150 ቀርቡ እለ ሮዱኒ በዐመፃ። ወእምሕግከሰ ርሕቁ።
- Psa. 118:151 ቅሩብ አንተ እግዚአ ወርቱዕ ኩሉ ፍናዊከ።
- Psa. 118:152 እምትካት አእመርኩ ስምዐከ። ከመ ለዓለም ሣረርኮን።
- Psa. 118:153 ርኢ ሕማምየ ወአድኅነኒ። እስመ ኢረሳዕኩ ሕገከ።
- Psa. 118:154 ፍታሕ ፍትሕየ ወባልሐኒ። ወበእንተ ቃልከ አሕይወኒ።
- Psa. 118:155 ርሑቅ ሕይወት እምኃጥአን። እስመ ኢኀሠሡ ኩነኔከ።
- Psa. 118:156 ብዙኀ ሣህልከ እግዚአ ፈድፋደ። ወአሕይወኒ በከመ ፍትሕከ።
- Psa. 118:157 ብዙኃን እለ ሮዱኒ ወአመንደቡኒ። ወኢተግሕሥኩ እምስምዕከ።
- Psa. 118:158 ርኢኩ ኣብዳነ ወተከዝከ። እስመ ኢዐቀቡ ቃለከ።
- Psa. 118:159 ርኢ ከመ አፍቀርኩ ትእዛዘከ። እግዚአ አሕይወኒ በሣህልከ።
- Psa. 118:160 ቀዳሜ ቃልከ ጽድቅ ውእቱ። ወለዓለም ኩሉ ኩነኔከ ጽድቅ።
- Psa. 118:161 መላእክት ሰደዱኒ በከንቱ። ወእምቃልከ ደንገፀኒ ልብየ።
- Psa. 118:162 ወበቃልከ ተፈሣሕኩ። ከመ ዘረከበ ምህርካ ብዙኀ።
- Psa. 118:163 ዐመፃ ጸላእኩ ወአስቈረርኩ። ወሕገከሰ አፍቀርኩ።
- Psa. 118:164 ስብዐ ለዕለትየ እሴብሐከ። በእንተ ኩነኔ ጽድቅከ።
- Psa. 118:165 ሰላም ብዙኀ ለእለ ያፈቅሩ ስመከ። ወአልቦሙ ዕቅፍት።
- Psa. 118:166 ተሰፈውኩ አድኅኖተከ እግዚአ። ወዐቀብኩ ትእዛዘከ።
- Psa. 118:167 ዐቀብት ነፍስየ ስምዐከ። ወአፍቀረቶ ፈድፋደ።
- Psa. 118:168 ዐቀብኩ ትእዛዘከ ወስምዐከኒ። እስመ ኩሉ ፍናውየ ቅድሜከ እግዚአ።
- Psa. 118:169 ለትቅረብ ስእለትየ ኀቤከ እግዚአ። ወበከመ ቃልከ ኣለብወኒ።
- Psa. 118:170 ትብጻሕ ኣስተብቀሥትየ ቅድሜከ እግዚአ። ወበከመ ቃልከ አድኅነኒ።
- Psa. 118:171 ጐሥዓ ከናፍርየ ስብሐቲከ። እስመ ምህርከኒ ኩነኔከ።
- Psa. 118:172 ነበበ ልሳንየ ቃለከ። እስመ ጽድቅ ኩሉ ትእዛዘከ።
- Psa. 118:173 ይኩነኒ የማንከ ከመ ያድኅነኒ። እስመ ትእዛዘከ አፍቀርኩ።
- Psa. 118:174 አፍቀርኩ አድኅኖተከ እግዚአ። ወሕግከሰ ተምሃርየ ውእቱ።
- Psa. 118:175 ትሕየወኒ ነፍስየ ወእሰብሕከ። ወይርድኣኒ ኩነኔ ዚኣከ።
- Psa. 118:176 ተረሳዕኩ ከመ በግዕ ዘተገድፈ። ኀሥሥ ለገብርከ እስመ ትእዛዘከ ኢረሳዕኩ።
- Psa. 119:1 ኀቤከ እግዚአ ጸራሕኩ ሶበ ተመንደብኩ ወስማዕከኒ።
- Psa. 119:2 እግዚአ አድኅኖ ለነፍስየ እምከናፍረ ዐመፃ። ወእምልሳን ጽልሑት።
- Psa. 119:3 ምንተ ይውህቡከ ወምንተ ይዌስኩከ በእንተ ከናፍረ ጐሕሉት።

- Psa. 119:4 አሕጻሁ ለጎያል ስሑል። ከመ አፍላመ ሐቅል።
- Psa. 119:5 ሰይ ልየ ዘርሕቀ ማኅደርየ። ወኅደርኩ ውስተ አዕጻዳት እለ ቄዳር።
- Psa. 119:6 ብዙኅ ተዐገሠት ነፍስየ። ምስለ እለ ይጸልኡ ሰላመ።
- Psa. 119:7 እንዘ ሰላማዊ አነ። ሶበ እትናገርሙ ይጸብኡኒ በከንቱ።
- Psa. 120:1 አንሣእኩ አዕይንትየ መንገለ አድባር። እምአይቴ ይምጻእ ረድኤትየ።
- Psa. 120:2 ረድኤትየሰ እምኅበ እግዚአብሔር። ዘገብረ ሰማየ ወምድረ።
- Psa. 120:3 ወኢይውህበን ሁከተ ለእገሪክ። ወኢይዴቅስ ዘየዐቅበክ።
- Psa. 120:4 ናሁ ኢይዴቅስ ወኢይነውም ዘየዐቅቦ እስራኤል።
- Psa. 120:5 እግዚአብሔር ይዕቀብክ ወእግዚአብሔር ይክድንክ በየማነ እዴሁ።
- Psa. 120:6 መዓልተ ፀሓይ ኢያውዒክ። ወኢ ወርኅ በሌሊት።
- Psa. 120:7 እግዚአብሔር ይዕቀብክ እምኸሉ እኩይ። ወይትማሐፀና ለነፍስክ እግዚአብሔር።
- Psa. 120:8 እግዚአብሔር ይዕቀብክ በንግደትክ ወበእትወትክ። እምይእዜ ወእስከ ለዓለም።
- Psa. 121:1 ተፈሣሕኩ እስመ ይቤሉኒ ቤተ እግዚአብሔር ነሐውር።
- Psa. 121:2 ወቆማ እገሪን ውስተ አዕጻድኪ ኢየሩሳሌም።
- Psa. 121:3 ኢየሩሳሌምስ ሕንጽት ከመ ሀገር። እለ ከማሃ ወኅቡረ ምስሌሃ።
- Psa. 121:4 እስመ ህየ ዐርጉ አሕዛብ። ሕዝበ እግዚአብሔር ስምዐ እስራኤል። ከመ ይግነዩ ለስምክ እግዚአ።
- Psa. 121:5 እስመ ህየ አንበሩ መናብርቲሆሙ ለኩንኖ። መናብርተ ቤተ ዳዊት።
- Psa. 121:6 ወተዘያነዉ ዳኅናሃ ለኢየሩሳሌም። ወፍሥሐሆሙ ለእለ ያፈቅሩ ስመክ።
- Psa. 121:7 ይኩን ሰላም በኅይልክ። ወትፍሥሕት ውስተ ማኅፈደ ክበዲክ።
- Psa. 121:8 በእንተ አኅውየ ወቢጽየ። ይትናገሩ ሰላመ በእንቲአኪ።
- Psa. 121:9 ወበእንተ ቤተ እግዚአብሔር አምላኪየ ኀሠሥኩ ሠናይተኪ።
- Psa. 122:1 ኀቤክ እግዚአ አንቃዕዶነ አዕይንተነ ዘትነብር ውስተ ሰማይ።
- Psa. 122:2 ናሁ ከመ አዕይንተ አግብርት ውስተ እደ አጋዕዝቲሆሙ። ወከመ ዐይነ አመት ውስተ እደ እግዝእታ። ከማሁ አዕይንቲነ ኀበ እግዚአብሔር አምላክነ እስከ አመ ይሣህለነ።
- Psa. 122:3 ተሣህለነ እግዚአ ተሣህለነ። እስመ ፈድፋደ ጸገብነ ጽዕለተ።
- Psa. 122:4 ወፈድፋደ ጸግበት ነፍስነ። ጽዕለተ ብዑላን ወኅሳረ ዕቡያን።
- Psa. 123:1 ሶበ አኮ እግዚአብሔር ምስሌነ።
- Psa. 123:2 ይብል እስራኤል ሶበ አኮ እግዚአብሔር ምስሌነ። እንተ ጊዜ ተንሥእ ሰብእ ሳዕሌነ።
- Psa. 123:3 አሕዛብ ሕያዋኒን እምውኅጡነ። በከመ አንሥኡ ቍጥዓ መዓቶሙ ላዕሌነ።
- Psa. 123:4 አሐዝብ በማይ እምአስጠሙነ። እምውሒዝ አምሠጠት ነፍስነ።
- Psa. 123:5 አምሠጠት ነፍስነ እማየ ሀከክ።
- Psa. 123:6 ይትባረክ እግዚአብሔር አምላክነ ዘኢያግብአነ ውስተ መሥገርተ ማዕገቶሙ።
- Psa. 123:7 ነፍስነሰ አምሠጠት ከመ ያፍ እመሥገርት ነፃዊት። መሥገርትሰ ተቀጥቀጠት ወንሕነሰ ድኅነ።
- Psa. 123:8 ረድኤትነሰ በስመ እግዚአብሔር። ዘገብረ ሰማየ ወምድረ።
- Psa. 124:1 እለ ተወከሉ በእግዚአብሔር ከመ ደብረ ጽዮን። ወኢይትሀወክ ለዓለም ዘየኅድር ውስተ ኢየሩሳሌም።
- Psa. 124:2 አድባር የዐውዳ ወእግዚአብሔር ይሜግብ ሕዝቦ። እምይእዜ ወእስከ ለዓለም።
- Psa. 124:3 እስመ ኢየኅድግ እግዚአብሔር በትረ ኃጥአን ዲበ መክፈልተ ጻድቃን። ከመ ኢያንሥኡ እደዊሆሙ ጻድቃን በዐመፃ።
- Psa. 124:4 አሠኒ እግዚአ ለኄራን ወለርቱዓነ ልብ።
- Psa. 124:5 ወእለሰ ይትመየጡ ውስተ ፀግ። ይወስዶሙ እግዚአብሔር ምስለ ገበርተ ዐመፃ። ሰላም ላዕለ እስራኤል።
- Psa. 125:1 አመ ሜጠ እግዚአብሔር ፂዋ ጽዮን ወኮነ ፍሡሓነ።
- Psa. 125:2 አሜሃ መልእ ፍሥሓ አፉነ። ወተሐሥየ ልሳንነ። አሜሃ ይቤሉ አሕዛብ። አዕበየ ገቢረ ሎሙ እግዚአብሔር።
- Psa. 125:3 ወኮነ ፍሡሓነ።
- Psa. 125:4 ሚጥ እግዚአ ፂዋነ። ከመ ውሒዝ ውስተ አዜብ።

- Psa. 125:5 እለ ይዘርዑ በአንብቦ ወበሐሣት የአርሩ።
- Psa. 125:6 ሶበሰ የሐውሩ ወፈሩ እንዘ ይበክዩ። ወጽሩ ዘርዖሙ። ወሶበ የአትዉ መጽኢ እንዘ ይትፌሥሑ። ወጽሩ ከላስስቲሆሙ።
- Psa. 126:1 እመ እግዚአብሔር ኢሐነጸ ቤተ። ከንቶ ይጸምዉ እለ የሐንጹ። እመ እግዚአብሔር ኢዐቀበ ሀገረ። ከንቶ ይተግሁ እለ ይኄልዉ።
- Psa. 126:2 ወከንቱ ገይሦትክሙ። ተንሥኡ እምድኅረ ነበርክሙ። እለ ትሴሰዩ እክለ ሕማም። ሶበ ይውህበሙ ንዋመ ለፍቁራኒሁ።
- Psa. 126:3 ናሁ ጸጋሁ ለእግዚአብሔር ውሉድ። ዕሴተ ፍሬሃ ለከርሥ።
- Psa. 126:4 ከመ አሕጻ ውስተ እደ ኀያል። ከማሁ ደቂቆሙ ለንጉፋን።
- Psa. 126:5 ብፁዕ ብእሲ ዘይፌጽም ፍትወቶ እምኔሆሙ። ወኢይትኅፈር ሶበ ይትናገሮሙ ለጸላእቱ በአናቅጽ።
- Psa. 127:1 ብፁዓን ኩሎሙ እለ ይፈርህዎ ለእግዚአብሔር። ወእለ የሐውሩ በፍናዊሁ።
- Psa. 127:2 ፍሬ ጻማከ ተሴሰይ። ብፁዕ አንተ ወሠናይ ለከ።
- Psa. 127:3 ብእሲትከ ከመ ወይን ስሙር ውስተ ጽርሐ ቤትከ። ወውሉድከ ከመ ተክለ ዘይት ሐዲስ ዐውደ ማእድከ።
- Psa. 127:4 ናሁ ከመ ዝ ይትባረክ ብእሲ ዘይፈርህ ለእግዚአብሔር።
- Psa. 127:5 ይባርክ እግዚአብሔር እምጽዮን። ወትሬኢ ሠናይታ ለኢየሩሳሌም። በኩሉ መዋዕለ ሕይወትከ።
- Psa. 127:6 ወትሬኢ ውሉደ ውሉድከ። ሰላም ላዕለ እስራኤል።
- Psa. 128:1 ዘልፈ ይጸብኡኒ እምንእስዮ።
- Psa. 128:2 ይብል እስራኤል ዘልፈ ይጸብኡኒ እምንእስዮ። ወባሕቱ ኢክህሉኒ።
- Psa. 128:3 ዲበ ዘባንዩ ዘበጡ ኃጥኣን። ወአስተርሐቅዋ ለኀጢአቶሙ።
- Psa. 128:4 እግዚአብሔር ጻድቅ ሰበረ አሕዳፊሆሙ ለኃጥኣን።
- Psa. 128:5 ይትኅፈሩ ወይግብኡ ድኅሬሆሙ። ኩሎሙ እለ ይጸልእዋ ለጽዮን።
- Psa. 128:6 ወይኩኑ ከመ ሣዕረ አንሕስት። ዘይየብስ ዘእንበለ ይምሐውዎ።
- Psa. 128:7 ወኢይመልእ እዴሁ ለዘየዐጽዶ። ወኢ ሕፅኖ ለዘያስተጋብእ ከላስስቲሁ።
- Psa. 128:8 ወኢይበሉ እለ የኀልፉ በረከተ እግዚአብሔር ምስሌን። ባረክናክሙ በስመ እግዚአብሔር።
- Psa. 129:1 እማዕምቅ ጸዋዕኩከ እግዚአ።
- Psa. 129:2 እግዚአ ስምዐኒ ቃልዩ። ወይኩን እዝንከ ዘያጸምዕ ቃለ ስእለትዮ።
- Psa. 129:3 እመሰ ኀጢአተኑ ትትዓቀብ። እግዚአ እግዚአ መኑ ይቀውም።
- Psa. 129:4 እስመ እምኀቤከ ውእቱ ሣህል።
- Psa. 129:5 በእንተ ስምከ ተሰፈውኩከ እግዚአ። ተዐገሠት ነፍስዮ በሕግከ።
- Psa. 129:6 ተወከለት ነፍስዮ በእግዚአብሔር። እምሰዓተ ጽባሕ እስከ ሌሊት።
- Psa. 129:7 እምሰዓተ ጽባሕ ተወከለ እስራኤል በእግዚአብሔር። እስመ እምኀበ እግዚአብሔር ሣህል። ወብዙኅ አድኅኖ በኀቤሁ።
- Psa. 129:8 ወውእቱ ያድኅኖ ለእስራኤል እምኩሉ ኀጢአቱ።
- Psa. 130:1 እግዚአ ኢይትዔበየኒ ልብዮ። ወኢይዛውዓ አዕይንትዮ። ወኢሐርኩ ምስለ ዐበይት። ወኢ ምስለ እለ ይከብሩ እምኔዮ።
- Psa. 130:2 ዘእንበለ ዘአትሐትኩ ርእስዮ። ወከላሕኩ በቃልዮ። ከመ ዘአኅደግዎ ጥበ እሙ። ከመ ትዕስያ ለነፍስዮ።
- Psa. 130:3 ተወከለ እስራኤል በእግዚአብሔር። እምይእዜ ወእስከ ለዓለም።
- Psa. 131:1 ተዘከሮ እግዚአ ለዳዊት ወለኩሉ የውሀቱ።
- Psa. 131:2 ዘከመ መሐለ እግዚአብሔር ወበፅዐ ለአምላክ ያዕቆብ።
- Psa. 131:3 ከመ ኢይበውእ ውስተ ጽላሎተ ቤትዮ። ወከመ ኢየዐርግ ውስተ ዐራተ ምስካብዮ።
- Psa. 131:4 ወከመ ኢይውህቦን ንዋመ ለአዕይንትዮ። ወኢ ድቃስ ለቀራንብትዮ። ወኢ ዕረፍተ ለመላትሕዮ።
- Psa. 131:5 እስከ እረከብ መካኖ ለእግዚአብሔር። ወማኅደሮ ለአምላክ ያዕቆብ።
- Psa. 131:6 ናሁ ሰማዕናሁ በኤፍራታ። ወረከብናሁ ውስተ ያመ ገዳም።

- Psa. 131:7 ንበውእ እንከሰ ውስተ አብያቲሁ ለእግዚአብሔር። ወንሰግድ ውስተ መካን ኅበ ቆመ እግረ እግዚእነ።
- Psa. 131:8 ተንሥእ እግዚአ ውስተ ዕረፍትከ። አንተ ወታቦተ መቅደስከ።
- Psa. 131:9 ካህናቲክ ይለብሱ ጽድቀ። ወጻድቃኒክ ትፍሥሕተ ይትፌሥሑ።
- Psa. 131:10 በእንተ ዳዊት ገብርከ። ወኢትሚጥ ገጸክ እመሲሕከ።
- Psa. 131:11 መሐለ እግዚአብሔር ለዳዊት በጽድቅ ወኢይኔስሕ። እስመ እምፍሬ ከርሥክ አነብር ዲበ መንበርከ።
- Psa. 131:12 ለእመ ዐቀቡ ደቂቅክ ሕግየ። ወሰምዑኒ ዘንተ ዘእሜህሮሙ። ወደቂቆሙኒ እስከ ለዓለም ይነብሩ ዲበ መንበርከ።
- Psa. 131:13 እስመ ኅረያ እግዚአብሔር ለጽዮን። ወአብደራ ከመ ትኩኖ ማኅደሮ።
- Psa. 131:14 ዛቲ ይእቲ ምዕራፍየ ለዓለም። ዝየ አኅደር እስመ ኅረይክዋ።
- Psa. 131:15 ለዕቤራቲሃኒ ባርኮ እባርኮን። ወለነዳያኒሃኒ አጸግቦሙ እክለ።
- Psa. 131:16 ወለካህናቲሃኒ አለብሶሙ ሕይወተ። ወጻድቃኒሃኒ ትፍሥሕተ ይትፌሥሑ።
- Psa. 131:17 ወበህየ አበቀል ቀርነ ለዳዊት። ወአስተዴሉ ማኅቶተ ለመሲሕየ። ወአለብሶሙ ኅፍረተ ለጸላእቱ። ወቦቱ ይፈሪ ቅድሳትየ።
- Psa. 132:1 ናሁ ሠናይ ወናሁ አዳም። ሶበ ይሄልዉ አኅው ኅበረ።
- Psa. 132:2 ከመ ዕፍረት ዘይውሕዝ እምርእሱ እስከ ጽሕሙ። ጽሕሙ ለአሮን ዘይወርድ ዲበ ኅባኔ መልበሱ።
- Psa. 132:3 ወከመ ጠለ አርሞንኤም ዘይወርድ ዲበ አድባረ ጽዮን። እስመ ህየ አዘዘ እግዚአብሔር በረከቶ። ወሕይወተ እምይእዜ ወእስከ ለዓለም።
- Psa. 133:1 ናሁ ይባርክዎ ለእግዚአብሔር። ኩሎሙ አግብርተ እግዚአብሔር። እለ ይቀውሙ ውስተ ቤተ እግዚአብሔር። ውስተ ዐጸደ ቤተ አምላክነ።
- Psa. 133:2 በሌሊት አንሥኡ እደዊክሙ በቤተ መቅደስ። ወባርክዎ ለእግዚአብሔር።
- Psa. 133:3 ይባርክ እግዚአብሔር እምጽዮን። ዘገብረ ሰማየ ወምድረ።
- Psa. 134:1 ሰብሑ ለስመ እግዚአብሔር። ሰብሕዎ አግብርቲሁ ለእግዚአብሔር።
- Psa. 134:2 እለ ይቀውሙ ውስተ ቤተ እግዚአብሔር። ውስተ ዐጸደ ቤተ አምላክነ።
- Psa. 134:3 ሰብሕዎ ለእግዚአብሔር እስመ ኄር እግዚአብሔር። ወዘምሩ ለስሙ እስመ ሠናይ።
- Psa. 134:4 እስመ ለያዕቆብ ኅረዮ እግዚአብሔር። ወለእስራኤልኒ ሎቱ ለርስቱ።
- Psa. 134:5 እስመ አነ አእመርኩ ከመ ዐቢይ እግዚአብሔር። ወአምላክነሂ እምኩሉ አማልክት።
- Psa. 134:6 ኩሎ ዘፈቀደ ገብረ እግዚአብሔር። በሰማይኒ ወበምድርኒ። በባሕርኒ ወበኩሉ ቀላያት።
- Psa. 134:7 ያዐርግ ደመናተ እምአጽናፈ ምድር። ወገብረ መብረቀ ለጊዜ ዝናም። ዘያወፅአሙ ለነፋሳት እመዛግብቲሆሙ።
- Psa. 134:8 ዘቀተለ ኩሎ በኩሮሙ ለግብጽ። እምሰብእ ወእስከ እንስሳ።
- Psa. 134:9 ፈነወ ተአምረ ወመንክረ ማእከሌኪ ግብጽ። ላዕለ ፈርዖን ወላዕለ አግብርቲሁ።
- Psa. 134:10 ዘቀተለ አሕዛብ ብዙኃነ። ወቀተለ ነገሥተ ጽኑዓነ።
- Psa. 134:11 ለሴዎን ንጉሠ አሞሬዎን። ወለዐግ ንጉሠ ባሳን። ወለኩሎሙ ነገሥተ ከነዓን።
- Psa. 134:12 ወወሀበ ምድሮሙ ርስተ። ርስተ እስራኤል ገብሩ።
- Psa. 134:13 ስምክ እግዚአ ለዓለመ ዓለም። ወዝክርክኒ ለትውልደ ትውልድ።
- Psa. 134:14 እስመ ይኤንን እግዚአብሔር ሕዝቦ። ወይትናበብ በእንተ አግብርቲሁ።
- Psa. 134:15 አማልክቲሆሙ ለአሕዛብ ዘወርቅ ወዘብሩር። ግብረ እደ ዕጓለ እመሕያው።
- Psa. 134:16 አፍ ቦሙ ወኢይነቡ። ዐይን ቦሙ ወኢይሬእዩ።
- Psa. 134:17 እዝን ቦሙ ወኢይሰምዑ። አንፍ ቦሙ ወኢይዴንዉ። እድ ቦሙ ወኢይገሱ። እግር ቦሙ ወኢየሐውሩ። ወኢይነቡ በጐራዒቶሙ። ወአልቦ መንፈስ ውስተ አፉሆሙ።
- Psa. 134:18 ከማሆሙ ለይኩኑ ኩሎሙ እለ ገብርዎሙ። ወኩሎሙ እለ ይትአመኑ ቦሙ።
- Psa. 134:19 ቤተ እስራኤል ባርክዎ ለእግዚአብሔር። ቤተ አሮን ባርክዎ ለእግዚአብሔር።
- Psa. 134:20 ቤተ ሌዊ ባርክዎ ለእግዚአብሔር። እለ ትፈርህዎ ለእግዚአብሔር ባርክዎ ለእግዚአብሔር።
- Psa. 134:21 ቡሩክ እግዚአብሔር በጽዮን። ዘየኅድር ውስተ ኢየሩሳሌም።

- Psa. 135:1 ግነዩ ለእግዚአብሔር እስመ ኄር። እስመ ለዓለም ምሕረቱ።
- Psa. 135:2 ግነዩ ለአምላክ አማልክት። እስመ ለዓለም ምሕረቱ።
- Psa. 135:3 ግነዩ ለእግዚአ ኢጋዕዝት። እስመ ለዓለም ምሕረቱ።
- Psa. 135:4 ዘገብረ ዐቢዩ ወመንክረ ባሕቲቱ። እስመ ለዓለም ምሕረቱ።
- Psa. 135:5 ዘገብረ ሰማያተ በጥበቡ። እስመ ለዓለም ምሕረቱ።
- Psa. 135:6 ዘአጽንዓ ለምድር ዲበ ማይ። እስመ ለዓለም ምሕረቱ።
- Psa. 135:7 ዘገብረ ብርሃናተ ዐበይተ ባሕቲቱ። እስመ ለዓለም ምሕረቱ።
- Psa. 135:8 ለፀሓይ ዘአኩነኖ መዓልተ። እስመ ለዓለም ምሕረቱ።
- Psa. 135:9 ለወርሃ ወለከዋክብት ዘአኩነኖሙ ሌሊተ። እስመ ለዓለም ምሕረቱ።
- Psa. 135:10 ዘቀተሎሙ ለግብጽ ምስለ በኩሮሙ። እስመ ለዓለም ምሕረቱ።
- Psa. 135:11 ወአውፅአሙ ለእስራኤል እማእከሎሙ። እስመ ለዓለም ምሕረቱ።
- Psa. 135:12 በእድ ጽንዕት ወበመዝራዕት ልዕልት። እስመ ለዓለም ምሕረቱ።
- Psa. 135:13 ዘነፈቃ ለባሕረ ኤርትራ ወከፈላ። እስመ ለዓለም ምሕረቱ።
- Psa. 135:14 ወአውፅአሙ ለእስራኤል እንተ ማእከላ። እስመ ለዓለም ምሕረቱ።
- Psa. 135:15 ዘነፅኖ ለፈርዖን ወለኅይሉ ውስተ ባሕረ ኤርትራ። እስመ ለዓለም ምሕረቱ።
- Psa. 135:16 ዘአውፅአሙ ለሕዝቡ ውስተ ገዳም። እስመ ለዓለም ምሕረቱ።
- Psa. 135:17 ዘአውፅአ ማየ እምኩኩሕ። እስመ ለዓለም ምሕረቱ።
- Psa. 135:18 ዘቀተለ ነገሥተ ዐበይተ። እስመ ለዓለም ምሕረቱ።
- Psa. 135:19 ወቀተለ ነገሥተ ጽኑዓነ። እስመ ለዓለም ምሕረቱ።
- Psa. 135:20 ለሴዎን ንጉሠ አሞሬዎን። እስመ ለዓለም ምሕረቱ።
- Psa. 135:21 ወለዐግ ንጉሠ ባሳን። እስመ ለዓለም ምሕረቱ።
- Psa. 135:22 ወወሀበ ምድሮሙ ርስተ። እስመ ለዓለም ምሕረቱ።
- Psa. 135:23 ርስተ እስራኤል ገብሩ። እስመ ለዓለም ምሕረቱ።
- Psa. 135:24 እስመ ተዘክረነ እግዚአብሔር በሕማምነ። እስመ ለዓለም ምሕረቱ።
- Psa. 135:25 ወአድኅነን እምእደ ፀርነ። እስመ ለዓለም ምሕረቱ።
- Psa. 135:26 ዘይውህብ ሲሳየ ለኩሉ ዘሥጋ። እስመ ለዓለም ምሕረቱ።
- Psa. 135:27 ግነዩ ለአምላክ ሰማይ። እስመ ለዓለም ምሕረቱ።
- Psa. 136:1 ውስት አፍላገ ባቢሎን ህየ ነበርነ። ወበከይነ ሶበ ተዘክርናሃ ለጽዮን።
- Psa. 136:2 ውስተ ኩሐቲሃ ሰቀልነ እንዚራቲነ።
- Psa. 136:3 እስመ በህየ ተስእሉነ እለ ዪወዉነ ነገረ ማሕሌት። ወእለሂ ይወስዱነ ይቤሉነ ሕልዩ ለነ እመሓልዩሃ ለጽዮን።
- Psa. 136:4 እፎ ነሐሊ ማሕሌተ እግዚአብሔር በምድር ነኪር።
- Psa. 136:5 እመሰ ረሳዕኩኪ ኢየሩሳሌም ለትርስዐኒ የማንየ።
- Psa. 136:6 ወይጥጋዕ ልሳንየ በጉርዔየ ለእመ ኢተዘክርኩኪ። ወለእመ ኢበዓዕኩ ለኢየሩሳሌም በቀዳሚ ትፍሥሕትየ።
- Psa. 136:7 ተዘክሮሙ እግዚአ ለደቂቀ ኤዶም በዕለተ ኢየሩሳሌም። እለ ይብሉ ተክዕወ ወተሰውጠ እስከ መሠረታቲሃ።
- Psa. 136:8 ወለተ ባቢሎን ኅስርት። ብፁዕ ዘይትቤቀለኪ በቀለ ተበቀልክነ።
- Psa. 136:9 ብፁዕ ዘይእኅዞሙ ለደቂቅኪ ወይነፅኖሙ ውስተ ኩኩሕ።
- Psa. 137:1 እገኒ ለከ እግዚአ በኩሉ ልብየ። እስመ ሰማዕከኒ ኩሎ ቃለ አፉየ። በቅድመ መላእክቲከ እዜምር ለከ።
- Psa. 137:2 ወእሰግድ ውስተ ጽርሐ መቅደስከ። ወእገኒ ለስምከ። በምሕረትከ ወበጽድቅከ። እስመ አዕበይከ ዲበ ኩሉ ስመከ ቅዱሰ።
- Psa. 137:3 አመ ዕለተ እጼውዐከ ፍጡነ ስምዐኒ። ብዙኅ አጽናዕካ ለነፍስየ በኅይልከ።
- Psa. 137:4 ይገንዩ ለከ እግዚአ ኩሎሙ ነገሥተ ምድር። እስመ ሰምዑ ኩሎ ቃለ አፉከ።
- Psa. 137:5 ወየሐልዩ በስብሐተ እግዚአብሔር። እስመ ዐቢይ ግብረ እግዚአብሔር።

- Psa. 137:6 እስመ ልዑል እግዚአብሔር ወይሬኢ ዘበታሕቱ። ወለነዋኅኒ እምርሑቅ የአምሮ።
- Psa. 137:7 እመኒ ሐርኩ ማእከለ ምንዳቤ አንተ ታሐይወኒ። ዲበ መዓተ አሕዛብ ሰፋሕክ እደውየ። ወአድኅኅኒ የማንከ። ወእግዚአብሔር ይትቤቀል ሊተ።
- Psa. 137:8 እግዚአ ሣህልክ ለዓለም። እግዚአ ተግባረ እደዊክ ኢትትሀየይ።
- Psa. 138:1 እግዚአ አመክርከኒ ወእመርከኒ።
- Psa. 138:2 አንተ ተአምር ንብረትየ ወተንሥኦትየ። ወአንተ ተአምር ኩሎ ኅሊና ልብየ እምርሑቅ።
- Psa. 138:3 ፍኖትየ ወአሠርየ አንተ ቀዳዕከ። ወኩሎ ፍናውየ አንተ አቅደምክ አእምሮ።
- Psa. 138:4 ከመ አልቦ ቃለ ዐመፃ ውስተ ልሳንየ።
- Psa. 138:5 ናሁ አንተ እግዚአ አእመርከ ኩሎ ዘቀዳሚ ወዘደኃሪ። አንተ ፈጠርከኒ ወወደይክ እዴክ ላዕሌየ።
- Psa. 138:6 ተነክረ አእምሮትክ በላዕሌየ። ጸንዐተኒ ወኢይክል ምስሌሃ።
- Psa. 138:7 አይቴኑ አሐውር እመንፈስከ። ወአይቴ እጐይይ እምቅድመ ገጽከ።
- Psa. 138:8 እመኒ ዐረጉ ውስተ ሰማይ ህየኒ አንተ። ወእመኒ ወረድኩ ውስተ ቀላይ ህየኒ ሀሎከ።
- Psa. 138:9 ወእመኒ ነሣእኩ ክንፈ ከመ ንስር። ወሰረርኩ እስከ ማኅለቅተ ባሕር።
- Psa. 138:10 ህየኒ እዴክ ትመርሐኒ። ወታነብረኒ የማንከ።
- Psa. 138:11 ወእቤ ጽልመትኑ እንጋ ኬደኒ። ወሌሊትኒ ብሩህ ውስተ ትፍሥሕትየ።
- Psa. 138:12 እስመ ጽልመትኒ ኢይጸልም በኅቤከ። ወሌሊትኒ ብሩህ ከመ መዓልት። በአምጣኒ ጽልመታ ከማሁ ብርሃና።
- Psa. 138:13 እስመ አንተ ፈጠርክ ኩልያትየ እግዚአ። ወተወከፍከኒ ከመ አእምሮ።
- Psa. 138:14 እንኒ ለከ እግዚአ እስመ ግሩመ ተሰባሕከ። መንክር ግብርክ ወነፍስየ ትጤይቆ ጥቀ።
- Psa. 138:15 ወኢይትኅባእ እምኔክ አዕፅምትየ ዘገበርኩ በኅቡእ። ወኢ አካልየ በመትሕተ ምድር።
- Psa. 138:16 ወዘሂ ገበርኩ ርእያ አዕይንቲከ። ወኩሎ ይጸሐፍ ውስተ መጽሐፍከ። መዓልተ ይትፈጠሩ ወኢይሄሉ እንከ አሐዱ እምኔሆሙ።
- Psa. 138:17 ወበኅቤየሰ ፈድፋድ ክቡራን አዕርክቲክ እግዚአ። ወፈድፋድ ጸንዐ እምቀደምቶሙ።
- Psa. 138:18 እኃልቆሙ እምኖጻ ይበዝኑ። ተንሣእኩሂ ወዳዲ ሀሎኩ ምስሌከ።
- Psa. 138:19 እመሰ ቀተልኩሙ ለኃጥአን እግዚአ። ዕድወ ደም ተገሐሡ እምኔየ።
- Psa. 138:20 እስመ ይዜኅሩ በኅሊናሆሙ። ወይነሥእዎን ለአህጉሪክ በከንቱ።
- Psa. 138:21 አኮኑ ጸላእተክ ጸላእኩ እግዚአ። ወተመንሰውኩ በእንተ ፀርከ።
- Psa. 138:22 ፍጹመ ጽልክ ጸላእክዎሙ። ወኮኑኒ ፀርየ።
- Psa. 138:23 ፍትኅኒ እግዚአ ወአመክር ልብየ። አመክረኒ ወርኢ ፍናውየ።
- Psa. 138:24 ወርኢ እመ ተረክበ ዐመፃ በላዕሌየ። ወምርሐኒ ፍኖተ ዘለዓለም።
- Psa. 139:1 አድኅኅኒ እግዚአ እምብእሲ እኩይ። ወእምሰብእ ዐማፂ ባልሐኒ።
- Psa. 139:2 እለ ዐመፃ መከሩ በልቦሙ። ኩሎ አሚረ ይረውዱኒ ይቅትሉኒ።
- Psa. 139:3 ወአብልኩ ልሳኖሙ ከመ አርጌ ምድር። ሕምዘ አርጌ ምድር ታሕተ ከናፍሪሆሙ።
- Psa. 139:4 ዕቀበኒ እግዚአ እምእደ ኃጥአን። ወእምብእሲ ዐማፂ አድኅኅኒ። እለ መከሩ ያዕቅጹ መከየድየ።
- Psa. 139:5 ወኅብኡ ሊተ መሥገርተ ዕቡያን። ወሰተሩ አሕባለ መሣግር ለእገርየ። ወአንበሩ ዕቅፍተ ውስተ ፍኖትየ።
- Psa. 139:6 ወእቤሎ ለእግዚአብሔር አምላኪየ አንተ። ወአጽምዐኒ ቃለ ስእለትየ።
- Psa. 139:7 እግዚአ እግዚአ ኅይለ መድኅኒትየ። ሰወርከኒ በዕለተ ቀትል መልዕልተ ርእስየ።
- Psa. 139:8 ኢትመጥወኒ እግዚአ እምፍትወትየ ለኃጥአን። ተማከሩ ላዕሌየ ወኢትኅድገኒ ከመ ኢይዘኅሩ።
- Psa. 139:9 ርእሰ ማዕገቶሙ ወጸማ ከናፍሪሆሙ ይድፍኖሙ።
- Psa. 139:10 ወይደቅ ላዕሌሆሙ አፍሐመ እሳት። ወትንፅኖሙ ውስተ ምድር። በምንዳቤ ከመ ኢይክሀሉ ቀዊመ።
- Psa. 139:11 ብእሲ ነባቢ ኢያረትዕ በዲበ ምድር። ወለብእሲ ዐማፂ ትንዕዎ እኪት ለአማስኖ።
- Psa. 139:12 አእመርኩ ከመ ይገብር እግዚአብሔር ኩነኔ ለነዳያን ወፍትሐ ለምስኪናን።
- Psa. 139:13 ወባሕቱ ጸድቃን ይገንዩ ለስምከ። ወይነብሩ ራትዓን ቅድመ ገጽከ።
- Psa. 140:1 እግዚአ ጸራሕኩ ኅቤከ ስምዐኒ። ወአጽምዕ ቃለ ስእለትየ ዘጸራሕኩ ኅቤከ።
- Psa. 140:2 ተወከፈኒ ጸሎትየ ከመ ዕጣን በቅድሜከ። አንሥኦ እደውየ መሥዋዕተ ሠርከ።

- Psa. 140:3 ሢረም እግዚአብሔር ወሳግዶ ዘወትረኝ ለክፍርና።
- Psa. 140:4 ኢትሚጦ ለልብዩ ውስተ ነገር እኩይ። ለአመክንዮ ምክንያት ለኅጢአት። ምስለ ሰብእ ገበርተ ዐመፃ። ወኢይትኃበር ምስለ ኅሩያኒሆሙ።
- Psa. 140:5 ገሥጸኒ በጽድቅ ወተዛለፈኒ በምሕረት። ወቅብዐ ኃጥኣንሰ ኢይትቀባዕ ርእሰየ። እስመ ዓጂ ጸሎትየኒ ከመ ኢትሃህሎሙ።
- Psa. 140:6 ተስጥሙ በጥቃ ኩኩሕ ጽኑዓኒሆሙ። ሰምዑኒ ቃልየ እስመ ተክህለኒ።
- Psa. 140:7 ከመ ግዝፈ ምድር ተሠጥቄ በዲበ ምድር። ወተዘርወ አዕፅምቲሆሙ በኅበ ሲኦል።
- Psa. 140:8 እስመ ኅቤክ እግዚአብሔር አዕይንትየ። ብከ ተወክልኩ ኢታውፅኦ ለነፍስየ።
- Psa. 140:9 ዕቀብኒ እመሥገርት እንተ ኅብኡ ሊተ። ወእማዕቅፎሙ ለገበርተ ዐመፃ።
- Psa. 140:10 ለይደቄ ውስተ መሥገርቶሙ ኃጥኣን። እስመ አኅልፍ ኣነ ባሕቲትየ።
- Psa. 141:1 ቃልየ ኅበ እግዚአብሔር ጸራሕኩ። ቃልየ ኅበ እግዚአብሔር ሰኦልኩ።
- Psa. 141:2 ወእክዑ ቅድሜሁ ስእለትየ። ወእነግር ቅድሜሁ ሕማምየ።
- Psa. 141:3 ሶበ ተኅልቅ ነፍስየ በላዕሌየ። አንተ እግዚአብሔር ፍኖትየ። በዛቲ ፍኖት እንተ ሖርኩ ኅብኡ ሊተ መሥገርተ።
- Psa. 141:4 ወተመየጥኩ መንገለ የማንየ ወርኢኩ። ወኅጣእኩ ዘየአምረኒ። ወኅበሂ አመሥጥ አልብየ። ወአልቦ ዘይትኅሠሥ በእንተ ነፍስየ።
- Psa. 141:5 ኅቤክ እግዚአብሔር ጸራሕኩ ወእቤለከ አንተ ተስፋየ። ወአንተ መክፈልትየ በምድረ ሕያዋን።
- Psa. 141:6 ነጽር ስእለትየ እስመ ሐመምኩ ፈድፋድ። አድኅኒኒ እምእለ ሮዱኒ እስመ ይኼይሉኒ።
- Psa. 141:7 ወአውፅኦ እሞቅሕ ለነፍስየ። ከመ እግንይ ለስምክ እግዚአብሔር ኪያየ ይጸንሑ ጸድቃን እስከ ሶበ ተዐስየኒ።
- Psa. 142:1 እግዚአብሔር ስምዐኒ ጸሎትየ። ወአጽምዐኒ ስእለትየ በጽድቅክ። ወስምዐኒ በርትዕክ።
- Psa. 142:2 ወኢትባእ ውስተ ቅሥት ምስለ ገብርክ። እስመ ኢይጸድቅ ኩሉ ሕያው በቅድሜክ።
- Psa. 142:3 እስመ ሮዳ ጸላኢ ለነፍስየ። ወአኅሰራ ውስተ ምድር ሕይወትየ። ወአንበሩኒ ውስተ ጽልመት ከመ ምዉተ ትካት።
- Psa. 142:4 ወቀብጸተኒ ነፍስየ በላዕሌየ። ወደንገፀኒ ልብየ በውስጥየ።
- Psa. 142:5 ተዘከርኩ መዋዕለ ትካት። ወአንበብኩ በኩሉ ግብርክ። ወኣነብብ ግብረ እደዊክ።
- Psa. 142:6 ወአንግእኩ እደውየ ኅቤክ። ነፍስየኒ ከመ ምድረ በድው ጸምአተክ።
- Psa. 142:7 ፍጡኅ ስምዐኒ እግዚአብሔር ኅለፈት ነፍስየ። ወኢትሚጥ ገጸክ እምኔየ። ወኢይኩን ከመ እለ ይወርዱ ውስተ ዐዘቅት።
- Psa. 142:8 ዘይሰማዕ ግበር ሊተ ምሕረተክ በጽባሕ። እስመ ኪያክ ተወክልኩ እግዚአብሔር ምርሐኒ እግዚአብሔር ፍኖተ እንተ ባቲ አሐውር። እስመ ኅቤክ አንቃዕዶኩ ነፍስየ።
- Psa. 142:9 አድኅኒኒ እግዚአብሔር እምፀርየ። እስመ ኅቤክ ተማሕፀንኩ።
- Psa. 142:10 ምህረኒ እግዚአብሔር ለገቢረ ፈቃድክ እስመ አምላኪየ አንተ። ወመንፈስክ ቅዱስ ይምርሐኒ በምድረ ጽድቅ።
- Psa. 142:11 በእንተ ስምክ እግዚአብሔር አሕይወኒ በጽድቅክ። ወአውፅኦ እምንዳቤሃ ለነፍስየ።
- Psa. 142:12 ወበሥምረትክ ሠርዎሙ ለፀርየ። ወታጠፍኦሙ ለኩሎሙ እለ ያሐምምየ ለነፍስየ። እስመ ኣነ ገብርክ።
- Psa. 143:1 ይትባረክ እግዚአብሔር አምላኪየ። ዘመሀሮን ጸብኦ ለእደውየ። ወቀትለ ለአጸብዕየ።
- Psa. 143:2 መሓሪየ ወጸወንየ። ምስካይየ ወመድኅኒየ። ምእመንየ ወኪያሁ ተወክልኩ። ዘያገርር ሊተ አሕዛብ በመትሕቴየ።
- Psa. 143:3 እግዚአብሔር ምንትኑ ውእቱ ሰብእ ከመ ታስተርኢ ሎቱ። ዕጓለ እመሕያውሰ ዘተሐስቦ።
- Psa. 143:4 ሰብእስ ከንቶ ይመስል። ወመዋዕሊሁኒ ከመ ጽላሎት የኅልፍ።
- Psa. 143:5 እግዚአብሔር አጽንን ሰማያቲክ ወረድ። ግስሶሙ ለአድባር ወይጠይሱ።
- Psa. 143:6 አብርቅ መባርቅቲክ ወዝርዎሙ። ፈኑ አሕጻክ ወሁኮሙ።
- Psa. 143:7 ፈኑ እዴክ እምአርያም። አድኅኒኒ ወባልሐኒ እማይ ብዙኅ። ወእምእዴሆሙ ለደቂቀ ነኪር።
- Psa. 143:8 እለ ከንቶ ነበበ አፉሆሙ። ወየማኖሙኒ የማነ ዐመፃ።
- Psa. 143:9 እግዚአብሔር ስብሐተ ሐዲሰ እሴብሐክ። ወበመዝሙር ዘዐሠርቱ አውታሪሁ እዜምር ለክ።

- Psa. 143:10 ዘይውህበሙ ለነገሥት መድኅኒተ። ዘኣድኅኖ ለዳዊት ገብሩ እምኩናት እኪት።
- Psa. 143:11 ኣድኅነኒ ወባልሐኒ እምእዴሆሙ ለደቂቀ ነኪር። እለ ከንቶ ነበበ ኣፋሆሙ። ወየማኖሙኒ የማነ ዐመፃ።
- Psa. 143:12 እለ ደቂቆሙ ከመ ተክለ ዘይት ሐዲስ ጽኑዓን በውርዙቶሙ። ወአዋልዲሆሙኒ ርሱያት። ወስርግዋት ከመ እንተ ጽርሕ።
- Psa. 143:13 ወአብያቲሆሙኒ ምሉእ። ወይሰወጥ እምዝ ውስተ ዝ። ወአባግዲሆሙኒ ብዙኅ ይትዋለዳ። ወይትባዝኃ በሙፋሪሆን።
- Psa. 143:14 ወአልሕምቲሆሙኒ ሥቡሕ። ወአልቦ ድቀት ለቅጽሮሙ። ወአልቦ እንተ ኀበ ይበውእዎሙ። ወአልቦ ዐውያት ውስተ ሀገሮሙ።
- Psa. 143:15 ኣስተብፅዕም ለዘከመ ዝ ሕዝብ። ብፁዕ ሕዝብ ዘእግዚአብሔር ኣምላኩ።
- Psa. 144:1 ኣሌዕለክ ንጉሥየ ወኣምላኪየ። ወእባርክ ለስምክ። ለዓለም ወለዓለመ ዓለም።
- Psa. 144:2 ኩሎ ኣሚረ እባርክክ። ወእሴብሕ ለስምክ። ለዓለም ወለዓለመ ዓለም።
- Psa. 144:3 ዐቢይ እግዚአብሔር ወብዙኅ ኣኩቴቱ። ወአልቦ ጽንፍ ለዕበየ ዚኣሁ።
- Psa. 144:4 ትውልደ ትውልድ ይንእዱ ምግባርክ። ወይዜንዉ ኀይለክ።
- Psa. 144:5 ወይነግሩ ዕበየ ክብረ ስብሐተ ቅድሳቲክ። ወያየድዑ መንክረክ።
- Psa. 144:6 ወይብሉ ግሩም ኀይለክ። ወይነግሩ ኀይለ ግርማክ። ወያየድዑ ጽንዐክ።
- Psa. 144:7 ወይጐሥዑ ተዝካረ ብዝኅ ምሕረትክ። ወይትሐሠዩ በጽድቅክ።
- Psa. 144:8 መሓሪ ወመስተሣህል እግዚአብሔር። ርሐቀ መዓት ወብዙኅ ምሕረት ወጻድቅ።
- Psa. 144:9 ኄር እግዚአብሔር ለእለ ይትዔገሥዎ። ወሣህሉ ላዕለ ኩሉ ተግባሩ።
- Psa. 144:10 ይገንዩ ለክ እግዚአብሔር ተግባርክ። ይባርኩክ ጻድቃኒክ።
- Psa. 144:11 ስብሐት ይብሉ ለመንግሥትክ። ወይነግሩ ኀይለክ።
- Psa. 144:12 ከመ ይንግርዎሙ ለዕጻለ እመሕያው ኀይለክ። ወዕበየ ክብረ ስብሐተ መንግሥትክ።
- Psa. 144:13 መንግሥትክስ መንግሥት ዘለኩሉ ዓለም። ወምኩናኒከኒ ለትውልደ ትውልድ። ምእመን እግዚአብሔር በኩሉ ቃሉ። ወጻድቅ በኩሉ ምግባሩ።
- Psa. 144:14 ይሰውቆሙ እግዚአብሔር ለእለ ተንተኑ። ያነሥኦሙ እግዚአብሔር ለእለ ወድቁ።
- Psa. 144:15 ዐይነ ኩሉ ነፍስ ይሴፎ ኪያክ። ኣንተ ትውህቦሙ ሲሳዮሙ በጊዜሁ።
- Psa. 144:16 ትሰፍሕ የማነከ ወታጸግብ ለኩሉ እንስሳ ዘበሥርዐትክ።
- Psa. 144:17 ጻድቅ እግዚአብሔር በኩሉ ፍናዊሁ። ውኄር በኩሉ ምግባሩ።
- Psa. 144:18 ቅሩብ እግዚአብሔር ለኩሎሙ እለ ይጸውዕዎ። ወለኩሎሙ ለእለ ይጸውዕዎ በጽድቅ።
- Psa. 144:19 ይገብር ፈቃድሙ ለእለ ይፈርህዎ። ይሰምዖሙ ጸሎቶሙ ወያድኅኖሙ።
- Psa. 144:20 የዐቅቦሙ እግዚአብሔር ለኩሎሙ እለ ይፈርህዎ። ወይሄርዎሙ ለኩሎሙ ኃጥኣን።
- Psa. 144:21 ስብሐተ እግዚአብሔር ይነግር ኣፋየ። ወኩሉ ዘሥጋ ይባርክ ለስሙ ቅዱስ። ለዓለም ወለዓለመ ዓለም።
- Psa. 145:1 ተኣኩቶ ነፍስየ ለእግዚአብሔር።
- Psa. 145:2 እሴብሐ ለእግዚአብሔር በሕይወትየ። ወእዜምር ለኣምላኪየ በኣምግነ ሀሎኩ።
- Psa. 145:3 ኢትትኣመኑ በመላእክት። ወኢ በዕጻለ እመሕያው እለ ኢይክሉ ኣድኅኖ።
- Psa. 145:4 ትወፅእ ነፍሶሙ ወይገብኡ ውስተ መሬቶሙ። ውእተ ኣሚረ ይጠፍእ ኩሉ ምክሮሙ።
- Psa. 145:5 ብፁዕ ብእሲ ዘኣምላክ ያዕቆብ ረዳኢሁ። ወትውክልቱኒ ላዕለ እግዚአብሔር ኣምላኩ።
- Psa. 145:6 ዘገብረ ሰማየ ወምድረ ወባሕረ ወኩሎ ዘውስቴታ። ዘየዐቅባ ለጽድቅ ዘለዓለም።
- Psa. 145:7 ወይፈትሕ ሎሙ ለግፉዓን። ዘይውህቦሙ ሲሳዮሙ ለርኅባን። እግዚአብሔር ይፈትሐሙ ለሙቁኣን። እግዚአብሔር ያነሥኦሙ ለእለ ወድቁ።
- Psa. 145:8 እግዚአብሔር ያጠብቦሙ ለዕዉራን። እግዚአብሔር ያፈቅሮሙ ለጻድቃን።
- Psa. 145:9 እግዚአብሔር የዐቅቦሙ ለፈላስያን። ወይትዌከፎሙ ለዕቤራት ወለዕጻለ ማውታ። ወያማስን ፍናተ ኃጥኣን።
- Psa. 145:10 ይነግሥ እግዚአብሔር ለዓለመ ዓለም። ኣምላክኪ ጽዮን ለትውልደ ትውልድ።
- Psa. 146:1 ሰብሕዎ ለእግዚአብሔር እስመ ሠናይ መዝሙር። ወለኣምላክነ ሐዋዝ ሰብሐ።
- Psa. 146:2 የሐንጻ እግዚአብሔር ለኢየሩሳሌም። ወያስተጋብእ ዝርወቶሙ ለእስራኤል።

- Psa. 146:3 ዘይፈውሶሙ ለቅሱላነ ልብ። ወያፀምም ሎሙ ቅስሎሙ።
- Psa. 146:4 ዘይጅልቆሙ ለከዋክብት በምልአሙ። ወይጼውዖሙ ለኩሎሙ በበ አስማቲሆሙ።
- Psa. 146:5 ዐቢይ እግዚአብሔር ወዐቢይ ኀይሉ። ወአልቦ ኅልቀኑ ለጥበቢሁ።
- Psa. 146:6 ያነሥአሙ እግዚአብሔር ለየዋሃን። ወያኅስሮሙ ለጋጥኢን እስከ ምድር።
- Psa. 146:7 ሰብሕዎ ለእግዚአብሔር በአሚን። ወዘምሩ ለአምላክነ በመሰንቆ።
- Psa. 146:8 ዘይገለብቦ ለሰማይ በደመና። ወያስተዴሉ ክረምተ ለምድር። ዘያበቀላ ሣዕረ ውስተ አድባር። ወሐመልማለ ለቅኔ ዕጓለ እመሕያው።
- Psa. 146:9 ዘይውህቦሙ ሲሳዮሙ ለእንስሳ። ወለዕጉላ ቋዓት እለ ይጼውዕዎ።
- Psa. 146:10 ኢይፈቅድ ኀይለ ፈረስ። ወኢይሠምር በአቅያጸ ብእሲ።
- Psa. 146:11 ይሠምር እግዚአብሔር በእለ ይፈርህዎ። ወበኩሎሙ እለ ይትዌከሉ በምሕረቱ።
- Psa. 147:1 ትሴብሐ ኢየሩሳሌም ለእግዚአብሔር። ወሰብሐሊዮ ለአምላክኪ ጽዮን።
- Psa. 147:2 እስመ አጽንዐ መናሥግተ ኅዳትኪ። ወባረኮሙ ለውሉድኪ በውስቴትኪ።
- Psa. 147:3 ወረሰየ ሰላም ለበሐውርትኪ። ወአጽገበኪ ቁቅሐ ሥርናይ።
- Psa. 147:4 ዘይፈኑ ቃሎ ለምድር። ወፍጡነ ይረውጽ ነቢቡ።
- Psa. 147:5 ዘይውህብ በረደ ከመ ፀምር። ወይዘርዎ ለጊሜ ከመ ሐመድ።
- Psa. 147:6 ወያወርድ በረደ ከመ ፍተታት። ወመኑ ይትቃወሞ ለቅሩ።
- Psa. 147:7 ይፈኑ ቃሎ ወይመስዎ። ያነፍሳ መንፈሶ ወያውሕዝ ማያተ።
- Psa. 147:8 ዘነገረ ቃሎ ለያዕቆብ። ፍትሐ ወኩነኔሁ ለእስራኤል።
- Psa. 147:9 ወኢገብረ ከማሁ ለባዕዳን አሕዛብ። ወኢነገሮሙ ፍትሐ።
- Psa. 148:1 ሰብሕዎ ለእግዚአብሔር እምሰማያት። ይሴብሕዎ በአርያም።
- Psa. 148:2 ይሴብሕዎ ኩሎሙ መላእክቲሁ። ይሴብሕዎ ኩሎ ኀይሉ።
- Psa. 148:3 ይሴብሕዎ ፀሐይ ወወርሃ። ይሴብሕዎ ኩሎ ከዋክብት ውብርሃን።
- Psa. 148:4 ይሴብሕዎ ሰማየ ሰማያት። ማይኒ ዘመልዕልተ ሰማያት።
- Psa. 148:5 ይሴብሐ ለስመ እግዚአብሔር። እስመ ውእቱ ይቤ ወኮኑ። ወውእቱ አዘዘ ወተፈጥሩ።
- Psa. 148:6 ወአቀምሙ ለዓለም ወለዓለም ዓለም። ትእዛዝ ወሀቦሙ ወኢኅለፉ።
- Psa. 148:7 ሰብሕዎ ለእግዚአብሔር እምድር። አኪስትኒ ወኩሎ ቀላያት።
- Psa. 148:8 እሳት ወበረድ ወአስሐትያ ወሐመዳ መንፈስ ዐውሎ። ዘይገብር ነቢቡ።
- Psa. 148:9 አድባርኒ ወኩሎ አውግር። ዕፀውኒ ዘይፈሪ ወኩሎ አርዝ።
- Psa. 148:10 አራዊትኒ ወኩሎ እንስሳ። ዘይትሐወስኒ ወአዕዋፍ ዘይሰርር።
- Psa. 148:11 ነገሥተ ምድርኒ ወኩሎ አሕዛብ። መላእክትኒ ወኩሎ መኳንንተ ምድር።
- Psa. 148:12 ወራዙትኒ ወደናግል። ሊቃናትኒ ወመሐዛት።
- Psa. 148:13 ይሴብሐ ለስመ እግዚአብሔር። እስመ ተለዐለ ስሙ ለባሕቲቱ። ይገንዩ ሎቱ በሰማይ ወበምድር።
- Psa. 148:14 ወያሌዕል ቀርነ ሕዝቡ። ወስብሐተ ኩሎ ዳድቃኑ ለደቂቀ እስራኤል ሕዝብ ዘቅሩብ ሎቱ።
- Psa. 149:1 ሰብሕዎ ለእግዚአብሔር ስብሐተ ሐዲስ። ስብሐቲሁ በማኅበረ ዳድቃኑ።
- Psa. 149:2 ይትፌሣክ እስራኤል በፈጣሪሁ። ወደቂቀ ጽዮን ይትሐሠዩ በንጉሥሙ።
- Psa. 149:3 ወይሴብሐ ለስሙ በትፍሥሕት። በከበሮ ወበመዝሙር ይዜምሩ ሎቱ።
- Psa. 149:4 እስመ ሠምረ እግዚአብሔር በሕዝቡ። ወያሌዕሎሙ ለየዋሃን በአድኅኖቱ።
- Psa. 149:5 ይትሜክሐ ዳድቃን በክብሩ። ወይትሐሠዩ በዲበ ምስካቢሆሙ።
- Psa. 149:6 ወያሌዕልዎ ለእግዚአብሔር በጎራዒቶሙ። ሰይፍ ዘክልኤ አፋሁ ውስተ እደቂሁ።
- Psa. 149:7 ከመ ይግበር በቀለ ውስተ አሕዛብ። ወከመ ይዛለፎሙ ለሕዝብ።
- Psa. 149:8 ወከመ ይእስሮሙ ለነገሥቶሙ በመዋቅሕት። ወለክቡራኒሆሙኒ በእደ ሰናስለ ኀጺን።
- Psa. 149:9 ከመ ይግበር ኩነኔ ዘጽሑፍ ላዕሌሆሙ። ክብር ይእቲ ዛቲ ለኩሎ ዳድቃኑ።
- Psa. 150:1 ሰብሕዎ ለእግዚአብሔር በቅዱሳኑ። ሰብሕዎ በጽንዐ ኀይሉ።
- Psa. 150:2 ሰብሕዎ በክሂሎቱ። ሰብሕዎ በከመ ብዝሃ ዕቦዩ።
- Psa. 150:3 ሰብሕዎ በቃለ ቀርን። ሰብሕዎ በመዝሙር ወበመሰንቆ።
- Psa. 150:4 ሰብሕዎ በከበሮ ወበትፍሥሕት። ሰብሕዎ በአውታር ወበእንዚራ።

Psa. 150:5 ሰብሕዎ በጸናጽል ዘሠናይ ቃሉ። ሰብሕዎ በጸናጽል ወበይባቤ።

Psa. 150:6 ኩሉ ነፍስ ይሴብሉ ለእግዚአብሔር።